





NOBILI, GENE-  
ROSO, LITTERIS  
NON MINVS, QVAM  
VIRTVTIBVS ORNATO  
iuueni, Hermannò à Valkenaer,  
Domino in Haec, & Duijcken-  
burch: Domino & Patrono  
suo Michael ab Isselt

S. P. D.

**I**NTER omnia, qua  
ab initio sapientissimus  
ille & potentissimus hu-  
ius vniuersi Architec-  
tus condidit, Nobilis  
& Generose Domine, nihil post An-  
gelos aut dignius homine, aut excel-  
lentius creatum esse, omnium & Chri-  
stianorum, & Ethnicorum est senten-  
tia. De huius creatura dignitate dictu-  
rus B. Chrysostomus, inter cetera sic in-  
quit: Homo est chara possessio Dei: ho-  
mo cuius causa firmatum est caelum, ex-  
tensum mare, fundata est terra super  
aquas: propter quem Sol oritur & in-  
cumbit, Luna crescit, astra micant

(?) 2 uia sur-

*Prontij Rey ad Van Jauiem  
Canatt  
Ex  
Ex vari  
in Matt.  
locis ho  
mil 27.*

## EPISTOLA

tia surgunt. Propter quem diuersa animalia quadrupedia, volatilia, & nantia: propter quem terra producit herbam, & dat cibaria in tempore suo omni animæ. Propter quem montes & colles, valles & campi: propter quem fontes & flumina, stagna & paludes: propter quem tempora & menses & anni: propter quem Angeli & Archangeli, Principatus & Potestates, Throni & Dominationes, Cherubin & Seraphin. Et quid multa loquar? propter quem vnigenitus Filius Dei sanguinem suum fudit, & genus redemit humanum. Insignis profectò laus, & quæ post Angelos nulli potest alij præterquam homini attribui creatura.

2<sup>a</sup> salm. 8.

Minuit enim Dominus hominem paulò minùs ab Angelis, gloria & honore coronauit eum, & constituit eum super opera manuum suarum.

Gen. 3.

Ceterùm cùm homo tanto esset in honore, non intellexit propriam dignitatem & excellentiam: sed diuinitatem ambiens, cùm Deus esse vellet, nec Dei mandato obtemperaret, comparatus est iumentis insipientibus, & si-

sal 48.

milis

## DEDICATORIA.

milis factus est illis. O incredibilis hominis metamorphosis: siccine repente ex optimo pessimus factus es? ab vno extremo ad alterum sine medijs motus esse non solet: at hic nulla inueniuntur media. Per peccatum enim vnius hominis aded totius humani generis massa corrupta est, vt nunc inter omnes creaturas, post Damonem, miserior homine nulla reperiatur. Factus est enim homo natura fragilis, ingenio hebes, consilio improuidus, viribus imbecillis, affectibus præceps, curis anxius, cupiditatibus furens, omnibus denique molestijs, casibus, iniurijs, & morbis obnoxius. Quæ omnia Philosophi considerantes, vitam humanam vt grauissimum tormentum exhorruerunt. Insignis ille Philosophus Anaxagoras, longioris vitæ radio fatigatus, mortem sibi diuturna inedia consciscere voluit: & certè fecisset, nisi Pericles Atheniensis, vt si sibi viuere nolleret, saltem viueret Pericli, rogasset. Sed & Silenus senex à Mida Rege captus, rogatus ab eo, quid esset homini optimi, diu silentium tenuit: Tandem adactus dicere, ait: Optimum esse nun-



## EPISTOLA

quam nasci, proximum quàm ocysimè  
 aboleri. Quare Seneca mihi verissimè  
 dixisse videtur: Nemo vitam acciperet, ait, si daretur scientibus. Siue enim animam inspiciamus hominis, siue corpus, vbique tantam imperfectionum, tantamquè malorum copiam inuenimus, vt Aristoteles hominem definire non dubitauerit, imbecillitatis exemplum, temporis spoliū, fortuna lusum, inconstantie imaginem, inuidie & calamitatis trutinam: reliquum verò pituitam & bilem. Veram, imò verissimam esse hanc Aristotelis descriptionem, multis argumentis ex ipsis humane vite circumstantiis probare possem: ceterum cum alij, vt Innocentius Pontifex tertius, Granatensis noster, & alij plures inter Christianos: Seneca verò inter Ethnicos de miserijs hominum integros aut libros, aut tractatus scripserint, quos & te Generose Domine, aliquando legisse, & adhuc sepe numero legere non dubito, his recensendis supersedebo, ne dedicatorie limites excedam.

Quod si quis interrogauerit, cur ama-

tor ho-

## DEDICATORIA.

tor hominum Deus tot ærumnis eorum vitam voluerit exagitari: multas sanè consilij huius causas deprehendet: inter quas non postrema illa est, quòd hac ratione hominum insolentiam atque superbiam reprimere, & ad humilitatis studium voluit incitare. Sicut enim qui aues domi nutriunt, cùm aliquando eas auolare contigerit, vbi eas iterum ceperint, pennis nudant, vel alas præscindunt, ne earum adminiculo fretæ iterum aufugiant: ita Dominus cùm hominem conditum cælestibus donis, ( quæ initio conditionis suæ multa & præclara acceperat ) elatum vidisset, meritò illum donis suis spoliauit, & velut implumem reliquit: ne diuinorum beneficiorum pennis sese iterum in sublime attolleret.

Ne tamen miseriarum pondus prorsus hominem opprimeret, aut ad animi vel delirium, vel desperationem adigeret, idem benignissimus Deus, qui minutissimis animalculis media contulit, quibus noxia sibi fugerent, & vtilia consequerentur, etiam hominibus remedium, quo tantas ærumnas euadere

## EPISTOLA

queant, reliquit. Sed hinc magna inter  
Ethnicos & Christianos oritur contro-  
uersia. Philosophi namque rati natu-  
ram per se sufficientem esse ad bene,  
beateque viuendum, solam rationem  
constituerunt, qua sibi homo omnibus  
in rebus consuleret: mala omnia pro-  
pulsare, bona omnia sibi posset compa-  
rare. Sed misere hinc seculi huius sapi-  
entes desipuerunt. Ratio enim, præter-  
quam quod per se infirma atque imbe-  
cillis est, frequenter etiam multum ex  
acumine & splendore amittit, quoties  
varijs affectibus & cupiditatibus, ve-  
lut atris quibusdam nebulis, ita obscu-  
ratur, vt magis illis, quàm veritati par-  
eat. Vbi enim cupiditas in homine do-  
minatur, ibi exulat ratio, & caligo  
mentis oculis offunditur. Hinc Philoso-  
phi ipsi sæpe conati sunt rationes exco-  
gitare, quibus id quod amica caro con-  
cupiscebant, licere sibi alijs persuade-  
bant, puram & liquidam veritatem  
impugnantes.

Quàm infirmum in ratione præ-  
sidium ad cætera mala corporis de-  
pellenda positum sit, illud satis argu-  
men-



## DEDICATORIA.

mento est, quod nec potentissimi, nec opulentissimi, nec sapientissimi, nec eloquentissimi huius mundi, in quos opes suas natura effudisse videtur, miseras huius vite effugere potuerunt. Testes sunt Iulius Caesar, Pompeius, Cræsus, Annibal, Alexander Magnus, Salomon, Achitophel, M. Tullius, & alij infiniti, qui præter varias ruinas, casus & pericula in vita perpeffa, omnes ferè aut violenta, aut infelici morte perierunt. Quis igitur aut fortuna, aut natura præsidys ita munitus erit, vt suis viribus tutò fidere audeat, cum nec præstantissimis viris natura indolem, nec felicissimis fortunas suas, nec sapientissimis prudentiam suam tantum videat tribuisse, vt ab omni periculo & casu immunes essent?

Aliud igitur in miserjs & calamitatibus huius seculi, præter rationem, remedium nobis querendum est. Et quod aliud, præter illud, quod ab opti- 2. Par 20.  
mo Rege Iosaphat nobis demonstratur: qui in extremis angustys constitutus, totum spiritum suum contulit

al. 49.

ad rogandum Deum, & dixit: Cùm ignoremus, Domine, quid facere debeamus, hoc solum habemus residui, vt oculos nostros dirigamus ad te? Quibus verbis malorum nostrorum remedium sanctus Rex monstrauit: orationis scilicet vocem, qua Dei misericordiam imploramus. Oratio enim velut legatio quedam est, qua à terris ad cælum transmissa, cuncta mala nostra celesti medico denuntiat, vt periclitantibus opem ferat: quandoquidem ipse eam piè petentibus pollicitus est, cùm ait: Inuoca me in die tribulationis, eruam te, & honorificabis me. Precatio enim ad ea omnia, quibus humana eget natura, commune remedium est: Latissimè namque inter ceteras virtutes eius utilitas patet. Ceteræ namque virtutes aut merendi, aut satisfaciendi vim potissimum habent: quorum illud ad gratiam & gloriam, hoc ad pœnarum remissionem pertinet. Precatio autem non solum merendi, & satisfaciendi, sed etiam impetrandi vim habet: quod illius proprium est. Impetrare autem non solum gratiam respicit: sed

# DEDICATORIA.

cit: sed etiam quicquid diuina mis-  
 ratio dare potest. Vt enim Deus in cor-  
 porali hoc calo quasdam constituit cau-  
 sas particulares, Solem verò tanquam  
 vniuersalem, vt qui illuminat, qui  
 calefacit, qui anni tempora mutat,  
 qui hominem & plantam generat:  
 sic in spiritali calo, quod Ecclesia est,  
 præter diuersa malorum remedia par-  
 ticularia, vnum instituit vniuersale,  
 Orationem scilicet, commune atque  
 præcipuum nostrorum malorum me-  
 dicamentum: ad quam, quasi ad sa-  
 cram anchoram, quoties in calamiti-  
 bus constituti sumus, confugere debe-  
 mus. Hinc sancti viri per orationem  
 non modo gratiam & pœnarum re-  
 missionem consecuti sunt, sed alius sa-  
 pientiam, alius sospitatem, alius diutur-  
 niozem vitam, alius aduersus immanes  
 hostes victoriam, alius orbitatis reme-  
 dium, alius lumen oculorum amissum,  
 alius mortuorum remissionem, alius  
 miraculorum operationem, alius deni-  
 que liberationem ab instantibus malis.  
 Ecce virtute orationis, inquit Augusti-  
 nus, Hieremias confortatur in carcere,

3. Reg. 3

4. Reg. 2

Exod. 1

1. Reg. 1

Tob. 11

4. Reg.



## EPISTOLA

Daniel inter leones exultat, tres pueri in fornace tripudiant: Iob in sterquilinio nudus triumphat: paradysum de cruce latro inuenit: Susanna inter senes defenditur: Stephanus de torrente lapidum in calum suscipitur, & inter lapidantes pro Saulo exauditur.

Cum itaque, Nobilis & Generose Domine, tot calamitatibus hac vita nostra siue corpus, siue animam, siue externa, quæ circa nos sunt, intueamur, exposita sit, aduersus autem hæc omnia vnicum habeamus remedium, orationem: videt N. V. quantopere ea sit necessaria. Si animam conspiciamus, caro semper concupiscit aduersus spiritum, & hinc perpetua virtutum & vitiorum lucta: hanc augent affectus inordinati, & perturbatissimum appetituum regnum. Si corpus, tot affectiones, tot lethales morbi sunt, vt his omnium Medicorum libri pleni sint, & crescentibus quotidie morbis ars ipsa crescat. Si externa consideraremus, quot naufragia, quot bella, quot terræmotus, quot eluiones, quot adi-

ficio-

## DEDICATORIA.

ficiorum ruina, quot venenorum genera, aliaque similia mala, quæ vitæ nostræ insidiantur, (vt de minoribus taceam) in mundo reperiuntur? quibus omnibus diuites nō minùs quàm pauperes, nobiles non minùs quàm ignobiles, principes non minùs quàm subditi (cū omnes ex eadem Adæ massa procreentur) obnoxij sunt. Ad hanc igitur communem orationis anchoram omnes confugiant homines necesse est, siue Rex, siue aliquis ex infima plebe sit: imò quo quis in dignitate sublimior, eo in oratione sit frequentior oportet: pluribus enim occupatur negotijs, quorum singula orationis auxilium requirunt, & pluribus periculis eius vita exponitur, quibus depellendis orationis præsidium est tutissimum. Non ignorauit hoc potentissimus Rex Dauid, qui inter tot regni negotia, tot aulæ curas, tantum domesticorum strepitum, nunquam orationis studium intermisit, sed septies in die laudem dicebat Domino, & media Psal. 118  
nocte surgebat ad constituendum ei: imò semper (vt ipse fatetur) erat laus

## EPISTOLA

icæ 18.

Dei in ore ipsius. Sed quid Dauidem refero? Clarissimum illum Ducem, Scipionem Africanum, legimus nunquam aliquod opus arduum moliri voluisse, quin prius à suo illo Ioue auxilium postularet, vt illi bene verteret, qua de causa multi illum Iouis filium crediderunt. Quod igitur tanti Principes, quorum alter etiam ethnicus fuit, tot circumstrepentibus negotijs secularibus fecerunt, pudor est nos Christianos minùs occupatos facere aut nolle, aut detrectare: præsertim cum præceptum Christi habeamus, quòd semper (id est, vt Patres interpretantur, singulis diebus certis horis) orare debeamus: & quod corporibus sunt nerui, quod piscibus aqua, quod arborum radicibus humor, quod ciuitati murus, quod denique huic visibili mundo Sol est, id ipsum animæ sit oratio, vt Chrysostomus disertissimis verbis in suis de Oratione libellis ostendit.

Sunt qui offenduntur, vel ideo ab orandi studio abhorrent, quòd interdum orationes nostras non exaudit Deus. Ceterum si huius rei causas dili-

genter



## DEDICATORIA.

*genter inspicerent, non hoc eos offende-  
 ret. Interdum enim differt sua dona  
 Deus, vt crescant orantium affectus,  
 & desideria, vt instantius, & maio-  
 ricum feruore orantes maiora & am-  
 pliora accipiant. Aliquando precatio  
 nostra comites suos non habet, sine qui-  
 bus infrugifera & inanis est. Bonæ au-  
 tem orationis comites sunt, mentis at-  
 tentio, humilitas, fiducia, integritas vi-  
 tæ, & perseuerantia: ista si adsint, fie-  
 ri non potest, quin oratio vel tandem  
 exaudiatur, modo audiri expediat. Sunt  
 enim nonnulli, qui ea petunt, quæ non  
 oportet, de quibus ait beatus Iacobus:  
 Petitis, & non accipitis, eò quòd ma-  
 lè petatis: vt in concupiscentijs insu-  
 matis quod sit, cùm ea petimus, quæ  
 non ad salutem animæ, sed ad cupidi-  
 tatum nostrarum fomenta magis per-  
 tinent: vt sunt honores, diuitiæ, vo-  
 luptates, & horum species, quæ cæ-  
 lestis Pater clementer negat, ne no-  
 bis delinquendi materiam præbeat. Sic  
 enim carnis parentes filijs nocitura pe-  
 tentibus piè negant, quæ crudeliter  
 concessissent. De his Augustinus sic ait:*

Iacob. 4

Deus

## EPISTOLA

August.  
Psal.

Deus bonus tibi est, si det quod vis. Quid si male vis? nonne erit tibi magis non dando misericors? Aeger petit multa à medico: non dat medicus. Non exaudit ad voluntatem, vt exaudiat ad salutem. Ergo medicum tuum pone Deum: pete ab eo salutem, & salus tua ipse erit. Si itaque oratio nostra fuerit suis numeris omnibus absoluta: si comites suos habeat adiunctos, si de rebus fuerit nobis vtilibus, omnino exaudiat necesse est. De Tito Imperatore, quem delicias populi Romani solent appellare, legimus, quod in omnibus desiderijs suis obstinatissime tenuit, ne quem sine spe dimitteret: de Galieno verò, quamuis peruersissimo, quod nihil vnquam petenti denegaret: quantò minus Deus, qui bonitate superat omnem creaturam, nobis aliquid petentibus denegabit, cum ipse dicat: Si vos, cum mali sitis, nostis bona data dare filijs vestris: quantò magis Pater vester dabit spiritum bonum petentibus se? Adeamus igitur cum fiducia ad thronum gratiae Dei, vt misericordiam consequamur.

2. II.

or. 4.

CETE-

## DEDICATORIA.

CETERVM cum multi in arte bene precandi minus exercitati sint, Christus celestis Doctor primam nobis orandi formulam tradidit, breuem quidem, sed absolutissimam: vt qua à nullo Christiano, quantumuis rudi, deberet ignorari. Hanc alijs atque alijs interpretantibus, varia preces prodierunt, dum quisque pietatem suam nouis affectibus, nouoque loquendi genere pronuntiauit, peculiaribus precibus singulis rebus & personis accommodatis. Contulit non parum ad hoc studium amplificandum nostra etate Ludouicus Granatensis, Hispanus, Ordinis Dominicani Monachus: qui diuinis suis, quos de rebus spiritualibus edidit, libellis sparsim multas inseruit orationes, prolixiores quidem, sed pijs affectionibus plenas. Quae cum multis probarentur, varij à me typographi contenderunt, vt eas ex omnibus auctoris opusculis, pridem à me translatis, corraderem, atque libello quodam separato excudi curarem. Quod onus antequam suscipere volui, ante omnia de ordine in his precibus seruando serio deliberaui, vt sin-



## EPISTOLA

gula preces suis locis, quasi certis sedibus continerentur: quod à paucis Neotericis obseruatum vidi: cum tamen preces sine vlllo ordine congestæ, lectorem facile conturbent. Placuit ante omnes R. D. Simon Verrepæus, qui hac in re ceteris antecellere videtur, quod pulcherrimum ordinem secutus est. Hunc dum nobis imitandum proponimus, nonnulla detrabere, addere quedam, & quedam capita primaria transponere coacti sumus. Inuenimus enim apud Granatensem quasdam orationes, quæ peculiare caput exigebant: quoddam caput apud Verrepæum, cui nulla orationum Granatensis potuit accommodari. Sed & hanc difficultatem inuenimus, quod plurimis rebus necessarijs accommodatas preces Granatensis nobis non suppeditaret: quare eas aut ex alijs probatissimis auctoris eligere, aut ipsi nouas facere, suisque locis accommodare debuimus. id vbiq; diligenter cauentes, ne à D. Verrepæo positas repeteremus, aut vulgares preces, sed selectissimas quasque lectori traderemus.

PRO-

## DEDICATORIA.

PROPERABAT iam libellus hic  
 ad finem, & patronum sibi aliquem  
 postulabat, sub cuius auspicijs in lu-  
 cem prodiret. Obtulit sese Nobilitas  
 tua, Generose Domine, cum alias ob  
 causas, tum maximè ob eximiam pie-  
 tatem, quæ in vtraque familia tua, pa-  
 terna ac materna, iam à multis secu-  
 lis mirum in modum eluxit: quod plu-  
 rima in templis ac locis sacris relictæ  
 patrum monumenta testantur. Id de  
 VALCKENARIIS testabuntur  
 Vlraiectensium ij, quorum adhuc re-  
 cens est memoria earum rerum, quæ  
 ante Iconoclastarum exitiosam cla-  
 dem passim in templis extiterunt. Nam  
 vt BOETBERGII apud Neoma-  
 genses summo semper in honore fue-  
 runt: sic apud Vlraiectenses illi: &  
 apud vtramque gentem vtriusque fa-  
 miliaë grauißima patrum adhuc extat  
 memoria. Horum pietatem, eximias-  
 quæ virtutes tantum abest, vt tu ob-  
 scures, quòd etiam ob singulares ani-  
 mi dotes, ingenijquæ dexteritatem, in-  
 dies magis magisque illustres: & ma-  
 ximam maximarum rerum spem (si

hæc

## EPISTOLA

hæc ætas ad senilem grauitatem, atque prudentiam peruenerit ) Christiana Republic. de te præbeas: ea enim in te iacta sunt fundamenta, quæ nobilem & absolutam nobis structuram promittunt: eas diuitias opum largitor Deus tibi contulit, illud dedit ingenium, eamque generis inter Gelros auctoritatem, ut possis: illam etiam pietatem ac bonitatem, ut velis quàm plurimis, atque adeò toti patriæ prodesse. Tantùm id caue, ne in tam sublimi positus felicitatis fastigio, quæ ad virtutes sectandas data sunt adiumenta, vitiorum (quod in multis vidimus) fiant instrumenta: ætas enim illa multis periculis est exposita, quæ occasionebus sæpe fiunt maiora: & nauis vento secundo, si vehementius flauerit, facile subuertitur. Sed his malis medebitur optima disciplina, quam generosa Nobilitas tua vnà cum litteris ab optimis præceptoribus traditam imbibit: quæ si impietate conditur, omnia pericula fient leuiora: ea enim, Apostolo teste, Utilis est ad omnia. Per illam reges regnant, & legum conditores iusta de-

cer-



## DEDICATORIA.

cernunt. Per illam principes imperant,  
 & potentes decernunt iustitiam. Cum  
 ea sunt diuitiæ & gloria, opes super-  
 ba & iustitia. Sine ea non modò flo-  
 rentissimæ familiæ, sed integra regna  
 non rarò pereunt, & euertuntur. Mag-  
 num ad pietatem adfert adiumentum  
 oratio, qua pietas impetratur, impe-  
 trata augetur, & aucta quasi in na-  
 turam transit. Oratio igitur ab ore tuo  
 non recedat, sed illam fac tibi fami-  
 liarem, & in ea iuuenilem, sed ge-  
 nerosam, mentem tuam quotidie exer-  
 cere ne pigeat. Cuius rei perficienda vt  
 N. T. maiorem habeat commoditatem,  
 has nostras Preces, omnibus rebus ac-  
 commodatas, sub tuo nomine prodire  
 volui: nec tu dedicationem hanc ali-  
 ter accipies, quàm amoris inter nos  
 mutui pignus. Deus Opt. Ter. Maxi-  
 mus Nobilitatem Tuam nobis quàm  
 diutissimè seruet incolumem. Nouio-  
 magi Gelrorum, ipsis Nonis Septem-  
 bris, Anno post Christum  
 natum 1589.

*AD LECTOREM*  
*De Collectoris consilio, & usu*  
*harum precationum.*

**R**odit iam tandem,  
candide Lector, Para-  
disus precum, Ludo-  
uici Granatensis, &  
multis diu desidera-  
tus. Eum ad maiorem tuam utili-  
tatem in 17. capita primaria distin-  
ximus: vt semper sine vlla difficul-  
tate inuenias, quod orare velis. Hoc  
enim vnice curauimus, vt orare  
volenti nulla, quę in preces nostras  
venit, defit materia. Et quia Gra-  
natensis de omnibus his peculiaries  
preces non habebat, multas ex alijs  
probatissimis auctoribus seligere  
debuimus. Auctorum nomina ad  
marginem adiecimus, ex quibus  
singulę desumptę sunt. Sed & si  
apud auctores illos etiam oratio-  
nes materię congruentes non in-  
uenerimus, eas ipsi nouas fecimus,  
& sub nomine Collectoris posui-  
mus. Hoc autem sæpe obseruabis

Lector,

## AD LECTOREM.

Lector, non semper integras, aut verbotenus orationes vel Grana-  
tensis, vel aliorum auctorum à no-  
bis poni, sed subinde ijs aliquid vel  
detrahi, vel addi, aut in ijs aliquid  
mutari, prout tempori aut rei pro-  
positę expedire videbatur. Quibus-  
dam etiam capitibus præfationes,  
rectum istarum precum vsum ex-  
plicantes, præmisimus: & subinde  
pias admonitiones inter ipsas pre-  
ces inseruimus.

Porro omnium capitum vsum  
cuique facile manifestus erit: cum  
vnumquodque suis rebus, perso-  
nis, aut temporibus sit accommo-  
datum: exceptis meditationibus  
Orationis Dominicę, capitibus et-  
iam 7. 9. 10. quorum singula in sep-  
tem meditationes, orationes, aut  
gratiarum actiones distribuimus.  
Ne autem tædium eadem semper  
orandi tibi subrepat, ex omnibus  
his capitibus singulis diebus vnam  
orationem aut meditationem de-  
sumere potes. Hoc modo singulis  
septimanis semel orationē Domi-  
nicam,



# AD LECTOREM.


nicam, & totam Christi vitam per-  
cures: semel Deo pro omnibus  
eius beneficijs gratias ages, & quo-  
tidie (vt oportet) pro amore Dei  
(in quo nostra consistit perfectio)  
Deum precaberis. Obseruandum  
etiam in capite secundo, nostram  
fuisse intentionem, vt istud suffi-  
ceret solenni Missæ, quæ canitur.  
Quodd si prolixius sit pro priuata  
Missâ, quædam orationes possunt  
omitti. Illustrauimus nunc Ludo-  
uicum Granatensem quantum po-  
tuimus: tu Lector eo nunc vttere, &  
pro laboribus meis id quæso à te  
præmij feram, vt pro me infeli-  
ci peccatore Deum ores, meque  
precibus tuis illi com-  
mendes.

V A L E.



PRAE-

PRAEFATIO IN ORATIONEM DOMINICAM.

 *Vm quid petendum, aut quomodo orandum sit, ex nobis ipsis nesciamus, Seruator noster, pro sua bonitate, nobis formulam orandi tradidit, quam si seruemus, non est periculum, ne ab ipso audiamus; Nescitis quid petatis. Breuis autem hac est formula; sed absoluta, & mysterijs referta. Cum enim omnibus velut regula exhibeatur, oportebat esse breuem, ut capi & retineri posset à pueris, à senibus, ab aegrotis, à mulierculis, ab occupatis, à rudibus, ab obliuiosis, ab ignauis. Nihilominus absoluta est; cum nihil peti possit aut debeat à Deo, quod paucis istis verbis non contineatur.*

Rom. 8.

Matt. 20.

*Petimus hic bona omnia tam spiritua-  
lia, quàm corporalia: deprecamur etiam  
mala omnia: illa quatuor petitionibus  
prioribus, hæc tribus posterioribus. Porro  
cum qui rogat bona cum spe & fiducia,  
quod exoraturus sit, rogare debeat, nec  
quod illam in nobis generat omissum est.  
Nascitur enim fiducia ex consideratione  
duarum rerum; quod is à quo aliquid ex-  
pectamus & potest facere, & vult. Vo-*

*luntas in paternitate declaratur; potentia in sede caelesti. Magnam igitur fiduciam concipiamus necesse est, cum dicimus; Pater noster, qui es in caelis. Singula itaque particulae, singula sunt expendenda verba, atque adeo litterula ipsa & apices. Reserta sunt mysteriorum omnia, sicuti & ipse, & vita eius, omnesque eius actiones qui distavit.*

*Plurima sunt de explicatione orationis huius à sanctis viris, à magnis ingenijs perscripta, nec tamen varietatem & multitudinem sensorum poterunt exhaustire. Pulcherrimam, & pijs affectibus plenam explicationem in hanc orationem ante paucos annos scripsit Ludovicus Granatensis, quam ex suo Memoriali vita Christiana, mutatis paucis, additis & detractis quodque nonnullis, prout nostro instituto convenire videbatur, desumptam huic libello prefiximus; rati omnino nullas in lucem preces prodire debere, quae non ab hac salutari & planè diuina, utpote ab ipsa Dei sapientia praescripta oratione felix, faustumque sumerent auspiciū.*





DEVOTISSIMA,  
PIISQUE AFFECTI-  
BUS PLENA ORATIONIS

Dominicæ expositio, in septem  
Meditationes, seu orationes  
distributa.

MEDITATIO I.

*Pater noster, qui es in cælis.*

**D**OMINE quis in nubibus  
æquabitur tibi, similis erit  
Deo in filiis Dei? Confiten-  
tur namque cæli mirabilia  
tua, & terra videns opera  
manuum tuarum obstupescit. Quia facis  
magna, & incomprehensibilia & mirabi-  
lia, quorum non est numerus. Ea namque  
facis opera, quibus omnis humana laus  
est inferior, quæ nullius hominis elo-  
quentia potest enuntiare, nullius intel-  
lectus comprehendere. Nec mirum. Ere-  
nim par erat, ut opera tua natura quan-  
dam haberent proportionem. Cum igitur  
natura tua sis omnipotens, immen-  
sus, incircumscrip- tus, incomprehen-  
sibilis, infinitus; quid mirum, si illa fa-  
cias opera, quæ si quis curiosus scrutari  
velit, stet attonitus, & à mentis suæ statu  
dimoveatur?

Mirentur alij, ô Domine, quod pu-  
gillo aquas metiris; quod cælos palma

Ex libro  
septimo  
Memor-  
ialis Gr-  
natenfi  
Psal. 88.

Iob 9.

Esa. 40.

sal. 144.

ponderas, quod tribus digitis molem terræ appendis, librasque in pondere montes, & colles in statera. Mirentur inquam, alij opera creationis, quorum non est apud homines aut numerus aut ratio, aut intellectus: ego misericordiæ tuæ opera contemplantur, & admirabor: misericordia namque tua super omnia opera tua.

salat. 4.

latth. 6.

an. 20.

eb. 2.

Horum operum primum & principale, est mysterium incarnationis vnigeniti filij tui, quem ante constitutionem mundi prædestinatum, cum temporis plenitudo venisset, e summo cælo, atque adeo è sinu tuo in hoc mundi exilium demisisti, vt ex carne nostra, & ossibus nostris corpus sibi formaret; nostram naturam assumeret, frater noster secundum humanitatem fieret, atque nos suos fratres, non quidem natura, sed adoptione faceret. Mysterium igitur incarnationis semper ego venerabor, semper prædico, semper adorabo: per illud enim mihi beneficium collatum est, quo magnificentius nec in cælo, nec in terra posset à te postulari: vt ego scilicet filius tuus, & tu meus pater esses. Huius rei fidem mihi fecit filius tuus Christus IESVS Dominus noster, qui in vniuerso Euangelij sui contextu te patrem nostrum appellauit. Quam ob causam nec filius tuus confunditur fratres nos appellare, dicens; Nuntiabo nomen tuum fratribus meis.

Mirabatur Dauid bonitatem tuam, qua

in cum

in eum utebaris, & dignitatem ad quam illum euexeras, stuporeque plenus exclamabat; Quis ego sum Domine Deus, & quæ domus mea, quia adduxisti me huc vsque? exiguum tamē erat, quod ille mirabatur, si cum eo, quod mihi in hac adoptione donasti, conferatur Regem illum vnus prouinciæ in mundo feceras, & filios eius hæredes regni fore promiseras: me autem filium Regis Regum; & Domini Dominantium, cui cælum & terra parent, effecisti, nec filium tantum, sed etiam hæredem omnium regnorum tuorum instituisti.

2. Reg 7.

Cæterum cū in hoc mundo multi sint tituli bonorum potius, quā rei, quorum nomini effectus non responderet, tuque Dominus tam excelsus sis & potens, ego tam vilis & infirmus, dubitare merito possem, anne Patris illud & filij nomen, quibus te & nos dignatus es, honoris potius tituli sint, quā rei nisi filius tuus addidisset; Patrem nolite vobis vocare super terram: vnus est enim pater vester, qui in cælis est, significans tantam esse prouidentiam & curam tuam erga nos tantum esse amorem, quo nos complecteris, tot & tanta beneficia, quibus nos oneras, vt si cum ijs conferatur, quidquid filiis à parentibus terrenis fieri potest, ipsi ne parentum quidem nomine digni sint: Quis enim pater filiis suis tot tantaque bona præparauit? quis filios suos ad tantos ho-

Matt. 23.



nones vnquam euexit? quis vnquam  
 tantos thesauros, tot laboribus & dolo-  
 ribus filiis suis cumulauit, quantos tu  
 nobis vnigeniti filij tui pretioso san-  
 guine mercatus es? tu nos captiuos re-  
 demisti, & ad supremam cæli gloriam  
 prædestinasti, ad quàm morte vnigeni-  
 ti tui nobis aditum patefecisti. Dicam  
 igitur Domine cum Dauide; Pater meus  
 & mater mea dereliquerunt me: Domi-  
 nus autem assumpsit me. Non vocabo  
 mihi patrem super terram, sed dicam  
 cum Esaia; Tu Domine pater noster es,  
 & Abraham nesciuit nos, & Israel non  
 cognouit nos. Certus enim sum, quòd  
 non derelinques me: tu enim dixisti;  
 Nunquid obliuisci potest mulier infan-  
 tem suum, vt non misereatur filio vteri  
 sui? sed & si illa oblita fuerit, ego tamen  
 non obliuiscar tui. Ecce in manibus meis  
 descripsi te, & muri tui coram oculis  
 meis semper.

Cum igitur tanta, tamque ineffabilis  
 sit hæc tua misericordia Dōmine, non  
 dubitauit filius tuus fiduciam in nobis  
 duplicare, & licentiam dare, imò præci-  
 pere nobis, vt in posterum orantes dica-  
 mus apud te, *Pater noster, qui es in celis*. O  
 Regale verbum, o verbum dulce, verbum  
 plenum deuotionis & consolationis in-  
 æstimabilis. Quis vnquam, o Domine  
 mi, ausus fuisset te Patrem appellare,  
 nisi vnigenitus Filius tuus, qui est in si-  
 nu tuo, hanc nobis licentiam, & hoc pri-

uile-

sal 26.

sa. 63.

sa. 49.

in. i.

uilegium dedisset? Quis enim es tu Deus meus, & quis sum ego, vt te patrem audeam nuncupare: Tu es quies, & ego sum qui non sum: imò vniuersa hæc mundi machina in tuo conspectu quasi stilla situlæ, & quasi momentum stateræ est reputata.

Quid igitur magis admirandum, & quæ copiosior esse potest misericordia, quam quòd tu Deus infinitè Maiestatis, Rex Regum, Dominus Dominantium, Sanctus Sanctorum, Deus Deorum: tu Deus Angelorum gloria, & Sanctorum gaudium meus Pater esse voluisti, & me in filium tuum adoptare, qui nihil sum aliud, quàm immundum quoddam sterquilinium, vilis & contemptus vermiculus, creatura foetore & horrore plena? O admirabilem pietatem, ô longitudinem, latitudinem, altitudinem & profunditatem diuinæ charitatis & bonitatis.

*Pater noster.* Ecquod mel vnquam inuentum est tam dulce, tam suaue nectar, tam odoriferum balsamum, quàm verbum hoc? Quid? ergone te Creator mi Patrem meum appellabo? Tantane in me erit fiducia, vt audeam te hoc nomine interpellare? O inestimabile gaudiū, ô dulcedo ineffabilis. Quid amplius facere potuisti tu Domine, & ego quid amplius optare? quid pretiosius desiderare potuissem, quàm te Deum meum habere Patrem? Euge quàm bene intellexit

1. Ioan. 3.

huius gratiæ magnitudinem Euangelista cum diceret; Videtis qualem charitatem nobis dedit Pater, vt filij Dei nominemur & simus: quasi diceret; non fuit tibi satis dedisse nobis nomen & titulum filij, nisi etiam dares nos esse veros filios, & filiorum nobis dignitatem atque prærogatiuam donares, vt effemus certi, te Patrem nostrum esse: cum non inueniatur pater sine filio, nec filius sine patre: ita vt nos deinceps tu Deus Pater habeas pro tuis filijs, & filius tuus pro suis fratribus, & Spiritus S. pro suis templis atque viujs sacrarijs Quæ gloria magnificentior? quæ dignitas esse potest angustior?

Vetus est prouerbum, Dulcis odor lucri de re qualibet, & sanè, non est quicquam in mundo gratius aut suauius utilitate: solet enim omne opus fieri tolerabile, cum præmium eius cogitatur, & spes præmij solatium est laboris. Sed omne lucrum, omnem utilitatem, omne præmium longè superat, Deum habere patrem, non tantum nomine, sed effectum etiam & re. Quid igitur in mundo dulcius? quid suauius: quid delectabilius hoc nomine Patris potest excogitari? Vox illa vulnerat cor, commouet interiora viscera, confortat spiritum, exhilarat animam, aperit clausos lachrymarum fontes.

*Pater noster*: O verbum compendiosum, ô verbum abbreviatum quod fecit

Domi-



Dominus super terram. Clamat Aposto-  
 lus, se nihil scire, præter Christum, &  
 hunc crucifixum: nec malè; in eo nam-  
 que mysterio comprehenduntur omnes  
 scientiæ ad salutem necessariæ. Et ego  
 Domine aliud nil scire cupio, quàm te  
 Patrem meum; discere nil aliud volo,  
 quàm quæ sit vis gratissimæ illius vo-  
 culæ, *Pater noster*. In hac sententia stu-  
 dere, in ea philosophari, in ea die ac  
 nocte volo meditari. huius enim vnus  
 vocis scientia ad omnia mihi sufficit.  
 Vt enim homo propterea microcosmus,  
 hoc est, mundus minor appellatur, quia  
 in illo solo inuenitur, quidquid in vni-  
 uersa mundi machina spectatur à te cre-  
 atum: sic & scientia horum verborum fe-  
 rax, & compendiosa dici potest, cum in  
 ea breuiter comprehendatur, quidquid  
 per vniuersum scripturæ corpus diffu-  
 sum est. Tota namque scriptura com-  
 modè in duas partes diuidi potest, sub  
 quarum vna petitiones, altera promif-  
 siones continentur: in hoc enim tota  
 occupatur, vt petat ab homine reddi,  
 quod Deo debetur, & facienti hoc, omne  
 bonum vicissim pollicetur. Vna igitur  
 parte scriptura docet quid tibi. Domi-  
 ne, debemus; & altera, quid à te ex-  
 pectamus. Sed quæ promissio dari potest,  
 quæ non comprehenditur sub nomine  
 Patris; & quæ obedientia, quæ sub vo-  
 ce filij non continetur? Quæ igitur bo-  
 na, quam sollicitudinem, curam, pro-

uidentiam & gratiam non sperabo ab illo, qui verè pater meus est?

Si enim Pater meus sis, omnino naturæ & rationi conueniens est, vt me ames, mihi necessaria tribuas, me dirigas, me iuues, me defendas, me in pretio habeas, mihi consulas, me doceas, me hæredem instituas, me (cùm opus erit) vt pater castiges. Quis enim filius quem pater non castigat? Viuere igitur sub tali patris tutela & prouidentia, conditio est suaui, seruitus libera, custodia securo, timor lætus, castigatio mollis, paupertas opulenta, possessio diues. Patris enim est omnes sollicitudines, curas & labores in se suscipere, & fructum eorum cum filio diuidere.

Porro si tu Pater Deus sis omnipotens, omniumque rerum creatarum Dominus, quid mihi deesse poterit, si talem patrem habeam? scio enim quòd filij partem habent in patris possessione. Quæ tribulatio, quæ angustia, quæ fames, quæ nuditas, quod periculum animum meum turbare poterit, si te Deum meum Patrem habeam? Si inimici me persequantur, tu me defendes; si bonis me temporalibus exuant, tu mihi vitæ reddes necessaria; si aliquo in dubio verſer, tu me docebis; si ambulauero in tenebris & in ymbra mortis, tu mihi dux eris; si contra me testimonium falsum dicatur, tu pro me respondebis; si insurgant aduersum me castra, non timebo.

quia

quia tu pater mecum es. Quæ itaque gloria maior? quis honos sublimior? quæ misericordia esse poterit vberior? Prima dignitas quæ in rerum natura inuenitur, est, esse filium Dei per naturam; secunda verò, eiusdem filium esse per gratiam, & quia impossibile erat alios præter vnum esse filium Dei naturalem, ad secundam nos dignitatem euexisti, faciens nos filios tuos per gratiam; cui beneficentiæ quid amplius addi posset ignoro.

Videmus igitur, ô benignissime Domine, promissiones tuas omnes simul iunctas in hac vna voce Patris reperiri: imò plura eadem significari, quàm vniuerso scripturæ contextu comprehenditur. Multo enim maius est, quòd tu Deus Pater noster esse dignatus es, quàm reliqua omnia, quæ absque hoc vno promittere nobis potuisti. Cum enim tu sis Pater noster, & nos tui filij, omnium bonorum tuorum sumus participes, omniumque diuitiarum tuarum simul cum vnigenito & naturali filio tuo sumus coheredes.

Præterea vox illa Patris non tantum docet, quid mihi sperandum, sed etiam quid mihi faciendum est. Si tu enim Pater meus verè sis, ego vicissim ero verè tuus filius, & quid hinc sequitur, nisi me obstrictum esse ad opera filij facienda: nam si à te officium boni patris expectem, æquum est, vt ego vicissim boni



filij officium faciam. Quid igitur mihi incumbit ô pie Pater? vt te tanquam patrem diligam. tanquam patrem colam, tanquam patrem timeam, tanquam patri obediam: vt ad te tanquam ad benignissimum patrem in omni mea tribulatione recurram: in te, vt in patre fidelissimo spem omnem meam collocem. Muneris adhæc mei est honorem tuum zelare, vbicunque & quandocunque potero: eundem promouere, puro amore, puraque intentione tibi velut patri seruire, me totum in manus tuas, tanquam in manus optimi patris, commendare: omnes castigationes & correctiones tuas, quasi à carissimo patre missas patienter, & cum gaudio sustinere.

Denique omnes meas sollicitudines & curas in te. vt in charissimum patrem conijcere. Omnia hæc nomen filij à me requirit, & quoties te patrem appello, toties horum omnium me debitorem agnosco. Quidquid igitur præcipis, quidquid in vniuersa scriptura promittis, in vna voce Patris concluditur. Valeat igitur Plato, valeat Aristoteles, valeat omnis humana Philosophia, valeat denique infinita librorum multitudo, in hoc vno vocabulo Patris verbum habeo abbreviatum, & doctrinam compendiosam, in qua vna toto vitæ tempore studere & meditari est animus.

*Noster.*

Erunt autem hæc manifestiora, si secundum verbum primo iungamus, dicentes, *Pater noster*. Non enim voluit vnigenitus filius tuus, vt diceremus; *Pater mi*, neque in tota hac oratione meum aut tuum inuenitur, sed *noster*, *nostrum*, nobis, & nos. Voluit enim omnibus hominibus dignitatis huius gloriam esse communem, vt omnes essemus per gratiam, quod ille est per naturam. Cum itaque dicimus *Pater noster*, disertis verbis fatemur omnes nos esse fratres, tanquam vnus, eiusdemque Patris filios: debemus igitur singulos vt fratres, & te, vt vniuersalem omnium patrem, diligere. In his itaque duobus verbis monemur amoris Dei & proximi, quo duplici amore lex & Prophetæ consistunt. Quæ igitur doctrina posset esse sublimior, vtilior, vberior, & tamen compendiosior, cum duobus vocabulis apertissimè doceat, quidquid scire ad salutem esse necessarium?

Denique non tantum me docent hæc verba, quid scire, quid facere, quid sperare deo: sed viam mihi quoque ad poenitentiam sternunt, portamque spei, peccatis meis mihi occlusam, aperiunt. Non enim desperabo. non despondebo animum, fiduciam & spem non abijciam, etiam si grauissime peccauero, si te Deum habeam Patrem, quem Aposto-

.Cor. I.

Luc. 15.

lus tuus Patrem misericordiarum, & Deum totius consolationis appellauit: sed potius exemplum filij prodigi imitabor, reuertar ad te Patrem meum eadem cum verecundia, eodemque cum animi affectu, quo ille reuersus est, & dicam; Pater mi, peccaui in te, & in cælū ipsum, non sum iam dignus vocari filius tuus: fac me sicut vnum de mercenarijs tuis. Licet enim ego dignitatem filij amiserim; tutamen, ô Domine, pietatem & beneuolentiam Patris non amisisti. Hæc ex intimo corde si dixerō, antequam orationem meam absoluerō, spero quod aderis, occurrēs mihi, cadensque super collum meum, me osculo pacis osculaberis. Hæc de visceribus Patris mei mihi spes est, id omni studio aget, ne pereat filius suus: & si perierit, reuocabit illum; imò si opus fuerit, ad se trahet. Si auis pullum suum nido excidisse & periclitari viderit, non quiescit priusquam in nidum reduxerit: sed & si bestiam accedere conspiciat, circumuolitat, rostro tuetur, alis defendit, donec pullum suum liberauerit: sic & tu Pater cælestis de salute mea sollicitus es; mederis meis infirmitatibus, sanas mea vulnera, & feras bestias, hoc est, eadæmones persequeris, filiosque tuos ad nidum, & ad gremium tuum reducis: etsi offensus sis, iniuriarum tamen obliuisceris, nec quiescis, priusquam filij tui ad pœnitentiam reuertantur. Huc accedit, quod non

cessas



& cessas eos iugiter admonere, ijs tanquam  
 pater consulere, & si errauerint, in  
 viam salutis reducere. Si quis lucem diei  
 videre cupiat, non accendit lucernam, vt  
 quærat eam: ipsa enim lux quærenti se  
 offert, & in oculos eius influit: sic qui-  
 cunque vult oculos suos in cælum leua-  
 re, & te Patrem intueri, non est quod ex-  
 ternum lumen adferat, sed in lumine tuo  
 te lumen videbit, nec deerit cuiquam pe-  
 tenti serena lux tua, quæ se communicat  
 omnibus.

Psal. 35.

*Quies in calis.*

O cæli terræque Conditor, diffusa est  
 gratia in labijs tuis; ideo dulciora sunt e-  
 loquia tua super mel & fauum: nectare &  
 ambrosia dulciora sunt verba, quæ præce-  
 dunt, nec minus dulcia sunt, quæ imme-  
 diatè sequuntur: copiosa sunt illa, & ta-  
 men succincta; sed nec minus copiosa  
 sunt hæc, nec minus succincta. Si enim  
 tu Domine, qui Deus meus, pater meus,  
 hæreditas mea es, in cælis habites, quid  
 mihi cum terra? si thesaurus meus sit in  
 cælis, quid quæro super terram? Si tu pa-  
 ter meus sis in cælis, ego filius tuus quid  
 hic in mundo sum, nisi hospes & pere-  
 grinus? manentem ciuitatem in terris  
 non habeo, sed quasi extorris solum ver-  
 teas veram patriam meam quæro, ad pa-  
 triam meam gemens aspiro.

Psal. 18.

Sicut peregrinus qui ad patriam festi-  
 nat, nullis grauatur sarcinis, sed solum

corpus secum fert: omnes eius curę & sollicitudines de patria sunt, vbi domicilium & habitatio eius est: sic ego Domine qui peregrinus sum, cur non excussis omnibus huius vitę curis & sollicitudinibus, cor & omnes cogitationes meas ad te dirigo, quamdiu à te disiungor? cur nõ festinus ad te propero?

*Qui es in cælis.* Verbum hoc spem meam corroborat, & securiorem meam reddit absentiam. Etenim si tu Pater meus in cælis sis, ius in eisdem cælos habeo: pedem iam alterum in isto diuersorio iam dudum collocaui, cum tu in illo habites, & verus illius sis paterfamilias. Vbi habitabunt filij, nisi vbi Pater eorum habitat: vbi erunt membra, nisi vbi caput est: vbi congregabuntur aquilę, nisi vbi corpus reperitur? An tu Pater vnquam denegabis ei domum, cui titulum filij & hæredis non denegasti?

*Qui es in cælis.* Verbum hoc magnificat animam meam, & super omnia quę creata sunt extollit. Quę namque maior animi satietas, quę dignitas sublimior, quę gloria possit optari magnificentior, quam habitare in terris, & Patrem habere in cælis, qui Rex est cæli & terrę, cuius beneficio nos etiam cęlorum Reges constituimur? O vos omnes qui gloriam & honores ambitis, quid quæritis hæc in fumo qui subito euanescit, & in puluere quem proijcit ventus à facie terrę: Cur contemnitis honorem qui

vltro vobis offertur, vt sitis filij Regis  
 cælestis, & gloriam huius seculi, quæ fu-  
 git insequentes, tam multo sudore quæ-  
 ritis? Aut igitur Christianos esse vos  
 ostendite, & diuinos honores vltro ob-  
 latos suscipite: aut si hos negligatis, &  
 vanos huius seculi honores tantis cum  
 difficultatibus quærere pergatis, profe-  
 ctò Christiani non estis. Psal. 31.  
 Lætamini in Domino & exultate iusti, & gloriamini  
 omnes recti corde, quia pretiosissimum  
 pignus vobis in cælo repositum est, &  
 cæli Deum Patrem habetis Assumam, ô  
 Domine mi, pennas vt aquila, derelin-  
 quam ima hæc, terrenarum opum sor-  
 des deferam, & in cælum ad te subuo-  
 labo: qui namque possem magni face-  
 re quæ sunt in terris, cum institutus sim  
 hæres omnium eorum, quæ sunt in cæ-  
 lis? quomodo potero me conuertere ad  
 brutas & immundas huius mundi volu-  
 ptates, terrenasque & momentaneas  
 mundi diuitias, qui beneficio patris mei  
 omnium cælestium opum atque regno-  
 rum possessor effectus sum? Id profectò  
 gloriæ meæ non leuem aspergeret ma-  
 culam; sed & turpius atque ignominio-  
 sum magis mihi esset, quam si Regis ali-  
 cuius filius equilia purgaret, aut strigil-  
 lando victum mendicaret.

Sed miser adhuc sum, & in calamita-  
 tibus multis adhuc viuo. differtur hæc  
 spes, & nondum apparet quid ero. an  
 igitur inanis sit hæc mea gloriatio? ne-



quaquam. Si primogenitus Regis, licet possessionem regni nondum adeptus est, propter ius tamen quod in regnum patrum habet, haut aliter quam Rex ipse habeatur: ego qui simile ius ex adoptione & promissione Dei viui, non ad perituum & mundanum, sed ad æternum & cæleste regnum habeo, cur me diuitem & felicem non dicam? cur de Regis nomine non gloriabor? Etsi enim hæc spes differatur, tu tamen Deus verus es in promissionibus tuis; & fœdus tuum quod pepigisti nobiscum non facies irritum: sed absterges omnem lachrymam ab oculis nostris, & sedere nos tecum facies in throno tuo, regnabimusque tecum in secula seculorum, Amen.

Apoca 5.  
7. & 22.

## MEDITATIO II.

*Sanctificetur nomen tuum.*

**I**gitur, ô benignissime Pater noster, cum omnia quæ sub cælo sunt, in vsum nostrum creaueris, nos autem in vsum (etsi bonorum nostrorum non egeas) tuum, vt scilicet tibi seruiamus, te laudemus, sic viuamus, vt nomen tuum vbique glorificetur; pulcherrimo quodam ordine quod summum est, id primò petendum esse, nos tuus docuit Filius: vt scilicet orantes dicamus; *Sanctificetur nomen tuum.* Etenim si iam in filium tuum adoptatus sim, quid mihi magis faciendum incumbit, quam vt

Psal. 15.

sancti

sancti nominis tui gloriam vbique & semper promoueam : victoriam regni tui optem ? & obseruantiam tuæ voluntatis omnibus rebus anteponam ? Accepta namque filij noua dignitate, quid restat, nisi vt ad possessionem illius procedam, quæque filio conueniunt, ea cum amore & timore, quantum datur, exequar?

Quemadmodum enim homo nuper Rex, Antistes, aut alterius dignitatis Prælatu electione creatus, mox dignitatis illius possessionem capit, & ea quæ ad officium suum pertinere videntur, incipit cogitare: sic ego, Domine, gratia, nouæ huius dignitatis accepta, ad ipsius possessionem aspiro: quæ officij illius sunt meditor, paratus omnia facere, omniaque velle, quæ tanti Patris filium decent: hoc est, vt nomen tuum sanctificetur, & gloria regni tui in omni tribu, & lingua, & populo fiat manifesta; vt Maiestas tua ab vniuerso mundo adoretur & glorificetur. Dum enim, vt hæc fiant, quantum in me est, laboro atque desidero, quid aliud ago, quàm quod propriæ studeo laudi atque vtilitati? Gloria namque patris est & gloria filij, vt quidam tuorum amicorum ait.

Prou 17.

Porro cùm natura sic comparatum sit, vt bonus filius amet patrem; amoris verò proprium sit, amantem in rem amatam transformare, adeo vt qui amat, iam quasi sui oblitus non minus quærat, ap-

petat.

petat, & concupiscat ea, quæ illius sunt, quem amat; quàm quæ propria sunt: quid ego Domine totus in te per amorem transfusus aliud velle, aut desiderare possem, aut debeam, quàm quod tu ipse vis & desideras? Et quid tu maiorem desiderio quæris, quàm nominis tui gloriam? non enim est quidquam aut in cælo, aut in terra maiori dignum appetitu. æquum igitur, vt & ego ex totis viribus meis eandem gloriam tuam apud omnes prædicem, vbique magnificem, & totum per orbem vt celebris habeatur exoptem.

Scio mi Pater, scio te bonorum meorum non egere, nec meis tibi laudibus opus esse: nam si mortalium lingua taceat, omnes creaturæ veciferabuntur, gloriam tuam prædicabunt, & se mutuo ad laudem tui nominis exhortabuntur. Si namque Spiritus Angelicos intueamur, quid aliud agunt in cælis, quàm quòd sine requie, sine vlla intermissione te laudant, nomen tuum sanctificant, diuinoque te Treishagio concelebrant? Si vertamus nos ad admirabilem illam cælorum compositionem, motuum cōcordiam. & miracula quæ in ijs conspiciuntur, vtique Domine; Cæli enarrant gloriam tuam, & opera manuum tuarum annuntiat firmamentum. Si consideremus pugnantes inter sese elementorum concordiam, fluxum & refluxum maris, fontium scaturigines, perpetuos

Psal. 18.

flumi-



fluminum decursus, tantam arborum diuersitatem, herbarum varietatem, tot animalium species, & tot naturæ miracula, quæ modum & numerum non habent, singula secundum propriam virtutem naturalem, prout tibi dare placuit, quid aliud prædicant, quid aliud toti mundo annuntiant, quam nominis tui magnificentiam? omnia hæc quasi viua voce clamant te solum Deum verum, Deum viuum, Deum omnipotentem: te solum Deum sapientem, bonum & misericordem; te solum Deum iustum, terribilem & admirabilem; te denique solum dignum, qui sine intermissione lauderis, atque sanctificeris.

Inter omnes creaturas alias homo maximè obstrictus est ad sanctificandum nomen tuum, teque magnificandum. Cum enim ipse solus inter omnes creaturas visibiles à te acceperit aptitudines, facultatesque & perfectiones omnium rerum creatarum (vnde & microcosmus, hoc est, paruus mundus appellatur) illarum autem singulæ suo modo nomen tuum sanctificare teneantur; quid non debebit ille, qui omnia simul accepit, & in cuius gratiam atque vsum omnia creata sunt, quæ in hoc visibili mundo conspiciuntur.

Ex toto igitur corde meo, ex totis viribus meis, o Pater oro, opto, atque desidero, vt nomen tuum per vniuersum mundum sanctificetur: vt non sit lin-

gua,

gua, tribus, populus, sexus, ætas & conditio hominum, quæ non conuocet cætum & conuentus faciat ad laudandum & glorificandum sanctum nomen tuum. O Domine mi, non peto vt des mihi diuitias terræ, honores mundi, aut illecebras huius carnis; sed tantum oro, *Sanctificetur nomen tuum* in vniuerso terrarum orbe. Sit hæc prima, sit & ardentissima petitio mea; hæc principalis sit mea cogitatio, hic æstus denique sit & impetus meorum desideriorum. Amor enim in te omnium amorum oportet vt sit fortissimus. Cumque hanc gloriam & honorem tuum optem in hoc seculo, da ne in meum commodum, sed in tuam optem gloriam; vtque beatos iudicem omnes regni tui ciues & incolas: ipsi enim te laudant, te glorificant, tibi benedicunt per omnia secula seculorum, Amen,

### MEDITATIO III.

*Adueniat regnum tuum.*

**V**ides, ô Pater, vides multos Tyrannos & Dominos inter nos regnare, nobisque Dominari: Hic Diabolus premit cum sua superbia, illic mundus cum sua pompa infestat: caro cum suis blanditijs & delitijs nos sollicitat, propria voluntas cum suis appetitibus nos oppugnat. Omnes isti crudelissimi Tyranni suam in nobis tyrannidem exercent, tuo regno vim inferre, & iurisdictionem

tuam

in vbiq; minuire conantur; id vnice  
orantes, vt sua voluntas in nobis fiat,  
a tua: vt secundum leges & præscri-  
regni sui, non tui viuamus.

Exurge igitur ô cælestis Rex, & hanc  
xian corrige: inuersum hunc ordi-  
n conuerte, & ne patiaris, vt crudelis  
c tyrannis in tuo regno præualeat,  
nobis dominetur. Eijciantur isti Ty-  
ni, dissipentur inimici tui, & à tua  
esentia fugiant omnes, qui te oderunt.  
pera tu nobis Domine, tu rege nos,  
ptum tuum & regnum tuum inter  
s tantum agnoscat. Voluntas tua sit  
stra lux, & verbum tuum lumen pe-  
m nostrorum; præceptum tuum no-  
a sit exultatio, iustificationes tuæ  
græ sint diuitiæ, atque asperrima quæ-  
e pro nomine tuo pati nostra sit glo-

Rege nos Domine tua prouidentia, de-  
de nos tua dextera, duc nos tuo Spi-  
t, doce nos tuo verbo: tuis nos legi-  
moderare, tuis nos beneficijs dita,  
ericordi nos manu tua castiga. Fac  
mine mi, ne post hac caro, mundus,  
solus aut propria voluntas vllum in  
is locum inueniat Longè fac Princi-  
mundi huius à nobis: tu solus in  
is Dominare, tu solus nobis impera,  
solus habita in anima nostra, & re-  
um tuum totum cor nostrum occupet.  
solus esto lumen intellectus nostri,  
fectio voluntatis nostræ: te solum

quæ-



quærat, te solum petat, te solum deside-  
ret anima nostra. Et quid plura comme-  
moro? cur singula percurro? *Adueniat re-*  
*gnum tuum*, & sufficit nobis.

Da mihi, ô Pater, tuam gratiam, ne  
posterum aliquid cogitem, quæram, de-  
siderem, præter regnum tuum. id solum  
mihi sufficiat, id nocte dieque sollicitum  
quæram, in eo sit omnis mea conuersa-  
tio. Tu Pater solus bonus es, tu solus pul-  
cher, tu solus amabilis, tu solus anima-  
rum nostrarum sponsus es: ideoque tu  
solus regna, tu solus impera, tu solus do-  
minare, tu solus voluntatem meam di-  
rige, tu solus Rex meus esto, & ego fide-  
lis tuus subditus. Pectus meum in te so-  
lo recreetur, cor meum in te solo quie-  
scat, anima mea te solo repleatur: Con-  
cede Pater, vt ad te solum curram, qui  
vltimus finis meus, centrum & regnum  
meum, in quo animæ puræ & sanctæ  
ne fine suauiter requiescunt.

*Adueniat regnum tuum*, quod finis est  
& complementum nostræ spei, commu-  
nisque omnium nostrorum desiderio-  
rum portus: in quo videbimus te Regem  
& Patrem nostrum in tua pulchritu-  
dine, in quo conspectu tuo fine terminari  
fruemur. Ecquod enim magis pro-  
prium, magisque naturale potest esse ho-  
minum desiderium, quàm velle videre  
patrem suum in regno & Maiestate sua?  
Mi Deus, quando veniet ille dies? & ho-  
ra illa, quando tandem aderit? quando

lucem tuam videbo? quando veniam & apparebo ante conspectum tuum? Aureum illud palatium quando videbo? quando, inquam, videbo hortos tuos æternis floribus confitos? fontes salientes in vitam æternam? portas & muros ex gemmis lapidibusque pretiosis extructos? choros illos Angelorum & Virginum quæ sequuntur Agnum immaculatum quocunque ierit? Cantores, phonascos & psaltrias, quæ perpetuis carminibus & hymnis celebrant, laudantque summum Regem atque communem omnium Patrem, quando præsens audiam?

O Hierusalem mater nostra, quando ab hoc exilio reuersus in te totus recipiar? quando erit illa dies, in qua ad tua limina vocabor? quando videbo muros tuos ex iaspide & hyacintho elaboratos? quando audiam voces & concentus canentium & laudantium te in te? Quam dilecta tabernacula tua Domine virtutum, concupiscit & deficit anima mea in atria Domini. Quemadmodum desiderat ceruus ad fontes aquarum, ita desiderat anima mea ad te Deus. Hoc naturale filiorum est desiderium, & proprietas aquarum salientium in vitam æternam, eleuantium corda hominum è terris in cælum: Hæc est aqua illa, de qua singularis amator tuus, o Pater, Beatus Ignatius, cum ad martyrium duceretur, ait; Amor meus crucifixus est, nec in

Psal. 81.

Psal. 41.

Ignatius  
Epist. 12.  
ad Rom.

me ignis est, qui quippiam amet: sed aqua viua, quæ exilit in me, mihi quæ intrinsecus ait; Veni ad Patrem.

Hic est ille communis Pater omnium, quem desideramus, & ad quem aspiramus in hoc exilio, clamantes & dicentes, *Adueniat regnum tuum*: quem cognoscere est vita æterna, quem videre est ipsa beatitudo, quam vt nobis pro tua ineffabili misericordia largiri digneris, ô Pater, supplices precamur omnes, per filium tuum super omnia benedictum, Iesum Christum Dominum nostrum, Amen.

## MEDITATIO IV.

*Fiat voluntas tua, sicut in cælo  
& in terra.*

Rom. 8  
Psal. 113.

**V**OLUNTATI tuæ quis resistet, ô Pater? Omnia enim fecisti quæ voluisti, & tamen in nobis voluntatem deprehendimus tam peruersam, vt tuæ voluntati sæpe reluctetur. Sol, Luna, & stellæ; mare & omnia elementa, quicquid creatum est, tuæ paret voluntati: soli nos homines rationis participes non obtemperamus. *Fiat igitur, ô Domine, voluntas tua in terra*, in nobis, inquam, qui nihil nisi cinis & terra sumus, *sicut ea fit in cælo*, & Spiritibus illis cælestibus, qui ad nutum tuum dicto sunt audientes. Et quæ voluntas tua est ô Pater?

Hæc



Hæc est voluntas Patris, inquit gloriosus ille tuus martyr, quam Christus Unigenitus filius tuus & docuit & fecit: Humilitas in conuersatione, stabilitas in fide, verecundia in verbis, in factis iustitia, in operibus misericordia, in moribus disciplina; iniuriam facere non nosse, & factam tolerare posse; cum fratribus pacem tenere, Deum toto corde diligere, amare in illo quod Pater est. timere in illo quod Deus est; Christo nihil præponere, quia nec nobis ille quicquam præposuit; charitati eius inseparabiliter adhærere, cruci eius fortiter & viriliter assistere: quando de eius nomine & honore certamen est, exhibere in sermone constantiam, qua confitemur; in quæstione fiduciam, qua congedimur: in morte patientiam, qua coronamur.

Vnam in te agnoscimus voluntatem tantum, sed duos habet illa respectus: aut enim refertur ad illa, quæ tu ab æterno infallibiliter fieri disposuisti; aut ad illa, quæ monuisti, præcepisti, consuluisti, & prohibuisti. illam beneplaciti, hanc signi appellamus: illi resistere potest nemo in hac libertatem arbitrij reliquisti. Hinc est quod voluntas tua sæpe in nobis non fit, & tu de nobis conquereris, dicens: Quoties volui, & nolui?

Hoc igitur, ô Domine, peto, hoc desidero, hoc solum quæro; vt in me, & per me, vtraque tua voluntas fiat: illa, vt ni-

Cyprian.  
in Orat.  
Domi-  
nic.  
Quæ sit  
voluntas  
Dei.

Duplex  
voluntas  
Dei.

Matt. 13.

hil mihi displiceat eorum quæ ab æterno mecum facere decreuisti, siue læta sint, siue tristitia: hæc, vt ego nihil faciam præceptis & monitis cōtrarium tuis, sed quæ tibi placent, in ea vbique incumbam, licet voluntati meæ sæpe contraria. Non enim cupio, vt posthac aliquid fiat secundum optionem vel appetitum meum, neque ea quæ mihi iucunda sunt & grata volo quærere. Nolo, inquam, agere quod suadet affectus erga cognatos & amicos, nolo aures præbere muto, non quid caro & sanguis hortetur audiam. Da vt non discutam posthac, quid honorabile, quid ignominiosum, quid facile, quid difficile, quid dulce est, quid amarum: sed in eo solo omnis mea sit voluntas, tuam voluntatem vt faciam. Illud opus me tantum lætificet, illud solum suaue sit mihi, in eo solo sit omnis animæ meæ consolatio. In omni cogitatione, verbo & opere non alius mihi prefixus sit scopus nisi tua voluntas. Da me solum id velle & posse facere, quod tua conueniens est Maiestati.

Verè Domine, si etiam in minutissimas partes totus essem discrepandus, idque pro gloria & amore, qui tibi debetur, id mihi iucundius esse deberet, quam si cunctis mundi fruerer voluptatibus nisi fortè voluptates illæ in maiorem tui nominis gloriam redundarent. Non enim voluptates propter voluptates, sed propter obsequium & cultum tuum, si

ita volueris, appetam quoniam non vt mea, sed vt tua voluntas fiat petere me præcepisti. Nihil mihi sit dulcius, nihil amabilius, nihil iucundius, quam vt totus amore tui liquefiam. Hæc mihi sit summa delectatio, aliquid durum & asperum pro honore tuo tolerare. Illud enim est gaudium Angelorum, desiderium Sanctorum, exultatio iustorum, tibi scilicet perfectè seruire, tuæ voluntati in omnibus conformes fieri, & quid agunt ad tuum semper honorem dirigere.

Scio Domine mi, scio Angelos & Sanctorum animas in cælis magis ob gloriam & magnificentiam nominis tui, quàm ob propriam exultare: magis ob excellentiam honoris tui, quàm ob suam tripudiare: & sic voluntatem eorum tuæ voluntati commixtam esse, vt in omnibus; & per omnia tuæ voluntati satisfiat. Vt igitur in cælo, Pater, sic & in terra voluntas tua fiat: eam cum maximo cordis feruore & iubilo sequamur per gloriam, & ignobilitatem, & infamiam & bonam famam, per aduersa & prospera, aliorum omnium voluntates, blanditias, minas, & promissiones contemnentes. Et si enim voluntas nostra mala sit & peruersa, tamen vt virgultum minus frugiferum & arbor fertilis cum conferuntur, vna arbor fructuosa fieri consuevit, sic & nos, si voluntatem nostram sterilem & longè à tua diuersam tuæ frugi-



Hier.3.

feræ inferamus, vna fiet voluntas, eaquæ bona, & bonorum operum ferax. Ad institutionem autem hanc, ô Pater tui Spiritus gratia requiritur: contraria namque contrarijs misceri, non nisi vi quadam supernaturali accedente possunt. Da mihi ergo Pater Spiritum sanctum tuum, qui doceat me facere voluntatem tuam, qui deducam legem tuam in visceribus meis, & scribe eam in corde meo; qui cæcam voluntatem meam dirigat, intellectum eius ducem illuminet, cor durum emolliat, appetituum ardores cælesti rore aspergat, & naturam infirmam sanet atque corroboret, ne posthac difficile mihi sit aut arduum abnegare meipsum, tollere crucem meam, & sequi te. Tu enim solus es noster Deus, tu solus noster Pater, tu solus Rex Regum, & Dominus Dominantium: tibi debetur omnis obedientia, reuerentia, honos & gloria in sæcula sæculorum, Amen.

## MEDITATIO V.

*Panem nostrum quotidianum da nobis hodie.*

**Q**Vis vel mediocriter à te doctus, Pater, quis styli tui non ignarus te non facillimè videt huius tam cōcinnæ atque perfectæ orationis magistrum & doctorem esse? Vt enim cætera præteream, solus petitionum pulcherriimus ordo id manifestissimum facit. Quid enim

fer-

feruentiori cum desiderio filij possent optare, quam ante omnia honorem & nomen bonum patris? denique prosperitatem eius regni vel possessionis? tertio loco paternæ voluntatis obseruantiam? Porro quid magis proprium & quid vtiatius est filiis adhuc paruulis, quam à patre panem petere: Verbum hoc toties ab illis repetitur, quoties esuriunt: tum enim obsecrant eum voce lachrymabili, tunc ploratu & fletu paterna viscera mouent, & panem ipsis distribuat.

Igitur, o Pater cælestis, ego filius tuus ætate quidem prouectior, sed meritis adhuc paruulus, famelicus, & multis necessitatibus circumuentus, ea cum libertate atque fiducia, qua pueri solent à suis parentibus, à te panem, hoc est, ad vitæ huius sustentationem quæ necessaria sunt, flagito.

Cæterum quia in me duas substantias deprehendo, corporalem vnā, alteram spiritualem, panem peto pro vtraque: pro corporali terrenum, pro spiritali cælestem: panem, inquam, Angelorum, qui tanquam creaturæ spirituales nō alio viuunt nutrimento, quam te ipso; qui cibus es spiritualium substantiarum: Quare & ego, o Pater cælestis, qui hætenus sedi in Aegypto, inter putridas carniū ollas; in medijs mundi voluptatibus, omne iam despiciens pabulum bestiarum, ad te suspiro; à te panem Angelorum, qui de cælo venit, sup-

plex peto. Hunc quæro, hunc volo, ac  
illum totus famelicus anhelō. O amor  
inæstimabilis, ô misericordia inaudita  
Deus Deorum, Dominus Dominan-  
tium, præmium Sanctorum, gaudium  
Angelorum, Verbum Patris, Sapiētia  
æterna, lux mundi, Sol cæli, & conditor  
vniuersorum factus est cibus viatorum  
factus est cibus hominum. Quid amplius  
optare, quid magnificentius possemus  
desiderare?

Cant. 5.

Gen. 14.

Gen. 47.

Zach. 9.

Valete igitur porcorum filiquæ, vale-  
te mundi voluptates, cibus non homi-  
num, sed bestiarum; aliud mihi resera-  
tum est promptuarium: introduxit me  
Rex in cellaria sua: Verus Melchisedech  
protulit mihi panem & vinum, panem  
Asar præbens delicias Regibus, & vinum  
germinans virgines: cibum præciosum,  
delectabilem, & salutiferum: quem enim  
non semper audeam sumere sacramen-  
taliter, spiritualiter tamen sumere sem-  
per debeo. Cum itaque, ô bone Iesu, tu  
mihi datus sis in edulium, nauseat ani-  
ma mea cum delicias mundi cogitat: te  
namque solum manducare cupio, nul-  
lius rei præter te me appetitus incessat. Si  
namque solus odor tuus mundum vni-  
uersum refocillet, quid non faciet gu-  
stus: quid non refectio qua te comeden-  
tes exhilaras? Sed, ô Domine, qui fit vt  
manducantium te corda non liquefiant  
à tua præsentia? quî fit, vt quoties ad te  
accedo, anima mea nimio amore tui in



te tota non transferatur? à te absorbeat-  
 tur adeò, vt omnium rerum, imò mei-  
 ipsius obliuiscar? Si res terrenæ, quid res  
 ipsas dico? si earum imagines & figuræ  
 tantum adeò nonnunquam cor meum  
 ad se rapiant, vt planè me tui faciant im-  
 memorem: cur non eandem in me vim  
 habet realis tua præsentia, vt quoties ad  
 eam accedo, sic alteretur cor meum, &  
 amore tui incalêscat, vt mundi, & quæ in  
 eo sunt obliuiscar?

Da igitur nobis hodie, ô cælestis Pa-  
 ter, panem istum, vt comedamus eum  
 nunc sub speciebus velatum, & in futu-  
 ro sæculo nudum omni detracta specie &  
 enigmate. Memento. Pater, Filium tuum  
 Vnigenitum panem hunc vocare quo-  
 tidianum & præcepisse, vt hodie petere-  
 mus. Dic mihi, ô bone Iesu, ô coheres  
 & frater noster, cur tam anxie & sollicitè  
 voluisti nobis adesse, vt præceperis nos  
 hodie te petere, & non vsque in crasti-  
 num expectare; Quid boni in nobis re-  
 peristi, quæ causâ amoris tam flagran-  
 tis, vt vnum diem non velis expectare?  
 Si amor ille quo nos complecteris sic vr-  
 geat, vt hanc morulam non feras, & ad-  
 uentum nostrum ne tantillo temporis  
 differri velis, sed confestim, & iugiter  
 nobiscum esse cupias, cum tibi nullum  
 in eo positum sit commodum; quanto  
 magis sollicitos oportet esse nos, qui  
 miserrimi sumus vermiculî, qui sine te  
 nec esse, nec spirare possumus, vt tibi

iungamur semper, tibi adhæreamus iugiter, ad te veniamus quolibet momento vt qui summum bonum es, speculum sine macula, & gaudium Angelorum.

Sed optime inter nos, ô bone Iesu conuenit: Tu conuentum hunc differre non vis, & nos prorogare non cupimus, tu vis, vt panem hunc petamus hodie, & non cras: ecce venimus, ecce hodie petamus, hodie nos gratiam illam accepturos confidimus. Nam si hodie petamus & non obtinuerimus, inutilis esset tua doctrina, nec sibi constaret. Cum igitur nos hodie te possidere cupiamus, & tu a nos hodie venire petas, veni ô Domine & in animas nostras illabere.

Da ô cælestis Pater, vt sicut tu totus inflammatus es amore nostri, sic nos vicissim amore tuo ardeamus, & idem potius quod te deprimit ad nos, vicissim nos eleuet ad te. Concede vt sublati omnibus impedimentis te anima mea tam tenerè diligat, vt in amplexibus tuis deficiat, & nimia dulcedine tua inescata quasi deliquium pariat: Et quia vis vt te petamus quotidie, da nos semper tecum esse, nec patere, vt à te, qui cibum delicatissimus, & animarum nostrarum Sponsus amantissimus, ynquam diuellamur, Amen.

### MEDITATIO VI.

*Et dimitte nobis debita nostra, sicut & nos dimittimus debitoribus nostris.*

**O** Bone IESV, tu licet benignè me  
admodum & liberaliter cumque  
magna instantia ad mensam tuam  
inuites, panemque illum quotidianum  
offeras, vèreor tamen ad te accedere.  
Timeo venire ad conuiuium Hester, Hest 7.  
ne mihi accadat, quod Aman euenit,  
qui inuitatus ab illa, paulò post suspen-  
dio necatus est, delicto id eius exigen-  
te. Scio, Domine, hanc non esse tuam  
intentionem, conscientia tamen me  
reprehendit, facitque vt malam in me  
dispositionem metuam: idque propter  
multitudinem peccatorum meorum,  
quæ super numerum arenæ maris mul-  
tiplicata sunt. Quis enim vnquam sub-  
ducere poterit calculum vanarum mea-  
rum cogitationum? mala opera mea  
& otiosa verba mea quis numerabit?  
Vix enim iusti suam, vt decet, linguam  
nôrunt refrenare: sed nec criminum  
transgressionis & omissionis vllus est  
numerus. Quid igitur faciam Domine.  
positus in hoc certamine? Tu quidem  
ad mensam tuam me inuitas, & fames  
suadet, imò vrget vt accedam, sed  
sentio tantam meorum peccatorum  
multitudinem, vt me retrahant, ani-  
mumque despondere faciant. Quia ve-  
rò mihi licentiam tribuisti, te patrem  
vt appellem, venio ad te corde contri-  
to, & dolore pleno: venio cum pudore  
& affectu filij, petens peccatorum  
remissionem, quæ meritò debitorum



nomine veniunt appellanda. Debemus enim celsitudini tuæ venerationem, debemus paternitati obedientiam & obsequium, bonitati benevolentiam, vt amantem redamemus; debemus pro beneficijs atque amplissimis muneribus gratitudinem; debemus veraci fidem, optimo atque potentissimo fiduciam. Hæc quoties non præstamus quum res poscit (& poscit quam creberrimè debitum non dissoluimus, sed alienum detinemus.

Præterea qui vsurpat aut detinet sibi, quod alterius est, inuito domino, is debitor illius est: cum autem nos tui simus, omniaque nostra in cultum & obsequium tuum expendere debeamus, id non tantum non facimus; sed eadem in omnibus, & cum omnibus te offendimus: & facultates nobis datas à te, vt earum opera tibi seruiamus, in arma, quibus te oppugnamus sæpe conuertimus; ideoque honoris tui, quem tibi denegauimus, nos debitores agnoscimus.

Sed, ô Domine, *dimitte nobis debita nostra*: tu namque præcipis nobis, vt eorum remissionem petamus: O admirandam Domini clementiam: nos peccamus, tu peccantes vocas; nos te despiciamus, & tu oculis benignis aspicias; nos tuam Maiestatem ad iram prouocauimus, eam vilibus huius seculi rebus postponentes; tu tantum non castigas, sed vltro vt indulgentiam petamus iubes, &

cum

cum tu læsus sis, pacem tamen offers & reconciliationem. Hanc misericordiam, ô Pater, peccantibus Angelicis Spiritibus non exhibuisti: illi enim in suis iniquitatibus remanent, & remanebunt semper, quamdiu tu Deus eris Deus.

Sed, ô Pater, sicne dimittes nobis debita nostra gratis, & sine vlla commutatione. Gratis utique, & non gratis: Non gratis; quia etsi misericordia prompta sit ad remittendum, iustitia tamen sibi vult satisfieri: gratis verò, quia id ipsum quo iustitiæ satisfacimus, tu nobis gratis propinasti: thesaurum scilicet immensum & incomparabilem, quem Unigenitus tuus filius triginta tribus annis nobis thesaurizauit, & ad quem sanguine suo nobis aditum patefecit. Hunc thesaurum offerimus tibi Pater, inde tibi sume quantum placet. hauritur, non exhauritur; erogatur, non minuitur: eius merita nostra sunt, eius satisfactio nostra est, & eius sanguis nostrum est pretium. Oramus igitur Domine, ut sanguine & meritis filij tui placatus ad delicta nostra conniueas; quæ si ad examen volueris reuocare, nullus vel iustitiæ tuæ mansuetudinem, nedum seueritatem sustinebit. Subueniat nobis tua misericordia, quos multorum esse iam à iustitia scelerum damnatos agnoscimus. Purga nos igne fauoris tui, reponere nos in gratiam, reconciliare nobis, *dimitte nobis debita nostra.*

*Sicut & nos dimittimus debitoribus nostris.* O felix offensa, ô beatum debitum, quod postquam à nobis dimissum est, in iudicium pro nobis adducere possumus, & quasi causam allegare, cur iudex nos debeat absolvere. Cum lædimur ab alijs cogitatione, verbo, consilio, opere, exemplo; in fortunis; in corpore, in animo, in amicis, in existimatione, non contristemur: sed gaudeamus potius, & lætemur; dum enim nos istas iniurias dimittimus, Deus vicissim dimittit nobis iniurias nostras, quibus illum læcessuimus: Et quæ hæc est commutatio? Quantulum est quod à me poscitur, & quantum ego posco: quantulum quod ego do, & quantum quod recipio? Accipio thesauros immensos, do nummulum. Ego peccavi in te summum Deum; frater meus peccavit in me, lutum, & puluerem platearum. Ego à te Deo meo veniam peto, tu vt fratri veniam dem iubes. Accipe igitur, ô Pater, lutum pro auro, stipulam pro margarita. *Dimitte nobis debita nostra, sicut & nos dimittimus debitoribus nostris.* O summe Iudex, & Aduocate noster Iesu Christe, da mihi mitem animum, vt debitores meos non ad reposcendum debitum agnoscam, sed ad remittendum, vt cum veneris ad iudicandum, mitius mecum, quàm cum illo, qui conseruo suo debitum dimittere volebat, sed in carcerem detrahit, agatur, Amen.

Matt. 18.



## MEDITATIO VII.

*Et ne nos inducas in tentatio-**nem.*

**S**ed quid proderit mihi Domine, si dimittantur mihi debita antiqua; & denudò noua contraxero? quid proderit me lauare à mortuis, si mortuum denudò tetigero? Igitur, ô Domine, si permiseris nos tentari, vt humiliemur, vt exerceamur, ne fides in nobis languescat, & emoriatur, vt patientia nostra manifestetur, vt corona nostra augeatur, denique vt in medijs tentationibus constituti, varijsque tribulationibus & casibus attriti ad te Patrem nostrum recurramus saltem ne sinas nos à tentationibus vinci, vt vel faciamus malum, vel, quod proximum est, non faciamus bonum. Tanta est nostra fragilitas, vt non possimus non cadere sine tua gratia: non possimus perseverare, sine singulari tuo auxilio: datur enim multis gratia, sed non omnibus perseverantia.

Magnum, atrox & horrendum prælium instructum est contra nos: Caro inimica domestica, assidua, & familiaris pellicit nos suauitate, terret asperitate, non titillationes & voluptates, nunc cruciatus & dolores parturit. Mundus illusor & impostor, mendax & proditor scenam suam sensibus nostris subinde ostentat, commodis & incommodis permixtam. Dæmon crudelis, fortis, astu-

tus, & in impugnando exercitissimus ruditati ac fragilitati nostræ innumeris dolis atque artibus tendit infidias. Pandit latissimè quoque versum suam retia, & indagine nos circumcludit, in hoc totus, vt abs te abscedamus, à bono ad malum, à salute ad perniciem, à vita ad mortem.

In medio igitur tot hostium constitutus, inter tot carnis appetitus, tot spiritus infestationes, solus & inermis relictus quid faciam Domine, si tu me deseras? Quid faciet innocens ouicula inter tot lupos derelicta: quid creatura infirma inter tot potentissimorum hostium agmina? quid faciam, Domine? non inuenio effugium, non remedium aliud, quàm vt te inuocem, ad te sicut pullus hirundinis clamem, gemam sicut columba? Quid faciam, nisi vt oculos meos leuem in montes, vnde veniet auxilium mihi?

psal. 120.

Ad te igitur oculos meos tollo, qui habitas in cælis; ad te leuo animam meam. Deus meus, in te spero, ne confundar in æternum. intende in adiutorium meum, veni, & noli tardare, Vsque quo Domine obliuisceris me in finem? vsquequo auertes faciem tuam à me? Vsquequo exaltabitur inimicus meus super me? Quot sunt dies serui tui, quando facies de persequentibus me iudicium? Ne finas nos deuenire in tentationem, aut si omnino vt manum

psal. 12.

psal. 118.

conferamus stet sententia, ne discedas  
latum à nobis pilum: accende in nostris  
mentibus lumen tuum, vt inimici quò  
pertineant insidiæ cernamus. Suggere vi-  
res, ne nos robore suo prosterнат. Auge  
in rebus lætis constantiam, in tristibus  
fortitudinem.

Infelix ego homo, quis me liberabit  
à tot insidijs, laqueis, dolis, & artibus  
inimicorum? quando liber ero, Domi-  
ne, ab omni tentatione? quando per-  
ueniam ad te, vbi nullus premit hostis,  
nulla sollicitat tentatio? Quando erit,  
vt nemo amplius me poterit à te sepa-  
rare? Quando rebus omnibus huius se-  
culi, imò mihi ipsi mortuus ero, vt ex-  
peditius curram ad te? Quando erit, vt  
omnium rerum oblitus, te, & quæ  
tua sunt tantum recogitem? Quando  
tandem omnia, quæ tu non es, mihi  
sordebunt? Quando tuus ero ex animo  
& voluntate, qui tuus sum ex iure &  
iustitia.

O Pater misericordiarum & Deus to-  
tius consolationis, da mihi gratiam, vt  
mortuis omnibus meis passionibus, mor-  
riar etiam mihi, & inimicis meis; tibi  
autem soli viuam. O pater, ô Rex, ô Do-  
mine, ô summum bonum meum, & cen-  
trum animæ meæ, da vt habitem in te,  
quiescam in te, latitem in foraminibus  
petræ, & in cauernis maceriæ, ne miluus  
me comprehendat, aut accipiter Diabo-  
lus me deuoret.

2. Cor. 1.

Cant. 2.

Sed



*Sed libera nos à malo.*

Mala, ô Pater, in hoc æui decursu multa sunt; sed ea hoc præcipuè nominè consignanda sunt, quæ adeò vrgent corpus; ac præmunt, vt à recordatione tua nos abripiant. Huiuscæ generis sunt necessitates quotidianæ, fames, sitis, nuditas, æstus, alior: tum morbi & cruciatu corporis, vel in nobis, vel in rebus voluntatis nexu nobiscum coniunctis. Ad hæc animi motus concitati & perturbati, & diuersæ passiones, quæ regnant in membris nostris: tenebræ quoque & cæcitates mentis. Sed & is, qui tibi perpetuò aduersatur Dæmon malus est. qui & robustissimus est, & callidissimus. Sed si nec aperta vi, nec dolis aliquid proficiat, vniuersam suam officinam terroris explicat: infert fortunis, amicis, corporibus nostris damna, agit, rapit, trahit, diuexat. Libera nos Pater à prauis huius sæculi dominatu, & tyrannide, quam propter peccatum nostrum incurrimus: auerte immanem illius truculentiam à capitibus nostris, & oppugnationem, cui tantoperè sumus impares Libera nos Pater ab omnibus malis animi & corporis, quæ violentia sui vel contrahunt animum, vel auertunt, vel opprimunt; vt tua benignitate liberi hæreditarem cælestis regni, sanguine filij tui nobis etiam filiis tuis partam perpetuò possideamus, & inter Angelicos choros, beatosque

Spiritus cælestibus delitijs semper fruamur; patrocinate nobis benignitate atque gratia Iesu Christi, Seruatoris nostri, cui & tibi Patri nostro, cum Spiritu sancto imperium, gloria, & honor nunc & in omnia secula, Amen.

## CONCLUSIO, V E L.

*Precatio Dominica orationi  
subijcienda.*

**E**N Pater amantissime, functa est infans nostra ratio suo munere, quoad eius facere potuit, exprimendo verba, quæ Unigenitus filius tuus nos docuit: nunc vniuersum ad te desiderium, semel & simul sine verbis effundimus, vt tuo nutu approbes, quæ abs te nobis euenire petimus. Omnia ista beneficia, gratias istas omnes, ô Pater hactenus commemoratas vt nobis benignus largiaris supplices oramus, non indignitatem nostram, sed dignitatem Iesu Christi filij tui vniogeniti intuitus: ille enim noster est Aduocatus, Sacerdos, Sacrificium & Patronus coram te. Non enim in iustificationibus nostris prosternimus preces ante faciē tuā, vt ait Propheta, sed in miserationibus tuis multis, & in meritis filij tui Domini nostri. Quicquid enim ille fecit & passus est, id totum nobis donauit, id totum nobis fecit & passus est. Per illū itaque oramus te, vt his precibus nostris annuas. Per eū creasti omnia, & per eum restituisi, quæ iam erant perdita. Per eum

Dan. 9.

creasti

creasti hominem ad imaginem & similitudinem tuam, & ad eandem imaginem hominem per illum reformasti. Ille fundamentum est nostræ essentiae, illud fundamentum nostræ iustitiæ, nostrorumque meritorum causa. Ille apud nos est Intercessor, ille Aduocatus, & robur nostræ spei.

Quicquid ergo hactenus à nobis petatum est, ô cælestis Pater, id omne per Filium tuum petimus; quod enim non debetur nostræ iustitiæ, id debetur illius meritis. Si in nobis nihil boni inuenieris, ecce in illo nihil inuenies mali. Si in nobis nulla sunt merita, ecce in illo meritorum nec pretium est, nec numerus. Per eum igitur te oramus, per eum tibi supplicamus; honora illum in nobis: quod enim nobis tribuis, hoc ipsum tribuis illi: quidquid enim datur membris, id omne redundat in caput cuius membra sunt.

Fatemur quidem, ô Pater, fatemur, inquam, paupertatem nostram, ut qui nihil habemus ex nobis, quod tibi offeramus: ne tamen vacui in conspectum tuum veniamus (id enim in lege tua prohibes) ecce immolamus tibi Vnigenitum filium tuum, cum omnibus eius laboribus & doloribus, plagis & liuoribus: quidquid fecit, & quidquid pertulit ex illo momento, quo primum in lucem effusus est, usque ad extremum spiritum, quem in cruce moriens emis-

fit,

Exod. 23.



it, id omne tibi offerimus: nos enim hominum omnium sumus participes, nostra hæc omnia sunt, nobis hæc ille fecit, nobis pertulit.

Hac oblatione, hoc sacrificio & his meritis freti ad te venimus, & misericordiam à te per modum iustitiæ petimus: nam si filium tuum respexeris, iustitia est: si nos intuearis, misericordia.

Sed & aliud est quod fiduciam nobis auget, spem erigit, animum addit; quia scilicet non ex humana præsumptione, aut perfriatæ frontis audacia venimus ad te, & petimus hæc tam magna: sed venimus missi à proprio filio tuo: ille enim iubet nos ad thronum tuum accedere, & in nomine suo petere, quicquid ad utramque vitam nobis est necessarium: ne tantum hoc iubet, sed ipse misit in os nostrum verba ad hoc convenientia; ipse tradidit nobis phrasas tibi cognitæ, & familiares, quas usque huc recitauimus. Agnosce illas Domine; est enim stylus filij tui, sunt verba, quæ ille nobis reliquit ad nostram salutem promerendam. Recordare Pater mulieris illius Thecuitæ, quæ à Davide veniam delicti filio illius Absaloni impetrauit mox, ut intellexit Rex, quod veniret ab exercitûs Principe Ioab emissæ: quam gratiam Ioab interpretatus est sibi, non mulieri factam esse. Sic ego Domine mittor ab Unigenito filio tuo; ille est

Matth. 6.

2. Reg. 14

qui

qui posuit mihi hæc verba in ore meo, le est qui te orat per me, & pro me: qui mihi tribuis, hoc illi tribuis, ille tibi gratiarum referet actionem.

Luc. 16.

Memento Domine quod non damniasti, sed commendasti iniquum bonorum tuorum dispensatorem, qui de tuis bonis sibi fecerat amicos: & inuidere mihi non quod ego omnium hominum pauper sum, qui ope tuas malè expendi, eas dilapidaui, accedo ad filium tuum, & me reconcilio, eius patrocinio me sustinuit, ut in hoc necessitatis tempore in sua tabernacula recipiat, eius meritis me protegant. Scio enim periculum

Gen. 44.

esse in conspectum tuum venire, sine spiritali fratre nostro Benjamin; hoc enim Unigenito Filio tuo; Ecce igitur illum ecce adducimus eum nobiscum, & offerimus eum tibi, ut eius intercessione benigne à te audiamur.

Et tu Unigenite Fili Dei, qui etiam filius hominis es, extende super nos brachium tuum: tu enim es noster, protector & tuo pallio nostram tege nuditatem, & ne repellas à tua gratia, quos naturæ tuæ fecisti fratres & socios: Qui

uis & regnas cum Patre & sancto

Spiritu in secula seculorum, Amen.

# CAPVT PRIMVM, CONTINENS PRECA-

TIONES QVOTIDIANAS

certis horis diei & noctis

fere adaptatas

## ADMONITIO

matutina.

**N**on est eò fabricata nox, inquit Hom. 26.  
Chrysostomus, vt eā totā dor- in Acta  
miendo trāfigere debeamus, & Apost.  
vt eā otiosam degamus: pra-  
sertim cū multi propter humana cōmoda  
laudabiliter laborent. In Ecclesia quoque  
consueuerunt eius ministri media nocte cō-  
surgere ad Deū laudādum Ita & tu te ge-  
rere debes, & contemplari stellarū choros,  
laudantes factorem suū. Cū ceteri somno  
vacant, tu interdū vigilabis, flebis & ora-  
bis, tibiq; propones illud; Laboraui in ge- Psalm. 6.  
mitu meo, laudabo per singulas noctes  
lectum meum. Quemadmodū enim uti-  
lissimus & nocturnus ros ad temperan-  
dum diei aestum; ita lachryma nocturna  
utilissima sunt ad emendandas diurnas  
concupiscentias, & vt nox ea componat,  
qua interdū perturbata sunt, & male  
acta. Christus in die predicabat, & doce- Lucæ 6.  
bat, per noctem vero in somnis in oratione  
erat, in monte; interfeas, & in solitudine.



Vide Gra  
nat. lib. 2  
de orat.  
& medi-  
tat. ca. 14.  
Sap. 16.  
Exod. 16.  
Eccli. 30.

Consule  
Granat.  
lib. 4. de  
Orat. &  
Meditat.  
in pro-  
oemio.

*Qui media nocte surgere non possunt operam dent. ut paululum ante ortum Solis surgant, uti monet Sapiens; Quoniam inquit, oportet praeuenire Solem ad benedictionem tuam, & ad orientem lucis te odorare. Mane collegerunt filij Israel delicatum illud manna, habens in se omnis saporis suauitatem. Et de iusto dicitur quod cor suum tradit ad vigilandum diluculo ad Dominum, qui fecit eum & in conspectu Altissimi deprecabitur.*

*Ad surgendum maturius multum proderit brevis coena. durus lectus, & subinde in vestibus dormire; hac enim somnium facium breuiore, & tempus orationis longius. Econtrario cum coena est longa, Lectusq; molli, difficile somnus relinquit nos: cum enim multum est digerendum, multum est dormiendum, & lectus mollior difficilius relinquitur.*

*Statim vero ubi expergisceris, occludi portam omnibus cogitationibus prophanis; & ante omnia Dominus noster admittatur: offer ei primitias diei, & cum colloquens, hac tria obseruabis:*

*Primo gratias ages illi pro quia nocte illa tibi concessa, & pro quia liberauit te ab omnibus illusionibus, laqueisque inimici: pro alijs etiam omnibus beneficijs creationis, conseruationis, vocationis, & redemptionis: quod bonas inspirationes tibi instillauit, & libera-*

uit te ab omni malo ; quòd tanto tempore  
tanta cum patientia & misericordia te ad  
pœnitentiam expectauit.

Deinde offer illi temetipsũ & omnia tua;  
quidquid eo die facies, quidquid patieris ; ut  
ipse omnia pro bona volũtate sua disponat.

Tertiò pete gratiam, ne quid illo die cõ  
mittas diuina voluntati contrarium: ora  
ut det tibi auxilium, quo peccatis magis  
tibi familiaribus, & ad qua natura pro  
pendens, queas resistere, firmoq; & immo  
bili proposito te corroboret.

## CVM EXPERGISSIMVR.

**P**ater Deus, qui dixisti in principio,  
Fiat lux: & facta est; illumina oculos  
meos, ne vnquam obdormiam in  
morte: ne quando dicat inimicus meus,  
Præualui aduersus eam.

Fili Deus, lumen de lumine, lux ma  
xima & verissima, vnde lux ista nascitur  
solis diei; lux lucens in tenebris, illu  
minansque omnem hominem venien  
tem in hunc mundum, pelle à me omnes  
tenebras ignorantia, & da mihi intelle  
ctum, ut in te, & per te videam atque co  
gnoscam Patrem, quem nosce viuere, &  
cui seruire regnare est.

Spiritus sancte Deus, ignis illumi  
nans pariter & calefaciens; accende in  
me lumen tuum, ut fallaces huius mun  
di delicias & vera cœlorum gaudia co  
gnoscam: Illustra mentem meam, ut cer

1.  
Collector.  
Psal. 12.

Ioan. 1.

nam quantum bonum inimicus noster sollicitet nos leuissima vmbra commutare. Da vt quæ tua sunt tantum videam, cæcus ad reliqua. Infunde quoque in mentem meam charitatis tuæ donum, vt speretis his transitorijs iugi desiderio ad ea quæ sempiterna sunt anhelem.

Sancta Trinitas, vnus Deus, ✱ defende me hodie ab omni impetu Diaboli: ✱ Custodi me hodie ab omni peccato: ✱ & à subitanea & improvisa morte hodie me protege. Esto mihi in tribulatione solatium, in tentatione præsidium, in morte iucundum anima meæ receptaculum.

Excitasti, ô Deus corpus somno con-  
 sopitum, oro te, vt animum quoque meum à somno peccatorum & tenebris mundi huius liberares; quodque ex somno ad vigiliam reuocasti, post mortem reddas vitæ: est enim somnus tibi, quæ nobis mors est. Tibi benedictio, & claritas, & sapientia, & gratiarum actio, honor, virtus, & fortitudo in secula seculorum, Amen.

## CVM SVRGIMVS.

2.  
 Ephes. 5.

Esa. 52.

Ex precibus diur-

**S**urge, ô anima mea, quæ dormis, exsurge à mortuis, & illucescet tibi Christus. Surge ô filia Sion, ô anima mea Christi sanguine redempta, excutere de puluere peccatorum, & sede in pace Christi meritis tibi conciliata.

Christe generis humani patrone in-

dul-



dulgentissime, vt graue hoc onus corporis mei tuo beneficio erigis, ita & animos nostros ad cognitionem amoremque euehe tuæ sublimitatis, sit & corpus socium atque administrum pietatis animæ in hac vita, quo sit & in altera illa vita particeps beatitudinis sempiternæ; vbi tu viuus & regnas cum Deo Patre & Spiritu sancto in secula seculorum, Amen.

nis Ludouici Viuis.

GRATIARVM ACTIO PRO 3.

*custodia præcedentis noctis, vnâ cum  
oratione qua petimus vt nos  
Deus simili cura eo  
die tueatur.*

**O**mnipotens æterne Domine, Pater Domini nostri Iesu Christi, te laudo, tibi benedico, & ex toto pectore gratias ago, quod pro immensa tua bonitate me hac nocte paterna tua prouidentia custo diuisti: quod mihi adesse uoluisti, vt te præsentem Diabolus propius accedere non auderet; quod ab omni malo tam animæ, quam corporis me protexisti; quod me profundo sopitum somno sanctorum Angelorum præsidio quasi muro inexpugnabili, aduersus omnes insidias & machinationes antiqui illius Satanæ, qui nullis nocendi nobis opportunitatibus indormit, circumuallasti: quod denique me a somno, vera mortis imagine, ne in peccatorum meorum tenebris præfo-

Collector.

caret, suauiter excitasti, vt spatium & tempus vel tandem seriò poenitendi mihi suppeteret.

..Cor.I.

Sed & nunc tibi, ô Pater misericordiarum, & Deus totius consolationis, supplico, quin & extoto corde precor, vt me etiam hoc die in paternam tuam tutelam assumas, oculis tuæ misericordiæ me obserues, in viam mandatorum tuorum me dirigas, atque ijs me sancti Spiritus charismatibus dones, quorum præsidio hunc itidem diem ad laudem & gloriam diuini tui nominis, ad proximorum vtilitatem, & animæ meæ salutem auspicari, traducere & finire possim; vbique & in omnibus satagens, ne vsquam desim officio meo, sed vocationi meæ, in qua vocatus sum, per omnia satisfaciam.

Custodi me Domine ab omni peccato, carnem meam & sanguinem meum ad omnem iniquitatem propensum, veteris illius Adami amicum & ministrum refrena: ardorem cupiditatis, quæ in membris meis dominatur, rore tui Spiritus refrigera, ne hodie vsquam impingam in vllum peccatum, tuamque in me iram & indignationem prouocem. Da, pie pater, da benigne Deus, vt quod reliquum est vitæ meæ in timore & amore tui transigam.

Dirige hodie cor & corpus meum, sensus, sermones & actus meos in lege tua, & in operibus mandatorum tuorum.

Auer-

Auerte cor meum ab omnibus rebus  
transitorijs, & ad æternas conuerte, vt  
spretis huius seculi diuitijs atque delitijs  
ad regnum tuum semper aspirem. Con-  
stringe & cohibe potentiam Diaboli, ve-  
teris & iurati hostis nostri, vt licet quasi  
Leo rugiens circumeat, quærens quem  
deuoret, me tamen lædere, aut mihi ob-  
esse non possit. Sed quia nulla mea sunt  
merita, ob quæ dignus sum exaudiri: ecce  
adduco mecum vnigenitum filium tu-  
um, qui est propitiatio pro peccatis meis.  
In huius faciem respice, ô piè Pater, &  
propter iustitiam filij, parce peccatis fa-  
muli: concede mihi ex misericordia,  
quod non debetur ex iustitia. Qui viuus &  
regnas Deus per omnia secula seculo-  
rum, Amen.

## EXERCITIUM

*matutinum.*

Ex Granatensis libro VI. Memorialis de  
sumptum, & in quatuor partes diuisum.  
Quarum prima est beneficiorum Dei  
commemoratio. Secunda, gratiarum  
actio. Tertia, sui ipsius oblatio. Quarta,  
nouorum beneficiorum petitio.

## PRÆFATIO

**M**atutinū vel nocturnū tempus pra-  
candi officio maximè accommodatum  
est. Quare Propheta, *Consurge, inquit, Thren.:*  
in nocte in principio vigiliarum, & ef-  
funde sicut aquam cor tuū ante Domi-



nū. tūc enim oēs anima nostra potētia sunt  
 alacriores & ad officiū hoc magis prapara-  
 ta. Visus est magis collectus, stomachus le-  
 uis, caput somno refocillatū, cor ab omnib⁹  
 imaginationibus liberū, tēpus quietū, locus  
 solus, & à salutationibus amicorum magis  
 imperturbatus. Manē indecensu roris ca-  
 lestis decidit etiā gratia Spiritus sancti in  
 corda eorū, qui de Deo meditantur: Manē  
 igitur diutius, quā alijs diei temporibus  
 cum Deo colloquēdum est: manē potissimū  
 salutis nostra tractanda sunt negotia.

Subiecimus igitur oratioē sequentē pro-  
 lixam per se, sed quā extendere, vel cōtra-  
 here pro voto licebit. Eius partes sunt qua-  
 tuor. Cōmemoratio scilicet beneficiorū Dei,  
 Gratiarū actio, Oblatio, & Petitio. In gra-  
 tiarū actiōe si longior esse velis, poteris to-  
 tum Canticū trium puerorū, & eo absolu-  
 to oēs choros Angelorum, Sanctorumq; or-  
 dines percurrere, in singulis versibus repe-  
 tēs; Laudate & superexaltate eum in se-  
 cula. Mirā enim habent ista verba ener-  
 giam, in cordibus eorū, qui Deum diligunt.  
 In petitione omnia postulare potes, qua ad  
 vitamque vitam corporalem & spiritua-  
 lem sunt necessaria. Primam & tertiam  
 partem cuiusque arbitrio relinquimus.

BENEFICIORVM COM-  
 memoratio.

Deus

**D**Eus, Deus meus ad te de luce vigilo, dicit sanctus ille tuus Propheta; & paulo post addit; Sic memor fui tui super stratum meum, in matutinis meditabor in te, quia fuisti adiutor meus. Et ego, Domine mi, cum eodem hoc Rege sancto vigilare cupio. Hoc initium sit mearum occupationum: hanc meam cogitationem exordium diei excipiat: Huc enim adigunt me debita quibus tibi obligatus sum, hic finis est meæ creationis. vt enim te laudem, glorificem, magnificem, & nomen tuum sanctificem conditus sum. Tu enim principium es & finis omnium rerum, principium dico sine principio, & sine fine finis. Quemadmodum enim nemo vquam potuit aliquid creare sine te, ita creati non potuit aliquid per alium, quam per te: vt omnia tibi seruirent, te laudarent, & gloriam tuam prædicerent.

Tu es vniuersalis omnium bonorum largitor, cum nullum bonum inueniatur naturæ vel gratiæ, corporis vel animæ, quod à te, qui fons es omnium bonorum, non trahit originem: tu es pelagus omnium perfectionum, omnis magnitudinis abyssus; infinitæ misericordiæ atque bonitatis Oceanus, incomparabilis pulchritudinis imago. Tu es Deus Deorum, Sanctus Sanctorum, Rex Regum, Dominus Dominantium, causa causarum, ens entium, vita vi-

uentium, ordo Vniuersi, pulchritudo mundi, gloria cæli.

Tu es Creator meus, qui me de nihilo creasti ad imaginem & similitudinem tuam. Tu es meus Conseruator, qui me tua prouidentia conseruas, ne in nihilum recidam. Tu es meus Sanctificator, qui me per gratiam tuam ad ea, quæ diuina sunt, extollis. Tu es meus glorificator, qui me vt tua gloria sine fine fruor condidisti. Tu meus es defensor, adiutor, pastor, benefactor. Tu meus es Rex, meus Dominus, meus Pater, meus Sponsus; Tu es centrum animæ meæ, vltimus finis meus, in quo vno consistit omnis mea felicitas, beatitudo, vitæque meæ vltima perfectio. Quid multis? tu mihi omnia in omnibus es, quatenus Deus es.

Cor. 3.

Quatenus verò homo es, tu meus Redemptores, Saluator & liberator. Tu es, Apostolo teste, mea sapientia, mea iustitia, mea iustificatio, mea redemptio, meum sacrificium, meus agnus, meus sacerdos, meus aduocatus, meus intercessor, meus doctor, meum exemplum, mea fortitudo, mea consolatio. Tu es vniuersalis omnium vulnerum & infirmitatum mearum medicus: tu sanasti meam superbiam tua humilitate; meam auaritiam tua paupertate; meas voluptates tuis doloribus; meam iram tua mansuetudine; meam inuidiam tua charitate; meam gulam tuo

fel-



elle & aceto, quod amore mei bibisti;  
pigr̃tiam meam tua diligentia, & im-  
menſis pro me exantlatis laboribus.

Tu pro me ieiunaſti, huc illuc diſcur-  
riſti, ſudaſti, vigilaſti, oraſti, lachrymatus  
es, in exilium eiectus, perſecutiones paſ-  
ſus, deriſus, ſubſannatus, conſpurus, fla-  
gellatus, ſpinis coronatus, crucifixus, plus  
ceteris hominibus huius mundi affli-  
ctus, & tamen mortuus es.

### GRATIARVM ACTIO.

**O**Mnia hæc Domine beneficia tua  
ſunt, pro quibus omnibus tibi gra-  
tias agere debeo: imò cauſæ ſunt  
iuſtiſſimæ, ob quas meipſum tibi debeo,  
& vincula quibus me comprehenſum  
& ligatum tenes. Quid retribuam tibi  
Domine pro omnibus quæ retribuisti  
mihi? quo munere, aut quibus obſe-  
quijs tantas gratias mihi exhibitas com-  
penſabo? Credo equidem quòd etſi  
omnia corda hominum ſolus haberem,  
& ex ijs omnibus te ſolùm amarem, non  
poſſem ne minimum tibi debitum red-  
dere: quomodo igitur pro tot, & tantis  
tibi ſatisfaciam? quomodo negare tibi  
potero illud cor vnum, quòd habeo pro  
omnibus, cum tantundem tibi debeam  
pro ſingulis tuis in me beneficijs? Quid  
dicam Domine mi? Quid faciam? Non  
enim ego ſolus ſufficiens ſum, pro tan-  
ta beneficiorum multitudine dignas ti-  
bi gratias agere. Sed ſcio quid faciam. In-

Psal. us.

Dan. 3.

uocabo omnes creaturas, quæ sunt in cælo, & in terra; petamque vt mihi assistant, tuasque mecum laudes decantare non grauentur, communemque me glorificare Dominum adiuuent. Cantemus igitur canticum quod cecinerunt tres pueri in ardenti fornace Babylonis, dicentes; Benedicite omnia opera Domini Domino, laudate & superexaltate eum in secula. Benedicite angeli Domini Domino, laudate & superexaltate eum in secula. Benedicite cæli Domino, laudate & superexaltate eum in secula. Benedicite aquæ omnes, quæ super cælos sunt Domino, laudate & superexaltate eum in secula, &c.

## SVIIPSIYS OBLATIO.

**H**As omnes laudes atque benedictiones tibi debeo, Pater, sed & maiora multo tibi debentur. Nam si rem propius inspexero, non tantum mea, sed & meipsum tibi debebo. Si enim in India homo hominem rubro emat pileo, emptusque tam vili pretio eum in modum totus transeat in ius & potestatem emptoris, vt nec temporis momenti, nec teruntij maneat dominus, sed & sæpe a domino suo in vincula conijciatur, flagelletur, fustibus cædatur, & pro libidine emptoris tractetur: quid de me fiet Domine? Ego tuus sum, & quidem totus, nec vno titulo vel nomine, sed infinitis. Tu me creasti, tu

me

me non rubro pileo, sed pretioso tuo sanguine mercatus es; tume in omnibus & singulis vitæ meæ momentis conseruasti; sine te namque vel manum, vel pedem mouere non possum; spirare nec respirare absque te mihi datum est, nec quidquam aliud agere. qua igitur fronte tuum in me dominium reculabo? quomodo potero tibi negare quod tuum est? quo iure potero libertatem mihi arrogare, aut qua impudentia velle secundum proprium beneplacitum, iugo Domini mei abiecto, viuere, cum ex tot causis tuus sim atque me totum tibi debeam?

Humiliter igitur agnoscens tuum in me dominium, ecce me totum tibi offero, me totum tibi in perpetuum seruum & mancipium trado: nec tantum me tibi offero, sed & omnia mea; quidquid hodie aut in reliqua vita mea cogitabo, dicam, aut faciam; cum omnibus ijs, quæ mihi propter te quocunque tempore venient perferenda: adeo vt in posterum nec comedam, nec bibam, nec dormiam, nec quicquam simile faciam, cuius finis non erit honor & sanctissimi tui nominis gloria.

Iterum dico, Domine immolo tibi memetipsum, ne posthac sim meus, sed tuus: non viuum amplius secundum meam voluntatem, non laborabo mihi, non quæram me; sed in omnibus, & per omnia quæram te, tuæ parebo



voluntati, atque in tuo assiduus ero obsequio. Quòd si quandoque contrarium fecero, furem me dicam, & alieni raptorem: obsequium namq; & obedientiam, quæ tibi tot titulis, & tam multiplici iure debetur, tibi denegatam & suffuratam mihi vsurpabo.

NOVORVM BENEFICIORVM PETITIO.

**S**ed quia tale debitum reddere non possum sine tua gratia, oro te Domine, vt in hoc me iuves, & crees in me cor nouum, quod ne momentum temporis suum esse iudicet; sed perijisse putet, quidquid tuo non impenditur obsequio atque cultui. Da mihi voluntatem, cui nihil æquè in desiderio sit, atque obseruare diuina mandata tua, tuæque voluntati obtemperare: largire intellectum, qui in lege tua meditetur die ac nocte, cum memoria, quæ tui nunquam obliuiscatur.

Præterea Domine, tribue frænum linguæ meæ, & custodiam oculis meis: Concede mihi puritatem cordis, asperitatem carnis, mortificationem omnium appetituum, animæque perturbationum. Da mihi denique profundam humilitatem cordis, & cum ea patientiam, obedientiam, mansuetudinem, castitatem, veram discretionem: adde paupertatem spiritûs, feruentem honoris tui zelum, amorem proximi, & fin-

ceram

ceram in tribulationibus illius compas-  
sionem. Qui viuus & regnas in secula se-  
culorum, Amen.

FINIS ISTIVS EXERCITII.

AD ANGELVM

*custodem.*

5.

Ex Ludo-  
uico V  
uc.

Exod. 2

**Q**uantum, ô fidelissimè custos cor-  
poris & animæ meæ, debeo com-  
muni nostro Domino & parenti,  
qui te mihi dedit, vt duceres videns cæ-  
cum, sapiens stultum, fortis imbecillem,  
gnarus viæ ignarum, & quidem inter tot  
pericula & præcipitia? O quoties me  
discriminibus exemisti, quoties in per-  
nitentem ruentem seruasti? tu præcedis  
me, tu custodis me in via, tu introdu-  
ces me in locum quem præparauit mi-  
hi Dominus: tu in manibus tuis por-  
tas me, sicut frater natu maior infan-  
tulum fratrem in vlnis gestat, vt ab om-  
ni me peccatorum offendiculo eripias.  
Pro his omnibus hætenus mihi præsti-  
tis beneficijs maximas ago tibi gra-  
tias, & vehementer peto atque obtestor,  
vt seruare me pergas, ac perseueres: ab-  
ducas à malo, retrahas ad bonum. Co-  
ge nolentem, adiuua volentem, impelle  
euntem Denique sic ducito, vt tandem  
ad beatitudinem perducas, qua tu sem-  
per iam frueris; vt quemadmodum hic  
vel pupillus fui tuus, vel cliens, sim il-  
lic conciuis & socius, gaudeasque cre-

ditum, commissumque tuæ curæ tam felici portui appulisse.

6. *COMMENDATIO MATVTI  
na, qua post nos omnes Christi fideles  
Deo commendamus.*

Granatē-  
is lib. 5.  
Memo-  
ialis.

**A** Doro, benedico, & glorifico te, sancta Trinitas, omnipotens Deus, Pater, Fili, & Spiritus sancte. Ecce me tuæ diuinæ Maiestatī offero, & me tuæ sanctissimæ atq; irrevocabili voluntati trado. Oro te, Domine, tolle à me, & ab omnibus fidelibus Christianis, quicquid tibi displicet: redde quod gratum est in oculis tuis, & fac ut tales efficiamur, quales nos esse præcipis.

Commendo tibi patrem, matrem, fratres, sorores, filios, cognatos, benefactores, amicos, familiares & vicinos, omnesque illos qui se meis orationibus commendârunt, aut pro quibus orare debeo. Commendo tibi Sanctam tuam Ecclesiam Catholicam, fac, Domine, ut omnes & singuli te cognoscant, omnes te colant, omnes te diligant, & vicissim à te diligantur. Reduc errantes in viam, hæreses destrue; omnes ad veram & sinceram fidem conuertantur, qui non habent sancti tui nominis cognitionem. Dona nobis pacem, & nos in illa conserua. In omnibus tamen tua, non nostra voluntas fiat. Consolare & iuua omnes qui sunt in tribulatione, quique in miserijs, tentationibus, per-

turba-



turbationibus, & afflictionibus tam spiritualibus, quam carnalibus vitam ducunt. Denique omnes creaturas tuæ protectioni commendo, & viuis tribuas gratiam, & defunctis requiem sempiternam, Amen.

## AD OMNES SANCTOS.

7.

**S**alue candidum & pulcherrimum formosi veris lilium sanctissima Virgo Maria. Salue rosa diuinæ suauitatis odorifera. Salue noua viola plena cælesti gratia, plena venustate, de qua nasci voluit & lactari paruulus Iesus Christus Dei filius, Rex cælorum inclytus, splendor paternæ gloriæ, & figura eius substantiæ. Impetra, ô Domina mea, mihi ab vnigenito Filio tuo omne quod noveris animæ meæ necessarium. Aduua pia Mater fragilitatem meam; adesto mihi hodie in omnibus calamitatibus, tentationibus & periculis meis: præcipuè vero in hora mortis mihi assiste, opem fer, nec à me discede; vt per auxilium & patrocinium tuum securus esse merear in vltimo illo & periculoso certamine.

**O BEATI** Spiritus Angelici, qui suauissima melodia communem glorificatis Dominum, & de eius præsentia semper gaudetis, miseremini mei. Et tu præsertim sanctissime Angele, Custos animæ meæ, & corporis mei, cui speciali mandato Dei commendatus sum, oro te, fideliter & diligenter

Granatē  
sis ibidē.  
Ad B. Virginem.

Ad omnes Angelos.

Ad Angelum custodē

offi.

officium tuum fac, meque hodie ab omni malo visibili & inuisibili custodi, tue re, protege.

Ad omnes Sanctos.

O omnes Sancti & Sanctæ Dei, qui iam transistis turbulentum huius mortalitatis pelagus, & peruenistis ad portum perpetuæ tranquillitatis, securitatis & pacis; quique iam meruistis cælestium gaudiorum consortes fieri: securi estis de vobis, solliciti estote de nobis; procuratores & aduocati mei esse ne dedignemini. Orate Dominum pro me, vt vestris orationibus & meritis nunc gratiam impetrem, & in hora mortis salua naue, & integris mercibus securo perpetuæ gloriæ portui detur appellere: vbi vos cum Deo sine fine regnatis, Amen.

ANTEQVAM DOMO EGREDIARIS, admonitio.

**I**N publicum processurus memento te in mundum esse venturum. Et quid est mundus, nisi silua periculis mille obnoxia, & saltus spiritualium venatorum indagine cinctus, tot habens tendicula, quot vias; tot retia, quot homines; tot casses, quot sensuum obiecta; tot plagas, quot studia; tot sagenas, quot negotia. Vis esse tutus ab istis laqueis? vis, si non melior & sanctior saltem non deterior domum reuerti, quàm exieras, pijs orationibus pectus tuum muniatur. Oratio sit tibi galea, oratio sit

tio sit

*tio, sit tibi clypeus, in oratione tuum inuenies praesidium. Vtere itaque hac aut simili precatione.*

ORATIO EXEUN-  
tis domo.

8.

**O**Mnipotens æterne Deus, qui es via, vita & veritas, ecce inter tot laqueos à Dæmone, & mundo eius ministro extensos mihi gradiendum est; sed & stimulos lubricæ carnis meæ circumfero, fieri non potest vt illæsus vel anima vel corpore inter tot voragines & præcipitia, quæ malus ille hostis fabricatus est nobis per peccatum exoculatis, ambulem, nisi tu manum porrigas. Duc igitur me certissime & fidelissime dux, aperi oculos meos, & deduc me per regiam viam, vt nèque ad sinistram, neque ad dextram declinem. Vias tuas demonstra mihi, & semitas tuas edoce me. Rectos fac cursus meos, & itinera mea dirige in pace: Domine in tua iustitia deduc me: propter inimicos meos dirige in conspectu tuo viam meam. Qui sanctis hominibus mittis Angelos custodes, à quibus tanquam imbecilliores filij à filiis nata grandioribus & magis validis ducantur: qui Tobie probi patris filio modestissimo iter ingressuro Raphaelem ministrum tuum misisti viæ comitem; mihi virtute quidem Tobie longè inferiori, sed bonitate tua confiso mitte sanctum Ange-

Collector

Psal. 24.

Prou. 4.

Psalm. 5

lum



lum tuum, qui me nunc per vias tibi  
gratas deducat, & tandem ad æterna  
vitæ portum perducatur. In nomine Pa-  
tris ✱ & Filij ✱ & Spiritus ✱ sancti,  
Amen.

9. *INGREDIENS ALI.*  
*quot iter.*

Ex Breui-  
ario Ro-  
mano.

**D**Eus qui Abraham puerum tuum de  
Vr Chaldæorum eductum per om-  
nes suæ peregrinationis vias illæ-  
sum custodisti, quæsumus vt nos famulos  
tuos custodire digneris. Estō nobis Do-  
mine in procinctu suffragium, in via so-  
latium, in æstu vmbraculum, in pluuia &  
frigore indumentum, in lassitudine ve-  
hiculum, in aduersitate præsidium, in lu-  
brico baculus, in naufragio portus; vt te  
duce, quo tendimus, prospere peruenia-  
mus, & demum incolumes ad propria re-  
deamus: Per Christum Dominum no-  
strum, Amen

10. *ORATIO ANTE*  
*concionem.*

**D**omine Iesu Christe, qui è sinu Pa-  
tris in hunc mundum doctōr veni-  
stī, vt miseris mortalibus volunta-  
tem Patris annuntiares, & viam salutis  
eos doceres; ecce ad verbum tuum au-  
diendum accedo, & iam antea tot annis  
accessi, sed (heu) exiguo cum fructu ani-  
mæ meæ Accessi ad lumen, & non sum  
illuminatus; ad panem vitæ, & ecce fa-  
me morior; ad ignem, & frigore conta-

besto;

besco; ad medicamentum, & variorum vitiorum morbis opprimor. Imber diuinorum eloquiorum tuorum in terram meam sine intermissione cadit, & tamen nil nisi spinas & tribulos hactenus protulit. Quid multis? dies, menses & anni prætereunt, & ego in eodem statu peccatorum permaneo.

Magnum beneficium est, ô Domine, quod semen diuini verbi nobis reliquisti, alioquin sicut Sodoma, & sicut Gomorraha essemus: magnum quoque beneficium, quod mittis operarios in vineam tuam; quod doctores & concionatores nobis catholicos relinquis, sed frustra docent illi foris, nisi tu moueas intus. Obsecro itaque, ô pie Iesu, aperi aures cordis mei, vt quod per aures carnis instillatur, ad medullas vsque spiritus penetret, ibique salutare effectus operetur, ne verbum tuum vacuum ad te reuertatur.

Da inquam, Domine, ne quod in me hac hora incidet semen præfocetur sentibus curarum huius seculi; ne exarescat siti & defectu roris sancti Spiritus in tempore tribulationis; ne diripiatur ab auiibus cæli: sed sancti Spiritus calore & operatione confotum germinet in terra bona, & æternæ vitæ fructum proferat, vt te cognoscam, diligam, & laudem laude perpetua, quies laudabilis & gloriosus in secula, Amen.

Audiant  
hæc qui  
in conci-  
onibus  
fabulan-  
tur, dor-  
miunt, a-  
nimo  
tractant  
quæ fo-  
ris sunt.

Origenes in Exodum.

*Videte fratres ne fortè effluant quæ dictu-  
tur, & pereant. Volo vos admonere religio-  
nis vestræ exemplis. Nostis qui diuinis my-  
sterijs interesse consueuistis, quomodo cum  
suscipitis corpus Domini, cū omni cautela  
& ueneratione seruatis, ne ex eo parū aliquid  
decidat, ne cōsecrati muneris aliquid  
dilabatur. Reos enim vos creditis (& rectè  
credit) si quid inde per negligētiam deci-  
dat Quod si circa corpus eius conseruandi  
tanta utimini cautela (& meritò utimi-  
ni) quomodo putatis minoris esse piaculum  
verbum Dei neglexisse quàm corpus eius?*

II.

ORATIO POST  
Concionem.

Ioannes  
Faber.

**D**omine Iesu Christe, æternæ Salua-  
tor, gratias tibi ago, quod cibo ver-  
bi tui me pãuisti, & abundè refeci-  
sti: oro te, ut apud me sit efficax & saluta-  
ris tui verbi perceptio, ne sine fructu de-  
pereat sementis illa cælestis. Custodi  
cor meum, & circunda sepimento  
gratiæ tuæ, & per sanctos Angelos  
tuos prohibe, ne auis infernalis ex cor-  
de meo auellat: sed pectus meum tibi  
præpara, ut verbum tuum conseruet, &  
veluti recens memoriæ inhæreat meæ.  
Tu es qui dixisti per Prophetam tuum:  
Verbum quod egreditur de ore meo,  
non reuertetur ad me vacuum: sed pro-

Esa. 55.

spera.



perabitur in his, ad quæ nisi illud. Eia Domine prosperetur verbum ex ore ministri tui iam auditum in me; da vires, vt vita mea doctrinæ iam perceptæ respondeat: da incrementum verbo tuo, ô cælestis Agricola, vt in me augeatur & crescat, vt sancto tuo elogio non tantum ad cognitionem tuæ voluntatis perducatur; sed etiam impleam & exequar quod iubet & vis; & sic perseuerem vsque in finem, donec perueniam ad regnum tuum cæleste & sempiternum, Amen.

CVM QVOD OPVS  
aggredimur.

12.

Collector.

**N**Os in obscurissimam caliginem Protoplastorum nostrorum præuaricatione deturbati, ô fons æternæ Sapientiæ, ignoramus quid tibi placeat, quid non; & quid nobis expediat, quid obfit. Ego nihilominus, ô benigne & misericors Deus, hoc opus arduum, si vires meas; leue & facile, si ad opem tuam aspexero, nunc aggredior, nescius an hoc à me fieri velis, an item mihi profuturum, an verò obfuturum sit. O splendor diuinæ maiestatis, ô candor paternæ gloriæ, ô dator munerum, descendant quæso cælitus in me tuæ gratiæ stillicidia, vt hîc voluntatem tuam cognoscam.

Ad te igitur, ô in altissimis habitans, Deus, & Pater omnipotens, corde hu-

mili,

Sap. i.

Iudic. 13.

mili, affectu pio, oratione deuota confugio; tuum in hoc opere inchoando suffragium flagito. Intelligis enim tu profunditatem ignorantiae meae, virtutum inopiam, bene agendi inertiam, morumque meorum deformitatem maximam, quae vniuersa ad huiusmodi peragendum opus efficiunt me indignum. Da mihi ergo sapientiam sedium tuarum assistentem: mitte illam de caelis sanctis tuis, ut mecum sit, & mecum laboret. Confirma me Domine Deus Israel, & respice in hac hora ad opera manuum mearum; tribue mihi robur, fer opem, da auxilium, ne in hoc opere perficiendo malignus me Spiritus impediat; peruersorum hominum oblocutiones ab eo me reuocent; ipse alibi peccem, aut ante operis finem deficiam: sed de tanto moderatore & rectore omnia ritè iustitiam & peragam. Iesu Christo mediatore, qui est Deus in secula benedictus, Amen.

REGVLÆ QVÆDAM PRVDENTIA IN RERVM AGENDARVM DELIBERATIONIBVS OBSERVANDÆ.

Granatensis lib. 2.  
Ducis  
peccat.  
parte 2.  
Eccl. 37.

I. *Negotia nostra Domino Deo commendemus.* Deprecare Deum, inquit Sapiens, ut dirigat in veritate viam tuam; Ante omnia opera tua præcedat verbum verax, & ante omnem actum tuum consilium stabile.

II. *Perpendamus summa cum diligentia*

non tantum substantiam operis, sed singulas etiam eius circumstantias; una enim circumstantia, si inconueniens sit, bonitatem totius operis nonnunquam evertit.

III. Consulamus alios & cum alijs conferamus, qua sunt agenda. Sint autem huiusmodi consiliarij numero quidem pauci, fide verò probatissimi. Et si plures cōsulantur, determinatio tamen penes paucos sit.

IV. Deliberationi iustum temporis spatium detur, ut temporis diuturnitate, & conuersationis longitudine hi, quorum consilijs utimur, an boni sint, an mali, cognoscantur: sed & eorum sententia propius examinentur & probentur.

V. Quatuor nouerca vera prudentia diligenter euitentur; qua sunt precipitatio, affectus, pertinacia, vana ineptia. Precipitatio namq; non deliberat, affectus excacat, pertinacia bonis consilijs portam occludit, & vana ineptia quamcumq; deliberationem ingreditur, eam sine fructu dissoluit.

VI. Extrema fugiamus: Virtus enim & veritas mediū tenet. Nunquā igitur omnia simul sunt reprehēdenda, nunquam omnia simul probāda nunquā omnia negare, nūquam omnia credere, nunquam omnia nō credere debemus: nūquam ob delictū paucorū damnandi multi, nunquam ob sanctitatem aliquorum omnes iustificandi sunt.



Valet  
hæc re-  
gula in  
Ethicis,  
non in  
dogma-  
ticis.

VII. In æstimandis rebus non semper ad antiquitatem est respiciendum: multa namque longo iam tempore pessimè usurpata sunt, & multa quæ optima, non ita pridem inuenta sunt.

VIII. Figuris & rerum apparentijs ne decipiamur cauendum est: non enim omne quod fulget aurum est, nec bonum omne, quod bonitatis habet speciem.

13.

GRATIARVM ACTIO  
opere iam perfecto.

Collector.

Apoc. I.  
Ioan. I.

**H**Vmani generis Redemptor, ô dulcissime Domine Iesu Christe, qui es  $\alpha$  &  $\omega$ , principium & finis, per quem facta sunt omnia, & sine quo factum est nihil, qui pensas vota, coronas merita, & confers præmia; tibi gratias ago, quod opus te præueniente inceptum tandem te cooperante absolui. Tuum nunc est, ô bone Iesu, valorum eius ponderare: si quid in eo peccatum, id omne meum est: si quid oculis tuæ Maiestatis gratum, id omne tibi acceptum fero. In peccatis namque concepti, in peccatis nati, & in peccatis enutriti, quid aliud nisi peccare possumus? & bonum quomodo operabimur, nisi tu dederis Domine? Reliquum nunc est, Domine, ut qua misericordia opus hoc mecum operatus es, eadem nunc ad optatum scopum & finem dirigas, ne fructus illius mihi vel proximo pereat.

Quod

Quòd si pro singulis tuis erga nos beneficijs gratias tibi essemus acturi, beneficijssime Iesu, toto esset in eo vno vita nostra consumenda, vt nulla alia de re conueniret nos cogitare: nunc autem alio subinde nos vocat nostrum officium, aliud exigit nostra vocatio; noua tamen tua beneficia noua semper gratiarum actione sunt excipienda. Quare & ego pro eo quòd tam fideliter in me, & per me, licet vile & indignum instrumentum tuum, hoc opus operatus es, tibi benedico, te laudo, te glorifico.

Sed & da mihi, Domine, non tam gratias tibi agere, quàm habere: hoc est, benignitatis & munificentiae tuae erga me continenter recordari, vt cum me experiri non ingratum, pergas dona tua in me augere, quousque per hanc tuam perueniam ad te fontem bonorum omnium perennem & totius beatitudinis, Amen.

CVM NOS AD STV.

14.

*dium paramus.*

**N**Os quotquot sumus, naturae quodam occulto instinctu scire desideramus? sed adeò densis in tenebris versamur, vt nedum quae oportet, sed & quomodo scire oportet, ignoremus. Primi namque peccati poena est, quòd lux ista naturalis, qua in statu innocentiae nostrae intellectus illuminabatur,

*Collector*

D

nunc

nunc extincta sit, & nos quasi cæci palpe-  
mus parietem & quasi absque oculis at-  
tractemus.

Ad te igitur ô in altissimis habitans, &  
in paterno gremio residens Sapientia  
recurso, illumina quæso mentem me-  
am, & cor docile tribue, vt veritatem,  
quæ tu ipse es, cognoscam, sequar & te-  
neam. Scire quidem appeto, quia legi,  
te repellere eos qui scientiam repellunt:  
legi, quod qui docti sunt fulgebunt qua-  
si splendor firmamenti, & quid ad iusti-  
tiam erudiunt multos quasi stellæ in  
perpetuas æternitates: sed quia nescio  
quomodo scire oportet, tu quæso mo-  
dum & ordinem monstra, da vt id prius  
discam quod maturius est ad salutem,  
id ardentius quod vehementius est ad  
amorem. Da ne scire cupiam ad inanem  
gloriam, non ad curiositatem, non tur-  
pis quæstus gratia, sed tantum ad ædifi-  
cationem cum propriam, tum etiam  
proximi.

Tu ô Creator omnium, ô meridiana  
lux, ô electorum merces, tu scis profun-  
ditatem ignorantiae meae; sermonis mei  
imperitia, virtutum inopia, bonaque  
& salutaria discendi inertia à te non est  
abscondita. Veruntamen ô increata Sa-  
pientia, quæ ad libitum tuum de impio  
iustum, & de ignaro repente & sine mo-  
ra doctum facis, emitte de sede Maie-  
statis tuæ lucem & veritatem tuam, vt  
illuminet tenebras meas, tribuatque



mihi licet indigno castorum tuorum eloquiorum intelligentiam. Fac me sapientiore & meliore, vt in alios quoque de isto tuo lumine transfundam quod mihi impartiris. Nihil industriæ, nihil solertię, nihil ingenio meo tribuo, (scio enim omnes qui recte sapiunt, te docente sapere) sed abs te expecto, vt apertas mihi thesauros sapientiæ tuæ.

Adesto, adesto igitur ô splendor diuinæ Maiestatis, ô candor paternæ gloriæ, ô dator munerum, adesto precor mihi, & de altitudine sedium tuarum illabere micanti lumine gratiæ tuæ in cor serui tui, reuela mihi incerta & occulta sapientiæ tuæ, vt te solo intus docente intelligam non quæ carnis suadet prudentia, sed quæ cælestis probat sapientia: intelligam autem ad sobrietatem, & ne dum alios bonos reddam, memetipsum arrogantem & malum faciam; sed primum ad meam vtilitatem, quidquid mihi à te datum fuerit, conuertam; dein, de à me in proximum dimanet: vt beneficio huius imperfectæ scientiæ, tandem perueniam ad contemplationem perfectissimæ Sapientiæ, quæ tu ipse es, qui viuis & regnas Deus per omnia secula seculorum, Amen.

CVM HORÆ SIGNVM  
*auditur.*

15.

**B**enedicta sit hora, in qua Dominus meus Iesus Christus natus & mor-

Granat.  
in præfa.  
lib. 4. de

tuus est pro nobis. O Domine in hora  
mortis memento mei, Amen.

Orat. &  
Meditat.

*Deinde cogita, quomodo vita tua iam  
hora breuior est, quam ante fuit; & sic te-  
lam tuam paulatim abrumpi.*

16.

ORATIO ANTE QVAM  
cibum sumamus.

Ludouic  
Viues in  
precibus  
diuinis.

Psal. 144.

**A**dmirandum mysterium operis tui  
est, o fabricator & rector mundi,  
vt cibus istis hominum & animan-  
tium vitas sustentens. Profecto non est in  
pane atque obsonijs ea potentia; sed in  
voluptate & verbo tuo; quo vno viuunt  
& consistunt omnia. Tum & illud quan-  
tum est, te in annos singulos sufficere  
vnde tot animantibus alendis sit satis.  
Quod sanctus Propheta tuus in enarrati-  
one laudum tuarum dixit; Spectare ad te  
omnia, vt tu des illis escam in tempore  
opportuno. Aperis tu manum tuam, &  
imples omne animal benedictione. Hæc  
sunt mirabilia omnipotentiae tuæ opera.  
Rogamus te Princeps & Pater munificen-  
tissime, vt qui vitam nostris corporibus  
subministras cibus per verbum tuum; ani-  
mos quoque nostros gratia per idem ver-  
bum tuum viuifices.

Fac nobis adsit auxilium tuum, ne  
prauè abutamur ijs, quæ tu ad nostros  
rectos vsus condidisti: non te amemus,  
quia tu illa das; sed illa diligamus, quia  
veniunt abs te, & ad tempus nobis sunt.

neces.

in necessaria reuertentibus ad te Sobriè, pu-  
rè, moderatè, sanctè versemur inter tua  
dona, qui es talis, ne quæ tu largiris nobis  
tquam medicinam vitæ corporeæ, nos  
in venenum conuertamus mortis ani-  
mæ. Quin potius rectè ea sumendo & ani-  
mo grato, fiant nobis corpori atque ani-  
mæ salutaria; vt digni simus, quos meritò  
tquam Pater charissimos filios salu-  
berimis alimentis enutrias, donec ad  
perfectionem illam ventum sit filij tui  
Iesu Christi, in quo mortale hoc induet  
immortalitatem, nec amplius alimonia  
indigebimus, facti vnum cum te ipso,  
qui es benedictus in secula, Amen.

PRÆCEPTA INTER  
edendum seruanda.

Ecclesiastici 31. capite.

Vtere quasi homo frugi quæ apponuntur,  
vt non cum manducas odio habearis. Ces-  
sa prior causa disciplina, & noli nimis esse,  
ne fortè offendas Et si in medio multorum  
sedisti, prior illis ne extēdas manum tuam,  
ne prior poscas bibere.

Ex Gra-  
natenf.  
Ducis  
peccat. li-  
bro 2.  
parte 2.

Bernardus in Epistolis.

Observandus est cibi modus & tempus,  
quantitas & qualitas; fugienda quoque  
sunt superflua & adulterina condimenta.  
Observandus est modus, vt non effundat,  
qui comedit animam suam super omnem  
cibum. Tempus, ne ante horam: Qualitas,



quibus utitur communitas fraternitatis;  
excepta causa manifesta infirmitatis.

Gregorius libro 5. *Moralium*.

*Abſtinentia eſt qua edendi horam non  
præuenit, ut fecit Ionathas in fauo mellis:  
non lautiora quarit edere, ut Iſraëlitæ in  
deſerto: non accuratiùs parare, ut filij Heli  
in Silo: non ad ſuperfluitatem, ut Sodomi  
tæ: non vile quodlibet, ut Eſau edulium in  
fame concupiuit.*

Epiſtetes Philoſophus.

*In conuiuijs memento duos tibi hoſpites  
nutriendos, corpus & animam: & quid  
quid in corpus contuleris, id ſtatim effun  
di; quòd autem in animã, perpetuò ſeruari.*

Anacharſis Philoſophus.

*Primum poculum quod inſunditur ſan  
tatis eſt; alterum voluptatis; tertium iniu  
ria; quartum inſania.*

Hieronymus in Epiſt ad Furiam.

*Parcus cibus & venter ſemper eſuriens  
triduanis ieiunijs præfertur; & melius eſt  
quotidiè parum, quàm ſemel ſatis ſuperflue.  
Pluuia illa optima eſt, que ſenſim deſcendit  
in terram. Subitus & nimius imber in præ  
ceps arua ſubuertit Plura vide apud Gra  
naten ſem loco citato & lib. 3. de Oratione  
& Meditatione parte 2.*

**D**uplicem edacitatem, o beneficentissime & liberalissime Pater in membris nostris sentimus: hinc calor naturalis quotidie consumit aliquid de corporis nostri substantia; illinc non naturalis, sed noxia concupiscentia aliquid absūmit eius, quæ in animabus nostris te largiente nobis est, iustitiæ. Si corpus, Domine, corporeis cibus non repares, & quotidie fulcias, moritur, & quæ in eo est, vita naturalis extinguatur: Animam autem nisi quotidie noua gratia reficias, infirmatur primò, & moritur tandem, non morte huius temporis, sed æterni. Vt enim duplex est nostra substantia, ita duplex nobis alimentum est necessarium. Oramus itaque Domine, vt panem dēs corpori quotidianum; oramus etiam, vt animæ dēs gratiam quotidianam: illo corroboratur corpus, hac impinguatur anima: illo viuimus, hac beatè viuimus.

Corporalem vitam filiorum tuorum, o piè Pater, corporalibus cibus nunc refecisti; rogamus vt eadem beneficentia spiritualem in nobis vitam, micis de tuæ misericordiæ mensa cadentibus etiam nunc reficias, & gratia tua mortem animarum nostrarum arceas. Multum quidem pro æuo hoc debemus tibi, & quoniam id muneribus tuis prorogas, habemus atque agimus tibi gratias. Sed hæc modo via est ad æternam

illam, quam obsecramus te per mortem Vnigeniti Filij tui, vt beneficio quoque tuo immortalī beatitudine dones. Hic pro re temporali quidem gratias agimus, sed temporarias, videlicet vt possumus; illic pro æterna agemus æternas. Tunc enim verè satiabimur, cum apparuerit gloria tua, quam dabis nobis per Iesum Christum filium tuum, qui tecum & cum Spiritu sancto viuit & regnat in secula seculorum, Amen.

Psal. 16.

18.

IN OCCASV SOLIS MENTIS  
*ad Deum eleuatio.*

Prou. 8.

Psal. 8.

**D**omine, iustorum semita quasi lux splendens procedit, & crescit vsque ad perfectum diem æternitatis: Impij autem nescierunt, neque intellexerunt; in tenebris ambulant; de tenebris interioribus mentis ad exteriores inferni tenebras ibunt. O miseros igitur, & ter quaterque miseros, quibus sol ille tuus occidit: ille, inquam, sol, qui sanctis tuis nunquam est occiduus, meridianus semper, serenus ac fulgens. Grauis nox etiam in meridie incubat illorum mentibus qui abste discedunt. Expectant lucem, & ecce tenebræ; splendorem, & in tenebris ambulant. Palpant sicut cæci parietem, & quasi absque oculis atrectant: impingunt meridie quasi in tenebris, in caliginosis quasi mortui. At ijs qui tecum versantur, nunquam

Esa. 59.



non dies est lucidissima. habet hic sol æthereus vices suas, oritur, occidit, accedit ad nos, & recedit: sed tu, Domine, si te verè diligamus, vices nullas habes, oriris semper, occidis nunquam: accedis ad nos, & manes nobiscum vsque ad consummationem seculi. O Oriens ex alto, illuminare mihi qui in tenebris sedeo, & in vmbra mortis O splendor Patris, ô Sol æterne, illumina tenebras meas interiores ne post hanc vitam rapiar ad exteriores. O pijsissime, ô dulcissime Iesu, mane mecum, quoniam aduersperascit, & inclinata est iam dies. Quamdiu enim præsentia tua fruimur, in luce & claritate versamur: si verò à nobis recesseris, quid lætum, quid non triste nobis atque funestum esse queat? Cum te præsentem habemus, tua dulcedine pascimur, tua familiaritate fruimur, inter humeros tuos quiescimus, internis tecum colloquijs oblectamur, à terrenis curis & cupiditatibus liberi, te summum bonum nostrum ducimus; tecum habitamus, tecum viuimus. Omnia hæc bona pereunt nobis, si tu, ô æterna lux, nobis occidas. Mane igitur nobiscum Domine, obicemque peccatorum à nobis remoue, quo sit semper in nostris pectoribus dies. Mane nobiscum Domine.

Matt. 28

Lucæ I

Luc. 24.

AD PRECES VESPERTINAS

ADMONITIO.

Granatē  
fis lib. 2.  
de Orat.  
& Medit.  
cap. 9.

**M**emento sapissimè cōmendari in legē  
duo sacrificia quotidiana, matuti-  
nū & vespertinū, q̄ etiam omnis Christia-  
nus debet spiritualiter offerre, ijs tēporibus  
abstrahens sese ab externis occupationibus  
ut vacet internis & diuinis. Quēadmodū  
enim bis vacam⁹ in die corporis refectiōni,  
in prandio scilicet, atq; in cœna: sic etiā bi-  
ut minimū animæ refectiōni vacandū est.  
cūm hæc non minoris imò multo maioris sit  
dignitatis, quàm corpus nec min⁹ ei sum-  
cibus est necessarius, quàm corpori suus.

Orationi matutina mul-  
tū proderit, si ho-  
mo antequam sese ad somnū componat ali-  
quamdiu orauerit; manē namq; inueniet  
in corde suo fructum eius sementis, quam  
vesperi fecerat: quemadmodum is qui ve-  
speri carbones igne tegit, ut tanto facilius  
postridie focū struat, & rogam accendat.

Antequam igitur lectum intras, hæc præ-  
mittantur. Examen conscientie, Gratiarū  
actio, Petitiō, seu commendatio.

1. Homo prius q̄ somne se tradat, cōsciētiam  
suam diligenti scrutinio discutiāt, videatq;  
quid opere, quid verbo, qd cogitatione vel  
alio quocunq; modo illo die pescauit. Primò  
an lingua lapsus sit, an mentitus, an creatu-  
ras Dei Demonio vouerit, an blasphemias,  
diras, calūnias, & detractiones locut⁹ fue-  
rit; an inhonestas, an otiosa verba ptulerit.

Secundo qua cū diligentia malis cogitationibus resistit; an in ijs aliquādiu haeserit, an ijs sese oblectauerit, an eas serio & instar ignis infernalis scintillas à se reiecerit. Tertio. ppeāat quomodo illo die sensus exteriores custodierit; percipue visum & auditū. Quarto, recogitet quibuscū eo die cōuersatus sit, quid cū ijs tractauerit, quid apud illos locutus sit, & nū eos destruxerit seu offenderit potius q̄ adificauit. Vltimò, examinet opera sua tā cōmissa, quā omīssa, cōsideret quomodo tēpus & horas illius diei collocauerit, an vocationi seu sat̄isfecerit; an qua dom⁹ & familia sunt rectē curaue-rit, &c. Probat̄ur hoc consiliū à multis Sāctis. Vide Eusebiū Emissenū homilia 9. ad Monachos. Et à Philosophis Ethnicis, vide Senecam lib 3. de ira ad Nouatum, cap 36.

Pythagoræ dictum.

Neque somnum in mollibus oculis suscipe, antequam diurnorum operum ter vnū quodque percurras. Quo transgressus sum? quid feci? quod mihi decens perfectum non est? incipiens à primo, percurre, & qui mala operatus es, dole; qui bona, latare. Hæc labora, hæc meditare.

Quomodo examinanda est conscientia; vide apud Bernardum lib. Meditat. cap 5.

Postquā conscientia hoc modo examināti, statue ante oculos tuos omnia peccata



*qua die illo commisisti, eaquē Domino cum amaritudine cordis confitere, veniamquē postula hac vel simili oratione.*

19.

## C O N F E S S I O

*vespertina.*Ex diuer  
tis.

**C**onfiteor tibi peccata mea æterno Pontifex, sanctorum minister, & veri tabernaculi sacerdos, qui semel in anno huius seculi in mystica sancta intrasti, & sanctum atque immaculatum agnum proprii corporis tui ad hostiam dedisti, pro peccatis nostris: Tibi confiteor, quia debitor tibi sum. Non solum decem millia talenta delictorum meorum, sed totius vitæ meæ rationem reddere debeo: quia in omni vita mea nullum mandatum tuum perfectè à me custoditum scio, in quo ego sermone, visu, auditu, gustu, opere, cogitatione, suasionem, aut consensu non deliqui. Sed nunc, Domine, præuenio faciem tuam in confessione, & in conspectu Angelorum & Sanctorum tuorum omnium confiteor tibi omnia peccata, quibus hoc die Maiestatem tuam offendi, præfer tim hæc; *Hic recitentur, si quæ sint, grauiora.* Nec tantum hæc, sed & omnia alia confiteor, quæcunque ab infantia mea usque in hanc horam commisi, scienter vel ignoranter, in factis, in verbis, in cogitationibus & omissionibus. Qui & summam tibi malam arborem cordis mei expono, cum omnibus suis radi-

cum

cum fibris, folijs, fructibus; & cum omnibus suis deformitatibus, tuberibus & carie, cuiusmodi omnia tibi nota sunt. Nam perspicis non minus interiores cupiditates, dubitationes prouidentiae negationes, quam crassa hæc externa, quæ in sermone & factis perperam admittimus.

Proinde, ô clementissime Pater, pro modulo imbecillitatis meæ te oro (quāquam admodum inidoneus sim ad orandum) da veniam erratis, ignosce delinquenti, & obliuiscere omnium peccatorum meorum, cum quæ hoc die commisi, tum etiam quorumcunque me ab infanzia mea rerum nosti. Cor quoque meum planè lapideum benignè circuncide, pro vetere hoc aliud nouum crea, nouoque spiritu affice, succo celestis gratiæ ac fontibus spiritualium aquarum irriga, quo internum venenum, & succus carnis noxius exsicceetur, veteris hominis consuetudo vertatur, & cor meum non semper tribulos & spinas ad materiam ignis, sed fructus spirituales in iustitia ac sanctitate ad vitam æternam posthac proferat, Amen.

## ADMONITIO.

**H**ic examini Conscientia addatur specialis aliqua poenitentia, secundum peccati qualitatem, ut in posterum tanto diligentius te à peccato simili abstineas.

Granat.

lib. 2. de

Orat. &amp;

Meditat.

*Firmum quoque propositum fiat, singulis septimanis velle te vt minimum vnum peccatum superare, & ab illo diffinescere.*

*Si subinde per diem cadas, cane desperes: sed si millies vno die cecideris, millies eodem resurge, sperans in ineffabili misericordia Dei.*

*Si qua passiones adeò dura sint, & familiares, vt insuperabiles videantur, noli animũ abijcere: saepe enim post aliquot annos citò vincitur, quod lōgo tēpore vinci nō potuit, vt constet homini, vnde sit victoria.*

*Deinde age Deo gratias, quòd illò die te custodiuit ab omni malo, tam corporis, quam animæ. & dic:*

20.

## GRATIARVM ACTIO

Vespertina.

Collector.

**E**Cce, Domine, tot & tanta sunt delicta mea, quibus tuam hodie Maiestatem offendi; & tempus quod mihi ad agenda pœnitentiam dederas, tam inutiliter consumpsi; immemor diem hunc vitæ meæ postremum esse potuisse; noua veteribus peccata cumulans, & in conspectu tuo, qui vides omnia, absque vllō timore, haud aliter, quam in conspectu idoli alicuius ambulans: Quapropter dignus eram quem terra dehisceret, & quem infernus absorberet. Sed quod funestum hoc supplicium me non inuoluit, infinitæ misericordiæ

tue



tuae labijs & corde, & omni qua possum  
virtute gratias ago.

Tu namque, o Domine, me hodie ab  
omni infortunio corporis & animæ  
clementer conseruasti; nullum enim  
in orbe malum est, corporale vel spiri-  
tuale, quod hodie mihi accidere non  
potuisset. Nam quod in alium hominem  
cadere potest, in me cur cadere non pos-  
set? Si enim ille filius Adæ sit, & ego  
sum: si ille in originali peccato con-  
ceptus, & ego sum: si ille peccatis actua-  
libus obnoxius, & ego: si eius corpus  
ex humoribus atque elementis pugnan-  
tibus formatum sit, & meum est. Si er-  
go ille hodie cæcus factus sit, cur non  
& ego excæcari potuissem? si contra-  
ctus, si syntecticus, si phthisicus, lym-  
phaticus, dysentericus, lienosus, para-  
lyticus factus hodie sit alter, cur & ego  
factus non sum? si hic aqua perierit, il-  
le igne, iste morte inopinata & subita-  
nea extinctus sit, cur non sum & ego,  
qui in eadem eram cum illo damna-  
tione? cur Domine? cur, inquam, nisi  
quia tua, o clementissime Domine, gra-  
tia me conseruauit, tua me protexit  
misericordia? Quòd igitur incolumis,  
quod sano & robusto sum corpore, tibi  
acceptum fero, & immensas tibi gratias  
ago.

Pares, imò etiam maiores tibi gra-  
tias ago, mi Pater, quòd non minus ani-  
mam meam à vitijs, quàm corpus à mor-

Augusti.  
n Soli-  
oq. cap.  
5.

bis & infortunijs hodie conseruasti:  
quòd cæcam illuminasti, & per viam  
mandatorum tuorum deduxisti; caden-  
tem erexisti; stantem, ne caderet, susti-  
nuisti. Quod misericordia tua præuenit  
me, liberans me ab omnibus malis, sal-  
uans à præteritis, suscitans à presentibus,  
& muniens à futuris: præcideas etiam  
ante me laqueos peccatorum, tollens  
occasiones & causas; qui nisi tu hoc &  
illud mihi fecisses, ego omnia peccata  
mundi fecissem: quoniam scio Domi-  
ne, quòd nullum peccatum est, quod vn-  
quam fecerit homo, quod non facere  
possit alter homo, si Creator desit, quo  
factus est homo. Sed quòd non facerem,  
tu fecisti: quòd abstinerem, tu iussisti:  
& quòd tibi crederem, gratiam tu infudi-  
sti. Tu namque, Domine, regebas me ti-  
bi, seruabas me tibi, & mihi: vt adulteri-  
um & omne aliud peccatum non com-  
mitterem, gratiam & lumen per Iesum  
Christum filium tuum donasti; tibi laus,  
tibi gratia, tibi gloria in secula seculo-  
rum, Amen.

*Tandem Deo te commenda.*

21.

NOCTVRNA PRECATIO,  
*qua iturus cubitum Deo te com-  
mendabis.*

Ioannes  
aber.

**D**omine IESV Christe Deus & Re-  
demptor meus: Quandoquidem  
miseris mortalibus placidum no-  
ctis tempus ad quietem & refectionem

infr-

infirmi corporis condidisti, atque ordinasti; Te oro, vt in hac nocte animam meam peccatis grauatam, in te, ô Deus, quies vera & æterna requies, munitam vera pace custodias, & serues ab omnibus inimici Diaboli insidijs, & ab omnibus noxijs eius incurfionibus; defendas sensus & cogitationes meas, & omnia quæ facio, in quibus cesso, secundum tuam voluntatem ordines ac dirigas, ne in tenebris deprauati huius mundi, à Principe eiusdem Diabolo superatus in anxietatem, tentationem & perniciosos laqueos inducar: sed perface in me veram tranquillitatem, & constantem puritatem in mea conscientia. Da etiam, mitissime Iesu, corpori meo, multis delictis contaminato, per noctem hanc, & alio quouis tempore talem quietem, vt nunquam à te, æterna tranquillitate, discedam, neque te deseram; aut ex te pōte & desidia inertis meæ carnis tui obliuiscar, & si in perpetuam irrequietæ molestiæ agitationem & damnationem detrudar.

Quapropter, ô æterne ac clementissime Domine, spiritum tuum in manus tuas commendo. Tu enim, pijsissime noster liberator, in ligno crucis nos redemisti. Ne finas, ô Deus, spiritum meum in peccatis obdormire, & languescere, ne in mortem sempiternam sepeliar. Sed euigila super me, pro custodia mea excuba Pastor fidelissime, ne permittas vt



Psal. 16.

auxilio tuo destitutus in peccatorum voraginem dilabar. Sub vmbra alarum tuarum me protege, ne patiaris me vltra iustum & necessarium tempus somno opprimi; sed tempestiuè me suscita; vt sic expergefactus ad tuam laudem & seruitutia tua alacris accedam, vt de te cogitem, & tuo præsenti excitatus numine, opera iustitiæ perficiam, regnum tuum cæleste toto ex corde queram, vt tandem per te, & tecum, & in te ad æternam lucem & requiem cælestem possim peruenire, Amen.

22.

ALIA ORATIO ANTE  
*somnum D. Ephram.*

Seuerus  
Patriar-  
cha Ale-  
xand. in  
precibus  
Syrorum

**T**Ribue mihi Domine, vt ego vigilans vigilanter in conspectu tuo consistam; & quoties dormire mihi contingat, sit sine peccato somnus meus: si vero in excitatione mei quicquam iniqui admiserò, per gratiam tuam Domine mi veniam tribue; & in dormitione mea si peccauero, sit clementia tua condonatrix, & per depressionis tuæ Crucifixum quietis somnum mihi dato, meque a malis somnijs, fœdisque imaginationibus liberato, & in somnum tranquillitate plenum tota nocte me inducito; ne dominantur in me mala, & cogitationes peruersitate plenæ. Angelum lucis da mihi, qui omnia membra mea custodiat, & ab execranda concupiscentia libera me, per corpus illud viuum,

quod

\* quod pro me traditum est. Cubitum  
eam, & in quiete dormiam, sanguisque  
tuus sit custos meus, animeque meæ, quæ  
tua imago est. Confer libertatem fig-  
mento tuo, & corpus quod effinxerunt  
manus tuæ protegat dextera tua, & cir-  
cunda me muro misericordiarum, tan-  
quam acceptabili præsidio, & clausione;  
vt cum quieuerit ac dormierit corpus à  
virtute tua custodiarur, & veluti suffitus  
aromatum sit somnus coram Maiestate  
tua: nec accedat Malus ad cubile meum,  
intercessione illius, quæ te peperit. Au-  
diam & exequar voluntatem tuam Do-  
mine mi, qui noctem quoque cumulas  
tranquillitate iustitiæ IESV Christi re-  
demptoris nostri; quia tu es lux vera, &  
in luce habitat gloria tua, & filij lucis te  
adorant in luce commorantem. IESVS  
Verbum Deus ad vitam, defunctos per  
Crucem tuam conserua, parce propter  
misericordiam tuam: atque tibi Patrique  
tuo, qui te misit, & Spiritu sancto laus de-  
tur in tempore, Amen.

## ADMONITIO.

**I**ngredies lectū signa te signaculo S. Cru-  
cis, & cōpone te ad modū, quo iacebis in  
sepulchro, lectū tumulo cōparans & me  
ditare paululum quis erit situs & figura, q̃  
corpus tuū in tumulo cōputrescens habebit.  
recita quoddam resposorium, aut orationē  
Dominicā, cū salutatione Angelica, quem

\* quod  
comēdi,  
habet  
textus.

Granat.  
in præfa.  
lib. 4. de  
Orat &  
Meditat.

*admodum ad sepulchra mortuorum fieri consuevit.*

Idem lib.  
2. de O-  
ration. &  
Medit.  
cap. 14.

*Optimè factur<sup>9</sup> est homo, si quotidie cubitū ierit cum sancta cogitatione: quemadmodū enim is qui vesperi carbones cinerib<sup>9</sup> tegit, ut ignis manē in promptu sit: sic manē facile inuenit affectū orādi, qui vesper cū oratione, aut pia cogitatione indormit.*

*Quotiescunque nocte expergisceris, cor ad Deum eleua, dicendo; Gloria Patri & Filio, &c. aut alium pium versiculum. Multum enim hoc prodest ad fugandas illusiones Damonis, malasque cogitationes: solet enim Damon nocte hominem magis quā alio tempore infestare. In sanctum Davidis lectulum, ait Hieronymus, quem ille per singulas noctes lachrymis suis rigabat, Diabolus cum omni voluptatum suarum pompa accessum habuit.*

### ORATIONES IACVLATO- RIÆ SEMPER IN promptu habendæ.

**S**emper orandum esse monet Christus, monet Apostolus, monent & sancti Patres. Sed cum id ore simul & corde ab homine tot, tantisque necessitatibus circumuento difficulter fieri queat, eum semper orare dicunt nonnulli, qui cor semper ad Dominum habet eleuatum. Vtilissimum igitur est interdū noctuque cor sape succin-



His oratiunculis, quas iaculatorias vocāt,  
ad diuinā Maieſtatis memoriam excitare.  
Hoc olim Patres feciſſe, ait D. Auguſtinus;  
Fratres, inquit, in Ægypto crebras quidem  
orationes habent, ſed eas breuiſſimas & ra-  
ptim quodammodo iaculatas, ne illa vigi-  
lantia erecta (quæ oranti plurimum neceſ-  
ſaria eſt) per productiores moras euaneſcat.  
De uſu atque utilitate harum orationum  
conſule Lod. Granat. lib. 2. de Orat. & Me-  
ditat. cap. 8. Nos in gratiam piorum aliquot  
huiusmodi oratiunculas ex diuerſis colle-  
ctas, hoc loco poſuimus.

Quando ſurgendum eſt, preparandus  
eſt animus ad deuotionem, ita vt fermen-  
ter exiltas de lecto, & corpore diſcuſſo, gra-  
tias diuinæ miſericordiæ agas, pro quiete  
indulta, pro cuſtodia & protectione Ange-  
lica: deinde veniens ad Eccleſiam, pone  
manum tuam ſuper oſtium, & dic; Expe-  
ctate hic cogitationes malæ, intentiones  
& effectus cordis, & appetitus carnis:  
Tu autem anima mea intra in gaudium  
Domini Dei tui, vt videas voluntatem  
Domini, & viſites templum eius. Sicquæ  
veniens ad crucem dic: Adoramus te  
Chriſte & benedicimus tibi.

Cum aliquod opus aggredieris.

Deus in adiutorium meum intende,  
Domine ad adiuudandum me feſtina. Hic  
verſus in collationibus Patrum frequēs eſt.

Epift. ad  
Probam.

Bernar-  
dus in ſua  
doctrina  
circa finē  
operum.

Pſal. 26.

Pſal. 69.

## EX THOMAE A CAMPIS

*Hospitali pauperum Cap. 18.**Cum repentinus timor irruit.*

Psal. 60.

Esto nobis Domine turris fortitudinis  
à facie inimici.*Si caro putrida stimulet.*

Psal. 118.

Confige timore tuo carnes meas; à iu-  
dicijs enim tuis timui*Si praua suspicio influat.*

Psal. 50.

Cor mundum crea in me Deus, &  
spiritum rectum innoua in visceribus  
meis.*Si mala tristitia te premat.*

Psal. 50.

Redde mihi lætitiā salutaris tui, &  
spiritu principali confirma me.*Si vanagloria inflet.*

Psal. 113.

Non nobis Domine non nobis, sed  
mini tuo da gloriam.*Si desperatio molestat.*

Psal. 70.

Spes mea Dominus à iuuentute mea,  
de ventre matris meæ tu es protector  
meus.*Si tadium mentem occupet.*

Psal. 118.

Adiuua me & saluus ero, & meditabor  
in iustificationibus tuis semper.*Si acedia impugnet.*

Psal. 79.

Excita Domine potentiam tuam & ve-  
ni; confirma me in verbis tuis, ne defici-  
am in via.*Si labor aggrauet.*

Psal. 24.

Vide humilitatem meam, & laborem  
meum, & dimitte vniuersa delicta mea.*Si ira*

*Si iracundia perturbet.*

Da patientiā Domine, & pacem seruo tuo, ne perdam coronam animæ meæ in celo: Tu enim dixisti; In patientia vestra possidebitis animas vestras.

Luc. 21.

*Si appetitus honoris & altior status te alliceat.*

Inclina cor meum Deus in testimonia tua, & non in auaritiā. Auerte oculos meos ne videant vanitatem, in via tua viuifica me.

Psal. 118.

*Si gula te sollicitet.*

Regnum Dei non est esca & potus, sed pax & gaudium in Spiritu sancto: Spiritus est qui viuificat, caro non prodest quicquam.

Rom. 14.  
Ioan. 6.

*Si maligna cogitatio obrepet.*

Cuius est imago hæc & superscriptio? Et audiens, quia Cæsaris est, hoc est, principis huius mundi Diaboli, dic; Pecunia tua tecum sit in perditionem: Iam osium clausum est, & Dominus hic Pascha manducat, non vacat mihi aperire tibi.

Bernardus loco citato.  
Matt. 22.  
Act. 8.

*Si aliquod beneficium Dei occurrat.*

Quid retribuam Domino pro omnibus quæ retribuit mihi? quantum debes anima mea & conuersus ad Angelos dic: Venite audite & narrabo omnes qui timetis Deum, quanta fecit animæ meæ. Et ad ipsum Deum despectens oculis; Verè, inquires, Domine misericordia tua magna est super me.

Psal. 115.

Psal. 85.

*In gra-*



Pfal 34.

*In graui aliqua persecutione.*

Iudica Domine nocentes me, expugna impugnantes me. Apprehende arma & scutum, & exurge in adiutorium mihi.

Pfal 9.

*Cum videris à Deo derelictus.*

Vt quid Domine recessisti longè: despicere in opportunitatibus, in tribulatione? Mane nobiscum Domine, quoniam ad uesperas cit.

Luc. 24.

*Contra detractores.*

Psal. 11.

Saluum me fac Domine, quoniam dereliquit fecit sanctus: quoniam diminutæ sunt veritates à filiis hominum: Disperda Domine vniuersa labia dolosa, & linguam magniloquam.

*Pro inimicis.*

Act. 7.

Domine ne statuas illis hoc peccatum quia nesciunt quid faciunt.

*Cum ad studium nos paramus.*

Pfal. 118.

Benedictus es Domine, doce me facere voluntatem tuam; Reuela oculos meos, & considerabo mirabilia de legibus tua.

Lib. 2. de

*Ex Granatensi,*

Orat. &amp;

Medit.

cap 8.

Pfal 50.

*Poterit homo nonnunquam cor eleuare per affectum pœnitentie, his verbis.*  
Auerte faciem tuam à peccatis meis, Domine, & omnes iniquitates meas dele. Crea mundum in me crea Deus, & spiritum rectum innoua in visceribus meis.

*Aliquando cum affectu gratitudinis.*

Bene

Benedic anima mea Domino, & noli  
obliuisci omnes retributiones eius.

Pfal. 102.

*Nonnunquam cum affectu amoris.*

Diligam te Domine fortitudo mea,  
Dominus firmamentum meum, & re-  
fugium meum, & liberator meus. Deus  
meus, adiutor meus, & sperabo in eum.

Pfal. 17.

Quemadmodum desiderat ceruus ad  
fontes aquarum, ita desiderat anima  
mea ad te Deus. Sitiuit anima mea ad  
Deum fontem viuum, quando veniam  
& apparebo ante faciem Dei mei: Fue-  
runt mihi lachrymæ meæ panes die ac  
nocte, dum dicitur mihi quotidie: Vbi  
est Deus tuus?

Pfal. 41.

*Subinde amore beatitudinis aterna in-  
flammatuſ dicat;*

Quàm dilecta tabernacula tua Domi-  
ne Deus virtutum? concipiscit & deficit  
anima mea in atria Domini.

Pfal. 83.

**Patribus in AEgypto familiare  
erat quod sequitur.**

Hieron.  
in Epist.

Quis mihi dabit pennas sicut colum-  
bæ, & volabo & requiescam?

Psal. 5.

*Plures huiusmodi oratiunculas, & ad  
pietatem stimulos passim obseruabit ora-  
tionis studiosus per semetipsum, in Psalmis,  
ceterisque sacrarum Scripturarum li-  
bris. Sufficit ex plurimis pau-  
ca posuisse.*

CAPVT SECVNDVM  
CONTINENS ORATIO-  
NES LITVRGICAS, QVAE  
sub sacrificio Missæ legen-  
dæ sunt.

QVANTA CVM REVEREN-  
tia in templo versari debeamus, ex con-  
suetudine Alphonsi Villegæ de dedi-  
catione templi S. Saluato-  
ris Romæ.

**I**n templū Salomonis tanto in ho-  
nore & reuerētia habebatur  
in quo erat Arca Domini  
quāto in honore habēdum est  
templū, ubi est ipse Dominus, videlicet in san-  
ctissimo Sacramento Eucharistia, verē  
realiter & substācialiter? ubi iā nō im-  
latur sāguis hircorū & taurorū sed preti-  
sissimus Christi sanguis, q̄ effusus est in an-  
Crucis? ubi Christus sese obtulit hostiā  
uā aeterno Patri pro redēptione humani ge-  
neris? Quod etiā representat Sacerdos quo-  
ties Missā celebrat. Hic etiā sunt in ecclesia  
nostra sanctissima Sacramenta, à Christo  
instituta, quib⁹ curātur anima nostra infir-  
mitates. Siquidem vt aliquis robustus sit  
Christi miles, & intrepidē atque impauidē  
eius sanctissimū nomē ubique profiteatur  
datur illi sanctissimū Cōfirmationis sacra-



mentū. Insuper ad locupletādam animam,  
& insigniendam pretiosissimis ornamentis  
& donis spiritualibus, ministratur sacra-  
tissimum Eucharistia sacramentum. Alijs  
etiā, vt copulētur sanctē inter se, ministra-  
tur sacramentū Matrimonij: illis autē qui  
vulnerati veniunt ex militia spirituali, &  
varijs sauciati vulneribus, ministratur  
sanctissimum Pœnitentia sacramentum.  
Vnde constat esse ecclesiam sanctissimam  
apothecam quādam, & pharmacopolum  
medicina spiritualis, & salubrium reme-  
diorum ad languores varios sanandos.

Est insuper ecclesia, in qua continentur  
pretiosissimi Christi thesauri: in ea enim  
condonantur delicta: in ea dantur Spiritūs  
sancti dona; in ea sunt magis meritoria o-  
rationes fidelium, atq; facilius impetrant,  
quod petunt: in ea siquidē est scala illa Ia-  
cob, per quam ascendunt Angeli & descen-  
dunt, offerentes preces nostras Domino, &  
perferentes ad nos caelestes consolationes in  
hac etiam ecclesia sanctissima predicatur  
Christi Euangelium, docetur observatio  
mandatorum Dei, laudantur virtutes, re-  
prehenduntur vitia. Vnde fit vt alij com-  
pungantur, alij timeant, alij ad virtutem  
& Dei amorem vehementius incitentur.

In ecclesia fidelis anima cum Deo con-  
uersatur, Deum laudat, Deum orat, à Deo

Matt 28.

beneficia multa accipit. In Ecclesia assistunt  
S. Angeli; ibi reperitur celestis curia, ibi  
Deus adest, ibi pollicitus est se ad futurum  
vsque ad consummationem seculi.

Quare sacra tēpla summo prosequamur  
honore, salutareq; illud Prophetæ cōsiliū  
diligenter obseruemus, qui Psal. 92. inquit  
& monet admirabili, maximoq; honore  
afficiendum esse templum Domini in uni  
uersa terra. Dedecet igitur in eo omnis stre  
pitus, omnis murmuratio, omnis impura  
actio, & denique qualibet etiam inanis &  
vana cogitatio: sed quacunque in eo tra  
ctabimus sint ad honorē Dei: unde fiet, ut  
amplissima à Domino beneficia consequa  
mur, & eius misericordiam impetremus.

I. MEDITATIO, QVA MEN  
tem ad deuotionem & reuerentiam erga  
tremendum Missæ sacrificiū  
preparamus.

Ex diuer  
sis.

Quid agis anima mea? quò vadis  
solue calceamentum de pedibus  
tuis: locus enim in quo stas sanctus  
est, expecta modicum & videbis hīc visio  
nem magnam: expecta modicum & fa  
ciet hīc Deus magna & inscrutabilia &  
mirabilia absque numero: expecta mo  
dicum & aperientur cæli, mirabuntur  
Angeli, sancti laudabunt, iusti exalta  
bunt, captiui visitabuntur, compediti sol  
uen.

uentur, infernus vlulabit, sanctaque in spiritu mater ecclesia lætabitur

Immolabitur enim hîc sacrificium, quo nullum maius, nullum vtilius, nullum amabilius, nullum oculis diuinæ Maiestatis gratius: oblatio quæ honorem Deo, Angelis contubernium, exulibus cælum, religioni cultum, iustitiæ debitum, normam sanctitati, obedientiam legi, gentibus fidem, lætitiā mundo, credentibus gaudium, vnitatem populis, sacramentis legalibus finem, initium gratiæ, virtuti robur, hominibus pacem, lucem mentibus, spem laborantibus, peruenientibus tribuit speciem. Nempe dolores mediatoris nostri, irrogata conuicia, excepta flagella, aceti & fellis pocula, clauorum & lanceę vulnera ex rediuiua sacrificij huius celebratione memorantur.

Offertur æterno Patri nati assumpta humanitas, quatenus agnoscat ipse quē genuit, quemque pro hominum salute misit in terras, vt interuentione ipsius delinquentibus veniam, lapsis manum, & iustificatis præroget vitam. Clamat idem Redemptor ad Patrem, corporales suas cicatrices ostendens, quatenus ab æternis supplicijs sua homines interpellatione custodiat.

Hæc omnia, ô anima mea, hoc loco, & quidem hac hora fient, quorum omnium spectatrix esse poteris, si fide vera & sincera hîc astiteris. Qua igitur venera-



tione, qua reuerentia, qua humanitate tantis interesse debebis mysterijs? Quid enim mirabilius, quam videre Dominum tantæ Maiestatis, cuius sedes cælum est, & cuius scabellum terra; cui astant omnes Seraphin, cui ministrant Angeli & omnes creaturæ famulantur, hunc iterum de cælo descendere in hanc vallem lachrymarum? habitare nobiscum? in templis præsentem esse, vt sua præsentia nostram adiunget deuotionem, nostris addet lachrymis, nostras audiat orationes.

Reg. 8.

Non erat aliud quod datum erat Iudæis in arca fœderis, quam vmbra huius beneficiij: & tamen adeò miratus est illud Salomôn, vt dixerit: Ergone putandum est quod verè Deus habet cum hominibus super terram? si enim cælum & cæli cælorum te capere non possunt, quantò magis domus hæc quam ædificauit: O magnæ venerationis mysterium, ô beneficium inæstimabili gratitudine recolendum. O Domine mi, si homo nosset pretium & dignitatem tuorum beneficiorum ponderare, quantas tibi gratias redderet? quam prompto tibi animo seruiret? Sed nescio quî fiat Domine, vt adeò cæcutiamus te stantem in medio nostrum quod non cognouimus.

Si namque nos domum tuam, & quis est, qui inter nos stat, cognosceremus, ô quanta cum reuerentia in conspectum tuum veniremus? quanta cum fiducia

preces tibi nostras offerremus? quanta cum alacritate loca sacra visiteremus? quanta denique cum deuotione templa tua Domine frequenteremus? Si templum eminus conspiceremus, inclinare capita nostra, ei que reuerentiam exhibere deberemus: non enim minoris dignitatis est templum materiale, quam cælum empyreum; cum vtrumque eundem habeat in se præsentem Dominum.

Quis mihi dabit lachrymas, vt defleam eorum impietatem, religionisque contemptum, qui sub augusto hoc, & stupendo Missæ sacrificio, aut in templis deambulant, aut fabulantur, aut negotia tractant externa, aut dormitant, aut foris mente vagantur. Quis sit Domine, vt cum eos agnoscat possessorem suum, & alius præsepe domini sui, homo te non agnoscat, nec vnquã recte cognouit? Venisti in mundum, & mundus te non cognouit; nunc iterum in mundo es, & nunc mundus te agnoscit. Nos miseri ludæos condemnamus, quod te in medio illorum stantem non cognouerunt, eo quod formam hominis habebas, & nobis ignoscimus, quod idem facimus, eo quod sub panis forma latitas.

Attu, o anima mea, non quod alij faciunt, sed quod tui muneris est facito. Eleuare, eleuare, consurge anima mea: solue vincla colli tui captiua filia Sion; sanctificare & esto parata, modo enim veniet Dominator Dominus, &

Esa. i.

Ioan. i.

Emanuel nomen illi. stillabunt montes confestim dulcedinem, & colles fluent lac & mel. Videbis mox cælos aperiri, & Sponsum procedere de thalamo suo: videbis Verbum fieri carnem, & habitare in te. Occurre illi cum reuerentia magna, humilitate profunda, & puritate perfecta: præstolare aduentum eius in spe & silentio, in precibus & desiderijs, donec hæc omnia perficiantur in te, & in omnibus Christi fidelibus.

2.

*Generalis ante Missam peccatorum  
Confessio.*

Iohannes  
aber.

**I**Nter miseros peccatores ego longè miserrimus confiteor Deo Patri meo cælesti, & Iesu Christo Domino Redemptori & Saluatori meo; Mariæ Dei-paraë Virgini, & omnibus Sanctis, quòd sæpe & multum peccaui, & heu mihi grauitèr deliqui contra Dominum Deum meum incredulitate & diffidentia; nec diuinam Maiestatem, vt debui, supra omnia amaui. Deinde & proximum meum non ex animo vt me ipsum; sed multa aduersus eum iniqua machinatus sum, & perpetravi. Denique ex diuinis præceptis ne vnum quidem vt par fuit obseruaui, sed voluntati & mandatis illius reluctatus sum. Agnosco me reum, & culpam meam ipse profero, quod plurimum deliqui prauis cogitationibus, verbis inquinatis, & impijs operibus: siue ea crimina sint mortalia, quotidiana, occul-

ta, si-



ta, siue manifesta; scienter & ignoranter commissa, contra Dei cultum atque amorem, & contra proximi dilectionem: quemadmodum tu, o Deus omnipotens, in misero me peccatore agnoscis: ego autem vitij excæcatus nec videre, nec agnoscere possum.

Hæc omnia summatim colligo, & singulis excussis omnium me dico reum, nec aliud possum, quàm deprecari. Te igitur oro æterne & misericors Deus, sis propitius mihi deplorato peccatori propter diuinam tuam gratiam & perennem misericordiam, per filium tuum dilectum Iesum Christum Dominum & Saluatorem nostrum, Amen.

*Ad Missæ Introitum.*

**N**on discedimus à te Domine, viuificabis nos, & nomen tuum inuocabimus. Memento nostri Domine, in beneplacito populi tui, visita nos in saluari tuo. Ex desiderio magno clamamus & vociferamur cum patribus nostris; Rorate cæli desuper, & nubes pluant iustum: aperiatur terra, & germinet Saluatorem. Emitte agnum Domine Dominatorem terræ: ostende nobis Domine misericordiam tuam, & salutare tuum da nobis. Sediti super throno & Agno benedictio, & honor, & gloria, & potestas in secula seculorum, Amen. Non discedimus à te Domine, viuificabis nos, & nomen tuum inuocabimus

3.

Psal. 79.

Psal. 105.

Esa. 45.

Esa. 16.

Psal. 84.

Apoc. 5.

4.

*Ad Kyrie eleison, & Gloria in  
excelsis.*

Ex Gra-  
natenf.  
lib. 3.  
Memori-  
alis.

**B**enigne Pater, pie Pater, & misericors Pater, miserere mei. In remissionem omnium meorum, totiusque mundi peccatorum, offero tibi vitam, passionem & mortem vnigeniti Filij tui. Offero tibi quidquid in hoc mundo fecit & passus est, pro nostra salute. Offero tibi omnia merita dulcissimæ Matris illius, omniumque Sanctorum, vt illorum amore mihi ignoscas, miserearis mei, & æternam vitam mihi largiaris.

Pie Iesu, Redemptor mi, miserere mei. Gratiarum tibi ago pro infinita miserationum tuarum multitudine, proque gratijs tuis, quæ numerum non habent, quas contulisti, & confers quotidie in me miserum peccatorem. Oro te clementissime Domine, fac me omnium merituum tuorum participem, vt tibi concorporatus, & virtute huius sacrificij vnum quid tecum effectus, tibi per amorem & imitationem sanctissimæ viæ tuæ ubique conformis viuam, teque, vt palmes in vite, frui merear, quæ vera vitis, & omnium fidelium vita.

Spiritus sancte, Consolator optime, adiuue me Domine mi, commendo tibi animam meam, corpus meum, & omnia quæ mea sunt. In manus tuas commendo progressum & finem vitæ meæ. Da mihi vt illam in tuo cultu & obsequio

transigam, veram agens meorum peccatorum poenitentiam: priusquam anima mea ex hoc corporis migret ergastulo. Cæcus & infirmus ego facile in laqueos affectionum mearum incido; erro facile; facile decipior: ideo me tibi commendando, & tuæ protectioni me submitto. Ah Domine pauperem hunc & nudum famulum tuum defenda, custodi illum ab omni malo. Illumina intellectum meum, rege corpus, moderate animum, conforta spiritum, vt vincat omnes affectus cordis inordinatos. Da fidem certam, spem firmam, & puram perfectamque charitatem. Fac vt cum dulcedine te diligam, & in omni loco atque tempore tuæ voluntati satisfaciam, Amen.

*Ad Collectam*

6.

**D**omine Deus omnipotens, Pater Ex lib. 5.  
 misericordiarum, & Deus totius Memo-  
 consolationis: gratias tibi ago infinitas, rialis  
 quia nobis animam addidisti, vt iam au- Grana-  
 si sumus à te misericordiam flagitare: Di- tensis.  
 xisti enim per vnigenitum tuum; Petite, Matth 7.  
 & accipietis; querite, & inuenietis; pulsa-  
 te, & aperietur vobis

Age igitur Domine, si tu is sis, qui me  
 vocas, qui me inuitas, qui expandis bra-  
 chia tua vt ad te curramus, cur non spe-  
 temus te nos recepturos? Longè alio lo-  
 co res apud te sunt, quam apud homines,  
 qui eum dant, depauperantur, & ideo se-  
 te semper inuiri rogantur. Non sic apud



Psal 49.

te Domine, non sic, quia quemadmodum tibi nihil decedit, cum omnia largiris; sic etiam iniquo non fers animo, cum rogaris: ideoque petere à te misericordiam, non est importunitas, sed obedientia. Tu enim, ut te petamus, præcipis: orare namque te, honorare est, & te glorificare. Cum aliquid à te petimus, profite mur te Deum, te vniuersalem Dominum, te donatorem omnium, à quo peti debent omnia, cum nemo præter te det omnia. Imò tu ipse hoc sacrificij genus tibi offerri præcepisti, dicens; Immola Deo sacrificium laudis; & redde Altissimo vota tuo. & Inuoca me in die tribulationis, eruam te, & honorificabis me.

Hac fiducia fretus ad thronum tuæ misericordiæ venio, orans ut mihi tribuas peccatorum meorum remissionem, veram contritionem & poenitentiam. Deinde ut tua gratia mihi denuò iustificato des gratiam, ne te in posterum rursus offendam, siue ijs peccatis quæ mihi hætenus familiaria fuerunt, siue alijs quibuscunque. Ante omnia verò gratiam & auxilium tuum peto, quo possim carnem meam in seruitutem redigere, linguam refrænare, appetitus mortificare, dispersas imaginationis cogitationes colligere: ut sic totus reformatus & renouatus, merear esse viuum tibi templum, & gratum in quo moreris habitaculum.

Largire quoque virtutes illas, quibus habitaculum istud non solum purgetur;

sed

sed etiam ornetur; vt sunt nominis tui sanctissimi timor, inuicta spes, profunda humilitas, insuperabilis patientia, prudens discretio, paupertas spiritus, perfecta obedientia, immota fortitudo, & diligentia in omnibus, quæ ad tuum obsequium & cultum pertinent: ante omnia verò ardentissima charitas, tam erga te, quam erga proximum. Da denique, ô Domine, vt in his omnibus in finem usque perseuerem, vt te auctore, promotore & consummatore salutis meæ, tandem perueniam, vbi tu viuus cum Filio & Spiritu sancto per omnia secula seculorum, Amen.

*Ad Epistolam.*

6.

**D**omine Deus Pater cælestis, qui nō videris nisi à mundis cordibus, inuestigauit legendo, meditando quæ suū quomodo haberi possit cordis munditia, vt ea mediante vel media ex parte possem te cognoscere. Quærebam vultum tuum Domine, & diu meditatus sum in corde meo, & in meditatione mea exardescit ignis, & desiderium amplius cognoscendi te crescit, dum panem sacræ scripturæ frangis mihi, & in fractione panis, in qua cognitus es, quanto plus te cognosco, tanto plus te cognoscere desidero: non iam in cortice literæ, sed in sensu experientiæ. Nec hoc peto propter merita mea, sed pro tua misericordia. Fateor enim quod indignus &

Augusti  
in libro  
de scala  
Paradisi

peccator sum, sed & catelli edunt de micis, quæ cadunt de mensa dominorum suorum. Da mihi Domine arrham hereditatis tuæ futuræ, saltem guttam celestis pluuiæ, qua refrigerem sitim meam, quia amore ardeo, Amen.

7.

S. Martyr  
Cyprianus.

*Ad Graduale, & Tractum, si legatur.*

**D**eus Pater Domini nostri Iesu Christi filij tui, Deus Patriarcharum, Deus Prophetarum, Deus Apostolorum, Deus Martyrum, Deus Virginum, Deus omnium credentium. Te deprecor Pater Maiestatis, qui in fine temporis misertus es nostri, mittens nobis Iesum Christum filium tuum, Dominum Deum Salvatorem nostrum, natum ex Maria virgine de Spiritu sancto, annuntiante Gabriele Angelo; per quem nos liberaisti de periculo mortis imminantis.

Te rogo, Domine, subueni mihi, noli me secundum actus meos iudicare: non enim parui præceptis tuis, sed exomologesi facientis ante conspectum tuum pro vniuersis peccatis meis, qui es amator poenitentiarum, miserere mei. Et vt David orat. Domine, propter nomen tuum dele peccata mea: Ita & ego deprecor Maiestatem tuam, dele vniuersa peccata mea.

Fac vt fide illibata, mente incorrupta, deuotione robusta, dilectione & operatione continua in ecclesia tua sancta persistam, & libera me ab igne & poena per-



enni, & ab omni tormento, quod parasti iniquis, per bonum & benedictum Iesum Saluatorem nostrum, per quem tibi laus, honor, virtus, & gloria, in secula seculorum, Amen.

*Ad Alleluia, si legatur.*

8.

**G**ratias agimus tibi Domine Deus Apoc. II.  
Gnoscer omnipotens, qui es, & qui  
eras, & qui venturus es: quia accepisti  
virtutem tuam magnam, & regnasti.

Dignus es Domine Deus noster acci- Apoc. 4.  
pere gloriam, & honorem, & virtutem:  
quia tu creasti omnia, & propter volun-  
tatem tuam erant & creata sunt.

*Ad Profam vel Sequentiam, si legatur.*

9.

**O**mnipotens æterne Deus, tibi sancti Ex Aug.  
Meditat.  
cap. 33.  
& humiles corde, tibi spiritus & a-  
nimæ iustorum, tibi omnes superni ci-  
ues, & cuncti beatorum Spirituum Ordines  
gloriam & honorem suppliciter ad-  
orantes concinunt sine fine. Laudant te  
Domine illi superni ciues magnificè &  
honorabiliter. Laudat te homo magna  
portio creaturæ tuæ. Sed & ego peccator  
homuncio desiderio magno cupio te  
laudare, amare te opto amore præcipuo.  
Deus meus, vita mea, fortitudo mea, &  
laudatio mea, dignare me laudare te. Da  
mihi lumen in corde, verbum in ore, vt  
cor meum meditetur gloriam tuam, &  
lingua mea tota die cantet laudes tuas.  
Sed quia non est pulchra laus in ore

pecca-

peccatoris, & quia vir pollutis labijs ego sum, munda obsecro cor meum ab omni inquinamento: sanctifica me sanctificator omnipotens interius & exterius, & fac me dignum laudibus tuis. Suscipe benignè & laudabiliter de manu cordis, & de mentis amore, suscipe sacrificium labiorum meorum, fiatque acceptabile in conspectu tuo, & ascendat ad te in odorem suauitatis. Memoria tua sancta, & dulcedo tua beatissima possideat totam animam meā, atq; in inuisibilem amorem rapiat eam. Per Christum Dominum nostrum, Amen.

*Ad Euangelium.*

10  
Iohannes  
aber in  
recat.  
Christi.

**M**itissime Domine Iesu Christe, tu ex mera atque singulari gratia & misericordia voluntatem Patris tui nobis ostendisti & reuelasti: Apostolis etiam commendasti, vt Euangelium vulgo prædicarent ad consolationem & salutem hominum: est enim virtus Dei, quæ animas nostras conseruare potest in æterna patria; est viuus panis & confortatio nostri spiritûs, est gladius quo truculentum & infernalem hostem reprimeret superare possumus; & directio pedum nostrorum in via recta; est validissimus malleus, qui scopulos & rupes conterit; est ignis ardens, qui spiritum in amore Dei accendit.

Docet nos per fidem cognoscere, per charitatem tuam præcepta custodire, per

spem

spem promissiones tuas gratiosas patienter expectare, per timorem sincerum ad comminationes tuas contremiscere. Est lex perfectorum, vera libertas spiritus & vitæ. Absque hac sumus veluti Sodoma & Gomorrhæ incolæ: hoc si destituamur, necesse est vt anima nostra fame moriatur.

Quapropter oro te ô mitis Saluator, illumina cor meum, patefac & aperi aures meas internas gratia Spiritus sancti, vt verbum tuum humili corde audiam, in obedientia spiritus percipiam; & vt tandem fructus largos proferat in patientia; vt intellectus meus in veritate instruat ad facienda bona, & vitanda atque fugienda mala: vt per me honor tuus & gloria propagetur; anima mea salutem consequatur; hostis diabolus deuictus prosternatur; vt inculpatus ad tribunal iudicii tui veniam; æternaque felicitate per te potiar, Amen.

*Ad Symbolum.*

II.

**O**mnipotens æterne Deus, miser & infelix ego peccator ad te venio, vt hodie coram diuina tua Maiestate renouem pactum baptismale, repetamque fidem tibi in baptismo datam & promissam. Credo igitur corde & ore confiteor omnia, quæ Christus Iesus dilectissimus filius tuus, & sponsa illius Ecclesia, instinctu Spiritus sancti edocta, mihi credenda proposuerunt, siue

illa



illa expressè iam sciam & intelligam, siue adhuc ignota mihi sint.

Ore profiteor me credere omnes articulos Symboli Apostolici, & sanctum Christi Euangelium, quod in vniuerso terrarum orbe annuntiatum est: in quam fidem ex gratia vocatus, natus & baptizatus sum. Huic me hodie fidei obstringo, & fateor me ab ea ne vnguam latum discedere posse, etiam si totus mundus, cum omnibus suis tyrannis in me insurgant, priusquam tu Imperator meus, cui milito, me hoc sacramento soluas, à statione discedere iubeas, & in patriam, vbi nulla amplius fides, sed clara erit visio, me reuoces. Offero itaque mi Domine intellectum meum tibi in obsequium huius fidei.

Quòd si ex tentatione diabolica, aut ex ignorantia mea aliquid in huius fidei præiudicium dixerò, vel cogitauerò; id nunc reuoco, & quasi non dictum, aut non cogitatum haberi volo; nunquam enim tali dicto aut cogitationi sciens & volens assensum præbebo, adiuuante me tua gratia; Qui viuís & regnas Deus in secula sæculorum, Amen.

12.

*Ad Offertorium oblatio suis ipsius, & ad  
Collectam secretam.*

Ex quodā  
Germanico li-  
bello a-  
nonymo

**D**eus Deus meus ac Pater cælestis, supplico tibi miser ego peccator, in nomine Domini nostri Iesu Christi, gratia & auxilium tuum præueniant me, vt

me-

memetipsum tibi offeram hostiam uiuentem, sanctam & beneplacentem: sine tua namque gratia oblatio sum immunda & peccatorum meorum sordibus contaminata. Sed in meritis sanctissimi sacrificij vnigeniti filij tui Domini nostri Iesu Christi, quod ille summus Sacerdos & sacrificium ipsum in altari sacratissimæ Crucis pro nobis immolauit, hostia mea mundabitur, & sanctificabitur.

In illo igitur, & per illud sacrificium ego hodie tibi cælestis Pater offero animam meam, cum omnibus suis potentijs, offero tibi memoriam, intellectum, & voluntatem meam; fidem quoque, spem, charitatem, quæ in me est: cor meum cum omnibus suis affectibus, corpus & vitam meam cum omnibus viribus internis & externis, cum sensibus & omni mea facultate naturali. Offero tibi sanitatem & robur corporis, fortunam, famam & diuitias meas: offero tibi parentes, filios, cognatos, amicos, & quicquid meum est: id omne tibi offero cum humili confessione, omnia hæc tua esse, & eorum vsum à te mihi concessum: omnia namque hæc ex tua bonitate, sine ullo meo merito à te accepi.

O Domine Deus, fac tibi ex his sanctam & beneplacentem hostiam: da mihi, vt omnibus his à te præceptis bonis ac donis rectè, & secundum diuini verbi tui præscriptum vt assuescam, ne me illorum Dominum, sed œconomum &

dispen-

dispensatorem esse mihi persuadeam, cuius administrationis ratio suo tempore à me postulabitur.

Concede mihi omnia hæc cum debita gratitudine, animique libertate possidere; vt memetipsum iuge tibi holocaustum offeram in meipsum abnegatione, voluntatis mortificatione, crucisque meæ voluntaria tolerantia, & Christi vera imitatione. O Domine fac mecum quidquid vis; tu enim scis quid honori tuo & meæ saluti expediat. Quòd si aliqua tentatio me inuadat, tædiumque atque molestia mihi oboriat, ex ijs quæ vel mihi, vel meis à te immituntur, oro te, mi Domine, misericordiam tuam à nobis ne auertas: cum ego hodie ex toto corde, totaque anima mea meipsum tuæ voluntati deuoueam: & dolet mihi, si ex infirmitate aliqua huic deuotioni in posterum egero quicquam contrarium.

Dispone igitur de me, Domine, quid tibi placet: fiat in me, & de me tanquam de proprio tuo voluntas. Secundum spiritum promptus sum & paratus durissima quæque pro peccatis meis tolerare, saltem tua me gratia atque misericordia non destituat, vt ea patienter feram ad tui nominis gloriam, & criminum meorum expiationem. Immolo tibi quoque spiritum hilarem & promptum, vt tibi seruiat, te colat; tui namque obsequij debitor ego sum, & in



eo vsque ad mortem cupio perseuerare.

Defende me hodie & omni tempore ab omni infortunio animæ vel corporis: da mihi benedictionem tuam, tueri & regere me nunc, & in perpetuum, Amen.

# AD MONITIO ANTE PRAEFATIONEM.

**Q**uando stamus ad orationem, fratres dilectissimi, vigilare & incumbere ad preces toto corde debemus. Cogitatio omnis carnalis & secularis abscedat, nec quicquam tunc animus, quàm id solum cogitet, quod precatur.

Ideo ut Sacerdos ante orationem praefatione premissa parat fratrum animos dicendo; Sursum corda: ut dum respondet plebs, Habemus ad Dominum; admoneatur nihil aliud se, quàm Dominum cogitare debere.

## Ad Praefationem.

**V**erè dignum & iustum est, te benedicere, tibi gratias agere, te adorare in omni loco dominationis tuæ: tu enim es Deus ineffabilis, inuisibilis, incomprehensibilis, semper es similiter existens tu, & vnigenitus Filius tuus, & Spiritus sanctus. Tu de non ente ad esse produxisti nos ad lapsos erexisti rursus, & non destitisti omnia faciens vsquequo in cælum reduxisti nos, & regnum futurum donasti. Pro his omnibus gra-

tias

Cyprianus.

13.  
Chrysol.  
in Liturgia sua.

tias agimus tibi & vnigenito Filio tuo,  
Spiritu sancto.

Gratias quoque agimus tibi & pro  
ramento isto, quod ex manibus Sac  
dotis huius suscipere dignaris, quam  
tibi assistant Archangelorum & Ang  
lorum millia millium; Cherubin quo  
que & Seraphin agmina sex alas habe  
tium, & oculos multos, eleuatorum  
pennatorum, cantantium, clamantium  
& sine fine hymnum pro victoria dica  
tium.

14.

S. Ger  
man. Ar  
chiepisc.  
Cōstant.  
in sua  
Theoria.

*Ad Hymnum Angelicum.*

**S**anctus es Rex seculorum, & omni  
sanctimonie dator; tu enim es omni  
um potens, qui sancta obsignas do  
na: Sanctus verò & vnigenitus tuus Fi  
lius, Dominus noster Iesus Christus, ante  
secula ex te ineffabiliter genitus. Sanctus  
autem & Spiritus tuus, totus sanctus, con  
tans omnia, etiam profunda tua, qui De  
us es; per quem vniuersa, quæ in caelo  
super terram sunt, sanctificantur.

15.

Ex diuer  
sis.

*Ad Sacrum Canonem.*

**D**omine viuificator & bonorum sup  
peditator, qui hominibus Domi  
num nostrum Iesum Christum, beatam  
spem vitæ æternæ dedisti, dignos nos fa  
cito, qui in sanctitate, hoc quoque tibi  
diuinum sacrum perficiamus, vt futuram  
beatitudine perfruamur. Vt sub tua po  
tentia semper protecti, & in lucem ven

tatis deducti, tibi gloriam & gratiarum actionem referamus

Oro te piissime Pater, per eum, qui & Sacerdos est, sacrificium sanctissimæ huius actionis, sit mihi hæc oblatio contra omnium peccatorum meorum vulnera efficacissimum medicamentum; sit virtutis & gratiæ victoriosissimum complementum; sit mihi tam in vita, quam in morte contra omnia pericula validissimum tutamentum; sit denique ad æternam fortitudinem solidissimum fulcimentum.

Nec mihi solum, sed omnibus sit in remissionem peccatorum, & in vitam æternam; in sanctificationem animarum & corporum, ad fructus bonorum operum ferendos: Non enim hæc nobis solum, sed charitatis memores omnibus fratribus nostris petimus.

Memento igitur Domine sanctæ Catholicæ & Apostolicæ Ecclesiæ, quæ est à finibus vsque ad fines orbis terrarum, & pacifica eam, quam tu fecisti honorifico sanguine Christi tui.

In primis memento Domine (Papæ nostri N. nec non &) Archiepiscopi nostri (vel Episcopi) N. eos da sanctis tuis ecclesijs ad pacem integros, honorificos, sanos, longeuos, rectè tractantes verbum veritatis tuæ.

Piissimi quoque & fidelissimi Regis nostri N. quem decreuisti regnare super nos; Totus etiam pallatij & exercitus

illius:

B. Iacobus in Liturgia.

Basilii in Liturgia.



S. Marti-  
nus Papa.

Illius : armis veritatis & bonæ voluntatis  
corona eum. Da ei pacificum imperium,  
vt nos in tranquillitate eius quietam &  
tranquillam vitam ducamus.

Memento Domine omnium fidelium  
& populo Christiano miserere. Clerum  
defende, religiosos in seruitio tuo san-  
cto conseruare dignare, omnesque la-  
borantes conforta: tristes consolare, in-  
firmis sanitatem corporis & animæ re-  
stituere; pauperibus ac egenis omnia ad  
vtrumque hominem necessaria tribue;  
peregrinis ac exulantibus cum salute  
ad propria fac remeare, in periculis a-  
quarum positis ad portum suæ volunta-  
tis fac pertingere; prægnantibus partum  
gaudij misericorditer largire. In vincu-  
lis & carceribus detentos absolue; omni-  
bus cum quibus peccauimus, vel quos ad  
peccandum induximus, & nobis miseri-  
cors Pater indulge; omnibus quos con-  
turbauimus, læsimus, scandalizauimus,  
vel defraudauimus, tu gratiose Pater re-  
tribue.

Errantes corrige, incredulos ad fidem  
conuerte, schismaticos ad vnitatem san-  
ctæ Ecclesiæ fac redire, & ipsis lumen tue  
veritatis ostēde: peccatoribus veram pœ-  
nitentiam largire, iustos in bono propo-  
sito fac perseverare.

Omnibus meis parentibus, amicis &  
inimicis, confratribus & consanguineis,  
familiaribus & benefactoribus, omni-  
busque pro nobis Deum exorantibus,

vel

orationibus nostris se commendantibus omnia bona tribue, & eos ab omni malo defende; in tuoque eos seruitio fac perseuerare, vsque in finem. & post huius cursum miseræ ad te, qui es vera patria, merces, premium æternum, & gloria, fac peruenire.

*Ad memoriam Sanctorum.*

**C**umque omnes Sancti & Sanctæ cælestis patriæ ciues & incolæ, ò Deus, tuam misericordiam laudabilissimam, & amorem tuum erga genus humanum imitantes, assiduas preces atque obsecrationes pro nobis tibi offerant: nos etiam memoriam eorum celebremus; ut quando nobis ipsi parum fidimus, memoria & legatione eorum protecti, per eos audeamus ad te accedere. Per intercessionem igitur sanctissimæ, immaculatæ, gloriosissimæ, benedictæ Domine nostræ Mariæ Dei, & semper virginis Mariæ, & omnium qui inde à seculo placuerunt tibi Patrum, & Patriarcharum, Prophetarum, Apostolorum, ac omnium denique Sanctorum, esto expiator præuicationum nostrarum. Quia sanctus ipse es, & in Sanctis acquiescis, Amen.

*Sub Consecratione.*

**S**ileat omnis humana ac mortalis caro, stetque cum metu & tremore, ac nihil terrestre apud seipsam cogitet. Rex enim Regnantium, & Dominus Dominantium, Christus Deus noster progred-

F

ditur,

16.

Ex Liturgia D Basilij.

17.

Ex Liturgia B. Iacobi.

ditur, vt immoletur, & detur in cibum fidelibus. Ipsum autem antecedunt Angelorum chori, cum omni impetio & potentia; Cherubin multorum oculorum, ac Seraphin sex alarum, faciesque velantia, & cum clamore canentia hymnum, Alleluia, Alleluia, Alleluia.

18.

D. Thomas Aquinas.

## AD ELEVATIONEM

*Hostie sacra.*

**A** Doro te deuotè latens Deitas, quæ sub hac figura verè latitas Tibi cor meum totum subijcit; quia te contemplans totum deficit. Visus, gustus, tactus, in te fallitur: sed auditu solotutè creditur. Credo quicquid dixit Dei filius; Nihil veritatis hoc verbo verius. In cruce latebat sola Deitas; sed hic latet simul & humanitas. Ambo tamen credens atque confitens, peto quod petiuit Latio pœnitens: Plagas sicut Thomas non intueor, Deum tamen meum te confiteor. Fac me tibi semper magis credere; In te spem habere, te diligere. O memoriale mortis Domini: Panis verus vitam præstans homini; præsta meum mentem de te viuere, & te illi semper dulce sapere.

*Ad elevationem Calicis.*

19.  
Collector.

**S** Alue ô sanguis Christi prænobilis, sub figura vini latens humilis; per te redemptus mundus, fracta tartara; apertum cælum, per tot clausum secula; cum

de Sal



de Saluatoris nostri pectore, saluari scaturires flumine. O ros cælestis, o liquor purpuree : o calix præclare salus mentis meæ; tu me refrigera in peccati fomite; ab omni me peccantem munda crimine, & amore tui me inebria, vt pocula tua gustem quàm dulcia, & quam iucunda sunt tua solatia.

O pie Pelicane Iesu Domine, me immundum munda tuo sanguine, cuius vna stilla saluum facere totum mundum posset omni scelere. Iesu, quem velatum nunc aspicio, quando fiet illud quod tam sitio; vt te reuelatus cernens specie, visu sim beatus tuæ gloriæ?

*Post eleuationem, filij pro peccatis nostris  
ad Patrem oblatio.*

20.

O Clementissime & supreme cæli, terræque Creator ac Domine, ecce ego licet omnium peccatorum primus, ac maximè detestabilis, vna cum Ecclesia offero tibi pretiosissimum, & quod non aliud tibi gratius est, sacrificium; Vnigenitum scilicet filium tuum, Dominum nostrum Iesum Christum, pro expiatione & satisfactione omnium meorum peccatorum, quæ ab infantia mea, vsque in hanc horam nequiter commisi; & pro omnibus hactenus à tua liberalitate perceptis beneficijs.

Aspice igitur, o pie Pater, piissimum hunc Dominum nostrum Iesum Christum, filium tuum, pro me tam impia

D. Tho.  
mas.

Granat.  
lib. 5. Memorial.  
ex cap. 5.  
c. 7. & 8.  
Medit. B.  
August.

passum. Respice clementissime Rex quis patitur, & reminiscere benignus pro quo patitur. Nonne hic est, mi Domine, innocens ille, quem vt seruum redimeres, filium tradidisti? Nunquid auctor vitæ hic est; qui vt ouis ad occisionem ductus, tibi que vsque ad mortem obediens factus, atrocissimæ non timuit necis genus subire? Recole totius salutis dispensator, quia hic est ipse, quem etsi ex tua virtute genuisti, meæ tamen infirmitatis participem fieri voluisti. Verè hæc est tua Deitas, quæ meam induit naturam, crucis ascendit patibulum, quæ in assumpta carne triste tulit supplicium.

Reduc Domine Deus meus oculos tuæ Maiestatis super opus ineffabilis pietatis. Intuere dulcem natum toto corpore extensum: cerne manus innoxias plorantes sanguine, & remitte placatus scelera, quæ patrârunt manus meæ. Considera inermis latus crudeli perfosum cuspide, & renoua me sacro fonte, quem inde credo fluxisse. Vide immaculata vestigia, quæ non steterunt in via peccatorum, sed semper ambulauerunt in lege tua, diris confixa clauis, & perforce gressus meos in semitis tuis, & fac me odio habere benignus omnes iniquitates meas: viam iniquitatis amoue à me, & fac me propitius viam veritatis eligere.

Oro te Rex Sanctorum per hunc Sanctum Sanctorum, per hunc Redempto-

rem meum, fac me currere viam mandatorum tuorum, vt ei valeam spiritu vniui, qui mea non horruit carne vestiri. Nunquid non attendis pie Pater adolescentis filij charissimi caput-niuea ceruice deflexa, pretiosissimam resolutum in mortem? Aspice mitissime Conditor dilectæ sobolis humanitatem, & misereri super infirmi plasmatis debilitatem. Candet nudatum pectus, rubet cruentum latus, tensa arent viscera, decora languent lumina, regia pallent ora, proceræ rigent brachia, crura pendent marmorea, rigat terebratos pedes beati sanguinis vnda.

Specula gloriose genitor gratissimæ prolis lacerata membra, memorare benignus quæ mea est substantia; conspicite Dei hominis poenam, & relaxa conditi hominis miseriam. Vide Redemptoris supplicium, & redempte dimitte delictum.

Ecce omnipotens Deus, Pater Domini mei, dispone benignus, quo miserearis mei: quoniam quidquid pretiosius inueni, deuotè obtuli: quidquid charius repeti, suppliciter præsentavi. Direxi tibi Aduocatum meum, dilectum filium tuum. amplectere serenus pastorem, & respice misericors allatam proprijs humeris ouem. Oro te pie Pater, da mihi, vt illum merear habere Aduocatum, quem nullo meo merito, sed ex pura tua gratia mihi dedisti Redemptorem, Amen.



21.

Seuerus  
Patriar-  
cha Ale-  
xand in  
prec. abe-  
cedarijs  
Syrorū.

*Ad memoriam defunctorum.*

**R**ecordare Domine animarum no-  
strarum, & animarum patrum &  
fratrum nostrorum, & præceptorum no-  
strorum, & defunctorum nostrorum,  
omniumque defunctorum fidelium, fi-  
liorum Ecclesiæ sanctæ & gloriosæ.

Tribue requiem Domine Deus, ani-  
mabus eorum, & eorum spiritibus, eor-  
umque corporibus, & asperge rorem  
miserationum super ossa eorum: mise-  
rator & misericors esto nobis & ipsis  
Christe Rex noster, colloca eos, Domi-  
ne mi, in mansionibus benedictis domus  
patris tui cum Abraham, Isaac, & Iacob;  
amicis tuis, & cum omnibus Sanctis, qui  
executi sunt voluntatem tuam in fide  
vera, & Patris tui, & Spiritus tui sancti in  
secula seculorum, Amen.

22.

*Collector.*

*Ad memoriam Sanctorum.*

**N**obis Domine quos vocasti, & quos  
sanctificasti, portionem da in voca-  
tione tua, & fortifica nos in amore tuo,  
& custodi in sanctificatione tua. Largire  
nobis vitam inculpatam, ut inueniamus  
misericordiam & gratiam cum omni-  
bus Sanctis tuis Patriarchis, Prophetis,  
Apostolis, Martyribus, Confessoribus,  
atque Virginibus, omnibusque ijs, qui  
ab æterno tibi placuerunt: intra quorum  
nos consortium, non æstimator meriti,  
sed veniæ quæsumus largitor adnaitte:  
ut te rectore, te duce inter Scyllam &

Cha.

Charybdim iter tenere per medium, & integra naue, saluisque mercibus ad te portum tutissimum peruenire valeamus. Da vt anima nostra terreno resoluta carcere libera cælum petat, beatis admixta spiritibus; Maieitati tuæ assistat, te in circumscriptum lumen cernat; qui viuus Deus per omnia secula seculorum, Amen.

*Ad Orationem Dominicam.*

**O**Mnipotens, æterne ac cælestis Pater, qui per filium tuum vnigenitum Dominum nostrum IESVM Christum precandi rationem discipulis præscripti tibi offerendam, & eandem post illos in nos deriuasti, simulque docuisti, te requirere oratores, qui in spiritu & veritate tibi supplicent. Nos miseri peccatores, absorpti mendacio, vacuique spiritu te oramus Patrem cælestem, per eundem filium tuum, qui est veritas, vt propter illum in nos abundè effundas Spiritum sanctum, qui nos in numerum filiorum adoptet, quorum tu Pater es: vt nostræ infirmitati subsidio sit, nos doceat, quid, & quomodo iuxta sanctam voluntatem tuam orandum. Adeoque inter nos exclamet. Abba pater, animo meo dilectissime genitor; & sic desiderium & votum nostrum in conspectum tuum producat, in quo clementer exaudiamur. Per eundem IESVM Christum Dominum nostrum, Amen.

Timānus  
Borken-  
sis in En-  
chiridio.

23.

*Deinde Orationem Dominicam, si vo-  
lueris, subiunge.*

24.  
Ex Missa  
li Gotti-  
co MS.

*Ad Agnus Dei.*

**A**gnus Dei, qui tollis peccata mundi,  
respice in nos, & miserere nobis; fa-  
ctus nobis ipse hostia, qui Sacerdos;  
ipse præmium, qui Redemptor: à malis  
omnibus, quos redemisti, custodi.

25.  
Ex eodē  
Missali.

*Ad osculum Pacis.*

**C**omple Domine vota supplicum, ex-  
caudi gemitus peccatorum: osculetur  
nos osculo oris sui pacis Magister, & con-  
ditor; vt in nobis hoc (spiritualiter) reci-  
pientibus holocaustum, pacem, quam  
speramus, habeamus, Amen.

26.  
Ex Missa  
Aethio-  
pum.

*Oratio pro pace.*

**E**cclēsiā, quæ fuit à principio, &  
erit vsque in finem seculi: omnes  
populos, & omnes greges benedic  
Domine. Pacem de cælo mitte super o-  
mnes animas nostras: pacem vitæ nostræ  
da nobis, per ipsam Ecclesiā. Da Do-  
mine pacem Regi nostro N. & Principi-  
bus eius, ac Iudicibus eius, & subditis eius  
& circa nos cōgregatis, tam extra, quā  
intra Ecclesiā. Orna eos omni genere  
pacis, Rex pacis: pacem da nobis, quia  
omnia dedisti nobis. Conserua nos Do-  
minæ, quia præter te neminem cogno-  
scimus; nomen sanctum tuum nomi-  
namus, & inuocamus, vt viuat anima  
nostra in Spiritu sancto, nec inualescat



mors peccati super nos seruos tuos, & super omnem populum tuum, per Christum Dominum nostram, Amen.

OBSERVATIO ANTE  
Communione.

**A** Postolorum tempore, & in primitiua Ecclesia mādātum erat, ne quis tremendo Missa sacrificio interesset, qui non etiam sacramentaliter communicaret. Unde Anacletus; Peracta, inquit, consecratione omnes communicent; qui noluerint ecclesiasticis charere liminibus. Sic enim statuerunt Apostoli, & sancta Romana tenet Ecclesia. Sed si qui initio Missa quæ Catechumenorum dicebatur, interesset, is post Euangelicā lectionē, si praparat us ad communicandum non erat, eiciebatur: ut patet ex verbis Dionysij Areopagita, de Hierarc. Eccles cap 3 Illud autem conueniebat paruo isti Christianorum numero ad plantanda nouella illius Ecclesiæ germina.

Crescente postea Christianorum plebe, & deuotione decreſcēte, quod antea mandat erat, consilij esse cœpit, & quod singulis diebus antea fiebat, id Dominicis tantum in usu habitum est. Inde sub Fabiano Pontifice statutum, ut saltem ter in anno communicarent; cui præcepto cū postea nondum satisfaceret, eò quòd charitas in Deum magis, magisque refrigerasset, sub Innocentio

De Consec. dist.  
2. c. Peracta.

Vide Ioannē de Turro Cremata & Extrā de Paroc. cap 2.

II. in Consilio Lateranensi decretum est, ut omnes utriusque sexus homines, mox ubi sapere iam inceperint, reuerenter annuatim semel singulis annis, in Paschate Eucharistiam suscipiant, nisi quis uiuens ab ingressu Ecclesia arceri, & moriens Christiana carere sepultura voluerit.

Nihilominus quouis tempore Christiani ad sacramentaliter communicandum non preparati, in Ecclesiam admittebantur, ut orarent, pacem haberent, benedictionem cum ceteris acciperent, & spiritualiter communicarent.

Illi autem spiritualiter communicantes, qui audientes Missam, orantes & adorantes Christum in sanctissimo hoc Sacramento, cogitant sine intermissione de illo, animo flamma deuotionis accenso, intentoq; desiderio illum percipiendi; & sancta quadam emulatione Sacerdoti, alijsq; sacramentaliter Christum sumentibus, inuident.

#### O R A T I O.

27.  
Collector.

Ante Communionem spirituaalem.

**D**omine Iesu Christe, qui in his sacrosanctis & augustissimis mysterijs ad nos venire, & in incruenti huius sacrificij mensa omnibus te manducare volentibus apponi dignatus es, nosque omnes ad tremendam hoc epulum inuitas; ecce ego infelix peccator, hircus inter agnos tuos, etiam hic assisto, si for-

tè mi-

tē mihi misero catello, vel micula quādam decadat, quo esurientem & desiderio tui latrantem ventriculum satiem.

Cupio, ô melliflue Iesu, & quidem ex toto corde appeto, te panem cælestem, omnem dulcedinem habentem, hoc est, te verum Deum cum Zachæo in domum pectoris mei reuerenter excipere, vt cœnes mecum, & habites mecum; sed propter vilitatem atque nimiam meam indignitatem id facere vereor & erubesco.

Caterum, ô pijsissime Iesu, qui non semper actiones ipsas, sed & interdum desideria hominum intueris, & accipis; ecce quod sacramentaliter non audeo, id spiritualiter facere desidero. Ecce dilato os animæ meæ, & brachia desideriorum meorum latē ad te expando, veni ô bone Iesu, veni cum omnibus meritis & gratijs tuis, vt anima mea te impatienter esuriens bonis tuis impleatur.

O gratiosissime Iesu, qui Sacerdotem hunc publicum Ecclesiæ tuæ ministrum nobis dedisti; vt sit nobis in ijs quæ sunt ad Deum, vt offerat dona & sacrificia pro peccatis, quodque oblatum est pro se, pro viujs omnibus & defunctis sumat; vt per eum, quasi per canalem sanctæ viuificatricis huius immolationis fructus ad nos diriuentur; tolle quæso, si quod in me sit obstaculum; vt & ego horum donorum particeps fiam; portio quædam ad me dilabatur, mens mea hoc quotidiano & supersubstantia-

Heb. 5.



li pane spiritualiter saltem recreetur, & præclaro salutaris calicē anima suauiter inebrietur.

*Sub Communionē & deinceps.*

28.  
Ex libel-  
lo, cui ti-  
tulus Hy-  
anni &  
Collette  
Lucæ 18.  
Chryso-  
stomus.

Augusti.  
lib. 3. de  
doctrina.  
Christ.

Augusti.  
in 6 cap.  
Ioan.

**D**omine, non sum dignus vt intres sub tectum meum: dic tantum verbum, & sanabitur anima mea. Respice me à longè stantem cum Publicano, tundentem pectus, & dicentem tibi; Deus, propitius esto mihi peccatori.

Da trementi & adoranti tam horrenda mysteria spiritualiter saltem manducare carnem, & bibere sanguinem tuum. Da mihi per viam in te fidem inuisibiliter saginari de te, dulciter videlicet recolenti & credenti, benedicam carnem tuam pro me in cruce fractam & immolatam, & sanguinem tuum de latere tuo effusum, in remissionem peccatorum meorum. Da spiritu participare, vt tu in me, & ego in te manens, spiritu tuo vegeter & incendar ad currendam viam mandatorum tuorum.

Reple me spiritu vnitatis & charitatis, & constabili me in societate omnium Sanctorum tuorum; quæ etiam hoc diuinissimo Sacramento signatur, quod ex his conficitur, quæ ex multis in vnum rediguntur. Da denique vt esuriam & sitiam, & toto corde desiderem hunc panem vitæ, qui de cælo descendit, nō modò spiritu per fidem, sed & in Sacramento de mensa tua, pura & secura mente, &

casto

casto corpore frequenter accipere ; vt hinc non solum animæ meæ , sed & carnis substantia fulciatur & custodiatur in vitam æternam, Amen.

*Ad ultimam Collectam.*

**I**Nuoco te clementissime Deus in animam meam , quam præparas ad capiendum te, & desiderio quod inspiras ei. Intra rogo in eam, & coapta eam tibi, vt possideas illam quam fecisti, & sacris mysterijs tuis refecisti, vt habeam te velut signaculum super cor meum. Quæso piissime inuocantem te non deseras, quia priusquam te inuocarem me vocasti, & quæsiuisti, vt ego seruus tuus te quærerem, quærendo inuenirem, & inuentum amarem.

Quæsiui & inueni te, Domine, & amare desidero. Auge desiderium meum, & da quod peto, quoniam sicuncta, quæ fecisti, mihi dederis, non sufficit seruo tuo, nisi te ipsum dederis. Da ergo te ipsum mihi Deus meus, redde te mihi. En amo te, & si parum est, validius amem. Tuo ergo amore teneor, tuo desiderio flagro, tua dulci memoria delector. Ecce dum tibi mens mea suspirat, & tuam ineffabilem pietatem meditatur, ipsa carnis sarcina minus grauat, cogitationum tumultus magis cessat, pondus mortalitatis & miseriarum, more solito, non hebetat.

Assumat igitur spiritus meus pennas

29.

Augusti.  
lib. de cō-  
temp. di-  
uina.

vt aquilæ, volet & non deficiat, volet & perueniat vsque ad decorem domus tuæ, & thronum gloriæ tuæ: vt ibi super mensam ciuium supernorum pascatur de oculis tuis, in loco pascuæ, iuxta fluenta plenissima. Tu esto exultatio nostra, qui es spes nostra, salus & redemptio. Tu esto nostrum gaudium, qui es futurus premium. Te semper querat anima mea, & tu præsta, vt quærendo non deficiat, Amen.

*Ad Benedictionem.*

30.  
D. Tho-  
mas A-  
quinas.

**A**nima Christi sanctifica me. Corpus Christi salua me; sanguis Christi inebria me; aqua lateris Christi laua me; passio Christi conforta me.

O bone Iesu exaudi me, intra vulnera tua absconde me, & ne permittas me separari a te; ab hoste maligno defende me, in hora mortis meæ voca me, & iube me venire ad te, vt cum Sanctis tuis laudem te in secula seculorum, Amen.

*Hymnus SS. Ambrosij &  
Augustini.*

**T**E Deum laudamus, te Dominum confitemur.

Te æternum Patrem, omnis terra veneratur.

Tibi omnes Angeli: tibi cæli & vniuersæ potestates.

Tibi Cherubim & Seraphim incessabili voce proclamant.

San-



Sanctus, Sanctus, Sanctus: Dominus  
Deus Sabaoth.

Pleni sunt cæli & terra: maiestatis gloria tuæ.

Te gloriosus Apostolorum chorus.

Te Prophetarum laudabilis numerus.

Te Martyrum candidatus laudat exercitus.

Te per orbem terrarum sancta confitetur Ecclesia.

Patrem immensæ maiestatis.

Venerandum tuum verum: & vnicum filium.

Sanctum quoq; paraclitum Spiritum.

Tu Rex gloriæ Christe.

Tu patris sempiternus es filius.

Tu ad liberandum suscepturus hominem: non horruisti virginis uterum.

Tu deuicto mortis aculeo, aperuisti credentibus regna cœlorum.

Tu ad dexteram Dei sedes: in gloria patris

Iudex crederis esse venturus.

Te ergo quæsumus, tuis famulis subueni quos pretioso sanguine redemisti.

Aeterna fac cum sanctis tuis gloria munerari.

Saluum fac populum tuum Domine: & benedic hæreditati tuæ.

Et rege eos, & extolle illos usque in æternum.

Per singulos dies benedicimus te.

Et laudamus nomen tuum in seculum: & in seculum seculi.

Digna-

Dignare Domine die isto sine peccato nos custodire.

Miserere nostri Domine: miserere nostri.

Fiat misericordia tua Domine super nos: quemadmodum sperauimus in te.

In te Domine speraui: non confundar in æternum.

32.

Ex libello  
cui titulus  
Hymni &  
Collectę.

*Ad ultimam Benedictionem.*

**B**enedicat nos Deus Pater ✱: Custodiat nos Iesus Christus ✱: Illuminet nos Spiritus sanctus ✱ omnibus diebus vitę nostrę: Confirmet nos virtus Christi, intercedētib⁹ Sanctis suis indulgeat nobis vniuersa delicta nostra, Amē.

**CAPVT TERTIVM,  
CONTINENS ORATIONES  
POENITENTIVM, PRO  
impetranda remissione peccatorum.**

**P R A E F A T I O.**

Lib. 2.  
Constit.  
Apost.  
cap. 19.



**D**eus cū misericordia Deus sit, inquit D. Clemens, à principio singulas generationes ad pœnitentiam vocauit per iustos & Prophetas: Atque illos quidem, qui ante diluuium fuerunt, per Abel, Sem & Seth: præterea per Enos & Enoch, qui fuit translatus. Qui in diluuiio reperti sunt, per Noë: qui erant Sodomis,

Genes. 5.  
Genes. 7.

per

per hospitalitatem Loth. Eos qui post dilu-  
uiū nati sunt, per Melchisedech, per Patri-  
archas, per S. Iob. Qui in Ægypto fuere, per  
Mosen: Israëlitas per eundē, & per Iesum,  
Caleb, Phinees, & reliquos. Eos qui post le-  
gem fuere, per Angelos & Prophetas; eosdē  
per propriam incarnationē ex Virgine fa-  
ctam. Eos qui fuerunt paulō ante corporalē  
eius manifestationem, per praeursorem Io-  
annem dicentem; Pœnitentiā agite, &c.  
Qui post eius passionem fuerūt, per duode-  
cim Apostolos, per vas electionis Paulū, &  
nunc per Apostolorum successores. Ad quod  
igitur Deus omni aetate tā sollicitē suos ad-  
hortatus est, id nequaquam à nobis surda  
aure debet prateriri. Est enim pœnitentia  
secunda post naufragium tabula. Vt nau-  
fragus igitur alicuius tabula fidem, sic nos  
pœnitentiam amplexeremur. Hac enim nos  
peccatorum fluctibus mersos proleuabit, &  
in portum diuina clementia protelabit.

Huius pœnitentia si habitū inspiciamus,  
efficiens causa De⁹ est, à quo immediatē in-  
funditur, sine nobis principaliter operantib⁹,  
est. n. hac mutatio dextera excelsi, si verò  
actus cōsiderem⁹, nos Deo operantī coopera-  
mur. Initio. n. Deus peccatōrē inspiratione  
vera pœnitentia (qua de admissis peccatis  
homo dolet) puenit, et ad peccatōrū exomo-  
loge sin. satisfactionēq; congruā excitat, at

que

Gene. 19  
Gen. 14.

Tertull.  
lib. de  
pœnit.

Vide Pro-  
sperū ad  
obiectionē  
Vincen-  
tianam  
15.



que impellit. Deinde fidē charitate destituta, & peccati sordib⁹ inquinatā Spiritu suo sancto suggerenter redintegrat, & fiduciam sperādā pietatis indulget; nō in operū merito, q̄ impius ipse in impietate sua fecit; sed in sanguine Iesu Christi repositā. Hac fiducia erectū ad se, & cōuersum (dū homo firmum propositū ampli⁹ nō peccandi concipit) p̄ Sacramentū pœnitētiā in verbo absolutionis à peccatis omnib⁹ misericorditer absoluit, & liberat. Simulq; Spiritū suū sāctū, quē homo peccādo cōtristārat, ac repulerat, in visceribus eius innouat, ac restituit: q̄ deinceps cōcupiscētiā, quā ante cōuersionē peccatorem violēter post se rapiebat, reprimit, & mortificare incipit; ut a modō nō regnet peccatū in mortali corpore, nec obediatur cōcupiscētiā, sed Deo; & moueantur membra ad seruiendū deinceps, nō immūditia & iniquitati ad iniquitatē: sed iniustitiā ad sāctificationē. Sic Deus relapsū post baptismū restituit, & ex iniusto iustū facit. Siue igitur initii siue medium, siue finē pœnitentiā consideremus, ubiq; gratia & auxilio Dei nobis opus est, quā nullare facili⁹ nobis, quā oratione demeremur.

Partes autē pœnitētiā quatenus Sacramentū est, tres sunt cuius notissima; Cōtritiō, Cōfessio & Satisfactio: & in his singulis oratio nobis est necessaria. Quātū enim

ad contritionem, non est in potestate peccatoris, ut ipse sibi largiatur hunc affectum: sed Dei donum est gratuitum, ab illo tamē lachrymis, precibus, alijsq; pijs studijs am- biendum. In Confessione adeo diuina nobis opus est gratia, ut cum densissimis in tenebris versemur, sine hac inter peccatum & non peccatum diiudicare nequeamus: sed nec obscuros conscientia nostra angulos sine diuini luminis ope scrutari, nec quod corde concepimus, re (nisi aperiat illud Deus) proferre commodè valeamus. Hac omnia precibus impetrantur. In Satisfactione adeo nobis oratio est necessaria, ut ipsa oratio satisfactionis nequaquam minima pars sit.

Cum itaque in singulis his partibus ad nationis subsidium nobis recurrendum sit: nos singulis etiam suas peculiare orationes dedimus: ut habeat deuotus orator in promptu, quidquid in singulis penitentia actionibus sibi erit necessarium.

PRO CONTRITIONE.  
TRES ORATIONES AD EX-  
citandam in anima contritionem &  
dolorem peccatorum.

## ORATIO I.

**O**Vnigenite fili Dei, magna & inef-  
fabilia sunt, Domine mi, tua be-  
neficia, quæ à te percepi: tu me de pulue-

I.  
Lud. Gra-  
nat. lib. 2.  
Memor.  
cap. II.

re & limo terræ assumpsisti, & animam meam de nihilo ad imaginem & similitudinem tuam creasti, gloriæque tuæ capacem fecisti. Tu mihi intellectum, memoriam, voluntatem, liberum arbitrium, cum omnibus membris meis & sensibus dedisti, vt cum ijs te & cognoscerem, & amarem. Tu me custodisti in angustijs vteri matris meæ, ne in illis sine Baptismo præfocarer. Tu me post tot peccata, vsque in præsentem diem, patienter sustinuisti: cum interim multi alij sint, qui minùs peccauerint, quam ego; & tamen quia illos hucusque expectare noluisti, nunc forsitan in Inferno torquentur. Super hæc omnia verò placuit tibi incarnari, & inter homines pro me conuersari, pro me affligi & tribulari, sudore sanguineo perfundi, capi, ligari, palmis cædi, conspui, illudi, blasphemari, candida & purpurea veste vt morio vestiri, flagellis lacerari, spinis coronari, arundine percuti, oculis velari, ad mortem damnari, & ad locum supplicij duci; habens in humeris crucem cui duris clauis affixus es, interque latrones duos suspensus, & pro malefactore iudicatus, fel bibisti, & acetum; denique morte crudelissima extinctus es. Tot me, Domine, laboribus & doloribus redemisti, & tamen ego vilissimus & peruersissimus peccator; tot beneficijs ingratus, toties nunc denuò te percussi, & peccatis meis in cracem egi. Quare dignus sum,



vt omnes creaturæ insurgant in me, & vindictam sumant de hac mea iniuria.

Quid dicam de abusu tuorum Sacramentorum, & medicamentorum, quæ mihi pretioso tuo sanguine, & instituisti, & comparasti? Tu me pro tuo suscepisti in Sacramento Baptismatis, ibi me in filium adoptasti, & quasi templum tuum consecrasti: ibi me tanquam Sacerdotem, Regem, & athletam, cui cum inimico luctandum esset, vnixisti; ibi animam meam tibi desponsasti; & contulisti mihi omnem nobilitatem, quæ ad hanc dignitatem requirebatur. Sed quomodo his omnibus beneficijs & ornamentis à te acceptis vsus sum? Quas cogitationes habui de istis diuinitis conseruandis? Tu me suscepisti pro tuo filio, & ego factus sum seruus peccati. Tu me in templum tuum sanctificasti, & ego me feci habitationem Dæmonum. Tu me armasti, vt generosum militem, & ego defeci, & ad inimicos tuos transfugi: Tu me Regem fecisti, & ego in Regno, quod mihi dedisti, superbiui: sponsasti animam meam tibi & perpetua charitate, & ego magis amaui vanitatem, quam veritatem, plus creaturas, quam Creatorem. AEquum sanè, imò æquissimum esset, ô Domine, vt vel tandem flere, plangere, & lamentari inciperem, cum tot & tam enormia facinora commiserim.

Hoc est, quod tanto tempore à me ex-

pecta-

pectasti, quanto mihi vitam dedisti: roties enim me vocasti, & tam diu me sustinuisti; percussisti me, & iterum mihi blanditus es: omnes vias modosque tentasti, vt me ad te retraheres. Me expectasti, & ego tua patientia sum abusus; me vocasti, & ego ad tuas voces obfurui: tu mihi dedisti tempus poenitentiae, & ego illud in mea superbia consumpsi: tu percussisti me, & ego non sensi; tu afflixisti me, & ego nolui suscipere correctionem: tu sudasti, vt me mundares, & ego lotus non sum: tu igne me probasti, & rubigo vitiorum meorum non est extersa: flagellis tuis aequè vt tuis blanditijs induratus sum, ingratus his rebellis istis.

Nihilominus Domine, cum tot & tanta pro me passus sis, praecepisti mihi ne desperarem, nec tibi desiderem. Conuerto igitur me totum ad tuam misericordiam, & supplico tibi, da mihi gratiam, vt possim meipsum emendare: quo sciam posterum tibi placeam, tibi que seruiam, ne vnquam me rursum à te auertam: sed tibi semper adhæream, per omnia secula seculorum, Amen.

PRO CONTRITIONE  
ORATIO II.

2.  
Idem ibi-  
dem cap.  
12.

**O** Supreme Factor omnium rerum creatarum, cum mecum cogito quam grauius infinitam tuam Maiestatem meis peccatis offendi, horreo, & in

saniam meā detestor; considerans quam benignum & venerabilem Patrem reliqui: execror ingritudinem meam; cum video de quam nobili libertate in seruitutem tam miseram prolapsus sum; maledico inconstantiae meae, & nescio, quid mihi ante oculos statuam, nisi iudicium & infernum: iustitia enim tua, quam fugere non possum, terret meam conscientiam.

Econtrario cum intueor immensam tuam misericordiam, quæ secundum Prophetæ tui testimonium superat omnia opera tua, mox aura iucundissima spei me rufocillat, animamque meam nimis debilem corroborat: quemadmodum enim antea desperabam, sic inuenio hic remissionem peccatorum in eo, qui per Prophetarum suorum scripta toties inuitat peccatores ad poenitentiam, dicens; Nolo mortem peccatoris, sed magis ut conuertatur & uiuat. Sed & filius tuus vnigenitus multis similitudinibus ostendit, quàm paratus es ad ignoscendum his, qui poenitentiam agunt. Illud significauit per denarium amissum, per ouem perditam, & in humeris pastoris ad ouile relatum: potissimum autem per filium prodigum, cuius imaginem in me agnosco: ego enim ille sum, qui verè patrem meum amantissimum deserui, omnem substantiam meam dissipau; qui obediens appetitibus carnis meæ mandatorum tuorum obedientiam fugi,

& in

Psal. 142.

Ezech. 48.

Lucæ 15.



& in turpissimam peccati captiuitatem cecidi nunc in extrema necessitate constitutus sum, ex qua quis me eruet plane ignoro, nisi is quem deserui.

Recipe igitur, Domine, per tuam misericordiam me humilem seruum tuum, à te remissionem suppliciter petentem. Sed cum in hanc usque horam me tam benigniter (frustra tamen) expectasti, fateor non sum dignus qui oculos meos in cælum tollam, vel te patrem meum appellem: tamen quia verè Pater meus es, dignare me paternis oculis intueri: solus enim aspectus tuus mortuos viuificat, & omnes errantes ad sese retrahit: hanc enim qualemcumq; poenitentiam, quam nunc habeo, habere non potuissem, nisi tu me respexisses.

Quando vagans a te aberraueram, de cælo tuo altissimo eminus me despectisti, oculosque mihi aperuisti, vt me ipse intuerer, conscientiam meam sentarer, & me tantis malis exundantem conspicerem. Veni ergo Domine, ad recipiendum me: da mihi cognitionem & memoriam innocentiae perditæ. Non peto amplexus tuos, non oscula tua; non oro vt des splēdidam illam vestem, qua indui soleo; non antiquæ meæ dignitatis annulum: non precor, vt me recipias in statum & dignitatem tuorum filiorum: sed gratulabor mihi, si me inter mercenarios domus tuæ, stigmatē tuo notatos, & vinculis tuis li-

gatos numeraueris, ne vnquam in posterum te fugiam: non erit mihi molestum, etiamsi in hac vita vnus sim ex contemptissimis domus tuæ famulis, saltem ne me in perpetuum à te separe.

Exaudi me itaque pie Pater, & da mihi gratiam vnigeniti Filij tui, & mortis illius merita mihi communica. Da mihi Spiritum tuum, vt purificet cor meum, & corroboret illud in gratia tuâ, ne denud per ignorantiam meam reuertar ad illud exilium, vnde tua me gratia reuocauit. Qui viuís & regnas per omnia secula seculorum, Amen.

## PRO CONTRITIONE.

## ORATIO III.

**H**Æc oratio, Christiane Lector, per aliquot dies continuos recitari debet, cum omni attentione & deuotione, ab his qui anhelant ad veram contritionem, & peccatorum remissionem: in ea namque videbit, quàm iustis nominibus Deo est obligatus, & quàm serió poenitere debet, qui talem Dominum offendit.

**Q**uis dabit capiti meo aquam, & oculis meis fontem lachrymarum; vt desiccam noctes atque dies peccata mea, meamque ingratitude in Deum Creatorem meum? Multa inueniuntur, omnipotens Domine mi, quæ compungunt animos hominum, eosque ad cognitionem suorum peccatorum ad-

Idem ibidem.

Hier. 9.

dueunt; sed nihil tam efficax est, quam consideratio magnitudinis tuæ bonitatis, & multitudinis tuorum beneficiorum, etiam erga ipsos peccatores. Vt igitur anima mea miserrima vel sic confundatur & erubescat, incipiam, Domine, bonorum tuorum, meorum vero malorum nonnulla commemorare, vt vel hinc manifestius intelligam, quis tu sis, & quis ego; qualis tu erga me fuisti, & qualis ego in te.

Fuit aliquando, mi Domine, quando non eram, & tu mihi esse dedisti, & me ex limo terræ assumpxisti, creans me ad imaginem & similitudinem tuam: deinde ab utero matris meæ tu factus es Deus meus; à primo namque momento, quo esse cœpi, vsque in præsentem diem, tu es Pater meus, tu Redemptor, tu defensor, & omne bonum meum. Tu creasti corpus meum cum omnibus membris & sensibus meis; tu creasti animam meam cum omnibus suis potentijs, & vsque huc vitam meam tuæ prouidentiae beneficijs conseruasti.

Omnia hæc (licet per se magna sint, imò penè omnia) exigua tamen sunt pro tua magnitudine. Ceterum quia gratis hæc habebas, nullo magno empti pretio, aliud mihi dare voluisti, quod constar tibi pretio maximo, vt magis me tibi obligares. Descendisti de cælo in terram, vt inuenires me, quærens me in omnibus vijs, in quibus ego me amisce-



ram. Humanitate tua naturam meam  
nobilitasti, tua captiuitate à vinculis  
meis me liberaſti; à potentia Dæmonis  
me vindicaſti, tradens te in manus pec-  
catorum, & peccatum meum destruxiſti,  
formam peccatoris aſſumens. Voluiſti  
me tibi obſtringere tanta gratia, vo-  
luiſti me allicere hoc beneficio; ſpem  
meam corroborare tantis meritis; &  
deſtationem peccati in me generare,  
oſtendens mihi, quanta feciſti, quanta  
tuliſti, vt regnum peccati euerteres. Vi-  
uas prunas mortuis carbonibus cordis  
mei ſuperimpoſuiſti, vt tanta multitu-  
dine beneficiorum, quæ in hoc vno con-  
tinentur, obrutus, eum amarem, qui tan-  
ta pro me fecit, & tantum mihi amorem  
exhibuit.

Ecce Domine, redemiſti me, ſed illud  
quid mihi prodeſſet, niſi baptizatus fuiſ-  
ſem? In tanta infidelium multitudine,  
qui per totum orbem diffuſi ſunt, vo-  
luiſti me eſſe in numero fidelium, & eo-  
rum quibus tam felix ſors obtigit, vt ſint  
nimirum tui filij, aqua ſancti baptiſma-  
tis regenerati: illic pro tuo aſſumptus  
ſum, illic celebris & admirabilis ille  
contractus; ſeu ſœdus initum eſt, vt tu  
ſcilicet meus eſſes, & ego tuus: tu meus  
Dominus, & ego tuus ſeruus; tu meus  
pater, & ego tuus filius: vbi ſimul conue-  
nimus, tu vt mihi facias opus patris &  
ego vt ſeruiam tibi ſeruitute filij. Quid  
dicam de alijs Sacramentis, quæ in re-

medium meorum malorum instituisti, faciens medicamentum plagis meis ex tuo pretiosissimo sanguine?

Habens hæc subsidia & auxilia nondum in bono perstiti, sed tanta fuit me malitia, vt non obstantibus his primam adhuc innocentiam amiserim; & tua vicissim tanta fuit misericordia, vt vsque huc patienter peccantem me sustinueris. O spes mea, & remedium meum, quomodo potero sine lachrymis meminisse, quoties potuisti me occidere, & nihil mihi mali accidit? Quot animarum millia fortè nunc ardent in inferno, quæ minus peccârunt, quàm ego peccaui, & non ardeo? Quid factum esset de me, si quo tempore illos abstulisti, etiam me abstulisses? quàm strictum fuisset mihi præparatum iudicium, si iustitia me tot delictis grauatum deprehendisset. Quis tunc, o Domine, ligauit manus tuæ iustitiæ? quis cum ego dormiebam pro me deprecatus est? quis continuit flagellum indignationis tuæ, quando ego illam meis peccatis prouocabam? quid tibi placuit in me, cur mitius mecum ageres, quàm cum illis, qui in medijs periculis, atque adeò in feruore iuuentutis, è medio sublati sunt? Peccata mea clamabant ad te, & tu obturabas aurem tuam ne audires: malitia mea contra te crescebat quotidie. & tua vicissim quotidie erga me crescebat misericordia: ego peccabam, tu me expectabas: ego fugiebam,

tu me insequeris : ego defatigabar te offendendo, tu non defatigabar me expectando; non aliter, atque si peccata mea fuissent beneficia, non offensæ: In medio peccatorum meorum multas à te bonas inspirationes, multasque pias reprehensiones accipiebam, quæ reprehendebant arguebantque vitæ meæ dissolutionem. Quoties me vocasti, & intus me inuististi, dicens; Tu fornicata es cum amatoribus multis: tamen reuertere ad me & ego recipam te. Quoties me hac & simili voce amoris vocasti? quoties etiam me timore, & minis terruisti, reducens mihi ad memoriâ periculum mortis, & rigorem diuinæ iustitiæ? Quot concionatorum & confessorum ordines instituisti, vt suis verbis & consilijs me excitarêt, & in via tua, Domine, ambulantes iuuarent. Quoties me verbis tuis subsecutus es, inuitans me tuis beneficijs, & castigans me tuis flagellis, intercludens mihi vias omnes venatorum more, ne qua fugere, aut me à te possem subducere? Quid igitur nunc retribuam tibi, Domine, pro omnibus his, quæ retribuisti mihi? Quia me creasti, debeo tibi omne quod sum; fecisti enim omnia: quia me conseruasti, debeo tibi omne quod sum, & viuo: omnia enim conseruas: & quia mihi temetipsum dedisti in præmium, quid reddam tibi: Si omnium Angelorum vitæ & hominum essent meæ, & tibi eas in sacrificium of-

Hier.3.



ferrem, quid esset hæc oblatio, si vni sanguinis, quem pro me tam copiosè fudisti, guttulæ comparatur?

Quis igitur dabit lachrymas oculis meis, vt plangam ingratitude meam, iniquamque meam pro tot beneficijs tuis retributionem? Da mihi ergo, Domine, auxilium, da mihi gratiam, vt debito modo meas in te queam iniquitates confiteri. Ego sum infelix ille, ego (licet talem me non gesserò) sum creatura tua, ad tuam imaginem & similitudinem facta: agnosce hanc figuram; tua enim est; aufer id quod ego feci, & inuenies id quod tu pia manu tua fecisti. Ego vires omnes meas intendi, vt tibi iniuriam facerem, & te offendi ipsis operibus manuum tuarum. Pedes mei veloces fuerunt ad malum, manus meae fuerunt ad auaritiam extensæ; oculi mei dissoluti ad omnem vanitatem, & aures meae semper nugis & mendacijs patuerunt. Nobilissimam partem animæ meæ, quæ oculos habebat ad contemplandum te, à pulchritudine tua auerti, & ad flores miserabilis huius vitæ conuerti: quæ noctes atque dies meditari debuisset tua mandata, iam noctes atque dies meditata est, quibus modis illa erant grederetur. Deprauato sic intellectu, quid faceret voluntas? Tu Deus meus illam ad delicias cælestes inuita-ueras, at illa terram cælo prætulit, expandens brachia tibi, Domine, consecra-

ta turpi creaturarum amor. Hoc est Domine, præmium, hic ille fructus, quem sensus, quos tu creasti, produxerunt. Ah quid poterò miser respondere, si mecum in iudicium intraueris, & dixeris mihi: Ego plantaui te vineam electam omne fermen verum: quomodo ergo conuersa es mihi in paruum vinea aliena?

Hier. 1.

Quòd si ad primam interrogationem hanc respondere non poterò, quid ad secundam de beneficio conseruationis respondebo: tu, Domine mi, tua prouidentia conseruasti hunc, qui nihil aliud meditabatur, quàm quomodo mandata tua trāsgrederetur, quomodo seruos tuos persequeretur, quomodo ecclesiā tuam offenderet, & quomodo regnum peccati contra te muniret. Mouisti linguam, quæ te blasphemabat; rexiisti membra, quæ te offendeabant; & dedisti manducare his qui seruis tuis insidiabantur: adeo vt non tantum ingratus fuerim tuis beneficijs, sed etiam ipsa beneficia in arma, quibus te oppugnaui, conuerterim. Omnes creaturas in vsum meum condideras, vt illo beneficio illectus, amarem te; & ego illas adulteraui, cum toties te per illas offenderim. Malui donum, quàm donantem: & vnde fumen- da erat occasio tuæ pulchritudinis cognoscendæ, inde excæcatus sum, & non leuaui oculos meos, vt viderem, quanto pulchrior est Creator ipse creatura. Omnia dedisti mihi; vt me tibi redde-

rem, & omnia mihi seruierunt; sed ego nunquam tibi aut gloriam, aut tributum debitum reddidi. Creaturæ tuæ semper ad meum obsequium paratæ fuerunt, (id enim illis præcepisti) at ego semper in hoc fui, vt te offenderem, & hoc omnibus rebus abusus sum: tu dedisti mihi sanitatem, & Diabolus fructus illius collegit: tu dedisti mihi fortitudinem, & ego illam in inimici tui obsequio impendi. Quid dicam? quare tot genera calamitatum & miseriarum, quas passim in alijs hominibus vidi, non suffecere mihi, vt vel ex ijs cognoscerem, omnia mala aliorum mea esse beneficia; ob omnibus enim illis liberaisti me? An igitur licitum cuiquam sit pro beneficio accepto vt ingratum se exhibeat? & quis ille, qui non debet gratiarum actionem pro beneficio accepto? Si feritas leonum & serpentum beneficijs leniatur, quare non erunt o Domine, tu sufficientia, vt doment & lineant me? vt vel aliquando possim dicere; Metuamus Dominum Deum nostrum, qui dat nobis pluuiam temporaneam & serotinam in tempore suo; plenitudinem animæ messis custodientem nobis.

Hier. 5.

Sufficiebat verè mihi, Domine, vt cognoscerem tuum esse, quod tanto tempore Esse meum sustinuisti, etiam si aliam demonstrationem, vel aliud testimonium tuæ bonitatis non haberem. Quod si tam stricta futura sit ratio, quæ

pro.



pro rebus istis, quæ magno tibi non constant, postulabitur; qualis erit illa, quam exiges pro his, quæ pretioso tuo sanguine tibi comparasti? quomodo consilia tua perueriti? quomodo violaui mysterium incarnationis tuæ: tu factus es homo, vt me faceres Deum? & ego vilitatis meæ amator, me feci bestiam, & filium Diaboli? descendisti in terram, vt me adduceres in cælum; & ego indignus tali vocatione, quasi qui non merebar, non cognoui illam, & in cœno meæ vilitatis perseveraui: tu me liberaisti, & ego me denuò in vterem captiuitatem præcipitavi: tu me resuscitasti, & ego denuò mortem amplexus sum: tu me tecum concorporaueras, & ego me denuò cum Dæmonio coniunxi. Tot & tanta beneficia non hoc apud me potuerunt, vt te agnoscerem; nec tot amoris argumenta, vt redamarem; nec tot merita, vt in te sperarem; nec talis iustitia, quæ in tua passione refulsit, vt te timerem. Tu te humiliasti vsque ad puluerem terræ, & ego effero me superbia; tu nudus pendes in cruce, & auaritiæ meæ totus mundus non sufficit: tibi, qui Deus es, alapas in faciem dederunt; meam vestem si quis tangat, irascor, qui tantum vermis quidam sum vilissimus. Quid dicam Seruator mi? ecce quam magna est misericordia & charitas tua erga me: mori voluisti, vt mea peccata occideres: & ego confidens in eadem

misericordia, bonitate, & amore, peccare in te non sum veritus? Heu quæ maior esse posset blasphemia? Ego ex tua bonitate occasionem sumpsi meæ malitiæ, ex illo eodem medio, quo tu vsus es, vt peccatum occideres, ego occasionem captaui peccatum in me resuscitandi. Sic, sic, Domine, tua consilia perueri, & inueni inuentiones meæ malignitati ex tua misericordia. Quia tu eras tam bonus, ego arbitrabar mihi impunè licere, si malus essem: & quia mihi tot contuleras beneficia, existimaui licere mihi totidem offensiones & iniurias tibi reddere: adeo vt medicamenta ipsa, quæ tu institueras contra peccatum, ego in occasiones peccandi conuerterim; & gladium, quem mihi dedisti, vt me defenderem, & contra inimicos meos dimicarem, hunc in me acuerim, vt vitam mihi ipsi eriperem. Denique tu vt dominareris viuis & mortuis; mori voluisti, (vt Apostolo teste) qui viuunt iam non viuunt sibi, sed tibi, qui mori dignatus es pro illis: & ego vt filius Iezabel, sumpsi eandem mortem, quasi medium, quo me tuis bonis priuarem, fugiens à tuo seruitio, & faciens me tuorum inimicorum mancipium. Heu quid meritus est, qui talia fecit? Si canes comederint carnis illius Iezabel pro peccato hoc; quomodo meæ poterunt integra permanere, qui idem omnino feci? Quod si Apostolus adeo exaggeret cor-

1. Cor. 5.

4. Reg. 9.

Rom. 9.

dis humani malitiam, eò quòd ex ipsa lege sumpsit occasionem violandi legem: quanto maior erit malitia ex gratia, si quis accipiat ex ea occasionem ipsam gratiam offendendi?

O patientissime Domine, qui a lapas pro peccatoribus sustinuisti; sed multo patientior, qui ipsos suffers peccatores: cæterum durabit semper illa tua patientia? memini quid dixisti per Prophetam: Tacui, semper filii, patiens fui; sicut parturiens loquar. Video terram quæ non dat fructum, postquam pluuiam accepit, reprobari & maledici vineam, quæ postquam bene culta est vnam tamen non producit, sed labruscas, iussu tuo excincta & dari in direptionem. Igitur o samentum inutile & infructuosum, vt quid non times vocem potentis illius agricolæ, seu vinitoris, qui tollit palmites non facientes fructum, & in ignem proijcit? Omne palmitem in me non ferentem fructum, ait ipse, tollet eum Pater meus, & in ignem mittet. Ecquid metuet ille, qui tale iudicium non metuit? Quàm surdus est ille, qui talem vocem non audit? quam profundum dormit, qui tali tonitruo non excitatur? Oblectabat me habitatio hæc terrena: inter spinas ambulare iucundum erat mihi, ignis mearum passionum urebat me, concupiscentiarum mearum spinæ me pungebant, distractiones cogitationum mearum me diuidebant; me

Esa 42.

Ioan 5.



conscientiæ meæ vermis mordebat, & omnia hæc libertatem & solatium existimabam esse: tot tantaque mala pacem nominabam. O quàm ignarus eram & rudis in cognitione meiipfius, & quàm durus atque intractabilis in tuo cultu atque obsequio?

Quid faciam, mi Domine, quid faciam? fateor me indignum non esse, qui veniam in conspectum tuum, nec mereri, vt oculos tollam ad aspiciendum te. Quò ibo? & à facie tua quò fugiam? Nonne tu es pater meus, & quidem Pater misericordiarum, quæ nec terminum habent, nec mensuram? etsi enim ego iam dudum filius esse desiero; tu tamen vique huc Pater esse non desinis: etsi ego multa fecerim digna, cur me condempnes, tu tamen modum non amisisti, quò me salues. Quid igitur faciam, nisi vt me ante pèdes tuos prosternam, & misericordiam petam? quem inuocabo? quis mihi succurret, nisi tu? Nonne tu Creator meus? Plasmator meus? Gubernator meus? Redemptor meus? Liberатор meus? Rex meus? Pastor meus? Sacerdos meus, & meum Sacrificium? Quò igitur ibo, quò fugiam nisi ad te? si tu me repellas, quis me suscipiet? si tu me reijcias, ad quem confugiam? Agnosce Domine errantem hanc ouiculam: ecce venio totus vulneratus, tu potes me sanare; totus cæcus, tu me potes illuminare; totus mortuus, tu me potes susci-

suscitare; totus leprosus, tu me potes mundare. Asperges me Domine hyssopo, & mundabor: lauabis me, & super niuem dealbabor. Maior est misericordia tua, quàm mea iniquitas; maior tua clementia, quàm mea malitia: & tu potes plus remittere quàm ego peccare. Noli me igitur Domine, noli me repellere; ne respicias multitudinem peccatorum meorum, sed infinitam misericordiam tuam, qui uiuis & regnas in secula seculorum, Amen.

Psal. 50

PRO CONFESSIO.  
ORATIO AD IESVM ANTE

*Confessionem Sacramentalem  
dicenda.*

**D**omine Iesu Christe, nouæ legis noue Sacerdos, qui non offers sanguinem hircorum aut vitulorum, pro peccatis hominum? sed proprium in ara crucis pro nobis effusum Patri continenter immolas, cuius virtutem nobis in septem mysticis illis ac sanctificantibus Sacramentis reliquisti, eaque cum tremore ac reuerentia frequentare præcepisti: ecce ego miser & infelix, à vertice capitis ad plantas pedum lepra pessima respersus, à te mundari flagitans; ad te venio, tibi peccata mea, quæ supernumerum arenæ maris multiplicata sunt, humili confessione detegens. At tu Domine me sanare & ex-

Collector

piare paratus es, & quidem non longinqua peregrinatione, non magnis sumptibus, non longa inedia, non denique sectionibus aut cauterijs; sed me ad ministrum tuum remittis. Sacerdoti me ostendere, eique peccatorum meorum lepram reuelare & confiteri præcipis, vt ille clauē sibi à te tradita officinam pœnitentię mihi aperiat, remedium sanguinis tui in hoc Sacramento repositum inde promat, illud mihi applicet, & me à peccatis omnibus, te in illo operante, absoluat.

4. Reg. 5. Quid agam hîc Domine? Præceptum hoc tuum, non aliter atque Syrus ille verbum Helisei, contemnam, tanquam vile nimis & tantę meę infirmitati minus sufficiens? (Quis enim facile credat tot, tamque enormia peccata ab homine dimitti, nisi diuinę tuę voluntati sic fieri placuisset?) Nequaquam: dicam potius cum seruis illius: O anima mea, si rem grandem dixisset tibi Saluator tuus, certē facere debuisses: quanto magis, quia nunc dixit tibi. Vade ad Sacerdotem, & confitere illi peccata tua, & mundaberis?

Sed, ô bone Iesu, viam modumque huic tuo mandato satisfaciendi non inuenio, nisi me adiuues. Oro itaque te mi Domine, vt in hac hora conscientię meę tenebras lumine tuę gratiæ sic illustres, vt qui trabes grauissimorum peccatorum nunc in ea non video, le-



uissimorum criminum festucas manifeste conspiciam; & per confessionem oris inde eijciam.

Verecundiam mentis meæ sic, ô dulcissime Iesu, moderare, ne nimius pudor os confitentis obstruat, neve impudentia reuerentiam, veræque contritionis sensum auferat.

Da quæso, vt hæc, quam paro, confessio sit pura, vt omissis ambagibus, quibus peccata mea regi, vel inuolui possent, apertè, quæ palam agere non puduit, confiteri non erubescam. sed & ne declines cor meum in verba malitiæ, ad excusandas in peccatis excusationes. Sit vera; ne scienter vel ignoranter, etiam sub humilitatis specie, aliquid falsi inferatur, nec certa pro dubijs, nec dubia pro certis proferantur. Sit integra; ne ex pudore quodam subrustico ac pernicioso aliquod lethale crimen ex industria omittatur. Da denique vt sit humilis; quia scio te cor contritum & humiliatum non despicere.

Psal. 140

Psal. 50.

Sed & ne quid, ô Domine, huic tantiponderis operi, in quo salus & interitus meus versatur, desit, tuam obtestor bonitatem, vt Sacerdotem mihi concedas bonum, prudentem, taciturnum, scientia præditum, & potestate munitum: ne pro sincero doctore, impostorem; pro vero medico circumfortaneum; pro pastore tyrannum inueniam;

ne de-

Matth. 15.

ne denique cæcus cæco ducatum præstet, donec ambo in foueam infernalem incidamus: sed qui me ab omni peccatorum meorum reatu legitime absolutum, consilij etiam suis salutaribus doceat pœnam dignis operibus pœnitentiæ redimere, & regia deinceps via ad cælestem aulam contendere; Vbi tu Domine Iesu viuis & regnas cum Patre & Spiritu sancto Deus, per omnia secula seculorum, Amen.

CONSILIVM GRANATEN.  
SIS TEMPORE CONFESSIO-  
NIS.

**S**Tatim post generalem confessionem, hæc quæ sequuntur, peccatorum enumerationi præmittantur.

Dicat pœnitens, se non cum eo dolore, contritione, & proposito emendanda vitæ ad Confessionem accedere, quæ tantum Sacramentum, & peccatorum gravitas atque multitudo requirunt.

Quod conscientiam suam non satis diligenter examinavit.

Quod pœnitentiam sibi à confessario in præcedenti confessione iniunctam non debita deuotione & alacritate perfecit.

Quod Confessarij præceptis accuratè non satis fecerit: & hic exprimat, si aliquid iusserit restitui, votum reddi, peccatum aliquod singulare relinquere, vel pericula

loſam occaſionem fugere, quod non fecit. Horum omnium ſeruum dicat. Deinde peccata ſua reliqua commemorare incipiat.

GRATIARVM ACTIO 5.  
poſt Confessionem.

**D**omine IESV Chriſte Saluator *Collector.*  
& Redemptor mundi, tibi data eſt  
omnis poteſtas in cælo, & in terra, cuius  
quidem Apoſtolos & omnes ſucceſſores  
eorum participes eſſe voluiſti, dans eis  
auctoritatem ligandi & ſoluendi ſicut in  
terra, & in cælo; remittendi quoque &  
retinendi peccata, ſub ijs verbis magnum,  
& certantibus in hoc ſpiritali &  
inuiſibili ſtadio militantis Eccleſiæ neceſſarium  
Sacramentum inſtituens, ad  
quod milites tui confugiant, & curatis  
vulneribus iterum in campum redeant  
acrius bellaturi.

Matt. 18.

Ioan. 20.

Pro qua paterna in nos cura & ſolitudine tua diuinæ tuæ bonitati immenſas ago gratias; cum ſine hoc ſalutari remedio planè de nobis eſſet conclamatum: & yix aliquis ad optatam gloriæ coronam peruenire poſſet. Et enim ea eſt naturæ noſtræ imbecillitas, ut in tam diuturno cum aëris poteſtatibus certamine non rarò vulnereremur & concidamus; cui malo niſi ſuccuriſſes, nobiſque hoc emplaſtrum ſpirituale ad animæ vulnera ſananda reli-

quif-



quisses, quotusquisque nostrum Domine coronandus, quotusquisque saluandus esset?

Tu quidem in veteri testamento remissionem peccatorum poenitentiam agentibus promissisti, sed quis de sua poenitentia certus, quis de remissione securus esse posset, nisi in noua lege hoc Sacramentum instituisses, in quo Sacerdote efficaciter absolutionis verba proferente, homo iustificatur, & fit noua creatura.

Quid itaque retribuam tibi, ô suauissime Iesu, pro omnibus quæ retribuisti mihi? formatus eram ex massa perditionis, natus perditionis filius, & tu me ab illa massa segregasti, & filium æternæ salutis regenerasti: tu, cum infirmus, imbecillis & timidus eram, me tuo sancto Spiritu confirmasti; & oleo lætitiæ vnixisti, vt tua castra sequerer, & pro tui nominis gloria, proque salute mea fortiter dimicarem: tu mihi multis opus habenti, & in hoc spiritali bello sæpe esurienti & sitienti cibum & potum dedisti, non qualemcunque, sed quo nobiliorem nec terra, nec cælum habet: tu denique me misere vulneratum & semiuivum iacentem, omnibus donis tam naturæ, quam gratiæ spoliatum in xenodochium Ecclesiæ tuæ reduxisti. Confessionis Sacramento sanasti, & iam sanatum nouis charismatibus & gratiarum donis exornabis.

Misericordias igitur tuas in æternum cantabo Domine, & in generationem & generationem annuntiabo miserationes tuas in ore meo. Quia tu propitiatus es omnibus iniquitatibus meis, tu sanasti omnes infirmitates meas. Tu redemisti de interitu vitam meam, tu coronabis me in misericordia & miserationibus: tu replebis in bonis desiderium meum: renouata est, vt aquilæ, iuuentus mea. Non secundum peccata mea fecisti mihi, neque secundum iniquitates meas retribuisti mihi. Quoniam secundum altitudinem cæli à terra corroborasti misericordiam tuam super timentes te. Quantum distat ortus ab occidente, longe fecisti à me iniquitates meas.

Psal. 88.

Psal. 102

Benedicite igitur mecum Domino omnes Angeli eius, potentes virtute, facientes verbum eius. Benedicite mecum Domino omnes virtutes eius, ministri eius, qui facitis voluntatem eius. Benedicite mecum Domino omnia opera eius, in omni loco dominationis eius. Benedic anima mea Domino.

## SEQVVTVR ORATIONES 6.

SATISFACTORIAE,  
quibus peccatorum remis-  
sionem à Deo petimus.

OBLATIO OMNIVM LABO-  
rum, atque pœnarum Christi pro  
peccatis nostris.

Quid

Ex Me-  
moriali  
Granat.  
lib. 5.

**Q**uid retribuam tibi Domine, pro omnibus quæ retribuisti mihi? quia gratitudinis significatione tanta tua beneficia compensabo? quid tibi pro tam insigni tua misericordia reddam? heu quam iniquè meritis tam liberalis & pijs benefactoris respondi? Semper ingratus fui tuis beneficijs, semper inobediens fui tuis mandatis, semper inspirationibus tuis animum clausi, culpam culpæ, & peccatum peccato addidi.

Confiteor Domine, quod non sum dignus vocari tuus filius: etsi ego te Patrem meum agnoscam: tu enim verè pater meus es, tu spes mea, tu fons misericordiæ, qui non repellis peccatores ad te confugientes: sed recipis, lauas, & reficis illos. Ecce igitur adiutor mi, vide quomodo ego omnium creaturarum pauperrimus ad te venio, nihil aliud adferens, quàm ingentem meorum peccatorum sarcinam.

Ante pedes tuæ pietatis me proster-  
no, humiliter misericordiam flagitans,  
ignosce quæso mihi; ô firma spes mea,  
salua me pro tua infinita misericordia.

O dulcis Iesu, in remissionem meo-  
rum peccatorum offero tibi immen-  
sam charitatem tuam, qua tu Deus in-  
finitæ Maiestatis motus, non dedigna-  
tus es pro me incarnari, homo fieri, &  
in hoc mundo triginta tribus annis in  
multis tribulationibus, pressuris, an-

gustijs,



gustijs, persecutionibus & laboribus versari. Offero tibi lethalem illam angustiam, sudorem illum sanguineum, & agonem illum, qui cor tuum affligebat, & lacinabat, cum in horto iacens in terram prostratus, patrem deprecaberis: offero tibi ardens illud desiderium, quo desiderabas pati pro nobis: quando te sponte in manus inimicorum tuorum beneplacitum patri sacrificium pro nobis tradidisti. Offero tibi omnes iniurias, blasphemias, alapas, verbera, sputa, aliaque omnia tormenta, quæ in ædibus Annæ & Caiphæ miserrima illa nocte sustinuisti. Offero tibi, ô bone Iesu, omnia hæc, rogans infinitam tuam bonitatem, ut per merita illorum mihi condones omnia mea peccata: poenam simul cum culpa remittas, animam ab omnibus peccatorum reliquijs purifies, & tandem ad vitam æternam perducas.

Offero tibi humilitatem, obedientiam & patientiam illam inæstimabilem, quam exhibuisti, cum te ad columnam durissimam ligatum flagellabant, inde spinis coronabant, & purpurea te chlamyde ad maius ludibrium circumdabant satellites illi Satanae, & perpetui gehennæ titiones: cum illudentes te salutabant, in faciem tuam expuebant, & arundine, quam in manu pro sceptro gerebas, saucium, fractumque caput tuum percutiebant. Offero tibi afflicti

corporis tui lassitudinem, cruentata vestigia, & onus graue crucis, quod delictis, & flagris miserè conscissis humeris tuis portabas. Offero tibi sitim illam, qua crucifigendus æstuabas, omniaque alia tormenta, quæ pro nobis mansucto corde sustinuisti. Omnia hæc tibi cum gratiarum actione offero, tuam immensam obsecrans pietatem, vt per horum merita mea diluas peccata, pœnam & culpam simul remittas, animam meam à peccatorum reliquijs purifies, eamque tandem ad vitam æternam perducas.

Dulcis Iesu, in satisfactionem pro peccatis meis offero tibi crudelissimos dolores, quos passus es, cum milites vestem tuam carni & ossibus concreto sanguine adglutinatam crudeliter corpori tuo detraherent, omniaque vulnera in flagellatione accepta renouarent: quando in crucem proiectus, manus, pedesque sanctissimo ligno duris clauis compaginari passus es, tanta cum violentia, vt omnes articuli atque membrorum iuncturæ locis suis naturalibus emotæ sint. Cum pretiosus tuus sanguis ex omnibus tuis membris, haud aliter, quàm flumina è fontibus, scaturiebat. Omnes & singulas pretiosi tui sanguinis guttulas tibi offero, tuæque pietati supplico, vt per illarum merita mea diluas peccata, pœnam simul & culpam mihi remittas; animam

meam

meam à peccatorum reliquijs purifies, eamque tandem ad vitam æternam perducas.

Clementissime Iesu, offero tibi illam benignitatem & mansuetudinem, quam sustinuisti opprobria & impiorum conuicia, qui commouentes capita sua, subfannabant ac illudebant tibi, dum tu pro illis Patrem orabas. Offero tibi horrenda illa tormenta, quæ pertulisti, dum totus afflictionibus, cruciatibus & doloribus in prædam datus, omni consolatione interna & externa destitutus, atque à Deo & hominibus derelictus, miserime cruci affixus inter cælum & terram, medius inter duos nequissimos latrones, pendeabas.

Offero tibi intolerabilem sitim, quam in cruce affligebaris, humilitatemque & reuerentiam illam, quam cum spiritum tuum inclinato capite Patri commendabas: offero tibi salutiferum illum sanguinem de latere tuo, lancea militis aperto, profluentem. Omnia hæc tibi offero, atque pro ijs, quantas possum tibi gratias ago, te suppliciter orans, ut peccata mea mihi condones; culpam simul & poenam tollas; animam meam ab omnibus criminum reliquijs purifies, eamque tandem ad vitam æternam perducas, ubi tu uiuis cum Patre & Spiritu sancto, per omnia secula seculorum, Amen.



ALIA, QVA PETITVR  
*remissio peccatorum.*

Granat.  
 lib. 5. Me-  
 morialis.

**O** Pater omnipotens æterne Deus, totus pius, totus misericors; ecce ego peccator omnium miserrimus ante pedes tuos humi prostratus iacens confiteor maxima, plurimaque peccata mea, quibus te vnquam, benignissime Pater, offendi. Agnosco magnam ingratitude meam, quod tam parvipendi infinita, inæstimabiliaque beneficia tua mihi hætenus collata; vt qui inter alia tantum mihi amorem, tantamque benignitatem exhibuisti, & tam longo me tempore expectasti, vt conuersus ad te pœnitentiam agerem, & in profundam Erebi abyssum non ruerem; prout peccata mea iam antea sæpe meruerent: imò qui me tot modis ad iustitiam sectandam inuitasti, & vt sequi te possem gratiam tuam mihi obtulisti.

Mi suauiissime Domine, quoties stetitisti ante ianuam cordis mei, & multifarijs tuis inspirationibus pulsasti, cupiens à me tibi aperiri? quoties tuis me beneficijs prouocasti? quoties blanditijs tuis me pellexisti? quoties me tribulationibus & calamitatibus impulisti? nihilominus te semper à me repulsi, tibi restiti, tibi dorsum obuerti: tu tamen pro infinita tua misericordia atque patientia me sustinuisti. Fateor

Domini

Domine, iuste, & pro meritis meis me in profundum inferni deturbare potuisses: sed pro tua clementia iræ tuæ impetum cohibuisti, quam tamen tot modis in me prouocaueram. Mirandum profectò Pater, & quidem vehementer mirandum est, cor meum dolore non disrumpi, quoties hæc omnia mecum propendo. Indignus sum, qui creatura tua dicar: indignus, quem terra diutius sustineat: indignus, cui terra fructus producat, quibus victitem.

Ad stuporem vsque mirari meritò quis posset, quòd elementa, & omnes simul creaturæ in me non insurgunt, & iniuriam communi omnium Domino à me illatam non vindicant. Tu tamen clementissime Pater miserere mei, & aperi mihi infinitæ tuæ pietatis viscera, ignosce mihi quòd conuersionem meam ad te tam diu prorogauim. Aperi mihi benignum & paternum petus tuum, & da mihi nutrimentum, quòd filiis tuis dare consueuisti. Supplex te oro Domine, vel nunc tandem operare in me, propter quod me hactenus expectasti.

Confiteor tibi Domine ex toto corde, & ex tota anima mea, peccatorum omnium, qui in mundo sunt, me maximum esse: nihilominus de tua bonitate confido. Etenim peccata mea licet plurima sint, tuæ tamen miserationes numerari non possunt. O Pater aman-

Matth. 8.

tissime, si vis potes me mundare. Sana me Domine, & sanabor, quoniam me tibi peccasse confiteor. Memor esto verborum tuorum, quæ dulciora sunt super omne mel & fauum, quibus peccatori nullum esse potest maius solatium: ais enim per os prophetæ; Tu fornicata es cum amatoribus multis, tamen reuertere ad me, & ego suscipiam te.

Hier. 3.

Quare, ô pie pater, huic tuæ promissioni inhærens atque innixus, conuerter ad te, & quidem ex toto corde, non aliter atque me hoc verbo solum vocasses, meque solum ad tuam misericordiam inuitasses. Scio Domine, & fateor me omnium creaturarum creaturam esse miserimam: ego enim sum filius ille prodigus, qui recessit à te patre luminum, à quo omne mihi bonum proveniebat. ego tanquam ovis perdita longissime à tuo grege aberravi; gratiam, quam tu mihi liberaliter impartieras, turpiter dissipavi. Dereliqui te fontem aquæ vitæ, fodi mihi cisternas, & bibi aquas turbidas, plenas amaræ consolationibus, & quæ brevi tempore exsiccantur. Omnes enim consolationes, omnesque huius mundi voluptates instar fumi evanescent.

Dereliqui te panem vitæ, glandesque ac siliquas à porcis conculcatas, & protrititas comedi, passiones & affectus animi inordinatos, brutosque appetitus



meos secutus. Recessi à te summo bono, secutusque sum terrena & transitoria, quæ me perdiderunt. Nunc autem, Pater mi, tibi supplico, ne memineris iniuriarum, quibus ego tuam Maiestatem affeci. Illud autem non meorum supplico respectu meritorum, sed laborum atque dolorum vnigeniti filij tui intuitu, quos ille pro me sustinuit.

ET tu Vnigenite summi Patris Fili, Domine & Saluator mi, miserere mei. Omnes meas iniquitates, omnem iniuriam, ignominiam, iram, superbiam, auaritiam, inobedientiam, impudentiam, præsumptionem, cum omnibus alijs malis, quibus te irritaui, in infinitam tuam bonitatem, clementiam, & sanctissima vulnera tua, in meum refugium latè patentia, projicio: me totum tibi reddo, tuæque gratiæ commendo. Tu enim es spes mea, tu es auxilium & fortitudo mea. Quantum me turbant & confundunt mea peccata, tantum me exhilarat & consolatur tua bonitas, infinitaque passionis tuæ merita.

Peccata mea, licet per se pondere sint grania, & numero infinita, in comparatione tamen tuarum miserationum leuia sunt, & pauca hac fretus fiducia ad te venio, tibi confiteor, sperans quod non perdes, quem ad tuam imaginem & similitudinem creasti, & cuius amore te nostræ naturæ, carnisque & san-

guinis nostris fecisti participem. Spero me à te condemnatum non iri, quem tot laboribus & doloribus tanquam incomparabili pretio redemisti tu, qui viuis & regnas per omnia secula seculorum, Amen.

8.

*ALIA DEVOTISSIMA PRO  
peccatorum remissione.*

Exhortu-  
lo deuo-  
tionis.

**O** Iesu mi dilectissime, ego sum miser & infelix ille peccator, qui tibi tot vulnera infixi, teque rursus peccatis meis, heu nimis multis & magnis, crucifixi. Ecce ante te iudicem, patrem tamen meum, sto, tot criminum reus, tot peccatis obnoxius, obsecrans te per viscera misericordiæ tuæ, aperiantur denudò vulnera tua omnia in conspectu patris tui, fluant in miseram, immundam, & criminibus multis deturpatam animam meam, neque obstruantur, priusquam me abluerint & perfectè mundauerint.

Luc 7.  
Luc 22.  
Luc 23.

O dolci Iesu, ne auertas faciem tuam à me; sed infinita misericordia tua me profunde, & respice me oculis tuæ pietatis, quibus respexisti Mariam Magdalenam in conuiuio, Petrum in pontificis atrio, & latronem in Crucis patibulo. Da mihi veram cognitionem meorum peccatorum, da iustum dolorem; me in paradysum tuæ gratiæ recipere, me tuo feruente sanguine laua, & pretiosa tua morte me viuifica. Igno-

sce mihi, & aufer à me quicquid cor  
meum malè possidet; quia tu ipse dixisti?  
Si exaltatus fuero à terrâ, omnia traham Ioan. 12.  
ad meipsum

Quapropter oro te, ô Redemptor ani-  
mæ meæ trahè me ad te, & ab occul- Psalm 18.  
tis meis munda me, O lux vera, illumi-  
na tenebras mentis meæ. O ignis consu-  
mens, exure in me omnia peccata &  
vitia mea; veni & visita infirmam ani-  
mam meam, munda conscientiam me-  
am, & in ea gratum tibi fac habitacu-  
lum. O dilectissime Domine pro me  
in arbore crucis extense, è peccatorum  
meorum sordibus me trahè, me am-  
plexare, me ab omni peccatorum ma-  
cula mundatum exosculare. O nobilis  
botre in torculari crucis expresse, nudis  
& candidis, sanguine tamen rubicundis  
brachijs tuis animam meam preme: da  
vt premaris vicissim ab ea, & tanquam  
myrrhæ fasciculus inter vbera illius  
commoreris. O confixe & transfixe mi-  
les, quàm crudeliter in bello pro me  
suscepto vulneratus es; quàm fortiter,  
ô mundi, Dæmonisque Triumphator,  
pro me pugnasti, qui morte tua mor-  
tem deuicisti, & pretioso sanguine tuo  
omnia totius generis humani peccata  
expiasti? Heu quid tibi retribuam pro  
omnibus quæ retribuisti mihi? Modi-  
cum illud quod habeo id totum tibi Psalm 115.  
offero, spiritum scilicet meum, vt in eo  
quiescas; animam meam, vt te dili-



gat; corpus meum, vt tibi seruiat.

O nobilis Pellicane, qui pullos tuos proprio cordis tui nutris sanguine, animam meam fame ac siti spiritali deficientem eia refice, vt illi nihil aliud sapiat, nihil aliud cupiat, quam carnem tuam edere, & sanguinem tuum bibere. O melliflue cælestium deliciarum torrens, persue omnia interiora mea, inebria me, & da; vt omnibus creaturis mortuus tibi soli viuam. O præclarum incomprehensibilis Trinitatis speculum, in quod desiderant Angeli & Sancti omnes prospicere, heu quam miserè propter me tractatus es; non est species neque decor in te, factus es opprobrium hominum, & abiectio plebis. Eia fac me participem incomparabilis illius thesauri lytri pretiosi, quo me redemisti: aperi meritorum tuorum ærarium, & solue vniuersum debitum meum: fac me talem in hoc seculo, qualem habere vis in futuro,

vbi tu regnas cum Patre & Spiritu

sancto Deus per omnia

secula seculorum,

Amen.

Esa. 53.

Psal. 21.



CAPVT QVARTVM,  
CONTINENS ORATIO-  
NES RESIPISCENTIVM,  
quibus Deo pro nouitate  
vitæ supplicamus.

## PRÆFATIO.

**N**on minima pœnitentia virtu-  
tis pars est ipsa vita nouitas, &  
sacrificium salutare, attende-  
re mandatis, & discedere ab  
omni iniquitate. Hoc autem facere abs-  
que Dei auxilio nobis est impossibile. Velle  
quidem nostrum est, perficere autem non  
inuenimus, nisi voluntas ipsa & ad inoe-  
neatur ut surgat, & sanetur ut valeat.  
Ut autem auxilium hoc impetremus,  
Deus feruenter orandus est. Rectè ergo  
Augustinus: Nullum, inquit, credimus ad  
salutem nisi Deo inuitante venire, nullum  
inuitatum salutem suam nisi auxiliante  
Deo operari, nullum nisi orantem auxi-  
lium promereri.

Eccli. 15.

August.  
de dog-  
mat. ec-  
cles.

Optimo igitur ordine post pœnitentiam  
orationes resipiscientium, quibus auxilium  
Dei in vita nouitate incipienda & perfici-  
enda implorare possimus, poni posse ex-  
istimauimus.

## ORATIO SEV OBLATIO

*pia, qua se homo offert Deo, petens vt expulſis vitiorum tyrannis, Deus poſthac in anima ſua regnet; ibique agat, qua ad nouitatem vitæ per-*  
*tinent.*

Ex Gra-  
natenſ.  
lib. 5. Me-  
morial.

**O** Deus meus, ô amor meus, ô ſpes mea, ô totum refugium & omne deſiderium meum: ô Pater miſericordiarum, & Deus totius conſolationis, quoties mecum perpendo, qualis aliquando fui, quanta diſcrimina perditionis euafi, è quantis malis me eripuifti, cum in peccatis mortuus & ſepultus in ueteratæ conſuetudinis peccandi lapide mihi ſuperimpoſito iacebam, tanta in me ſpes excitatur, vt non poſſim non omnia, quæ ad meam ſalutem ſunt neceſſaria, in poſterum ad te Domine flagitare

Plasma namque tuum ſum, manus tuæ Domine fecerunt me: opus igitur manuum tuarum ne deſpicias; vt quid enim dubitarem, quòd mihi dabis bona tua, qui non dedignatus es ſuſcipere mala mea; Dicam igitur cum Propheta; Ego in Domino ſperabo, exultabo & latabor in miſericordia tua.

Pſal. 30.

Pſalm. 4.

Sed quia non eſt ſecura ſpes ſine obedientia, dicente quodam ex amicis tuiſ: Sa crificate ſacrificium iuſtitia, & ſperate in Domino; oro te, ô delectiſſime Domine, oncede mihi vt ſpes tuæ miſericor-

diæ



diæ mandatorum tuorum obedientia in me fulciatur : non enim minus tibi hæc obedientia, quàm spes, quam amor, quàm reliqua debentur omnia. Tu enim es Imperator, tu Rex, tu Dominus meus, cui cælum & terra, mare & omnia quæ in eis sunt, obtemperant: quæ nunquam legem tuam præuaricata sunt, nunquam non mandata tua obseruârunt

Tribue mihi Domine, vt & ego non minus, quàm cæteræ creaturæ tuæ voluntati paream: vt qui pluribus, quàm illæ, tibi vinculis obstrictus sum. Da mihi, ô Rex Regum, vt tibi obediam? & à legum tuarum præscripto nusquam declinem. Regna tu in me Domine, & non regnet amplius in me mundus cum suo Principe: non regnet posthac in me caro, non propria voluntas mea; sed tua. Fugiant à me, & dissipentur omnes isti Tyranni, dominij tui inuasores, gloriæ tuæ fures, & iustitiæ tuæ euersores pessimi: Tu solus dominare in me Domine, vt & ego regnem tecum, cuius regni non erit finis. Veni ô pie Pater, aufer scandala de regno tuo, aufer peccata de anima mea, vt regnes tu, qui debes in ea. Venit enim auaritia, & vendicat sibi in me sedem; iactantia cupit dominari mihi. Superbia vult esse mihi Rex; luxuria dicit, Ego regnabo; ambitio, detractio, inuidia, & iracundia certant in meipso, de meipso, cuius ego potissimum esse videar. Ego

autem quantum valeo resisto; renitor quantum iuuor; te Dominum meum reclamo; tibi me defendo, quia tui me iuris agnosco; te mihi Deum, te mihi Dominum teneo, & dico. Non habeo regem, nisi Deum meum. Veni ergo Domine, desperge illos in virtute tua; tu regnabis in me, quia tu es ipse Rex meus & Deus meus, qui mandas salutes Iacob. Non alia leges, non alia plebiscita, præter tua in me agnoscantur: non aliud nomen, non aliud sceptrum præter tuum in me adoretur: vt tua voluntas fiat in terra, sicut in cælo.

O Domine, quando erit dies illa? quando ab istis tyrannis ero liber & immunis: Quando non alia vox, quam tua in me audietur? Quando erit defectum cor meum? Quando vires inimicorum meorum sic conterentur, vt nulla mihi occurrat in mandatorum tuorum obseruantia contradictio? quando hostium meorum arma sic confringentur, vt nulla in me vis tuis legibus inueniatur contraria? Quando tranquillum erit istud mare? quando serenum illud cælum? quando refrænati affectus & sopitæ passiones, adeo, quod nulli fluctus, nullæ nubes, nullæ turbæ in me inuenientur, qui regnum tuum in me poterunt perturbare? sed altam pacem, securam tranquillitatem, & mandatorum tuorum obseruantiam vbique deprehendam.

Da mihi Domine hanc obedientiam, aut (vt melius dicam) concede mihi illud in cor meum ius & imperium, vt ad nutum meum tibi nunquam obstrepere sit, sed in omnibus subijciatur.

Porrò quemadmodum tibi obedire atque parere semper debeo, sic etiam me tibi offerre, me totum in holocaustum tibi immolare, & vtilitas suadet, & æquitas postulat: quantus, quantus enim sum, totus tuus sum. Tuus, inquam, sum iustissimas ob causas: tuus, quia creasti me, & esse, quod habeo, dedisti mihi: tuus, quia in hoc esse me conseruasti, prouidentiaque tuæ beneficijs & officijs me cumulasti: tuus, quia me ex seruitute in libertatem asseruisti, non auro, non argento, sed pretiosissimo sanguinis tui lytro redimens. Sum denique tuus, quia toties me tibi emisti, quoties ex aliquo peccato me eruisti.

Si itaque tot nominibus tuus sim, & tu vicissim meus sis Rex, meus Dominus, meus redemptor, & liberator; ecce conuerto me, vt reddam tibi quod tuum est: hoc est; me ipsum trade tibi in perpetuum mancipium & seruum, ecce do tibi clauis meæ libertatis, dominium meæ voluntatis, vt posthac nec meus sim, nec alterius cuiuspiam; sed totus tuus, vt non viuam mihi, sed tibi: non seruiam mihi, sed tibi; adeo, vt siue comedam, siue bibam, siue quid aliud agam, omnia ad gloriam nomi-



nis tui referam. Me tibi sisto, me tibi trado, vt disponas de me, sicut de tuo; idque secundum voluntatis tuæ beneplacitum. Si volueris me viuere, aut mori; si sanum aut infirmum esse; si diuitem aut pauperem; si laudatum aut illaudatum, in omnibus me tibi offero; me tibi deuoueo; ad manus tuas me totum resigno; iuri & possessioni me ipsius renuncio, vt posthac non sim meus, sed tuus; donec id quod tuum est iure, tuum quoque fiat mea voluntate, idque non semel, non vno die, sed semper & vbique.

2. *SECUNDA RESIPISCENTIS Oratio.*

*Collector.*

*Iacob. 1.*

**D**omine tu qui creasti me solus Deus meus, solus Dominus meus, Creator meus & Redemptor meus es, in quo spero, cui confido, à quo omnia quæ ad salutem animæ meæ requiruntur expecto. Non deferis sperantes in te. Tu dulcissimus, tu benignissimus, tu liberalissimus Deus meus es, tu Pater luminum, à quo omne datum optimum, & omne donum perfectum desuper in me descendit. Tu me cum nihileram creasti, tu me creatum & perditum redemisti, tu amissam stolam innocentiae primam in baptismo restituiisti, tu me post acceptam notitiam veritatis denuò voluntariè peccantem, & in huius mundi pelago periclitantem,

per-

per secundam naufragij tabulam, hoc est, per sacramentum pœnitentiæ seruasti. Et hæc omnia quidem grâtiis, ex sola sua gratia. Nam si ego te bene operando præueni; vbi est quod Prophetæ tuus ait; Misericordia eius præueniet me? Si quid ego operationis bonæ dederim, vt gratiam tuam mererer, vbi est illud Apostoli tui; Gratia saluati estis per fidem, & hoc non ex vobis: donum enim Dei est? Si mea dilectio te præuenierit, quomodo verum erit illud; Non quia nos dilexerimus eum, sed ipse prior dilexit nos? Si sine tuo munere nostra virtute sequamur te, vbi est quod vnigenitus Filius tuus dicit; Sine me nihil potestis facere? &: Nemo potest venire ad me, nisi Pater meus traxerit eum? Omne igitur quod habeo, totum id quod sum, gratuitum est, donum tuum est, liberalitas & misericordia tua est: adeo, vt ne cogitando quidem dona bonorum operum virtute mea præuenire potuerim. Non enim sufficientes sumus cogitare aliquid ex nobis, quasi ex nobis: sed sufficientia omnis nostra ex te est.

Quid igitur faciam miser ego & miserabilis, nudus & pauper? Infirmus ego & claudus, sed donis ac beneficijs tuis diues atque opulentus, per mare nauigabam; oborta verò tempesta demersit nauem, omnes diuitias, omnes merces meas vno infortunio amisi. Tua bo-

Psal. 58.

Ephes. 4

1 Ioan. 4

Ioan. 15.

Ioan. 6.

2. Cor. 3.

nitare, etsi naufragium passus, ego tamen euasi: anima mea incolumis, ope vnus tabulæ ad terram enatauit: sed quid nunc agam? non habeo vnde viuam, & propter infirmitatem lucrari nil possum. Vnicum est remedium vt mendicem: sed quis tam liberalis vt velit, tam diues vt possit tam desperato pauperi subuenire, nisi tu solus Deus, benignus & misericors, diues & omnipotens? Ad te igitur clamabo, ad te vociferabor, ad ostium tuum sine intermissione clamabo.

Cæterum hîc iterum me terret conscientia, reclamatione pudor & verecundia: quicquid enim antea possidebam, & nunc amisi, id totum tuum erat; id mihi credideras, id totum tibi adhuc debeo: insuper & te offendi, tibi iniurus fui, tuis bonis in tui ignominiam abusus sum. Noua igitur a te petero, quæ erit impudentia? Ergone desperabo? ergone dicam cum Cain; Maior est iniquitas mea, quam vt veniam merear? ergone vagus & profugus ero à terra viuentium? Nequaquam; Scio enim quod Deus meus & Dominus meus misericors & clemens est, patiens & multæ miserationis. Scio, quia Dominus meus benignus est, & multæ misericordiæ, & præstabilis super malitia. Scio, quia seruo suo debenti millia talentorum decem, postquam supplicem vidit, omne debitum dimisit. Dicam

Genes. 4.

Exod. 34.

Ioel, 2.

igitur



igitur & ego cum seruo illo, Domine patientiam habe in me, & omnia reddam tibi. Matth. 1.

Sed vnde reddam ô Domine, nisi tu prior dederis; & cui dabis, nisi petenti te? quis autem petere non audeat, cum omnes tam liberaliter inuites, dicens; Venite ad me omnes qui laboratis, & onerati estis, & ego reficiam vos. Venite omnes sitientes ad aquas: & qui non habetis argentum, properate, emite & comedite. Venite, emite absque argento, & absque vlla commutatione vinum & lac. Hac tam benigna prouocatione tua incitatus ego ecce venio ad te, & precor, vt des mihi vnde reddam omnia quæ tibi debeo? da scilicet vt te debite adorem; te timeam, te laudem, tibi reuerentiam & honorem exhibeam: tibi pro tuis beneficijs gratias agam, te ex toto corde diligam, in te spem omnem ponam, tuis mandatis obtemperem, me totum tibi offeram, tuis me manibus totum commendem; & has, similesque gratias à te petere discam, vt foris ante oculos meos, & intus in corde meo nominis tui gloria & animæ salus meæ veluti scopus mihi præfigatur.

Oro etiam te Domine, vt mihi tribuas peccatorum meorum remissionem, veram contritionem & poenitentiam: da gratiam ne in posterum offendam te denuò, vel ijs peccatis, quæ hactenus

mihi

Matth. 1.  
Esa. 55.

Granat.  
lib. 5. M.  
moriali

mihi familiaria fuerunt, vel alijs quibuscunque. Potissimum autem gratiam à te Domine peto, & vires, vt carnem meam castigare, linguam refrænare, cordis appetitus inordinatos mortificare, dispersas, vagasque imaginationis meæ cogitationes colligere valeam; vt sic totus foris & intus reformatus, nouaque crearura effectus, merear esse viuum templum, & gratum, in quo requiescas, habitaculum.

Largire mihi virtutes etiam illas, quibus illud tuum habitaculum non tantum purgetur, sed etiam ornetur; vt sunt nominis tui sanctus timor, firma spes, profunda humilitas, integra patientia, prudens discretio, paupertas spiritûs, perfecta obedientia, continua fortitudo, & diligens alacritas in omnibus ijs, quæ ad tuum cultum & obsequium pertinent: ante omnia verò ardentissima charitas, tam erga te, quàm erga proximum.

Cæterum quia scio me omnibus his indignum, nihilque horum promeruisse, memor esto precor, ô Domine, miserationum tuarum antiquarum: memorare quòd non vis mortem peccatoris, & ipse testaris, sed vt conuertatur & viuat: recordare quia non venit vnigenitus tuus Filius in hunc mundum vocare iustos, sed peccatores: memento quanta fecit, quanta tulit à die natiuitatis suæ, vsque dum in cruce

more

zech. 18.

matth. 9.

moreretur. Quæ omnia tibi, ô clementissime Pater, offero, vt sint pro peccatis meis sacrificium in odore suauitatis: nec pro peccatis tantum, sed & pro omnibus necessitatibus meis: quidquid enim oro, quidquid peto, id in illius, non in meo nomine postulo: de te namque dicitur, quod honoras patres in filiis & vni parcis propter alium, quem admodum & Dauid olim Miphibosech propter Ionathan patrem eius honorauit. Honora igitur & tu vngenum filium tuum in me, benefaciens mihi propter illum: quia ipse pater meus, & secundus Adam meus est: ego autem filius illius, licet discolus atque immorigerus. Aspice Domine, quia ego ad te confugio, ad ostium misericordiæ tuæ venio, tibi paupertatem meam expono, tibi vulnera mea detego; quia verus medicus meus es tu, animam meam coram te effundo, & Dauidico inflammatus spiritu ad te clamo, dicens;

2. Reg. 9.

Inclina Domine aurem tuam, & exaudi me: quoniam inops & pauper sum ego. Custodi animam meam, quoniam sanctus sum: saluum fac seruum tuum Deus meus sperantem in te. Miserere mei Domine, quoniam ad te clamaui tota die: lætifica animam serui tui, quoniam ad te Domine animam meam leuaui. Quoniam tu Domine suavis & mitis, & multæ misericordiæ in-

Psal. 85.

uocan-



uocantibus te. Auribus percipe Domine orationem meam: & intende voci deprecationis meæ. In die tribulationis meæ clamaui ad te: quia exaudisti me. Deduc me Domine in vita tua, & ingrediar in veritate tua: lætetur cor meum vt timeat nomen tuum. Confitebor tibi Domine Deus meus in toto corde meo, & glorificabo nomen tuum in æternum, Amen.

3.

*TERTIA ORATIO RESPISCENTIS, ex Psalmis compilata.*

Psal. 24.

**A**D te Domine leuaui animam meam: Deus meus in te confido, non erubescam.

Dirige me in veritate tua, & doceme: quia tu es Deus Saluator meus, & te sustinui tota die.

Psal. 26.

Vnam petij à Domino, hanc requiram, vt inhabitem in domo Domini omnibus diebus vitæ meæ. Vt videam voluntatem Domini, & visitem templum eius.

Psal. 61.

Ibi labia mea laudarent te, ibi benedicerem te in vita mea, & in nomine tuo leuarem manus meas. Sicut adipe & pinguedine repleretur anima mea, & labijs exultationis laudaret os meum.

Psal. 70.

Repleatur os meum laude, vt cantem gloriam tuam: tota die magnitudinem tuam. Os meum annuntiabit iustitiam tuam: tota die salutare tuum.

Psal. 72.

Quid enim mihi est in cælo? & à te

quid

quid volui super terram? Defecit caro mea, & cor meum: Deus cordis mei, & pars mea Deus in æternum.

Quia melior est dies vna in atrijs tuis super millia. Elegi abiectus esse in domo Dei mei, magis quam habitare in tabernaculis peccatorum.

Psal. 23.

Custodi animam meam Domine, quia sanctus sum: saluum fac seruum tuum Deus meus sperantem in te: latifica animam serui tui, quoniam ad te Domine animam meam leuaui.

Psal. 85

Reuela oculos meos, & considerabo mirabilia de lege tua.

Psal. 118.

Aufer à me opprobrium & contemptum: viuifica me secundum verbum tuum. Viam iustificationum tuarum instrue me, & viam iniquitatis amoue à me, & de lege tua miserere mei.

Deduc me in semitam mandatorum tuorum, quia ipsam volui: & custodiam legem tuam semper, in seculum, & in seculum seculi.

Inclina cor meum in testimonia tua, & non in auaririam: auerte oculos meos ne videant vanitatem, in via tua viuifica me. Statue seruo tuo eloquium tuum, in timore tuo.

Veniat super me misericordia tua Domine, salutare tuum secundum eloquium tuum: & ne auferas de ore meo verbum veritatis vsquequaque.

Paratus sum & non sum turbatus, vt custodiam mandata tua: fiat cor meum

meum immaculatum in iustificationibus tuis, vt non confundar

Confige timore tuo carnes meas: a iudicijs enim tuis timui. Gressus meos dirige secundum eloquium tuum, vt non dominetur mei omnis iniustitia.

Psal. 137.

In quacunque die inuocauero te, exaudi me: multiplicabis in anima mea virtutem. Pone custodiam ori meo, & ostium circumstantiæ labijs meis.

Psal. 140.

Non declines cor meum in verba malitiæ, ad excusandas excusationes in peccatis.

Psal. 142.

Eripe me de inimicis meis Domine, ad te confugi: doce me facere voluntatem tuam, quia Deus meus es tu.

Psal. 141.

Educ de custodia animam meam ad confitendum nomini tuo: me expectant iusti donec tribuas mihi.





CAPVT QVINTVM,  
CONTINENS ORATIO-  
NES ANTE ET POST SA-  
cram Communionem  
vsurpandam.

PRÆFATIO DOCENS QVO-  
modo dignè communicare  
quis poterit.



*M*nia noua legis Sacramenta  
dispositionem & preparatio-  
nem aliquam in suscipiētibus  
ea requirunt: alia tamen alijs  
maiores, & accuratiores, pro excellentia  
& dignitate sua: quodam enim dolorem  
peccatorum tantum requirunt, & Baptis-  
mus; alia præter dolorem & contritionem,  
etiam exigunt eorundem peccatorum con-  
fessionem, ut Pœnitentia. Sacramentum  
verò altaris, quoniā omnium est nobilissi-  
mum, perfectissimam, exquisitissimamq;  
postulat dispositionem, & preparationem.  
Non enim sola contritione & confessione  
peccatorum hæc preparatio perficitur, sed  
alia multa requiruntur, ut quis non in-  
dignè ad hoc Sacramentum accedat, esse  
etiamq; & gratiarum, quæ in Sacramento  
distribuantur, particeps fiat.

Est enim hoc Sacramentum virtutis infi-  
nita, habēs in se Christum, qui fons est om-

nium

nium gratiarū; omniaq; merita Dominica  
Passionis, qua similiter nec modum habēt,  
nec numerū in se cōtinent. Proinde quanto  
maior est preparatio, qua cū ad hoc Sacra-  
mentū accedimus, tātō maior erit & gra-  
tia, quā in illo percipimus. Quemadmodū  
enim is, qui ad puteū venit, ut aquā hau-  
riat, tātum haurit, quantū eius vas capit:  
quod autē plus nō haurit, id vasi, non puteo  
imputādum est, qui plus daret, si vas am-  
plius caperet: Sic qui ad diuinū hoc Sacra-  
mentū veniūt, tantum gratiarū hauriūt,  
quanta est deuotionis & preparationis ca-  
pacitas: secundum namque subiecti disposi-  
tionē causae operantur. Requirit autem hu-  
ius Sacramēti nobilitas atque excellentia.

Concil.  
Trident.  
Sess. 13.  
cap. 7.

De pro-  
cessu Re-  
ligionis  
cap. 22.

I. Puritatem conscientiae ab omni peccato  
mortali & quantum fieri potest etiam ve-  
niali: quare Confessio Communioni sem-  
per est praemittenda, si communicaturus se  
alicuius criminis reum agnoscat.

II. Puritatē intētionis; ut scilicet bono fine  
quis accedat, non priuato commodo prouo-  
catus, nō timore poenae coactus, nō ex cōsue-  
tudine, nō ut sensibilem aliquam deuotio-  
nē & dulcedinem in eo percipiat: sed ex in-  
tentione pura. Huiusmodi intētionēs varia  
sūt, quas cōmemorat Bonauētura his ver-  
bis: Aliquos trahit amor Dei, ut dilectū ad  
se sepius inuitēt, eūq; in semetipsis delecta

biliter amplexentur. Aliquos propria infirmitatis intuitus, ut eū quasi medicū ad se vocet, per quē ab infirmitate curētur. Aliquos cōscientia delictorū suorū, ut per eam, quasi per hostiam placationis ab omnibus peccatis expiati purgentur. Alias pressura alicuius tribulationis ut per eū, qui omnia potest, ab omni aduersitate citius liberētur, & tutius protegantur. Aliquos desiderium alicuius gratia, vel beneficij impetrādi per eum, cui Pater nihil negare potest pro se intercedēti. Aliquos gratiarum actio pro beneficijs diuinis Aliquos laus & honor Dei & Sanctorū: aliquos charitas & cōpassio proximorū; cū pro salute viuorū, & requie defunctorū nihil efficacius interpellat, quā sanguis Christi pro nobis effusus. Hac ille Primarius autē, & propius finis huius Sacramēti est, ut mediante illo, in quo Christus realiter inest, in anima nostra Christi spiritū excipiamus, cuius beneficio trāsfremur in illū, viuamusq; sicut ille vixit, in omni charitate, obediētia, paupertate spiritus, mortificatione corporis, contēptu mūdi, &c. hoc est, ut unū quid cū illo per imitationem vitæ illius efficiamur. Deinde ut memoriam quoque passionis eius renouemus, & pro inestimabili redemptionis nostræ beneficio Redemptori gratias agamus.

III. Requirit huius Sacramēti preparatio

actua-



In orati.  
præpara.  
ante Mis-  
sam.

actuale deuotionem. Est autem hac deuotio affect<sup>9</sup> quidā generalis spiritus, ex alijs affectib<sup>9</sup> & desiderijs spiritualibus cōpositus: quib<sup>9</sup> anima ad venerabile hoc Sacramētum accedētis plena esse debet. Rectē namq<sup>3</sup> Ambrosius, Quāta, inquit, cordis cōtritio- ne & lachrymarū fonte, quāta reuerētia & tremore, quāta corporis castitate atque animi puritate illud diuinū & celeste my- steriū est celebrādū, Domine Deus, ubi ca- ro tua in veritate sumitur? ubi sāguis tuus in veritate bibitur? ubi sūmis ima, huma- nis diuina iunguntur? ubi sanctorum adest Angelorum presentia? ubi tu es Sacerdos & sacrificium mirabiliter & ineffabiliter?

Vt igitur aqua quædam odorifera ex va- rijs boni odoris floribus & herbis distilla- tur: sic deuotio hac ex multis spiritualibus Deoque gratis affectibus componitur; ut sunt inter alios profunda humilitas, sum- ma reuerentia, firma fiducia, ardens amor, impatiens fames, & intolerabile deside- rium huius panis supercelestis.

Ad huiusmodi præparationē certum ali- quod tēpus ante cōmunionem requiritur; ne, q<sup>3</sup> multi faciunt, recenti adhuc peccato rū memoria foetente etiamnum eorū turpi tudine, & fumigante nondū satis extincta peccandi libidine, ad tā tremendū mysteriū accedamus. Sex mensibus se præparabant

Hest. I.

puella

puella in cōspectum Regis Assueri ventura,  
 & tribus diebus populus legē accepturus:  
 multo igitur maiori iure saltē tridui prepa-  
 rationē postulat huius Sacramēti sumptio.

Toto illo tēpore cōmunicaturus pijs stu-  
 dijs vacet, conscientiam suā examinet, pec-  
 cata confiteatur; & post confessionem ab  
 omni peccato mortali, etiam veniali, quā-  
 tum fieri potest, abstineat: peccādi occasio-  
 nes fugiat, à mundi cōuersatione, humana-  
 rumq; occupationū strepitu sese subducatur.  
 Ante omnia cor diligenter custodiat, ne in  
 lectulo caelestis sponsi, quem floridū requirit  
 sponsa, spina & tribuli inueniantur. Ora-  
 tionibus igitur, meditationibus, & pijs le-  
 ctionibus toto illo triduo incumbēdum est.

Vesperis, cū post tridie communicandum  
 erit, nihil, aut parum homo in cœna come-  
 dat, post cœnam mox surgat, fabulis non  
 indulgeat: sed in cubiculo solus cū Deo col-  
 loquatur. Ante somnum Deum oret, ut ea  
 nocte se custodiat ab omni Damonis illu-  
 sione, omniq; peccato, & noxio phantaf-  
 mate. Mane cū expergiscitur, persua-  
 deat sibi, quod in brachijs Christi iacet, in-  
 cipiatq; passionem Dominicam meditari.

HÆC sunt quæ ex parte hominis ad pra-  
 parationē, huic Sacramento pramittendā,  
 requiruntur: quæ tamen non sufficiunt, nisi  
 Deus ipse cor hominis prepararet: si enim ne

mo ad augmentum gratiæ poterit disponi, sine ope ipsius gratiæ; multò minùs poterit quis disponi ad dignè Deum percipiendum, sine ope ipsius Dei. Quamobrem necesse est, ut auxilium Dei humilibus orationibus & obsecrationibus inuocetur, quo cooperante purgetur & ornatur cœnaculum, in quo Christus nobiscum Pascha suum manducabit. Ad hoc debito modo faciendum accommodatæ sunt meditationes, & orationes quæ sequuntur.

MEDITATIO DEVOTISSIMA,  
& ante Communionem utilisissima, quæ  
anima ad timorem & amo-  
rem excitatur.

Granat.  
lib. 3 Me-  
morialis.

**Q** Vis es tu Domine mi, & quis sum ego, qui audeo tibi appropinquare? quid est homo, ut possit in se Deum recipere factorem & Redemptorem suum? Quid est homo, natura sua, nisi quas corruptionis & putredinis? filius Dæmonis? heres inferni? operator peccatorum? contemptor Dei, & creatura ad omne bonum inepta, ad omne verò malum aptissima, promptissimaque?

Quid est homo, nisi animal omnibus in rebus miserabile? in concilijs cæcum, in operibus suis inconstans, in appetitibus immundum, in desiderijs lubricum? in omni opere suo paruum, & in proprijs oculis magnum? Vide Domine, vide quis sim ego.



At tu Domine mi, quis & qualis es? Tu magnus es sine quantitate, tu bonus sine qualitate, tu sapiens sine mensura, tu æternus sine tempore. Tu es omnipotens in virtute, immensus in sapientia, admirabilis in consilijs, terribilis in iudicijs, perfectus & absolutus in omni virtute.

Quomodo igitur tam vilis & immunda creatura audebit audire & contingere Deum tantæ Maiestatis? Ecce Luna *Iob 21.* etiam non splendet, & stellæ non sunt mundæ in conspectu eius. Columnæ cæli contremiscunt, & pauent ad nutum eius. Altissimi illi Seraphin contrahunt alas suas, & in conspectu tuo fatentur se papiliones, & vilissimos esse vermiculos. Quæ igitur audacia, quæ temeritas, vt homo vilissima, abiectissimaq; creatura audeat tantum Dominum in se recipere?

Sanctus ille Baptista Ioannes, in vtero matris suæ sanctificatus, non fuit ausus, cum baptizaret Dominum, verticem illius tangere: imò indignum se testatus est, qui solueret corrigiam calceamenti sui *Luc. 3. Ioan. 1.*

Princeps Apostolorum exclamat dicens; Exi à me Domine, homo enim peccator sum, & ego peccatorum omnium facile princeps tibi appropinquare non formidabo? Si panibus propositionis, qui tantum vmbra erant profundissimi huius mysterij, nemini licuerit *Lucæ 5. 1. Reg. 21.*

vesci, nisi qui mundus erat & sanctificatus; quî potero securus esse ego, qui manduco panem Angelorum, cum interim tam procûl ab sim ab omni sanctitate?

Exod. 12.

Agnus ille paschalis, qui erat typus & figura huius Sacramenti, iuxta mandatum Dei comedi debebat cum panibus azymis & lactucis agrestibus: qui autem comedeabant, renes accinctos, & calceamenta in pedibus habere iubebantur. Ah quomodo audebo ego ad verum hunc agnum paschalem accedere, qui nullam harum præparationum habeo? Quid enim aliud panis azymus, quam puritas sine fermento malitiæ? quid lactucæ amaræ, nisi vehemens contritio? ubi est puritas renum? ubi pedum? id est, sanctorum desideriorum mundities?

Timeo Domine, & vehementer timeo, ne fortè malè excipiar in hac mensa, si quid horum mihi desit apparatus.

Matt. 22.

Hac mensa prohibitus, imò ab ea reiectus est ille, qui sine veste nuptiali, hoc est, sine charitate accesserat: ligatusque manibus & pedibus in tenebras exteriores deturbatus est: quid ego aliud nunc expecto, si me absque hac veste in conuiuium hoc ingesserò?

O diuini oculi, quibus aperti sunt & manifesti omnes animæ meæ sinus & anguli, quid fiet de me, si in conspe-

ctum

ctum tuum nudus & vacuus acceffero?

Arcam, quæ figura tantum erat huius Sacramenti, attingeret tantum nefas fuit, vt Sacerdos Oza, qui ad eam casum minitantes manum extendit, & tenuit, subitanea morte percussus sit: qui possem ego non timere, & pœnam eandem metuere, si indignè percepero id, cuius arca illa figura tantum fuit? 2.Reg.6.

Bethsamita nihil aliud deliquerant, 1.Reg.6. quàm quòd Arcam fœderis curiosius erant intuiti, cum ea per fines eorum deferrebatur: & tamen adeò indignatus est Dominus, vt ob eam solam causam septuaginta de populo viros, & quinquaginta millia plebis occiderit. Sed ô misericordissime Domine, quanto augustius est Sacramentum hoc Arca fœderis? quanto periculosius est recipere te, quàm videre te?

Non immeritò igitur horrere, & contremiscere debeo, quoties venio ad sumendum Dominum tantæ Maiestatis & iustitiæ? Et si tot causæ sint, cur debeam timere tuam magnitudinem, quot erunt rationes metuendi, si perpendam peccatorum meorum multitudinem? memor enim sum Domine multorum, grauiumque criminum meorum, quibus diuinam tuam Maiestatem offendi in hoc mundo.

Fuit, fuit aliquando (gratia tibi Domine, quòd iam non est) tempus illud, quando infinitam illam tuam pulchri-



tudinem, summa obliuione apud me  
sepultam, minimè amarem: quando  
puluis creaturarum tuarum maiori apud  
me in pretio fuit, quàm thesaurus gra-  
tiarum tuarum, & spes gloriæ semper-  
næ. Lex & regula vitæ meæ erant mea  
desideria & inordinati appetitus: nullam  
tui rationem, nullam tui habebam re-  
uerentiam, quoniam te non cognosce-  
bam.

Ego sum insipiens ille, qui dixi in cor-  
de meo: Non est Deus; tam dissolutè si-  
quidem aliquamdiu vixi, vt moribus  
meis profiterer, quòd crederem te aut  
non esse, aut nihil posse. Non dedi ope-  
ram, vt in amorem tuum me insinua-  
rem: non timui iustitiam tuam, non ve-  
ritus sum legem tuam præuaricari: gra-  
tias, quas debui, non reddidi tibi: etsi te  
omnibus in locis præsentem sciebam,  
non tamen in tuo conspectu peccare se-  
cure, & quidem grauiter erubui.

Quicquid oculi mei desiderârunt, id  
omne illis permisi, nec cordi meo vim  
intuli, quò ipsi delectationes eius sub-  
traherem; & quod genus flagitij est, quo  
anima mea sese non coinquinauit: Quid  
aliud fuit vniuersa vita mea, quàm assi-  
duum bellum contra te? quid aliud,  
quàm renouatio omnium tormento-  
rum, totiusque vitæ tuæ passionum?  
Quoties ego te pro momentanea vo-  
luptate, aut minimo lucro, tanquam al-  
ter ludas vendidi? Et nunc veniens, vt te

percipiam, quid aliud ago, quàm osculum tibi paro, cum ipso Iuda, quo te tradam, quem iam antea vendidi? Quid aliud feci, cum alias communicaui, quàm quòd cum militibus te delusi, tibi que insultaui, hic genu flectens, & te adorans, illic arundine benedictum caput tuum percutiens?

Quomodo igitur audebo recipere te Domine in statu tam immundo & flagitioso? quomodo tam temerarius esse potero, vt sacratum corpus tuum reponam in speluncam draconum, & in nidum viperarum? quid aliud est anima peccatoris, quàm habitaculum Daemonum, nidus bestiarum, porcile, & cloaca omnis immunditiei?

Quomodo tu requiesces hic Domine, qui puritas es virginalis; & qui fons es omnis pulchritudinis, quomodo in loco tam abominabili poteris habitare? Quæ 2. Cor. 6. participatio iustitiæ cum iniquitate? aut quæ societas luci ad tenebras? quæ autem conuentio Christi ad Belial? O flos campi, o lilium conuallium, o panis Angelorum, quomodo pabulum nunc factus es bestiarum?

Quare diuinum hunc cibum das canibus, & pretiosas margaritas mittis ante porcos? O amator animarum purarum & mundarum, qui pasceris inter lilia donec aspiret dies, & inclinentur ymbræ: quod pabulum tibi dare poterò in hoc corde meo, vbi nihil crescit

Cant. 2.

Cant. 3.

præter tribulos & spinas? Lectulus tuus est de lignis Libani; columnæ eius aureæ, reclinatorium tuum aureum, & ascensus purpureus: in cubili cordis mei nihil horum reperitur, quam igitur sedem tibi illuc intransi ponam? quem lectulum sternam?

Sanctissimum corpus tuum de Cruce sublatum mundissimæ sindoni fuit inuolutum, atque in sepulchrum nouum positum, in quo nemo fuerat iam antea sepultus. Quæ verò pars animæ meæ munda est; quæ noua, in qua te potero sepelire? Quid os meum aliud, quàm sepulchrum patens, de quo nihil præter foetores & putredines meorum peccatorum procedit? Quid cor meum, nisi fons pessimorum appetituum & desideriorum? Quid voluntas mea, nisi domus & reclinatorium Dæmonis?

Quomodo itaque audebo appropinquare tibi? te recipere? te impuris labijs meis exosculari? nullus angulus est in anima mea mundus aut purus, quique non sæpius diuersis peccatorum generibus est prophanatus. Non habeo sepulchrum mundum & nouum in quo recondam. O Redemptor & Seruator mi, pudore suffundor, quoties me in tali statu video: erubescor, perpendens qualis ad hoc augustum & regale tuum conuiuium accedo, qualis in amplexus Sponsi cælestis irruo, qui stat iterum paratus, vt me benigne recipiat.

*Altera*



*Altera pars huius Meditationis.*

**A**gnosco Domine, agnosco magnam indignitatem meam: sed maxima quoque misericordia tua non est à me abscondita: hæc est, quæ mihi suggerit audaciam, & fiduciam ad te veniendi dat, qualis qualis etiam sum. Quò enim indignior ad te venio, cò magis glorificaris tu, si non repellas me, aut odio prosequaris creaturam tam immundam.

Domine, tu non soles repellere peccatores, sed vocare, & ad te conuertere. Tu es qui dixisti; Venite ad me omnes, Matt. 11.  
qui laboratis, & onerati estis, & ego reficiam vos: & alibi; Non opus est sanis Matth. 9.  
medicò; sed his qui malè habent. De te publicè dictum est, quòd publicanos & peccatores recipiebas, & cum illis manducabas. Domine mi, tu non mutasti naturam, quam tunc habuisti: ideoque firmiter credo, quòd etiamnum de cælo vocas illos, quos tunc in terra viuens vocasti.

Quapropter & ego pia illa vocatione illectus venio ad te, peccatorum pondere prægrauatus: & tu me exonerabis: venio laborans & oneratus, & tu me reficies. Venio tanquam infirmus ad medicum, & tu me sanabis: tanquam peccator ad fontem iustitiæ, & tu me iustificabis. Tu recipis peccatores, atque manducas cum illis; eibusque tuus est

conuersari cum illis, & delitiæ tuæ, esse cum hominibus.

Luc. 7.

Si tantopere delecteris, Domine, talibus conuiuis, ecce habes hic insignem peccatorem, quo cum potes manducare panem tuum. Credo equidem Redemptor mi, multo plus te oblectasse lachrymas illius publicę peccatricis, quàm superbum illud epulum tumidi illius Pharisei: propterea nec despexisti illam, nec à te, vt peccatricem reiecisti: sed potiùs benignè recepisti, peccata illius dimisisti, contra calumniantium oblocutiones defendisti; propter paucas lachrymarum guttas multa illi peccata condonasti.

Ecce Domine, hinc noua tibi maioris gloriæ offertur materia, datur occasio: ecce hinc iacet peccator, qui multo quidem plura habet peccata, lachrymas verò multo pauciores. Illa nec prima, nec vltima fuit, quam tua misericordia suscepit, multa similia fecisti Domine, & multa similia tibi adhuc restant facienda. Intra Domine nunc numerum eorum, auspicare opus tuum, recipe in gratiam eum, qui te grauius offendit, & qui leuius propter offensionem plangit. Non habet hic tot lachrymas, vt pedes tuos queat lauare: sed tu tantum sanguinis effudisti, quantum sufficit ad ablutionem peccatorum, non tantum meorum, sed totius etiam mundi.

Ne

Ne indignè feras Domine mi, quod talis existens, qualem me vides, audeam venire in conspectum tuum. Memento quod non indignatus es, cum paupereula illa, quæ sanguinis fluxum patiebatur, clam ad te venit, quærens remedium suæ infirmitatis, & apprehendens simbriam vestimentorum tuorum: sed potius laudasti illam, & consolatus es, dicens; Confide filia, fides tuæ te saluam fecit. Ecce ego & maiorem & periculosiorem sanguinis fluxum patiens, quique minus est curabilis, quid agam? quò me vertam? ad quem ibo, nisi ad te Domine, vt beneficium sanitatis adipiscar?

Matth. 9

Domine mi, tu nec officium tuum, neque consuetudinem aut naturam tuam mutasti, quam habuisti, cum nobiscum in terris versabaris, etiamsi hunc in cælos abieris, & procul à nobis abesse videaris. Si enim mutatus esses, alia scriptura, & alio nobis opus esset Euangelio, quod doceret nos quid nunc de te credere, quid de te in cælo residente sperare debeamus.

Lego in sanctis tuis Euangelijis, quòd omnes qui male habebant, ad te confluerunt, & quòd omnis turba quæsiuit te tangere, eò quòd virtus exibat de te, & sanabat omnes. Ad te venerant leprosi, & tu extendens benedictas manus tuas, mundaisti illos. Ad te venerunt cæci, surdi, paralytici, dæmoniaci. Ad te deni-

Luc. 6.



que omnia monstra huius mundi prope-  
rarunt, nullique eorum opem tuam de-  
negasti. In te solo salus est, in te medi-  
cina & remedium malorum omnium.  
Promptior es tu ad dandam salutem,  
quàm illi ad poscendam.

Quò itaque ibimus in necessitatibus  
nostris Domine, nisi ad te? Scio enim  
Domine, quòd diuinum hoc Sacramen-  
tum non est tantum cibus eorum, qui  
sani sunt; sed medicina quoque malè  
habentium & infirmorum: non tantum  
fortitudo est viuientium; sed & resurre-  
ctio mortuorum: non tantum recreat &  
oblectat iustos; sed sanat etiam & purifi-  
cat peccatores.

Vnusquisque accedat huc, & accipiat  
eam partem, quam sibi putat fore salu-  
briorem. Veniant iusti & manducent &  
lætentur in hac mensa: sonetque vox  
confessionis eorum, & laudis in isto sa-  
lutari calice.

Nusquam esse possum sine hoc my-  
sterio, nusquam sine illo viuere: & vbi-  
cunque sum, excusari non possum, si  
non sumpsero: omni enim in loco,  
omni in re istud est mihi necessarium.  
Si infirmus sim, hîc sanabor: si sanus,  
hîc conseruabor: si viuus, hîc confor-  
tabor: si mortuus, hîc resuscitabor: si  
amore diuino ardeam, hîc magis accen-  
dar: si tepidior sim, hîc inflammabor.  
Non timebo, etiam si Dominus cæcum  
me inueniat: quoniam ille cæcos illu-

minat.

minat: non metuam, licet me lapsum conspiciat; ipse enim labentes erigit. Non fugiam à facie eius, sicut quondam fecit Adam, quantumuis nudus sum; ille enim potest nuditatem meam tegere: non me abscondam, quamuis immundus & plenus peccatis videar; ille enim est fons misericordiæ: non erubescam licet pauper sim; ille enim Dominus est omnium rerum creaturarum.

Non magnopere sollicitus sum, quòd ille audaciam meam suam iniuriam interpretabitur: sed occasionem me illi gloriæ maioris daturum arbitror; vt dum ego cæteris omnibus sim inferior, dilucidius in me resplendeat diuinæ misericordiæ magnitudo, eo ipso, quòd mihi auxiliabitur.

Tenebræ illius, qui à natiuitate cæcus fuerat, gloriæ Domini famulabuntur: natus enim cæcus erat; vt manifestarentur opera Dei, sic & miseria meæ conditionis seruiet illi, quoniam in ea magnitudo bonitatis estis conspicietur; si nimirum ille, qui tam sublimis est, tam miseram atque inopem creaturam iuuare non dedignetur: idque potissimum cum hîc nulla ratio mei habeatur; sed tantum meritorum Domini nostri Iesu Christi, propter quæ Pater æternus nobis bene vult, & nos in filios suos adoptat, habetque benignè, vt tales haberi solent.

Ioan. 9.

2. Reg 9.

Oro itaque supplex, & obtestor te nunc Deus meus Pater Domini nostri IESV Christi, vt quemadmodum sanctissimus ille Rex David Miphiboseph debilem pedibus ad mensam suam admisit, quia erat filius magni & chari amici illius Ionathæ, volens hoc modo filium honorare, non propter filium ipsum, sed propter merita patris illius: sic & tibi Pater cælestis placeat me pauperem & immundum peccatorem ad regale tuum conuiuium admittere; non propter me, sed propter merita & honorem singularis amici tui IESV Christi, Domini & Patris nostri; qui cum tantis laboribus & doloribus ad gloriam & honorem tuum nos regenerauit in arbore crucis; qui & tecum viuit ac regnat in secula seculorum, Amen.

ORATIO ANTE COMMUNIONEM.

Grana-  
tensis  
ibidem.

**T**E laudo, tibi gratias ago dulcissime Domine IESV, Seruator & Redemptor mi, pro tantis tuis beneficijs, quæ in tam vilem & miserabilem creaturam conferre dignatus es. Tibi gratias ago Domine mi, pro omnibus miserationibus tuis, quibus erga genus humanum, in mysterio potissimum incarnationis vsus es; in natiuitate scilicet, circuncisione, in templo præsentatione, in AEgyptum fuga, in ieiunio & tentatione, in laboribus & itineribus multis, in prædi-

catio-



cationibus & persecutionibus mundi huius, in tormentis & doloribus acerbissimæ tuæ passionis, & in omnibus quæ in carne pro me passus es.

Ante omnia verò gratias tibi ago immensas, pro ineffabili tua charitate, quæ te pro me pati impulit: quæ perfectò cunctis operibus tuis sine vlla cōparatione maior est. Insuper & quas possum gratias ago, quòd non dedignaris me ad sanctissimam tuam mensam admittere, participemque tui ipsius, & omnium meritorum, inæstimabilisque thesauri tuæ passionis facere. O Deus meus, & Seruator meus, quibus obsequijs hoc nouum & inauditum misericordix tuæ genus compensabo? Quis es tu, & quis sum ego, quòd tu Dominus supremæ Maiestatis dignaris venire in luteum, terrenumque habitaculum meum? Domum tuam, Domine, decet sanctitudo in secula seculorum. Cur itaq; venis in domum meam, quæ nunquam non malignitate abundat? Cælum hospitium, & sedes tua est, & terra scabellum pedum tuorum: quia & cælum & terram implet tuæ Maiestatis gloria; quomodo igitur non abhorres ad tam vile hospitium meum diuertere? Ergone putandum est, inquit Salomon, quòd verè Deus habitet super terram? si enim cælum & cæli cælorum capere te non possunt, quanto magis domus hæc quam ædificaui? O

Psal. 92.

3. Reg. 8.

res admiranda, qui sedet super Cherubin, & intuetur abyssos, nunc se ad abyssum vsque humiliat, & in infimo loco sedem suam collocat.

Parum tuæ bonitati visum est, quòd Angelos nostro ministerio destinasti, ipse ad nos venire voluisti, & in animas nostras intrare, vt proprijs manibus illic negotia nostræ salutis operareris. Ibi tu visitas infirmos, erigis lapsos, doces ignorantes, reducis in viam errantes. Quid multis? tu ipse es, qui curas ibi vulnera & languores nostros omnes, non alterius manibus, sed proprijs; non longè petita medicina, sed propria carne, proprioque sanguine tuo semper benedicto mederis.

Ezech. 34

O optime Pastor, quàm abundè satisfecisti tuæ promissioni, quàm olim per Prophetam enuntiaisti, dicens; Ego pacem oues meas, & ego eas accubare faciam. Sed quis erit dignus hac gratia? quis erit dignus hoc beneficio? sola tua misericordia, Domine, bonis tam infinitis nos potest dignos facere. Et quoniam sine illa nemo dignus esse potest, illa Domine mihi sit propitia, illa me tantorum mysteriorum faciat participem, faciat & me gratum tam inæstimabili beneficio. Suppleat quæso quicquid mihi deest gratia tua, dimittat mihi omnia peccata mea misericordia tua, præparet animum meum Spiritus tuus, ditent paupertatem meam meri-

ta tua,

ta tua, & eluat omnes maculas animæ  
meæ, totiusque vitæ meæ sordes san-  
guis ille tuus pretiosus: vt dignè pos-  
sim tremendum hoc Sacramentum su-  
scipere.

Exultat & lætatur anima mea, ô Do-  
mine, quoties recordor insignis illius  
miraculi, quo mortuus mortuum olim  
cadauer solo attactu corporis sui resu-  
scitauit. Nam si tantum potuerit cor-  
pus Prophetæ mortui, quid non po-  
terit corpus viuum omnium Prophetarum  
Domini? Certus sum Domine mi,  
quod tua potentia non est minor po-  
tentia Prophetæ, & anima mea non mi-  
nus mortua est, quàm corpus illius ho-  
minis, nec minoris efficacix contactus  
hic, quàm ille. Quare igitur simile be-  
neficium in me non expectabo? qua-  
re maiora miracula faciet corpus in pec-  
catis conceptum, quàm corpus conce-  
ptum à Spiritu sancto? quare maiorem  
prærogatiuam habebit corpus serui,  
quàm corpus Domini? quare corpus  
tuum non resuscitabit animam meam  
in tuo sanguine sanctificatam, quæ co-  
hæret & coniungitur tibi per fidem,  
cum resuscitet illud corpora quæ con-  
tingit? Et quia corpus hoc resuscita-  
tum fuit, vitam non petens, sed sola  
virtute ossium beati Prophetæ tui; pla-  
ceat quæso infinitæ misericordiæ tuæ  
Domine mi, vitam mihi per medium  
huius Sacramenti petenti & obsecran-

4. Reg. 13.

ti red-



ti reddere, vtiam non viuam ego, sed tu viuas in me.

O bone IESV, per illam inæstimabilem charitatem, quæ te pro me tradidit, & ignominiosam mortem obire fecit, te supplex oro, vt me ab omni peccato mundes, omni virtutum genere, omnibusque meritis tuis me exornes, & gratiam concedas, vt sacrosanctum hoc Sacramentum tanta cum humilitate & reuerentia, tanto cum timore & tremore, tanto cum dolore & peccatorum meorum pœnitentia, denique tanto cum amore & charitate excipiam, quâtam augustissimum hoc mysterium requirit.

Da mihi, benignissime Domine, illam intentionis puritatem, cum qua dignè ad mensam tuam mysticam accedere potero, ad gloriam nominis tui sancti, & ad remedium omnium infirmitatum, necessitatumque mearum; vt virtute huius Sacramenti corroboretur, fortiter contra inimicos meos pugnare, illos vincere, meque viuificante hoc cibo in vita spiritali sustentare valeam, sed & huius Sacramenti beneficio fac, vt vnum quid tecum fiam, tibi que concorporatus inseparabiliter inheream, vnus tecum spiritus effectus.

Offeratur hoc sacrificium pro salute omnium fidelium, viuentium & defunctorum. Omnes enim adiuuantur

virtute inestimabilis huius Sacramenti, quod pro salute omnium est institutum & Ecclesiæ tuæ relictum à te, qui viuis & regnas in secula seculorum, Amen.

ORATIO ANTE COMMUNIONEM *secunda.*

**O**Mnipotens sempiterne Deus, ecce ego indignissimus peccator accedo ad Sacramentum vnigeniti filij tui, Domini nostri IESV Christi. Accedo tanquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper & egenus ad Dominum cæli & terræ, nudus ad Regem gloriæ. Rogo ergo immensæ largitatis tuæ abundantiam, quatenus meam curare digneris infirmitatem, lauare foeditatem, illuminare cæcitatem, ditare paupertatem, vestire nuditatem: vt panem Angelorum, Regem Regum, Dominum Dominantium tanta suscipiam reuerentia & humilitate, tanta contritione & deuotione, tanta puritate & fide, tali proposito & intentione, sicut expedit saluti animæ meæ.

Da mihi Domine corporis & sanguinis Dominici non tantum suscipere Sacramentum, sed etiam rem & virtutem Sacramenti. O mitissime Deus, da mihi corpus vnigeniti filij tui, Domini nostri IESV Christi, quod traxit de virgine

Idem ibidem ex  
D. Thoma.

Ma-

Maria, sic suscipere, vt corpori tuo mystico merear incorporari, & inter eius membra connumerari. O amantissime Pater, concede mihi dilectum filium tuum, quem nunc velatum in via suscipere propono, reuelata tandem facie perpetuo contemplari. Qui tecum viuunt & regnat in secula seculorum, Amen.

ORATIO ANTE COMMUNIONEM *tertia.*

Franciscus de E-  
uia habetur in fi-  
ne lib. 4.  
de Orat.  
& Medit.  
Granat.

**P**IE Domine Iesu Christe, confiteor me maximum esse peccatorem, & vermiculum immundum, qui non sum dignus in tuum prorepere conspectum. Inidoneum quoque & planè indignum me agnosco, qui recipiam te in domicilium animæ meæ, eo quòd non est munda ab omni macula & iniquitate, quodque ornata & præparata non est virtutibus atque operibus internis, quem tamen apparatus Maiestas tua requirit, antequam suscipiaris tu Deus meus, Creator meus, Redemptor meus: ideoque metuo & contremisco, nec appropinquare tibi nunc audeo. Magna tamen fulcit me fiducia, quòd tu Deus meus es vita viuens, quæ viuificat corpus & animam, omnibusque rebus, quæ vitales sunt, vitam largitur: neque desideras, aut vis mortem peccatoris, sed vt conuertatur & viuat. Tu enim expansis brachijs hærens in cruce, vt recipias nos, alta voce clamas, & nos vt ve-



niamus inuitas, dicens; Venite ad me Matt. II.  
omnes, qui laboratis in presenti vita, &  
onerati estis peccatis & tribulationibus,  
& ego reficiam vos. quierem vobis da-  
bo, & consolabor vos. Et alio loco; Qui Ioan. 7.  
sitit, qui salutem appetit, veniat ad me,  
& bibat de fonte misericordiae, deque  
torrente poenitentiae.

His aliisque verbis dulcissimis, quae  
passim in Euangelio tuo reperiuntur, &  
populo pro concionibus soles propone-  
re, vehementer accendor; atque ex ijs fi-  
duciam talem concipio, vt audeam pro-  
pius ad te accedere.

Sed & memor infinitae illius bonita-  
tis & misericordiae tuae, qua motus non  
despexisti Latronem in cruce tibi con-  
fitemem, & indulgentiam rogantem;  
nec Magdalenam, licet peccatricem to-  
ta Iudaea celebrem; nec reiecasti pre-  
ces Chananæ, quamuis Ethnicæ: nec  
te puduit mulieris in adulterio depre-  
hensæ, cuius in tua accusabatur præ-  
sentia. Non repulisti Matthæum seden-  
tem in telonio, nec humilem Publica-  
num: non lachrymas Petri te negantis;  
nec ignorantiam Pauli te persequentis.  
Quid multis? non detestatus es mali-  
tiam & iniquitatem eorum, qui te cru-  
cifixerunt, posteaquam ipse pro ijs in  
cruce omnipotenti Patri tuo supplica-  
ueris.

Hæc, aliaque exempla plurima ani-  
mum mihi addunt, & fiduciam in me

excitant, vt iam cum audaci quadam humilitate veniam ad recipiendum te; omnino confidens fore, vt tu Domine Deus defectus, indignitatemque meam meritis sanctissimæ passionis & mortis tuæ suppleas: Qui cum Patre & Spiritu sancto viuus & regnas per omnia secula seculorum, Amen.

ORATIO ANTE COMMUNIONEM quarta.

Granat.  
lib. de  
Orat. &  
Meditat.

**C**VM tuam Maiestatem, Domine, meamque vilitatem considero, totus horreo, contremisco & in memet ipso confundor. Tanta enim est iniquitatum mearum magnitudo, vt nec ego illas corrigere, nec pro illis queam tibi satisfacere. Quid ergo faciam Deus meus, auxiliator meus, & consolator in necessitatibus? Scio quid faciam: Vnigenitus filius tuus perfectissimum in ara crucis pro me tibi obtulit sacrificium. Idem & ego offeram tibi nunc pro peccatis meis, vt illud satisfaciat pro me. Scio enim nihil esse aut in cælo, aut in terra, quod tibi magis placet, aut quo facilius homo tibi reconciliatur. Nec tantum offeram hunc filium tuum tibi, sed & ore & corde meo, licet impuro, illum sumam, comedam, & in animæ meæ viscera transmittam; vt hoc modo magis tibi gratificer, eundemque filium tibi reddam pro omnibus donis, gratijs, & beneficijs, quibus

me adeo deuinctum tenes, vt aliter, nisi hoc modo, dignas tibi referre gratias nunquam potero.

Offero igitur tibi ô aterne Pater, amantissimum filium tuum, & sumam illum, vt per illius gratiam & potentiam vincam inimicos meos, Diabolum, Mundum, & Carnem, mihi insensissimos. Suscipiam filium tuum, vt illius diuitiæ succurrant meæ paupertati; infinita illius bonitas meam expellat malitiam; incomprehensibilis illius diuinitas restauret, perfectamque faciat meam humanitatem per peccata corruptam & debilitatam Ore & corde, ô suauissime Pater, amantissimum filium tuum percipiam, vt illo Mediatore me tibi proximum facias asidere, ibique me immotum detineas, non aliter atque olim filius tuus pro me in cruce detentus est: de qua descendere noluit, priusquam me perfecte sibi comparasset, atque me tibi reconciliasset.

Per huius itaque filij tui charitatem tibi supplico Pater, vt digneris me adiuuare, meque tibi tam arctè astringere, vt nunquam te deseram, etiam si totum terrarum orbem à te videro declinare. Quam gratiam non pro me tantum peto, sed & pro omnibus illis, quibus aliquo vinculo sum obstrictus: imò pro omnibus hominibus, viuis & defunctis.

Et tu



Et tu, ô benignissime Saluator, qui dedisti nobis corpus tuum in cibum, sanguinem in potum, & animam in redemptionem nostram, miserere, miserere famuli tui: da misericordiam poscenti, da gratiam indigenti, & fac me talem, vt dignè te in hoc Sacramento, ad quod nunc accedo, suscipiam: si enim indignus accessero, iudicium incurro: & nisi tu me dignum feceris, frustra laboro. Porrige itaque dexteram, ô pie Iesu, miserrimo famulo tuo, de proprijs viribus diffidenti: supple de tuo, quod deest de suo, & fac tibi in me cœnaculum grande, stratum, & ornatum, in quo requiescas dulciter, mirabiliumque tuorum, beneficiorum quoque & acerbissime passionis tuæ memoria habitet sine fine, nec vnquam inde excidat. Qui viuis & regnas Deus, per omnia secula seculorum, Amen

ADMONITIO SVB COMMVNIONEM.

Granat.  
lib.3. Memorial.  
cap. 7.  
Matt. 25

**T**Empore communionis accessurus ad altare Dominicum existima te audire vocem illam Euangelicam; Ecce sponsus venit, exite obuiam illi. exite vt excipiat is illum: Non enim in alio aliquo Sacramento Deus tam manifeste se sponsum animarum nostrarum esse ostendit, quàm in Eucharistia Effectus siquidem huius Sacramenti est copula, & unio anima cum Deo, vt fiat ex duobus

quid

quid vnū, hoc nāque propriū est matrimo-  
 nij spiritualis. Idcirco vt dignè hūc spōsum  
 possis excipere, necesse est diligenter cōside-  
 res, quomodo & qualis ad te venit: vt &  
 tu talis illi obuiā pcedas. Venit enim plen⁹  
 charitate, suauitate, bonitate, misericor-  
 dia; dicens, q̄ desiderio magno desiderauit  
 hoc Pascha māducare tecū. Tu itaq; exi in  
 occursū illi, & excipe eū cū omni deuotio-  
 ne, amore, timore, reuerētia & gaudio: &  
 quicquid in te est, illi obuiam effunde. Exis  
 enim ad recipiēdū verū spōsum animae tuae,  
 verū Deum tuū. Creatore tuū, & summū  
 bonū tuū Considera magnitudinē deuotio-  
 nis & exultationis, qua cū senex ille Simeō Luc. 2.  
 puerulū Iesū in brachia sua excepit, quan-  
 to à matre Virgine offerebatur, ob cuius  
 visionis desiderū tantummodo vitæ pro-  
 gationē optārat. Tali cū desiderio & deuo-  
 tione procedas oportet, q̄ venisti: vt in san-  
 ctissimo hoc Sacramento eundē Dominum  
 percipias. Perpende quoque deuotionem &  
 gaudium, cum quo mater Ioannis Baptista  
 Dominum hunc in ades suas excepit, cum  
 in hac verba plena deuotionis erumperet;  
 Vnde hoc mihi, vt veniat mater Domi-  
 ni mei ad me? Dic igitur & tu;

Luc. i.

## EXCITATIO MENTIS

ad deuotionem tempore Com-  
 munionis.

K

Vnde

Idem ibi-  
dem.

**V**Nde mihi tanta misericordia, vt Dominus Angelorum, & gloria cali ad me venire dignetur? O pater, ô pastor, ô Domine, ô Deus meus & omne bonum meum, cui non satis fuit me ad tuam similitudinem creasse, tuoque me sanguine redemisse; sed voluisti insuper venire ad me, & in me quiescere: voluisti me in te transformare, & facere me tecum vnum. Vnde hæc mihi Domine mi? an quia opera mea promeruerunt? an quia tu bonorum meorum es? Nequaquam Domine, sed sola bonitas tua & misericordia tua te mouent vt tu delecteris amplius habitare mecum, quàm ego tecum. Ego ad te venio, quia ope tua indigeo: tu ad me venis, quia bonus es. Ego te desidero, quia miser & miserabilis sum; tu quæris me, quia misericors es: ego ad te, quia beneficia expecto à te; tu ad me, quia promptus es ad dandum: tu quia paratior ad dandum, quàm ego ad accipiendum: tu quia liberalior, quàm ego indigus ideoque tu magis oblectaris habitare mecum, quàm ego tecum, vt ipse confessus es, dicens: Delitiæ meæ esse cum filiis hominum.

PROU. 8.

# ORATIO SVB IPSAM

*Communionem.*

**Q**VIS ego sum Domine, & quæ est domus patris mei, vt tu venias ad me, quem Præcursor tuus præ reueren-



tia non ausus fuit tangere? cæli clauiger timuit accedere? omnesque gloriosi principes cælestis curiæ adorant & reuerentur? Fretus tamen ego immensa pietate & clementia tua accedo ad te fontem misericordiæ, medicum vitæ. Sed tu qui solus ex indignis dignos facis, ne me dimittas ieiunum, ne deficiam in via. parce mihi cum Magdalena ad genua tua prouoluto, mihi remitte peccata mea, quæcunque vel ex infirmitate, vel ignorantia, vel etiam voluntariè perpetravi. Tribue cæco huic te inuocanti lumen mentis, paralytico robur & fortitudinem spiritus. Exeat virtus de te ô bone IESV, fili Dauid, quæ sanet fluxum concupiscentiarum mearum, dum tango, non simbriam vestimentorum tuorum, sed te totum sumo, licet indignus. Obliviscere peccatum meum, pro quo fudisti sanguinem tuum. Veni & visita domum istam nomini tuo dedicatam Venio ad te, non in meis meritis, sed in miserationibus tuis immensis: supple quæso de te, quod minus habeo in me. Serua domum istam nomini tuo dedicatam, ne inimicus reuertens faciat nouissima mea peiora prioribus, Amen.

CVM SALVTAREM HO  
stiam vides in manu Sacerdo-  
tis, dic tecum.

Chryf.  
hom. 23.  
in Matt.

**H**OC corpus in præsepi reueriti sunt Magi, & viri impij, & Barbari longo itinere confecto, cum timore & tremore plurimo adorauerunt. Propter hoc corpus non amplius terra & cinis ego sum, non amplius captiuus, sed liber: propter hec cælum, & ea quæ in eo bona sunt, me accepturum spero. Hoc corpus cruci affixum, verberatum, morte victum non est, hoc corpus sol crucifixum videns radios suos auertit: propter hoc velum templi scissum est, & petrae & terra vniuersa tremuit. Hoc idem corpus cruetatum, lancea vulneratum fontes sanguinis & aquæ vniuerso orbi salutares scaturiunt.

**EVCHARISTIAM ORE**  
*excipiens, dic:*

D. Tho.  
Aquin.  
Ioan. 6.

**D**omine non sum dignus, vt intres sub tectum meum: sed tu Domine, qui dixisti; Qui manducat meam carnem, & bibit meum sanguinem, in me manet, & ego in eo; propitius esto mihi peccatori per sumptionem corporis & sanguinis tui: & præsta, & non ad iudicium damnationis illud sumam; sed misericordia tua tribuente in salutem & remissionem omnium peccatorum meorum, Amen.

**ADMONITIO POST COMMUNIONEM.**

**P**ostquam salutarē hostiam sumpisti, eam aliquādiu in ore tuo retine, donec paululum humectetur, ut possit facilius deglutiri. Fit enim nōnunquam, ut hac cautela non utentibus adhæreat palato, tantumquē pariat in reuellendo molestiam, ut impediat, ne cogitet aut meditetur homo, quæ sunt vel tunc maximè meditanda.

II. Caue ne statim post Communionem expuas: si urgeat necessitas, fiat hoc in loco mundo, & à pedibus hominum remoto.

III. Sed nec statim post Cōmunionē comedendum est sed expectandum donec species sacramētales digestæ sunt, & resolutæ.

IV. Colloquia humana fabulas & otiosa verba hoc tempore deuota: magna namque inciuilitas est, mox ubi tantum hospitem in domum tuam exceperis, illi dorsum obuertere, aduentum felicem non gratulari, nolle cum eo sermocinari; sed fugere & ad inanes fabulas conuerti.

V. Toto igitur illo die oportet te occupatum esse orationib⁹, diuinis laudib⁹, meditationibus de amore Dei, de passione Domini, de beneficijs diuinis, Deoq; p̄ illis gratia inde finenter agenda sunt. Quādiu enim species Sacramētales in pectore manent (ait Caietan⁹) tã diu mirabiles effect⁹ hoc Sacramentū in animab⁹ nostris operatur: ita vbi hic dici possit illud, q̄ olim dixit de semet-

Ex lib. 3.  
cap. 6.  
Memorialis  
Granat.



*ipso Saluator; Quam diu sum in mundo, lux mundi sum. Et sol non tantum illuminat mundum cum supra horizontem conspiciatur, sed ante ortum, & post occasum hora penè integra: sic & Sol iustitiæ in hoc Sacramento latitās, nō tantum in ipso cōmunionis momento, sed ante & post illud radios suos exerit, ante illud per spem & desiderium, post illud verò percepti beneficii memoria.*

### MEDITATIO IN SIGNIS

*post Communionem prima.*

Granat.  
lib.3 Memorial.

**O** Deus meus, & misericordia mea, quomodo dignas potero tibi gratias agere, quod tu Rex Regum, & Dominus Dominantium non dedignatus es visitare animam meam, & pauperculum miseræ meæ domunculæ rectum subire, ibique facere, ut tu & ego Vnum simus, idque mediante inæstimabili virtute huius Sacramenti? Quo munere tantum beneficium compensabo? quibus officiis tantam tuam bonitatem remunerabo? quam gratiam poterit dare creatura misera, pauper & inops pro munere tam diuite & pretioso? Non enim satis tibi fuit nos in hoc mysterio participes facere supremæ tuæ Deitatis; sed simul nobis communicare voluisti sanctissimam tuam humanitatem, unā cum omnibus meritis, quæ per illam & cum illa pro nobis lucrificasti: dans enim nobis hinc carnem & sanguinem

nem

nem tuum, nos etiam participes facis  
totius thesauri, omniumque merito-  
rum, quæ eadem carne & sanguine com-  
parasti. O admirabilem communionem.  
O thesaurum nullo pretio comparan-  
dum, & hominibus nondum satis co-  
gnitum; dignum tamen cuius præco-  
nia noctes atque dies in Ecclesia ma-  
gna decantentur. O clementissime Re-  
parator animarum nostrarum, quibus-  
cum maioribus diuitijs & pretiosiori-  
bus monilibus nos locupletare potui-  
sti, quam hoc augustissimo Sacramen-  
to? Merito dixisti Domine in oratione  
tua; qua sub ipsam passionis horam Pa-  
trem interpellasti; Ego me sanctifico  
pro eis, ut sint & ipsi sanctificati in ve-  
ritate. Nouo scilicet modo sanctifican-  
di, Sanctificatori difficiliore, & sancti-  
ficato faciliore. Tua enim Domine est  
sanctitas, mihi verò fructus sanctitatis:  
tu laborasti, ego mercedem accipio: tu  
impensas fecisti, ego lucrum colligo:  
tu castigaris, & mihi peccatorum datur  
venia: tu amaram potionem bibis, &  
ego amissam sanitatem cum vita recu-  
pero. Pro me satisfecerunt tui dolores,  
tui clauis, tuæ alapæ, tuæ spinæ, & pre-  
tiosus ille sanguis tuus, non per guttas,  
sed per riuos effusus. Me lauant tuæ la-  
chrymæ, me sanant tua vulnera, & pro  
me satisfaciunt tua flagella. O diues  
communio. O fraternitas infinitorum  
meritorum. O commercium inæsti-

Ioan. 17.

mabilis thesauri. Quod peculium, aut quam sortem nos in hanc societatem misimus? quid nos deposuimus, ut tam copiosum lucrum ad nos redeat? Non est profectò tantæ felicitatis alia causa, præter tuam bonitatem. Quare sol terras illuminat? quare ignis obiectum corpus calefacit? cur idem aqua refrigerat? res in propatulo est: sunt enim hæ naturales eorum proprietates, tales enim creaturætales produciunt effectus. Et tibi Domine proprium est ignoscere, tibi misericordiam facere, idque alijs potius quam tibi ipsi. Tua bonitas nostra est, eaque non qualiscunque, sed summa. Vt enim proprium boni est esse diffusuum seu communicatiuum, sanè summum bonum summè quoque erit diffusuum. Et hæc fecisti nobis, quia totum te nobis dedisti. Nascendo factus es noster frater, nutriendo cibus, moriendo pretium, & regnando præmium. Denique, o anima mea, si vni-co verbo complecti velis omnia illa bona, quæ secum adfert tam admirabile Sacramentum, considera illud quod Dominus iste in hunc mundum attulit, cum homo factus in mundum venit. Cum enim in mundum venit, dedit mundo vitam gratiæ, cum omnibus quæ gratiam subsequuntur: ita & cum per Sacramentum in animam venit, eandem vitam animæ largitur. O cibum diuinum, per quem filij hominum



in filios Dei transformantur, & per quem humanitas omnis in nobis mortificatur, vt viuat in nobis Deitas. Opam dulcissimum, dignum qui adoretur, animam non ventrem nutrientem? cor corroborantem, & corpus non grauantem; spiritum lætificantem, & intellectum non conturbantem; cuius virtus appetitus nostros moderatur, voluntatem propriam interficit, vt efficax sit in nobis voluntas diuina.

Quas igitur gratiarum actiones referam, quas laudes tibi cantabo Domine, pro hoc beneficio? Si gratitudo debeat respondere dono, quod quæso gratitudinis genus sufficiet tali dono? Tu dixisti aliquando famulo tuo Moyfi: Accipe vas aureum, & imple illud manna, & absconde illud in arca foederis, & conseruetur ibi in generationes futuras, vt videant cibum, quem comedere feci vos in deserto annos quadraginta. Si tanti fecisti, Domine, cibum illum corruptibilem, quem dedisti populo in deserto, vt volueris illum seruari ad perpetuam rei memoriam in veneratione; quanto apud nos in honore debet esse cibus incorruptibilis, qui dat vitam æternam his qui manducant. Manifestè video differentiam eandem, quæ est inter vnum cibum, & inter alium, etiam esse inter vnum beneficium, & inter aliud; & proinde debere eandem quoque esse inter vnã gratitudinem,

Exod. 16

Pfal. 115.

& alteram. Ille cibus erat terrenus, hic  
 cælestis: ille corporis erat, hic animæ:  
 ille non dabat veram vitam manducan-  
 tibus, hic verò dignè sumentibus est vita  
 æterna. Sed quid comparisonem hanc  
 vnus ad alterum instituo? quæ enim  
 differentia est inter Creatorem & crea-  
 turam, eadem est inter hunc & illum  
 cibum. Si itaque tu, Domine, talem  
 memoriam & gratitudinem poposceris,  
 eò quòd populum tuum cibo corpo-  
 rali & corruptibili nutriuieris: quam re-  
 quires à nobis, quos cibo nutris tanto  
 meliori, quantum Creator præstat crea-  
 turæ? Non est laus, non est gratiarum  
 actio, quæ digna est hoc beneficio. Cum  
 itaque diffidam de viribus & facultati-  
 bus meis, nec viam, modumque inue-  
 niam illum soluendi, quod tibi debeo,  
 non est mihi aliud remedium reliquum,  
 quàm accipere cum Propheta Calicem  
 salutarem, & inuocare nomen Domi-  
 ni; id est, non remunerare beneficia  
 præterita, sed petere noua, & gratiam  
 supra gratiam postulare. Oro itaque,  
 Domine, vt concedas mihi hoc Sacra-  
 mentum accipere in satisfactionem om-  
 nium peccatorum meorum, & ademen-  
 dationem vitæ meæ prioris. Per illud  
 reparetur in me quidquid collapsum  
 est; quidquid mihi deest suppleatur, &  
 paupertas mea diuitijs gratiarum tua-  
 rum ditetur. Virtute huius Sacramen-  
 ti mortifica in me, quidquid diuinis

oculis tuis displicet, & fac me conformem tuæ voluntati. Largiri mihi Domine, vt per myſterium hoc ſemper in te perfeuerem, teque amem perfectè & perfeueranter; vtque ſemper tibi vnitus & coniunctus maneam, pro gloria & honore ſanctiſſimi nominis tui. Propitius eſto Domine omnibus peccatis meis; non meis tantum, ſed & aliorum. Fac Hæreticos & Schiſmaticos ad unitatem Eccleſiæ redire: illumina infideles, vt te agnoſcant. Adiuua omnes, pro quibus orare ſum obligatus, & hos qui ſe meis precibus commendârunt. Conſolare patrem, matrem, fratres & ſores, amicos & inimicos meos, cum omnibus qui mihi vnquam benefecerunt. Fac miſericordiam cum omnibus illis, pro quibus pretioſum ſanguinem tuum fundere non dubitaſti. Da gratiam viuus, & requiem defunctis. Tibi autem ſit laus, honor, virtus & gloria, qui viuus & regnas in ſecula ſeculorum, Amen.

MEDITATIO POST COMMUNIONEM ſecunda

**E**T ſi omnes creaturæ, quæ in cælo ſunt, Domine, & in terra, linguæ eſſent etiam diſertiſſimæ; omnesq; promptæ eſſent ad obſequium meum, mihi- que ad reddendam tibi gratiarum actionem operam ſuam offerrent, certum eſt, quod ne pro minimo tuo benefi-

Granat.  
ibidem.



cio dignas tibi gratias agere possemus. Quòd sine pro minimo quidem beneficio gratias tibi sufficientes agere poterò, etiam tot creaturarum choris mihi assistentibus & auxiliantibus; quid poterò solus, pro tot beneficijs, ijsque infinitis modis maioribus? O Deus meus, ô Domine, & Seruator mi, quas gratias tibi reddam? quas laudes dicam? quoniam hoc die voluisti me visitare, consolari & honorare tua præsentia. Sancta illa mater Pròdromi tui Ioannis, plena Spiritu sancto, quando per ostium domus suæ vidit intrantem Virginem, in cuius utero tu, tanquam sponsus in thalamo, requiescebas, expauescens tantæ rei admiratione exclamauit, dicens: Et vnde hoc mihi, vt veniat mater Domini mei ad me? Quid itaque faciam ego vilissimus vermiculus, omnium huius mundi peccatorum primus & maximus? Intrauit ad me hodie hostia consecrata, in qua ipse Deus continebatur, qui ad me venit: quanto itaque maiori cum ratione & ego exclamare poterò & dicere: Vnde mihi hoc, vt non mater Dei, sed Deus ipse, Dominus & creator omnium ad me veniat? Ad me, qui tanto tempore fui receptaculum & vas Sathanæ: ad me, qui toties hunc ipsum Dominum offendi: ad me, qui semper illum spreui, contumelia affeci, & crucifixi: ad me, qui toties illi fel pro suauis potu propi-

Luc. I.

naui,

naui, quoties peccaui: cui toties ianuam cordis mei occlusi: quem toties à me repuli? Dignus itaque sum, qui nunquam in posterum hunc Dominum accipiam, eò quòd tam turpiter eum à mereieci; dignus sum, qui nunquam posthac ad coenam eius admit-  
tar, quoniam venire nolui cùm me vocauit.

Sed quare ad me, ó Domine? Tu Rex Regum & Dominus Dominantium, qui non eges vllius rei creatæ? Cuius sedes est cælum, & cuius regale scabellum est terra? cuius ministri sunt exercitus Angelorum? quæm laudant stellæ matutinae: in cuius manibus sunt omnes fines terrarum? Tu qui sedes super Cherubin, & intueris abyssos, id est, secretissima quæque, & mundo abscondita, penetrans tua sapientia altissima cum profundissimis? Tu Domine incomprehensibilis Maiestatis & magnitudinis venire voluisti hodie in locum tam humilem, abiectum, immundum? An fortè voluisti denuo ad Inferos descendere? an iterum manibus tradi nocentium decreuisti? aut iterum in stabulo bestiarum nasci, & in præsepio reclinari, fœnoque aut paleis quiescere? Idem sanè tibi animus, eadem voluntas ni fallor tibi nunc est, quæ fuit olim; quod enim semel fecisti pro peccatoribus, id quotidie facis pro eisdem. Et siue hoc, siue alio modo me visitaueris,

semper id tuæ debebitur misericordiæ. Nunc autem non solum visitaſti me, ſed ad me, & in me intraſti, in me manes, me in te transformas, & Vnum quid tecum facis, vnione quadam admirabili & ſupernaturali, quæ ſimilitudinem & comparationem quandam habet cum ea diuiniffima & altiffima communione, quæ eſt inter te & Patrem tuum. Quemadmodum enim Pater eſt in te, & tu in Patre; ſic qui manducat te, manet in te, & tu in illo: quæ res poteſt eſſe mirabilior? Admiratus eſt quondam Rex Dauid, quòd Deus tanti faceret hominem. Quid eſt, inquit, homo quòd memor es eius, aut filius hominis quia viſitas eum? Mirabatur Dauid, quòd Deus eſſet memor hominis. At ego miror, quòd ipſe homo pro homine factus eſt, ipſe cum homine commoratus eſt, ipſe pro homine mortuus eſt, ſeipſum homini manducandum dedit: Vnum quid cum homine factus eſt. Mirabatur Rex Salomon, quòd Deus voluit habitare in templo, quòd ille tot annis, tot ſumptibus, tot laboribus ædificarat, dicens; Ergone putandum eſt, quòd verè Deus habitat ſuper terram? ſi enim cæli cælorum te capere non poſſunt, quanto magis domus hæc quam ego ædificaui? Cæterum multò magis admirandum eſt, quòd idem cælorum Deus & Dominus, alio excellentiori multò, & nobiliori modo in pau-

ſal. 8.

Reg. 8.

per-



perculam ac vilem animulam non exhorrescit venire, in eaque manere; quæ tamen vix vna die tota laborauit, vt sedem illi præpararet. Mirabatur olim totius mundi machina, & obstupesccebant omnes creaturæ, Deum videntes incarnatum, & hominem factum, descendentem de cælo, & nouem menses continuos in vtero Virginis recubantem. Nec iniuria. Erat enim hoc omnium mirabilium diuinorum maximum, optimum opus Dei, & beneficium cum nullo alio comparandum. Sed yterus ille virginalis plenus erat Spiritu sancto, splendidior stellis cæli, purior Angelis paradisi, virtutibus & gratijs magis adornatus, quàm cælum ipsum, quàm terra ipsa cum omni suo apparatu ornataque: & proinde habitaculum illud erat dignum Deo, à Spiritu sancto præparatum. Sed quòd idem Dominus vult habitare in me, qui impurior sum cæno aut quouis sterquilinio, qui obscurior sum nocte, & quauis cloaca immundior, quis hoc non ad stuporem vsque admirabitur? Esto, per infinitam bonitatem illius nunc lotus sim; aqua gratiarum illius mundatus sim; Sacramentis illius sanctificatus sim; an ne adhuc summa est misericordia, quòd Dominus omnis puritatis, fons candoris & munditiei non abhorret à loco, qui tanto tempore immundus, sordibus & stercorebus, quibus scatebat, pe-

nè computruerat? Quem Principum & Magnatum non præter modum offenderes, si ad mensam eius adferres vas seruitijs Nosocomij destinatum, in quo vomitus ægrotantium excipi consuevit, etiam si laueris & mundaueris illud læpius, vt intus & foris instar niuis candidum esse videatur? Memoria enim præteritarum sordium, fastidium confestim parit intuentibus. Quàm immensa itaque est, ô Domine & Saluator mi, tua misericordia, qui non exhorrescis, etiam si inter alia vasa electionis ponatur in mensa tua vas corruptionis & putredinis, quo minus in eo & ex eo comedas. Etsi enim nunc tua gratia mundatum est, remanet tamen in eorecens peccatorum memoria, & pestilens odor, reliquiæ, fæces, & vestigia, quæ difficulter ex anima eluuntur. Quomodo itaque tam benignè pateris, vt tale vas in mensam tuam inferatur, sitque hierotheca, in qua consecrata illa hostia recondatur. O Domine, tibi Angeli benedicunt pro tam immensa gratia, & pro tam infinita misericordia; pro tam excellenti opere, & pro tanto bonitatis tuæ argumento. Nemo iam ampliùs dubitat, sed fatentur omnes, te tui ipsius nunc maximè esse diffusiuum vel communiciuum: cum vsque adeò temetipsum humiliaueris, atque omni iuri tuo lubens renuntiaueris, tantum vt nobis benefaceres. Nunc abundè satis li-

quet,

quet, quantus sit amor tuus erga genus humanum. Charitas enim, vt ait Apostolus, non est ambitiosa, nec quærit quæ sua sunt; quia tu non fastidis rem tam sordidam & immundam, qualis est cor hominis peccatoris.

Sed quid tandem erit, si prædictis omnibus adiunxerimus illud, quod admirabile hoc Sacramentum mihi prædicat, & in me operatur? O quantam lætitiā, & quā nouum gaudium parit mihi hoc mysterium? Confirmat me in nomine tuo, & contestatur mihi quod Pater meus es, & non solum Pater, sed etiam dulcissimus Sponsus animæ meæ. Scio enim, Domine, proprium huius Sacramenti effectum, ob quem instituisti illud, esse sustentare & delectare animam spiritali quadam voluptate, & vnum quid eam tecum facere. Quod si ita sit, & ex operibus iudicetur cor; quod quæso cor est, de quo talia bona procedunt? Vnio enim vel copula propriè coniugum est, nec dulci amplexuum obsequio domini fruitur seruus, nec filius patris, nisi paruulus is sit, tenellus, & vehementer à patre ad amatus: sed sponsæ hæc propria sunt, cui oscula & amplexus sponsi debeantur. Patris est non tantum ea procurare filio, quæ ad vitam sustentandam pertinent; sed etiam quæ ad æstimationem eius & honorem, quæ ad viuendi commoditatem, & oblectandi se, recrean-



dique facilitatem faciunt. Talistantusque amoris effectus, quantus hic est, mundo erat detegendus; sed ad tuum aduentum, lætisque Euangelij tempus referuabatur. Cum itaque in alijs Sacramentis & beneficijs tuis ostendas te Regem meum esse, te Saluatorem, Pastorem, Aduocatam, Medicum, Magistrum, Tutorem, Redemptorem, Defensorem, & vt simul omnia dicam, te Dominum meum & Deum meum esse, in hoc tamen solo Sacramento (in quo supernaturali quodam modo animæ meæ coniungeris, vniris, & admirabili quadam voluptate eandem consolaris) apertissimè demonstras, te Sponsum meum & patrem meum esse, nec qualemcunque Patrem, sed talem, qui tenerrimè filium diligit: quemadmodum Iacob dilexit Benjamin, super omnes fratres illius. Illud mihi Sacramenti huius effectus testatur, hæc noua bona mihi annuntiat. Non fallunt neque fucata sunt opera tua: sed quod foris pollicentur, intus habent & conferunt. Per hunc itaque effectum causæ bonitatem agnosco, per hoc opus cor tuum iudico, per humanam hanc tractationem tuam, perque benignam hanc tuam consolationem, in certissimam cognitionem amoris tui, quo me complecteris, deuenio. Quod enim beneficium maius, quam maiorem gratiam, quam amoris maiorem hac significationem po-

tuisti mihi commonstrare? O materia  
lætitiæ, ô fons voluptatis, ô vena vir-  
tutis, mors vitiorum, panis vitæ, me-  
dicina sanitatis, ignis amoris, refectio  
spiritualis, regale conuiuium, præli-  
batio totius felicitatis, satietasque cæ-  
lestis. Quid itaque faciam Domine mi?  
quas gratiarum actiones tibi reddam?  
quo cum amore te diligam? Si enim tu  
tantus Dominus me vilissimum abie-  
ctissimumque vermiculum amare non  
dedigneris, quomodo ego te altissimū,  
ditissimum, nobilissimumque animæ  
meæ sponsum, non redamabo? Amabo  
itaque te Domine, desiderabo te, man-  
ducabø te, & bibam te. O amoris dul-  
cedo, ô inæstimabilis amor dulcedinis,  
manducet te anima mea, & omnia in-  
teriora mea dulcissimo suauitatis tuæ  
liquore impleantur. O charitas immen-  
sa Dei mei, ô dulce mel, suaue lac, pa-  
nis delectabilis, cibus magnorum, fac  
me crescere in te, vt dignè possim exul-  
tare & gaudere de te. O satietas & dul-  
cedo voluntatis meæ, ô amor & desi-  
derium cordis mei, quare non totus ar-  
deo amore tui inflammatus? quare non  
sum totus instar candentis ferri in amo-  
rem transformatus, vt nihil aliud quæ-  
ram, præter purum putum amorem?  
O ignis cælestis. O flamma dulcis. O  
suaue vulnus. O carcer voluptatis, qua-  
re catenis istis non sum compeditus?  
quare sagitta ista confossus non sum?

qua-

quare igne isto non flagro, ita vt viscera mea in amore deficiant, & planè consumantur? Filij-Adam, generatio cæca & errore multiplici fluctuans, quid facitis? quò properatis? quid quæritis? Si quæratís amorem, ecce hic amor est nobilissimus, dulcissimus, & super omnia quæ in mundo sunt, venerandus. Si quæratís voluptates, ecce hîc voluptas suauissima, fortissima, & castissima. Si diuitias sectemini, ecce hîc thesaurus cæli, pretium mundi, pelagus omnium bonorum. Si honores ambiatis, ecce hîc est Deus, & cum illo maiestas totius diuinitatis, quæ venit vt te ad æternos honores euehat.

**MEDITATIO POST COM-  
munionem tertia.**

Idem ibi-  
dem.

**A**D sacratissimam hanc mensam admisus, & in amplexibus tuis, dulcissime Domine, requiescens, tanta voluptate perfusus, & tot beneficiorum vinculis constrictus, super omnia verò diuino amoris philtro correptus, in posterum renuntio omni delectationi, & amorì externo, propter amorem hunc. Mundus amplius meus non erit. Voluptatibus carnis posthac frui nolo, pompam seculi, eiusque vanitatem non sequar amplius: procùl faceffant à me omnia falsa illa & decipientia nos bona, solum verum illud & vnicum bonum apud me commorabitur. Qui enim



manducat panem Angelorum, indignum est vt ille pabulo bestiarum vescatur. Qui in sedem animæ suæ recipit Creatorem ipsum, quid necesse vt creaturas etiam recipiat? Si mulier tenuis fortunæ, & ex infima plebe nata, Regi vel Magnati cuidam nupserit, actutum vilis eius habitus excutitur, ipsa mores, incessum, & gestus omnes humiles immutat, eaque assumit, quæ conueniunt eius gloriæ, cuius nunc coniunx est. Eodem modo si anima mea admirabili quodam matrimonio iuncta sit tantæ Maiestati, diuino hoc Sacramento interueniente, quomodo sese ad pristinam vilitatem poterit abijcere, humilisque & plebeïæ vitæ vestigijs insistere? Quomodo poterit habere ianuas cordis mundo, & his quæ in eo sunt, apertas, qui ipsius mundi Creatorem in se habet commorantem? Quomodo locum dabit in anima sua rebus prophanis, qui nunc totus consecratus est & sanctificatus præsentia diuina? Non admisit Salomon, vt filia Regis Pharaonis vxor sua habitaret in ædibus suis, eò quòd arca Domini in illis aliquamdiu seruata fuisset, licet iam aliò deducta, non esset amplius apud Salomonem. Si sapiens ille Rex noluit, vt propria coniunx, & coniunx tanti nominis, Regis Pharaonis filia, pedem in locum vbi arca steterat inferret; eò quòd Ethnica esset, & veræ veri

Simile.

3 Reg 7.

3. Reg. 8.

Dei Religionis ignara: quomodo ego  
 admittere potero, vt res prophanae &  
 seculares cor meum subeant, in quo  
 Deus ipse moratur; quomodo admittam  
 cogitationes & desideria hominum Eth-  
 nicorum ad lectum, in quo Deus ipse  
 requiescit? Quæ temeritas esset, si ob-  
 scœna & inhonesta profferret lingua,  
 per quam Rex Regum paulò ante ad me  
 intrauit? Si idem Rex Salomon atrium  
 templi, eò quòd holocaustum & sacri-  
 ficium in illo fecisset, sanctificauerit,  
 ne in posterum res in illo prophanae tra-  
 ctarentur; quanto magis erit rationi  
 consentaneum, vt & anima mea san-  
 ctificetur, ad quam nunc intrauit ille,  
 quem omnia sacrificia & sacramenta  
 legis antiquæ significabant? Quia ve-  
 rò hac benigna tua visitatione, Domi-  
 ne, animam meam tam opulenter di-  
 tasti, & honore tam celebri nobilitasti,  
 tribue mihi quæso gratiam tuam con-  
 comitantem, cuius virtute & diuitias  
 illas, & honores potero conseruare. Tu  
 neminem soles honoribus impartire,  
 cui non etiam in auxilium addis gratiæ,  
 quo cum honores illos tueri potest, &  
 conseruare: proinde quoniam & me  
 honore præsentiae tuæ dignatus es, ob-  
 secro te, sanctifica etiam me tua virtu-  
 te, ne fortè collatus mihi honor exci-  
 dat. Sic enim soles facere in omni lo-  
 co, ad quem ingrederis. Ingressus es vir-  
 ginaleni vterum sanctissimæ Matris

tuæ,

tux, & quomodo inæstimabili gloria  
illam exaltasti, sic etiam inæstimabi-  
lem gratiam illi contulisti, quò glo-  
riam istam tueretur & conseruaret. In-  
trasti mundum hunc, vt cum homini-  
bus conuersareris, & quemadmodum  
mundum tuo aduentu nobilitasti, ita  
& illum reparasti, atque illuminasti tua  
gratia. Ingressus es Infernum, & Infer-  
num in Paradisum conuertisti, beatos  
faciens tua gloria, quos honoraueras  
tua visitatione. Denique cum figura  
Sacramenti huius, quæ fuit arca fœde-  
ris, intrauit in domum Obededom, Ge-  
thei, extemplò benedixisti Obededom, 2. Reg. 6.  
& omnem domum eius, volens hospi-  
talitatem istam diuite præmio remune-  
rare. Quia verò tuæ bonitati placuit,  
Domine, vile tectum animæ meæ sub-  
ire, & ibidem diuersari, incipe quæso  
benedicere domui serui tui, & da mihi  
gratiam, vt honorem istum possim de-  
fendere, te dignum me faciens habita-  
culum. Placuit tibi Domine, vt ego es-  
sem quasi sanctum illud sepulchrum,  
in quo corpus tuum à morte fuit depo-  
situm: da mihi etiam habere omnes il-  
lius sepulchri proprietates, vt digno  
præstem obsequio id, cuius officium re-  
fero. Da mihi petræ firmitatem; da su-  
darium humilitatis, da myrrhæ mortifi-  
cationem, quæ cum appetitus meos pra-  
uos, & voluntatem rebellem occidam,  
vt tibi totus viuam. Placuit tibi vt ef-



sem quasi Arca fœderis, in qua tu habitaſti: da mihi gratiam, vt quemadmodum pretioſiſſimum, quod in Arca fuit, monile Decalogi fuere tabulæ, ita & in corde meo nihil ſit prius, nihil antiquius, quam ſanctiſſimæ legis tuæ deſiderium & meditatio. Tu voluiſti mihi in hoc Sacramento oſtendere, quòd Pater meus es: vt filium enim me tractaſti, & non filium qualemcunque, ſed eum qui tenerrimè à patre ſuo diligitur. Da mihi gratiam precor, vt huic tanto Beneficio dignè queam reſpondere, amando te non ſolum fortiter, ſed dilectione tam tenera, vt omnia viſcera mea intus liqueſcant amore tui, & vt ad ſolam memoriam tui nominis animus & cor meum deficiant. Da mihi etiam ſpiritum & cor ergo te filiale, qui eſt ſpiritus obedientiæ, reuerentiæ, amoris & confidentiæ, vt in omnibus meis tribulationibus ad te confugiam tanta cum fiducia & ſecuritate, quanta cum ſolet fidelis filius ad patrem recurrere, quem plurimum amat. Et ſuper hæc omnia voluiſti mihi palam in hoc Sacramento denuntiare amorem Sponſi ad Sponſam, & tanquam Sponſus animam meam contrectare. Da itaque mihi Domine taſe cor erga te, quod amet te amore tam fideli, & forti, vt nihil ſit ſub ſole, quod me poſſit à te ſegregare. Dulciſſime Sponſe anime meæ, extende brachia tua candida, & amore

casto plena, tam arctè me constringe, vt  
nunquam neque in vita neque in morte  
à te diuellar. Ad vnionem hanc forman-  
dam diuinum illud Sacramentum in-  
stituisi; sciebas enim multo securius  
tutiusque creaturam in te, quàm in se-  
ipsa manere: qui enim in te manet, ma-  
net in Deo; qui verò manet in se, ma-  
net in debili creatura. Aquæ gutta, quæ  
sola est, & seorsim per se manet, breui  
tempore siccatur, & ab aëre absimitur:  
in mare verò recidens, & manens iun-  
cta suo principio, in suo statu manet,  
aut semper, aut diutissime. Abduc ita-  
que me Domine à meipso, & recipe me  
in te, in te enim viuo, in me verò mo-  
rior: in te sanus sum, in me verò infir-  
mus: in te stabilis sum & constans, in me  
vacillo, & tanquam fumus euanesco. Ne Luc. 24.  
discedas à me, Domine, mane nobiscum,  
ô bone IESV, quoniam aduersperascit:  
inclinat iam dies, & nox appropinquat,  
non vna nox, sed multæ noctes: appro-  
perat enim nox mortis, nox mundi, nox  
peccati, nox tribulationis, nox tenta-  
tionis, & nox solitudinis cum absentia  
diuinæ gratiæ. Omnes istæ noctes acce-  
lerant, vt irruant in nos; vt tenebris  
suis nos cooperiant; ne deferas neque  
derelinquas nos fidelis Custos homi-  
num. Ab omni parte lux nos destituit,  
charitas refrigescit, crescit malitia, &  
quid nobis restat Domine, si etiam à te  
deferamur? Væ nobis, ait Propheta, Hier. 6.

Esa. 5.

Gen. 32.

quia declinavit dies, quia longiores factæ sunt umbræ vesperi. Quia cum vera lux, quæ est cognitio Dei & verorum bonorum, fugit, & nos deserit, succedit confestim umbra falsarum & transitoriarum rerum, quæ magna videtur esse & digna, quam omnes meritò sectentur. Mane itaque nobiscum Domine, tu, qui es lux mundi, in qua singula qualia qualia sunt videntur, & cuiusque rei natura cognoscitur: ne fortè imitemur illos, qui malum dicunt bonum, & bonum malum: ponentes dulce in amarum, & amarum in dulce. Magna mihi profectò felicitas accedit hodie, qui te summum bonum in hospitium animæ meæ excepi, & in cubile cordis mei introduxi: nunc enim optima mihi est occasio tecum secretè de rebus salutis meæ agere, audire tua consilia, & tua sequi decreta. Sed non immeritò turpissima notabor ignominia, si tantam commoditatem frustra mihi excidere patiar, aut intercipi. Non te relinquam Domine, tecum ego rota nocte luctabor: nec dimittam te, nisi benedixeris mihi. Muta Domine nomen meum, & da mihi nomen novum, id est, spiritum novum, cor & modum viuendi novum; tangerum femoris mei, & obstupe scat pes vnus altero incolumi, & integro permanente. Claudicet in me amor huius mundi, sano autem & integro pede



stet amor tuus, vt extinctis & interfectis in me omnibus alijs amoribus, & desiderijs, te solum diligam, te solum desiderem; te solum cogitem, cum te solo permaneam, & in te solo habitem: tibi soli viuam, in te omnis voluntas & cogitatio mea firmetur, ad te in omni tribulatione mea confugiam, à te omne solatium & auxilium accipiam. Denique tu, Domine, semper esto meus, & ego semper sim tuus. Qui viuus & regnas Deus, per omnia secula seculorum, Amen.

ORATIONES ET GRATIARVM ACTIONES POST  
Communionem.

ORATIO PRIMA.

**G**ratias tibi ago Domine sancte Pater, omnipotens æterne DEVS, qui me peccatorem indignum famulum tuum, nullis meis meritis, sed sola dignatione misericordiæ tuæ, satiare dignatus es pretioso corpore & sanguine filij tui, Domini nostri IESV Christi. Et precor, vt hæc sancta communio non sit mihi reatus ad pœnam, sed intercessio salutaris ad veniam: sit mihi armatura fidei, & scutum bonæ voluntatis: sit vitiorum meorum euacuatio, concupiscentiæ & libidinis exterminatio, charitatis & patientiæ, humilitatis & obedientiæ augmentatio: contra

Granat.  
ibid. ex  
D. Thoma.

insidias inimicorum omnium tam visibilium, quàm inuisibilium firma defensio: motuum meorum tam carnalium, quàm spiritualium perfecta quietatio in te vno ac vero Deo firma adhesio, atque finis mei felix consummatio. Et precor te, vt ad illud ineffabile conuiuium me peccatorem perducere digneris, vbi tu cum filio tuo, & Spiritu sancto, Sanctis tuis, es lux vera, satietas plena, gaudium sempiternum, iucunditas consummata, & felicitas perfecta, per Christum Dominum nostrum, Amen.

## ORATIO SECVNDA

*post communionem.*

Borck in  
suo En-  
chirid. ex  
D. Tho-  
ma.

**G**Ratias ago Domine IESV Christe, Rex Regum, & Dominus Dominantium, reuerendæ ac immensæ Maiestati tuæ, qui sacro corpore & pretioso sanguine tuo animam meam nimis aridam, dulciter reficere dignatus es. Rogo te, vt quicquid in me vitiosum, tuæque sanctissimæ voluntati contrarium inuenitur, communionem huius Sacramenti funditus euacuetur: vt cor meum dignum habitaculum Spiritûs sancti præparetur. Sitque mihi dulcissime IESV hoc sacrosanctum corporis & sanguinis tui Sacramentum impetratio veniæ, medicina vitæ, stabilimentum gratiæ, memoria sacratissimæ passionis tuæ, viaticum peregrinationis meæ,

suauitas & dulcedo animæ meæ, salus & sanctitas in tentatione, pax & gaudium in omni tribulatione, lumen & virtus in omni verbo & opere, solamen & tutela finalis in morte. Sic immutet palatum cordis mei, vt præter te nullam vnquam sentiat dulcedinem, nullam amet pulchritudinem, nullum quærat amorem, nullam desideret consolationem, nullam admittat vnquam delectationem, nullum curet honorem, nullamque timeat crudelitatem, Amen.

## ORATIO POST SACRAM

*Synaxin tertia.*

**T**Ransfige dulcissime Domine IESV medullas & viscera animæ meæ suauissimo ac saluberrimo amoris tui vulnere, vera, serenaque & apostolica sanctissima charitate, vt langueat & liquefiat anima mea solo semper amore & desiderio tui: ne concupiscat, & deficiat in atria tua? cupiat dissolui, & esse tecum. Da vt anima mea te esuriat panem Angelorum, refectionem animarum sanctarum, panem nostrum quotidianum supersubstantialem, habentem in se omnem dulcedinem & saporem, & omne delectamentum suauitatis: te in quem desiderant Angeli prospicere semper esuriat & comedat cor meum, & dulcedine saporis tui repleantur viscera animæ meæ: te sem-

D Bona-  
uentura



per fuit fontem vitæ, fontem sapientiæ & scientiæ, fontem æterni luminis, torrentem voluptatis, vbertatem domus Dei: te semper ambiat, te quærat, te inueniat, ad te tendat, ad te perueniat: te meditetur, te loquatur, & omnia operetur in laudem & gloriam nominis tui cum humilitate & discretionem, cum dilectione & delectatione, cum facilitate & affectu, cum perseuerantia vsque in finem; & tu sis solus semper spes mea, tota fiducia mea, diuitiæ meæ, delectatio mea, iucunditas mea, gaudium meum, quies & tranquillitas mea, pax mea, suauitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea & possessio mea, thesaurus meus, in quo fixa & firma & immobiliter semper sit radicata mens mea, & cor meum, Amen.

ORATIO POST COMMUNIONEM quartâ.

Francisc.  
Euia. habetur lib.  
4. de Meditat. &  
Oration. Granat.

**D**omine mi IESV Christe, qui verus es Deus, & homo verus, qui me hodie tot & tantis beneficijs cumulasti, vt qui mihi omnia mea peccata per merita sanctissimæ passionis tuæ, virtutemque Sacramenti Pœnitentiæ (hoc enim iminota fide & spe firmissima credo) condonasti, quin & participem me fecisti pretiosi corporis

& san-

& sanguinis tui in sacrata illa hostia, quam mox de manu Sacerdotis licet indignus, & absque vllis meritis accipit: te oro per infinitam tuam bonitatem & misericordiam tuam, perque omne id quod es, vt non respiciens ad peccata mea præterita, in tua me gratia, tuoque cultu & obsequio conserues. Da mihi Domine virtutem, vt possim obedire mandatis tuis, eaque obseruare non segnius, quàm obseruari vis & præcipis.

Tibi supplico Domine, vt gratiam mihi concedas, ne ad peccata mea antiqua tanquam canis ad vomitum reuertar: etsi credere & confidere non desinam, quin mihi tanquam verus Pater misericordiarum, & Deus totius consolationis toties per merita sanctissimæ tuæ passionis ignoscas peccata mea, quoties cum vera contritione ad te conuersus fuero.

Te glorifico, te laudo, tibi Domine quas possum gratias ago, etsi non eas possum quas debeo, & quas tua postulat magnificentia. Optarem igitur vt omnes huius mundi creaturæ mecum tibi infinitas redderent gratias, pro beneficijs tuis præteritis & præsentibus, quibus me onerasti, & pro ijs omnibus, quæ adhuc de manibus tuis expecto, tam in hac vita, quàm in illa futura. Sit Domine sanctissimum illud, quod suscepisti, Sacramentum mihi non ad sup-

plicium, aut maiorem damnationem, sed cedat in salutem & meritum. Sit mihi meorum peccatorum remissio, sit animæ meæ purificatio, sit mihi robur, sit virtus, sit remedium contra omnia vitæ huius pericula: sit infirmitatis meæ fortitudo, sit mihi contra tentationes omnes propugnaculum, ne mundus, ne caro, ne Diabolus se aduersum me præualluisse gloriatur: tua enim gratia, tuoque subsidio munitus eos facillimè superare potero.

O Deus meus, ô misericordia mea, & omne bonum meum: ô vita & satietas animæ meæ, me tibi commendo, me tuis manibus deuoueo; sub ymbra alarum tuarum volo nunc, & toto vitæ meæ tempore, vsque ad extremum mortis articulum suauiter quiescere: credens firmiter, quidquid credit mater Ecclesia, peccatorumque meorum iugiter à te petens remissionem. Oro præterea & inuoco gratiam sacratissimæ Virginis Matris tuæ, omnium beatorum Angelorum, omniumque Sanctorum, & quæ sunt in illa cælesti curia Sanctorum, vt pro me orent, mihi patrocinentur, pro me intercedant: vt beneficium hoc ineffabile, quod tu mihi hodie Redemptor mi præstitisti, ad inæstimabilem, diuinumque hunc cibum me admittens, utile mihi sit & salutare: Sed & robur conferat tale, quale olim contulit Helix panis ille subcineritius: vt in fortitudine

Reg. 19.



cibi illius ambulem, & sine periculo perueniam ad montem tuæ gloriæ, ibique cælesti & perenni tuo fruar conuiuio, quod tu Domine cum omnibus Sanctis tuis sine fine celebras in abundantia tuæ suauitatis, & in multitudine gloriosissimarum, dulcissimarumque dapum tuarum, quæ fastidium pariunt nullum. Vbi tu Domine fons es gratiarum cunctos inebrians, purissima sanctitas omnes sanctificans, lux serenissima omnes illuminans. Vbi tu es gaudium perfectum, felicitas vera, & gloria sempiterna, viuens & regnans per omnia secula seculorum, Amen.

## CAPVT SEXTVM, QVO CONTINENTVR

ORATIONES PRO

impetrando amore Dei.

PROLOGVS.

**P**erfectionem vite Christiana, ad quam pij omnes certatim (et si non paribus passibus) contendunt, in amore Dei consistere communis omnium est Theologorum sententia, quamobrem Paulus quodam loco Charitatem vocat, vinculum perfectionis; & alio in loco, finem legis. Tunc enim res est in sua perfectione, quando ad suum peruenit termi-

Colos. 3.  
1. Tim. 1.

num, finemque vltimum, ad quem creata est. Cum verò vltimus finis, & quasi centrum rationalis creatura Deus sit, in quo solo inuenitur omne id quod vel intellectus humanus capere, vel voluntas potest amare, vel appetere: consequens est, in amore Dei, vel charitate, hominis perfectionem consistere: cuius officium est vnire hominem cum Deo per amorem, vnumque cum Deo efficere, vt testatur Euangelista, cum dicit: Deus charitas est, & qui manet in charitate, in Deo manet, & Deus in eo. Quò igitur quis in amore Dei perfectior, eo & sanctior est. De natura amoris diuini, de medijs acquirendi, de eius impedimentis latissimè scripsit Granatensis lib. 7. Memoriali, & in Appendice prima.

Sunt autem dua via, qua nos ad amorem diuinum adducunt: quarum prima vocatur scholastica, cum scilicet consideramus cuncta qua nos amore diuino possunt inflammare: qualia sunt beneficia, perfectionesque Dei: altera dicitur mystica, cum scilicet orationibus ardentissimis, inflammatoque desiderio caleste hoc donū à Deo petimus. Ad priorem illam viam pertinent varia meditationes de beneficijs & perfectionibus Dei, quales plurima inueniuntur apud Granatensem lib. 1. de Oratione & Meditatione: lib. 6. Memorialis,

Ioan. 4

*Et in Appendice posteriori. Inuare quoque hic possunt orationes duæ priores capituli harum precum sequentes: Et quæ toto cap. 10. traduntur gratiarum actiones. Ad posteriorem viam spectant orationes sequentes, ex eodem Auctore desumptæ.*

ORATIO PRIMA PRO  
amore Dei impetrando.

**O** Dulcissime, benignissime, amantissime, pulcherrime, charissime, altissime, ô admirabilis, ineffabilis, inæstimabilis, incomparabilis: ô potens, magnifice, liberalis, incomprehensibilis, infinite, immense Deus. Tu totus bonus es, totus pius, totus amabilis; tu melle dulcior, niue candidior, omni voluptate delectabilior, omnibus delitijs suauior, auro & gemmis es pretiosior. Tu es Deus meus, vita mea, vnica spes mea. Da mihi Domine, vt te diligam: si non quantum mereris, saltem quantum in hac vita diligere potes ab homine peccatis subdito, & multis necessitatibus obnoxio.

Cum leproso illo Euangelico Domine in conspectum tuum venio, clamans, Domine, si vis, potes me mundare: potes inquam mundare animam meam ab omnibus peccatis illius; potes illam tanquam aurum in amoris tui igne purgare. Si vis, potes pauperem hunc confestim ditare: si vis, potes me lætissimum facere, omniumque qui in mun-

Granat  
lib. 7. Memorial  
vitę Christianæ.

Matth



do sunt beatissimum. Quid oberit tibi Domine, si tantum bonum mihi præstiteris: quid ex eo tibi incommodi? quam rerum tuarum iacturam facies?

Age igitur Domine, cum tu sis pelagus infinitæ bonitatis, liberalitatis, & diuitiarum: quid misericordias tuas in ira tua aduersum me detines? Cur iniquitates meæ tua bonitate sunt potentiores? Cur potius me mea damnabunt peccata, quam tua me saluabit misericordia?

Si contritionem & dolorem meorum criminum à me exigas: ecce in tantum me delictorum meorum poenitet, vt mille mortis genera subiisse malim, quàm semel in te peccasse. Si postules satisfactionem, ecce tibi corpus hoc: effunde in illud iram tuam, exerce poenas indignationis tuæ in illo quas libet: saltem ne amorem tui mihi deneges.

Da itaque vt amem te Deus meus, fortitudo mea, refrigerium meum, liberator meus, adiutor meus & spes mea. Te solum quero, te solum desidero, ad te solum clamo, Domine mi. Tu enim es primum principium meum, tu finis vltimus. Res huius vitæ me non fatiant, nullam habent suauitatem, stabilitatem & firmitudinem nullam. Quidquid præter te video paupertas est, sine te quidquid vsquam gentium est, aqua mihi turbida est, & falsa,

quæ

quæ sitim non restinguit, sed accendit. Te solum quero, te solum volo, tuam solummodo faciem Domine mi desidero: te oro, charitatem tuam ne elongaueris à me.

Tenebo te, nec dimittam, priusquam benedixeris mihi: adhærebo tibi, nec discedam à te, priusquam introduxeris me in cellam vinariam, & ordinaueris in me charitatem. clamabo post te, nec tacebo, dicam cum Propheta: diligam te Domine fortitudo mea Te mediter per dies sine cessatione, te sentiam per soporem in nocte, quia bene est mihi, cum tecum sum; malè, si tecum non fuero: quia tu solus beatam facere potes animam meam, tu Deus meus, & Dominus meus in secula seculorum, Amen.

Can. 2.  
Psal. 17

# ORATIO SECUNDA PRO

*amore Dei.*

**O** Bone IESV, ô dulcedo cordis mei, Grana  
ô vita & salus animæ meæ, quan- in pro  
do tibi in omnibus & per omnia pla mioli  
cebo? quando mihi ipsi perfectè mo- 4. de C  
riar? quando præferam te cæteris om- rat &  
nibus creaturis? quando non viuet am- Medit  
plius in me quicquam præter te? Mife-  
rere mei Domine, & adiuua me. Tua vult-  
nera Domine, tanquam rosas vernan-  
tes saluto, absconde me Domine in  
illis, & laua me in illis, vt per omnia  
mundus sim, & amore tui inflammatus.

O Domine Deus, ô principium admirabile: ô pietas amabilis charitatis, ô clarissima lux intellectus mei, ô quies meæ voluntatis, quando te ardentè amabo? Dignare Domine transfigere animam meam amoris tui iaculo: dignare me tibi confociari, vt vnum quid tecum fiam. O desiderium meum, ô spes mea, ô refrigerium meum. Ah si anima mea digna tuis esset amplexibus, vt omnis torpor, omnisque tepor meus ab igne tui amoris absumeretur. O anima animæ meæ, ô vita vitæ meæ, te totum desidero, & me totum tibi offero, totum toti, vnum vni, & vnicum vnico. O si locum haberet in me, quod tu Patri dixisti; Pater sancte sint vnum, sicut & nos vnum sumus. Ego in eis, & tu in me: & sint consummati in vnum.

an. 17.

Nihil aliud volo, nihil aliud desidero, nihil aliud à te peto: tu namque solus mihi sufficis. Tu meus es pater, tu mea mater, tu defensor, tu ductor, tu omne bonum meum. Tu es totus amabilis, totus delectabilis, totus fidelis. Quis vnquam tam liberalis fuit, vt deriderit semetipsum? quis vnquam tam tenerè dilexit, vt semetipsum pro vili creatura in mortem tradiderit? Quis tam humilis, qui adeo minuit & humiliavit suam Maiestatem? O Domine tu neminem despicias, neminem fastidis, neminem repellis, qui te quærît: imò



vocas & excitas, vt ad te veniant omnes:  
tuæ namque delitiæ sunt esse cum filiis Prou. 8.  
hominum.

Tibi Domine benedicunt Angeli, &  
quid inuenisti in nobis aliud quam for- Matt.vl  
des peccatorum? Quare voluisti nobis  
cum esse vsque in consummationem se-  
culi? An non sufficebat tibi, quod pro  
nobis passus, etiam Sacramenta nobis  
in medicinam, & Angelos in socios &  
tutores reliqueras? Etsi nos quidem tan-  
tis beneficijs simus ingrati, tamen inter  
nos habitare voluisti: tam bonus enim  
es, vt ne quidem temetipsum negare po-  
tueris.

Ineamus itaque (si sicut tibi placeat Do-  
mine) pactum: tu curam habe mei, &  
ego curam habebō tui: tu diliges me, &  
ego diligam te: tu corpus & animam  
meam protege & conserua, & ego legem  
tuam te iuuante obseruabo. Fac mecum  
Domine quod tibi placet: tu enim scis  
quid desit mihi, & quid expediat mihi.  
tuus esse volo, non alterius. Da mihi  
gratiam Domine, ne quicquam præter  
te quæram, aut desiderem; & vt totum  
me tibi offeram.

O ignis qui me accendis; ô charitas  
quæ me inflammas; ô lumen me illu-  
minans: ô requies mea, ô vita mea, ô  
amor meus qui semper ardes & nun-  
quam extingueris, quando te perfecte  
redamabo? quando te nudis animæ meæ  
brachijs amplexabor? quando me &

mundum vniuersum amore tui contemnam? Quando anima mea cum omnibus potentijs & viribus eius tecum vnietur? quando in abyſſo amoris tui absorbebor?

Dulciſſime, amantiſſime, pulcherime, ſapientiſſime, diſiſſime, nobiliſſime, pretioſiſſime, & digniſſime qui ameris & adoreris, quando ſic te amabo, vt in amore tui totus iaceam abſorptus? ô vita animæ meæ, quæ vt me viuificares, mortem ſubiſti, & moriens mortem occidiſti. occide etiam & me; hoc eſt, omnes meas peruerſas ad malum pronitates, voluntatem quoque propriam, & quicquid impedit, quo minus tu mecum viuas. Poſtquam autem me ſic occidiſti, fac me tecum viuere per amorem & bona opera, vt obſeruem fideliter omnia tua mandata, iuſſaque ſuperiorum meorum, & ea ſolum ſequar, quæ ſunt ſpiritus.

O benigniſſime I E S V, da mihi perfectam renuntiationem atque odium peccati. Perfectam quoque cordis ad te conuerſionem, vt omnes meæ cogitationes, omniaque mea deſideria in te ſolo, & circa te ſolum verſentur. O vita ſine qua morior; ô veritas ſine qua falſor; ô via ſine qua deuior; ô ſalus ſine qua pereo; ô lumen ſine quo in tenebris ambulo. Noli Domine, noli permittere, vt vnquam à te diuellar: in te enim ſolo viuo, & ſine te morior: in

te saluus, & sine te perditus sum: in te aliquid sum, extra te nihil sum, quoniam omnino non essem, nisi tu esses in me: & nisi ego essem in te, non esses in me. Estoque igitur in me o bone IESV, in memoria mea mane, ex ea te cognoscam, in ea te inueniam, cum reminiscor tui, & delector in te, & de te, ex quo omnia, per quem omnia, & in quo omnia, Amen.

## ORATIO TERTIA

*pro amore Dei.*

**S**I debitum, quo benefactoribus nostris pro beneficijs acceptis obstricti sumus, tantum sit; si singula beneficia sint quasi faces, & amoris incentiua; si iuxta multitudinem lignorum ignis quoque sit magnitudo: quantus, o Domine, merito ignis amoris in praecordijs meis flagrare debebit, si ligna beneficiorum tot sint, quae succendant & nutriunt illum? Si mundus vniuersus tam visibilis, quam inuisibilis, cum omnibus quae in eo reperiuntur, sint mera tua erga me beneficia, quam ingens erit amoris flamma, quae in me debebat rutilare? Atque ideo amplius, quia non debeo te amare ob ista tantum beneficia, sed etiam quia in te reperiuntur omnes amandi causae & rationes, quae in cunctis sunt creaturis; & singulae quidem in summo perfectionis gradu.

Si namque bonitatem consideremus,

quis

Ex lib. 5.  
Memo-  
rialis.



quis te melior inuenitur? Si respiciamus pulchritudinem, tu es pulcherrimus, in cuius faciem Angeli prospicere desiderant. Si quæramus benignitatem & suauitatem, quis te suauior aut benignior reperitur? Si appetamus diuitias & sapientiam, quis ditior aut sapientior quam tu? Si amicitiam, quis amabit aliquid amplius eo, qui pro nobis animam suam posuit?

Si autem ad beneficia reuertamur Domine, à quo est omne id quod habemus, nisi à te? Quid de spe dicemus, cùm à te solo, & à tua misericordia speremus & expectemus quidquid nobis deest? Si iure solius naturæ summus debeat amor patribus carnalibus, quis magis pater illo, de quo dicitur: Patrem nolite vocare vobis super terram: vnus enim est Pater vester, qui in cælis est.

Iatt. 23.

Si sponsus tam tenerè à sponfa diligatur, qui alius est sponsus animæ meæ, quam tu Domine? quis replebit sinum cordis mei, & desideria mea, nisi tu? Si Philosophi dicant vltimum finem amore diligi infinito, quis est prius principium meum, quis vltimus finis meus, nisi tu Domine? Vnde enim originem traxi, & quò vadam vt perficiar, nisi à te, & in te? A quo est omne id quod habeo, & à quo spero me accepturum ea, quibus mihi adhuc opus est, nisi à te?

Denique si similitudo sit amoris cau-

sa, ad cuius imaginem & similitudinem creata est anima mea, si non ad tuam? Age si solus iste titulus, & singuli prædictorum sint amoris incentiua, quale debet esse id, quod ex omnibus istis simul iunctis deriuabitur? Sanè quanto abundantius est mare cunctis fluminibus, quæ intrant in illud, & quanto illud vincit magnitudine; tanto etiam abundantior, & tanto maior atque præstantior est amor tui, cæteris omnibus amoribus externis.

Tam iustas Domine causas, tam prægnantes amandi te occasiones cum habeam, cur te non debeam ex toto corde, ex tota anima, ex totis viribus, & ex totis visceribus diligere? O spes mea, gloria mea, gaudium meum: ô amabile principium meum, ô satietas & sufficientia mea, quando erit ille dies cum te verè, & ex toto corde diligam? quando me tibi gratum in omnibus, & pro omnibus exhibebo? Quando mortuum in me sentiam omne id, quod tibi aduersatur? Quando ero totus tuus? quando desinam esse meus? quando veniet illa hora, in qua nihil præter te in me viuet? quando me totum amore tui inflammatum sentiam? quando rapies me cum impetu? quando inebriabis me vberum tuorum dulcedine? quando me totum in te transferes? Quando videbo felicem diem illum, quo sublati omnibus impedimentis, animique

perturbationibus facies vt vnus spiritus tecum sim, nec in posterum à te diuellar?

xi. Ap-  
pendice.

Ah Domine, quanti constitit tibi quòd me redemisti? sed redempto semel quàm facìle potes benefacere? cum enim benefacis homini, quid ex tuis ædibus aufertur, quid ex tuis diuitijs perditur, quid ex infinitis thesauris tuis aufertur? cur, ô Domine, ira tua cum misericordia tua aduersum me pugnant, cum tu pelagus sis infinitæ liberalitatis & clementiæ? Memento igitur Domine, quòd ego tuus sum, & tu meus. Noli ergo me fugere Domine, sed sine vt inueniam te. Longum iter facio, sæpe fatigor, sæpe sto, sæpe regredior, ne pigeat te Domine me expectare, qui non possum paribus tecum passibus ambulare.

O Deus meus & salus mea, cur adeò desidiosus sum? cur non summa cum alacritate curro ad te summum bonum, in quo omnia simul bona reperiuntur? Diligam te Domine amore arētissimo, fortissimoque. Extendam omnium affectuum & desideriorum meorum brachia, vt amplectar te sponse dulcissime animæ meæ, à quo bonum omne mihi polliceor. Hedera vicinam arborem tam fortiter apprehendit, vt singulæ fibræ singula videantur esse brachia: hoc enim adminiculo suffulta in altum ascendit, & suam consequitur perfectionem. Ego



autem Domine cui arbori adhærebo, nisi illi, quæ plantata in monte Caluariæ, facta est mihi palus securissimus? Non tam largè crescit hedera, nec tam latè pulchritudinem ramorum suorum explicat ab arbore subleuata, quantum anima crescit in virtutibus & gratijs, quæ ab hac arbore fulcitur.

Cur igitur omnia membra mea non vertuntur in brachia, vt omni ex parte amplectar te? cur non amabo te? cur non omnem in te fiduciam collocabo? Adiua me Domine & Saluator mi, trahere me in altum post te: pondus namque mortalitatis semper deprimit me. Tu Domine qui ascendisti arborem crucis, vt omnia traheres ad te, tu qui ex tam immensa charitate copulasti naturas duas, adeo inter se differentes, vnâque ex illis personam fecisti, vt vnum quid fieres nobiscum; dignare quæso corda nostra tecum vnire charitatis vinculo indissolubili & tam arcto, vt vnum quid tecum efficiamur. Da mihi vnum hoc Domine, & sufficit mihi. Opes enim mundi huius non fatiant me: te solum volo, te quæro, faciem tuam videre cupio, ad amorem tui semper aspirabo, & cum Propheta cantabo, Diligam te Domine fortitudo mea, Dominus firmamentum meum, & refugium meum, & liberator meus, Deus meus, adiutor meus, sperabo in eum: Protector meus, & cornu salutis meæ, & susceptor meus.

Psal. 17

Lau-

Laudans inuocabo Dominum: & ab inimicis meis saluus ero, Amen.

ORATIO QVARTA PRO  
*amore Dei impetrando.*

Ex prima  
Appendice Memorialis  
Lodou.  
Granat.

**F**lexis genibus cordis mei, & absorptus in abyſſo vilitatis meæ, cum omni timore atque reuerentia venio in conſpectum tuum, ô Deus meus, vt qui ſum inſeliciffima, pauperrima atque viliffima huius mundi creatura Siſto me iuxta fluentia tuæ miſericordiæ, iuxta torrentem tuarum gratiarû: ante ſplendorem veri Solis iuſtitia, cuius radij diffunduntur per vniuerſum orbem terrarum, & liberaliter ſeſe communicant omnibus, qui illis fenestram non occludunt.

Ecce datur hîc in manibus artificis ſapientiſſimi cretæ maſſa, & truncus rudis atque impolitus ab arbore præciſus: fac clementiſſime Pater ex illo, quod facere decreuiſti. Magna eſt audacia, quod creatura tam vilis audeat à te petere amorem tam pretioſum & excelſum. Vellem quidem, cum tanta mea ſit indignitas, minus quippiam à te petere; ſed quid faciam miſer, cum tu præcipias vt amem te? Tu me creaviſti vt te diligerem, & minaris mihi niſi te diligam. Mortuus es, vt te amarem, & præcipis mihi, vt nihil feruentius à te petam amore: ſed & tantoperè à me diligi cupis, vt videns me abſque amore tuo, in-

ſtitue-

stiteris Sacramentum admirabilis virtutis, quo cor meum amore tui inflammaretur.

O Saluator mi, quis ego sum, vt tu amorem meum expetas, & hunc in finem tot, tamque admirabiles vias modosque quæsieris: Quid ego tibi sum, nisi tormentum, crux, & quotidiana tribulatio? at tu quid mihi es, nisi salus, quies, & omne bonum? Si itaque tu ames me, qui tibi per omnia sum molestus, cur ego non redamabo te, qui mihi per omnia vtilis es & salutaris?

Fretus igitur, ô dulcissime Domine, his amoris tui pignoribus, pioque illo mandato, quo vsque ad finem vitæ placuit tibi tam benignè me inuitare, & præcipere mihi, vt te diligam, per singularem hanc gratiam tuam, aliam similem oro, vt tu scilicet prior mihi tribuas, quod tibi à me retribuui vis: non enim hoc possum dare tibi, nisi tu prior dederis mihi. Non enim dignus sum ego qui diligam te: sed tu dignus es, qui à me diligaris: ideoque petere non audeo, vt tu me diligas, sed vt des mihi licentiam, vt ego diligam te. Noli fugere Domine, noli fugere: ne respuas amari à tuis creaturis amore quo possunt maximo.

O DEVS, qui essentialiter amor es; amor increatus, amor infinitus, amor sine mensura; non tantum amator, sed totus amor, à quo procedit amor om-

nium



nium Seraphin, & cunctarum creaturarum, non aliter atque lux omnium stellarum à lumine Solis: cur non amabo te? quí potero non vri ab hoc amoris igne, qui totum mundum, & quicquid in illo est inflammat, & penè comburit?

O Deus qui essentialiter es ipsa bonitas, à quo bonum est, quidquid bonum dicitur: à quo omnium creaturarum bonitas (non aliter atque à mari omnia flumina) deriuatur; in comparatione cuius plus quàm excellentissimæ bonitatis non est aliquid in cælo, nec in terra, quod bonum dici potest. Cur igitur non amabo te, cum obiectum amoris sit bonitas?

Si amare non potero te, ó Domine mi, ob tuam excellentiam, quomodo potero te non amare, vel ob meam utilitatem? Filius amat patrem, qui ab illo accepit quod est; membra diligunt caput, & sese morti offerunt pro illo, quia per illud in sua essentia conseruantur. Omnes effectus amant si as causas: ab illis enim acceperunt quidquid sunt, & ab illis expectant quod nondum habent. Attu Domine & pater meus es, & caput meum, & causa mea: quod igitur filius patri, quod membrum capiti, quod effectus debet causæ, id omne, & quidem multo plus, debeo tibi.

Tu mihi dedisti esse quod habeo, multò perfectius, quàm ipsi parentes

mei. Tu me conseruas in hoc esse quod dedisti, multò accuratiùs quàm caput membra. Tu absolues in me quod deest mihi, donec ad vltimum punctum perfectionis me adduxeris. Tu es pater, qui me fecisti; tu caput, qui me regis; tu sponsus, qui das animæ meæ perfectam felicitatem. Tu architectus es huius ædificij; tu pictor huius figuræ ad tuam imaginem & similitudinem factæ, quam etiam perfectam efficies. Quidquid habet, à te accepit; quidquid deest ei, id abs te recipere sperat. Quemadmodum enim nemo potuit ei dare, quod est, nisi tu Domine: sic etiam nemo potest perficere, quod imperfectum adhuc est, nisi tu. Quidquid igitur habet, quidquid est, quidquid sperat, id omne tuum est. Quem igitur intuebitur nisi te? cui rationem reddet nisi tibi? in cuius oculis ambulabit, nisi in tuis? quò diriget omnem amorem suum nisi in te, qui es omne bonum illius?

Si tu igitur Domine sis ornamentum & pulchritudo animæ meæ, quomodo tui potero obliuisci? Quid mihi in cælo, & à te quid volui super terram? caro mea deficit & cor meum, Deus cordis mei & hæreditas mea in sempiternum. O amor increate qui semper ardes, & nunquam extingueris: o amor qui semper viuis, & in pectore diuino assuas. O paterni cordis æternum iaculum, quod semper ferit vultum filij

vulnere amoris infiniti: eia vulneret me iaculum istud, inflammet me ignis iste, sequar te dilectum meum, psallam alta voce canticum nouum, deficiat anima mea in tuis laudibus amoris ineffabilis iubilo.

O sanctissime Pater, ô clementissime Fili, ô amantissime Spiritus sancte, quando tu dilectissime Pater habitabis in anima mea, & in secreto cordis mei moraberis, atque me totum possidebis? Quando ego ero totus tuus, & tu totus meus? Quando erit illud, ô mi Rex? Quando veniet dies ille? O quando? ô si adesset? Nunquâne illum videbo? ô quàm integra mora, quàm odiosa dilatio? Propera ô bone Iesu, propera, & noli tardare: reuertere, reuertere, & curre instar capreae hinnulique ceruorum, super montes Bethel.

O Deus meus, refrigerium vitæ meæ, lumen oculorum meorum, consolatio mea in tribulationibus, finis meorum desideriorum, paradisu cordis, centrum animæ, pignus gloriæ, socius peregrinationis, gaudium exilij, medicina vulnorum, clemens ultor meorum peccatorum, magister ignorantium, dux viæ, nidus in quo requiescit anima mea; portus in quo conseruatur, speculum in quo seipsam contempletur, baculus cui innititur, lapis super quem ædificatur, & thesaurus pretiosus in quo gloriatur.



Si tu igitur Domine mihi sis hæc omnia, quomodo vel ad momentum poterō tui obliuisci? Si oblitus fuero tui, **DEVS** meus, obliuioni detur dextera mea: adhæreat lingua mea faucibus meis, si non recordatus fuero tui. Non dabo somnum oculis meis, **o** beata Trinitas, nec palpebris meis dormitationem, nec requiem temporibus meis, donec inueniam hunc amorem, donec inueniam locum Domino in corde meo, & tabernaculum Deo Iacob in anima mea, qui uiuit & regnat in secula seculorum, Amen.

Psal. 36.

Psal. 21.

**ORATIO QUINTA PRO**  
*amore Dei.*

**D**iligam te Domine virtus mea, diligam te ineffabilis exultatio mea, & uiuat iam non mihi, sed tibi tota vita mea, quæ perierat in miseria mea, resuscitata est in misericordia tua. Serò Maiestatem tuam timui, serò te amaui pulchritudo tam antiqua, tam noua: serò te amaui. Ego te refrigerium meum quærebam, & non inueniebam: quia non rectè quærebam te. Quærebam te extra me, & tu habitabas intra me. Circuiui vicos & plateas ciuitatis huius mundi, quarens te, & non inueni: quia male quærebam foris, quod erat intus.

Ex appē-  
dice pri-  
ma.

Interrogauī terram si esset Deus meus, & dixit mihi, quod non: & omnia quæ in ea sunt, hoc idem confessa sunt.

Interrogauī mare & abyſſos, & reptilia quæ in ipsis ſunt, & reſponderunt; Non ſumus Deus tuus, quære ſuper nos eum. Interrogauī ſtabilem aërem, & inquit vniuerſus aër, cum omnibus incolis ſuis; Non ſum ego Deus tuus. Interrogauī cælum, Solem, Lunam & ſtellas; Neque nos ſumus Deus tuus, inquiunt. Interrogauī denique omnes creaturas, & clamauerunt ad me voce grandi; Ille qui nos fecit, verus Deus & Dominus tuus eſt. Et dixi; Vbi eſt ergo Deus meus? Vbi quæram illum? oſtendite mihi. Et audiui vocem dicentem mihi; In omni loco Deus eſt, quære illum in temetipſo. Ipſe implet cælum, implet terram, implet & cor tuum.

Et redij ad me, & intraui in me, & aio ad me: Quomodo huc intraſti Domine mi? quod oſtium ingreſſus eſ? Cœpi inquirere & examinare ſingulos ſenſus meos, ſi per quem eorum intraueris? Sed nec ipſi ſciebant, quomodo, & quâ intraueris. Nam oculi dicunt; Si coloratus non ſit, per nos non intrauit. Aures dicunt; Si ſonitum non fecit, per nos non tranſiuit. Naſus dicit; Si non oluit, per me non venit. Guſtus dicit; Si non ſapuit, per me non introiuit. Tactus etiam addit; Si corpulentus non eſt, nihil me de hac re interroges.

Ingreſſus itaque ô amor meus quomodo eſ animam meam, & non ingreſ-

sus es per aliquod ostium? Lux quidem es in tenebris illuminans, sed quam non capit oculus: vox es super omnem vocem dulcis, sed quam non capit auris: odor es super omnem odorem fragrans, sed quem non capit naris: dulcedo es super omnem dulcedinem delicata, quam tamen non capit gustus: amplexus es super omnem amplexum iueundus, quem tamen non capit tactus.

Vbi eras igitur mi Deus, vbi eras mea lux, vbi eras spes mea? Interrogabam, & dictum est mihi; Ascende in superiores partes cordis tui, & illic Deum inuenies. Verè tu magnus es Deus, qui nostram sapientiam deuicisti. Tu solus potens & verè beatus. Tu es Rex Regum, & Dominus Dominantium. Tu es immortalis, & lucem habitas inaccessibleem, quem nemo mortalium vidit, aut videbit vnquam, & viuet. Multa sunt & magna quæ dicuntur de te Domine: minora tamen & pauciora, quàm de te dici possent: & verba deficiunt, vbi tu non deficiis. Excedis enim omnè quod dici, omnè quod potest cogitari.

Tu dilexisti me amor vnice, Domine mi, antequam ego diligerem te, & ad imaginem tuam creasti me, omnibus creaturis tuis præposuisti me. Insuper facis Angelos tuos spiritus propter me, quibus mandasti vt custodiant me in omnibus vijs meis, ne forte offendam ad lapidem pedem meum. Noluisti me na-

Psal. 90



sci in terra infidelium, sed fidelium, in qua ex aqua & Spiritu sancto regeneratus & sanctificatus sum. Diuitias nimias, aut nimiam paupertatem non dedisti mihi, ne aut superbirem, aut nimium vilescerem: sed intellectum mihi & voluntatem dedisti, quibus te cognoscerem & amarem.

Vocasti me cum eram perditus, & pulsaisti ostium meum: sed ego non respondebam. Ego pro meo arbitrio vivebam, & fortitudini meae nimium tribuebam, cum tamen non esset fortitudo, sed mera imbecillitas. Volebam currere, & mox delassabar, atque ubi securum me fore arbitrabar, ibi maximè periclitabar. Recessi à te sicut filius prodigus, & abiui in regionem longinquam, atque inhabitatam, ubi amans vanitatem vanus factus sum. Cæcus eram, & cæcitatem desiderabam. Seruus eram, & seruitutem amabam. Vincetus eram, & vincula non horrebam. Amarum dulce, & dulce amarum credebam. Miser eram, nec cognoscebam.

In hoc perditissimo statu cum viverem, oculos tuæ pietatis in me coniecisti, & licet ego sine intermissione peccabam, tu tamen me à peccatis reuocare non desistebas. Quando errauì, in viam reduxisti me: quando ignorauì, docuisti me: quando peccaui, corripuisti me: quando tristis fui, consolatus es me: quando desperauì, confor-

tasti me: quando cecidi, erexisti me:  
quando steti, tenuisti me.

Perieram, mortuus eram, ad mortuum descendisti, mortalitatem suscepisti; ad seruum Rex descendisti, vt seruum redimeres teipsum tradidisti. In tantum me dilexisti, vt sanguinem tuum in pretium dares pro me. Dilexisti me Domine, plus quam te, quia mori uoluisti pro me. Tali pacto, tam caro pretio reduxisti me de exilio: redemisti me de seruitute, retraxisti me de supplicio, vocasti me de nomine tuo; signasti me sanguine tuo, vt memoriale tuum semper esset apud me, & nunquam recederet à corde meo, qui pro me non recessit à cruce.

Cognoscam igitur te Domine cognitor mei, cognoscam te virtus animæ meæ, ambulem semper in lumine tuo o Sol iustitiæ. Mihi enim adhærere Deo Psal. 7. bonum est; ponere in Domino Deo spem meam. Mox enim ubi à te auertor, statim ad perituras res conuertor, vanisque cogitationibus distrahor.

O me miserum igitur & infelicem, quando tam inseparabiliter adhærebo tibi, vt nunquam diuellar à te? Quando cogitationes, verba & opera mea ab æquitatis & iustitiæ tuæ regula non amplius discrepabunt? Tu Domine solitudinem amas, & ego hominum commercia; tu silentium, & ego fabulas; tu veritatem, & ego vanitatem: tu

munditiem, & ego immunditiem sequor.

Oro igitur te Domine per te ipsum, oculos meos tua luce illumina, cor meum tuo amore vulnera, gressus meos in viam mandatorum tuorum dirige, ne vnquam ab illa declinem. Libera Domine captiuum, vagum in vulnera tua introduc: lapsum erige, ab omni parte debilitatum refice. Da cor quod te semper cogitet, animum qui te semper diligat, mentem quæ te semper recolat, intellectum qui te intelligat, rationem quæ tibi semper summo delectabili fortiter adhæreat.

Ne fugias à corde meo; ab ore & operibus meis ne decesseris: sed semper adesto mihi; quia adiutor meus es in omni tribulatione. Sine te morior, & recolens te suscitor. Odor tuus me recreat, memoria tui me sanat, lux tua me illuminat, & ad vocem tuam reuiuisco: sed satiabor, cùm apparuerit gloria tua, Amen.

### ORATIO SEXTA

*pro amore Dei.*

appē-  
pri- **S**I inter omnia quæ nos ad amorem prouocant, nil forma & pulchritudine reperiatur efficacius, cur non ego merito amabo te Domine mi, qui fons es omnis pulchritudinis & decoris? Tu es pulchritudo vniuersæ mundi huius machinæ: quidquid enim in

illa



illa pulchrum est, per te, & à te pulchrum est, quia tu creasti. Pulchritudinem tuam mirantur Sol & Luna: in faciem tuam Angeli prospicere desiderāt: in eius namque visione consistit vltima felicitas, & omnium spirituum supernorum gloria

A te suam sortiuntur pulchritudinem volucres, flores, fontes, agri, flumina, maria, nemora, siluæ, arbores, terra, montes, valles, & quidquid in illis conspicitur. Tu ornasti cælum stellis, aërem auibus, aquam piscibus, præta floribus, & terram infinita plantarum atque animalium varietate. In omni loco mundi tu pulcher es, quia vbique tuæ pulchritudinis conspiciuntur indicia. In cælo es pulchritudo gloriæ, in inferno iustitiæ, in bonis hominibus gratiæ, in malis patientiæ.

Sed & amabo te Domine mi, qui omnium rerum es perfectio. Tu laus es Angelorum, præmium Sanctorum, spes Patriarcharum, lumen Prophetarum, gaudium Apostolorum, corona Martyrum, gloria Confessorum, puritas Virginum, & salus omnium Electorum. Omnes beati Spiritus laudant te, a facie tua columnæ cæli contremiscunt, te honorant & reuerentur omnes mundi creaturæ.

Tu repleas omnia, nec dilataris: tu penetras omnia, nec moueris: tu in omnibus rebus es, nec vlla concluderis. Tu

creasti omnia absque necessitate, tu gubernas omnia absque vlllo labore: tu mutas omnia, & ipse non mutaris. Tu solus iudicas sine vlllo errore; tu solus castigas sine vlla perturbatione, tu solus dona distribuis, & nihil thesauro tuo de- cedit. Tu solus es tibi & omnibus rebus sufficientissimus Qui te igitur habet, is habet omnia: & qui te non habet, etiam si omnes habeat huius mundi thesauros, pauper est, nudus est, miser est & miserabilis.

Vna sæpe res nos ad tam insanum creaturæ alicuius amorem impellit, vt pro ea mille mortes appetere non dubitemus. In te autem Domine, cum tot, tantaque simul concurrant, cur te non diligam? cur non lubens acerbissima quæque pro nominis tui gloria perferam? cur non lubens pro te sanguinem meum fundam, qui tuum tam liberaliter pro me effudisti? Si considerem beneficia, nulli plus quàm tibi debeo: si amorem, nemo mihi melius vult quàm tu: si cognitionem, non habet anima mea te coniunctiorem. Magna profectò amoris causa est similitudo, & quæ maior similitudo, quàm quæ est inter te Domine, & animam meam, quæ creata est ad imaginem & similitudinem tuam? Tu es spiritus, & anima mea spiritus est: tu es inuisibilis, & anima mea inuisibilis est: tu immortalis, & anima mea immortalis:

tu intellectum habes, memoriam & voluntatem, easdem habet & anima mea potentias.

Tu cum sis simplicissimus & inuisibilis, totus es in toto mundo, & totus in singulis eius partibus: & anima mea cum eiusdem sit conditionis, tota est in toto corpore, & tota in quolibet eius membro.

Cum itaque tanta sit inter me & te, ô amor mi, similitudo, cur non diligam te? An quia tu excelsus es, & ego humilis? an quia tu creator, & ego creatura? an quia tu essentia es perfectissima, & ego totus imperfectus? Non hoc impedire, sed augere debet nostram dilectionem: multo namque amabilior est similitudo cum inæqualitate proportionata, quam quæ omni ex parte est æqualis. Maior est amor patris in filios, & vxoris in maritum, quam fratrum inter se, qui sunt æquales. Suauius sonant voces inter se differentes, si ad proportionem reducantur, quam quæ consonæ sunt & vniformes. Et hæc igitur inæqualitas, quæ est inter te & animam meam, maioris sit, Domine, causa dilectionis.

In te igitur, ô dilectissime sponse animæ meæ, in te sunt omnes amoris causæ, quæ possunt excogitari, dignissimusque es qui amore diligaris infinito: sed voluntatem in me deprehendo eum in modum deprauatam, vt id



præstare nequeat, taceo quod subinde semetipsam plus, quàm te diligit.

Quare nisi tu Domine sanes naturam meam infirmam gratia tua, & nisi in cor meum virtutem charitatis per Spiritum sanctum infundas, nunquam potero te amore gratuito & supernaturali (quali cum amari dignus es, & vis) diligere. Da igitur mihi misero gratiam, vt quod vis & iubes præstare possim. Da mihi vt te diligam, si non amore quo tu dignus es, saltem eo quem mea potest capere natura: hoc est, ex toto corde meo, tota anima mea, tota fortitudine mea, & totis viribus meis: ita vt omnia viscera mea intrinsecus ardeant, & amore tui liquefiant.

Da mihi vt te diligam amore simplici, & gratuito, non mercenario, vel vlla mihi proposita vtilitate: da vt amore puro, nulla peruersa intentione maculato; nihil vt cupiam, quàm te propter te. Da mihi Domine amorem fortem & inuictum, qui nulla pericula, nullos labores, nulla damna, nullas iniurias, nullos cruciatus pro te pati recuset, aut abhorreat. Da amorem alacrem & diligentem, qui semper occupetur in rebus ad cultum tuum pertinentibus. Da amorem vniuersum, qui nunquam intermittat amare te, aut vnquam separetur à te. Da Domine amorem inestimabilem, qui omnia contemnat propter te: da amorem discretum,

qui

qui non excedat legem tuam zelo & feruore immodico.

Da denique, ô Deus meus, vt te diligam amore ordinato, qui omnia diligat iuxta dignitatis cuiusque proportionem: te autem super omnia, amore dulci & suauis, qui in nulla re dulcedinem aut oblectationem inueniat præterquam in te: amore zelo æstuante, qui nihil desideret magis, quàm tuam gloriam, nihil magis odio habeat, quàm ignominiam sancto nomini tuo irrogatam: denique amore tam violento, vt auellat cor meum ab omni re peritura, semperque ad te sursum rapiat, donec transcam ex hoc loco exilij in patriam illam cælestem, vbi facie ad faciem tuæ videns pulchritudinis magnitudinem, diligam te perpetuò, cum perfectis illis amatoribus, qui nunquam cessant amare & laudare te Regem Regum, Dominum Dominorum, & Deum Deorum in Sion, Amen.

## ORATIO SEPTIMA PRO

*amore Dei impetrando.*

**O** Summe, optime, omnipotentissime, misericordissime, iustissime, fortissime, incomprehensibilis Deus, Domine mi: tu qui es omni melle dulcior, omni lacte candidior, omni luce clarior, omnibus margaritis pretiosior, infinita sunt quæ me in amorem tui rapiunt. Tu enim excelsiores cælo,

Ex  
dic  
ma

II. profundior inferno: tua mensura longior terra & latior mari, vt inquit Propheta tuus. Quis te perfectior? quis te melior? quis te pulchrior? quis te benignior? quis nobilior? quis potentior? quis sapientior? quis ditior? Omnia hæc in te sunt Domine, & propter singula merito diligendus es, cum summum bonum sis.

Cæterum cum omne quidem bonum amabile sit per se, magis tamen vnusquisque diligit bonum proprium. Diligam igitur te Domine Deus meus, non tantum quia summum bonum es: sed & quia bonum meum es. Cum enim considero, & mecum perpendo, quot titulis ac modis meus factus es, liquefunt interiora mea, & clamor cum sponsa, Dilectus meus mihi, & ego illi.

t.2. Tu enim Domine creator meus es, tu sanctificator & glorificator meus es; tu mihi dedisti esse naturæ, dedisti esse gratiæ, dabis & esse gloriæ. Tu meus es adiutor, meus gubernator, defensor, tutor, & custos: tu denique Deus meus, Dominus meus: tu salus, tu spes, tu gloria, tu omne bonum meum es.

Et quidem hæc omnia mihi es, quatenus Deus, quatenus Creator & conseruator es omnium. Quatenus autem homo; multi sunt alij tituli, officia alia, & alia vincula, quibus ego tibi, &



tu mihi deuinctus es: propter quæ & ego te amore (si fieri posset) infinito diligere meritò deberem. Tu namque meus es restaurator: restituiſti enim integrum naturam humanam, quæ per peccatum erat debilitata. Tu meus es liberator: tua namque captiuitate me à tyrannide peccati, mortis, inferni, & Dæmonis, hostis mei capitalis vindicaſti. Tu meus es redemptor: pretio namque & incomparabilis sanguinis tui theſauro profuſo, me à ſeruitute, in quam per peccatum eram prolapſus, redemiſti.

Tu meus es Rex: regis namque me tuo ſpiritu; pro me pugnaviſti, & me ex hoſtium manibus eruiſti. Tu meus es Sacerdos: oraſti enim, & oras indefinenter, tanquam æternus Sacerdos, pro me, in conſpectu Patris tui cæleſtis. Tu meum es ſacrificium: obtuliſti namque temetipſum in ara crucis, vt mea crimina clemens expiares. Tu meus es aduocatus: cum enim Diabolus me accuſat, & libellum, in quo peccata mea deſcripta ſunt, Patri tuo porrigit, tu cauſæ meæ patrocinaris: tu deponis de tuo, & ſuppleſ omne id, quod meæ deeſt iuſtitie. Tu meus es mediator: es enim Deus ſimul & homo, amicus hominum & verus homo, amicus etiam potens Dei, & verus Dei filius; atque ita te medium inter me & Deum interponis.

Tu meus es pastor: pascis enim & regis animam meam, tanquam ouem gregis tui. Tu meus es cibus: tu enim ipse es quo nutrior in illo diuinissimo altaris Sacramento. Tu meus es Pater, & pater futuri seculi: regenerasti me namque grauissimis doloribus in arbore crucis, & nouam essentiam mihi per Spiritum sanctum dedisti. Tu caput meum es, & quidem vniuersale caput Ecclesiæ: à te namque, tanquam à capite vero defluit in illam, omniaque illius membra virtus, vita & sensus spiritualis. Tu verus medicus meus es: sanguine namque tuo vulnera & liuores animæ meæ sanasti.

Tu meus es magister: doctrinæ namque tuæ luce viam ad cælestem patriam mihi demonstraisti. Tu meum es exemplum: non enim verbis tantum, sed multo magis operibus & vitæ tuæ sanctissimis exemplis in hanc me viam deduxisti. Tu mea es fortitudo & gaudium: non enim est tribulatio vel dolor tam ingens, quem memoria tuarum, quas pro me sustinuisti, passionum non faciat mihi dulcem & tolerabilem. Tu meus es honor & gloria: factus namque homo pro me, fecisti me fratrem tuum, tuæque naturæ consortem.

Tu denique meus Saluator es, & quidem talis Saluator, qui vbique, semper, & in omnibus mihi sufficis: per-

fectissimè namque omne id quod ad salutem meam requirebatur, in medio terræ operatus es. Ignorantiam meam tua doctrina illuminasti, debilitatem meam tuis exemplis corroborasti, temporem meum tuis beneficijs inflammasti, animam meam tuis mysterijs erudijsti, paupertatem meam tuis meritis ditasti, vulnera mea tuis Sacramentis curasti, tuis doloribus pro meis voluptatibus satisfecisti, & nunc in cælis ad dexteram Patris tui sedens, pro me intercedis. Quid multis? Tu factus es mihi sapientia & iustitia & sanctificatio & redemptio: ac proinde bonum omne.

1. Cor. 1.

Quæ igitur impudentia non amare Dominum, qui hæc omnia mihi factus est, & cui ratione tot titulorum ac beneficiorum deuinctus sum? Si homines eodem amore, quo diligunt semetipsos, etiam diligant omnia quæ sua sunt; cur ego non amabo te Domine, si te meum esse velim, idque tot officijs & beneficijs, tamque prægnantibus in rebus? Quod si pro singulis horum beneficiorum tibi totum cor meum debeam, nec vnum hoc tantum, sed plura si haberem; ecquid tibi debebo, si hæc omnia beneficia simul coniungamus? Quæ iniquitas igitur esset nolle dare cor vnum quod habeo, cui tot etiam alia meritò debentur? Et si singula horum beneficiorum incentiua sint atque

stimu-



stimuli dilectionis, quinetiam & sagittæ corda hominum transfigentes, quomodo ego inter tot incendia dilectione non ardeo? quî fit vt totus frigidus permaneam? inter tot tela quomodo non vulneror? quomodo quasi carens sensa in duritie cordis mei perseuero?

Tibi Domine de stupore atque insensibilitate cordis mei conqueror: tibi infidelitatem illius confiteor: tu enim pluens in illud amoris causas innumerabiles, nihil ab illo refers dignum tot obligationibus. O cor ipsis feris ferius, saxo insensibilius, durius adamante, quod tot ictibus non molitur.

Te itaque, ô speciose præ filiis hominum, te oro, da mihi vt desiderem te, amem te quantum volo, & quantum debeo. Immensus es, & sine mensura debes amari, præsertim à nobis, quos sic amasti, sic saluasti, pro quibus tanta & talia fecisti. O amor qui semper ardes & nunquam extingueris, dulcis Christe, bone Iesu, charitas Deus meus; accende me totum igne tuo, amore tui, dulcedine tua, dilectione tui, desiderio tui, charitate tua, iocunditate & exultatione tua, quæ sancta est & bona, quæ casta est & munda, vt totus amoris tui dulcedine plenus, totus flamma charitatis tuæ incensus, diligam te Dominum meum dulcissimum ex toto corde meo, ex tota anima mea, ex totis viribus

ribus meis, ex tota intentione mea, & nihil in me sit, quod te non diligat. Si enim hæc omnia, & quidem tot nominibus ac titulis tua sint, quem diligam præter te?

Et quia diligere est bene velle huic quem diligimus, tuque Domine tot bonis abundes, vt plura tibi optare non possim, quam habes; id vnicum volo, vt etiam cor meum habeas, & omnia mea tua sint, proque infinita gloria tua summas tibi gratias ago. Similiter & hoc volo, vt omnes creaturæ tibi seruiant, te honorent, laudent, glorificent, atque vniuersa terra tuis laudibus repleatur. Hoc sit semper meum desiderium, hoc cibus, hoc delitiæ meæ, tibi omni tempore vt benedicam, & laus tua in ore meo sit semper. Sed quia non est laus pulchra in ore peccatoris, oro Sanctos & Sanctas omnes, omnesque cælestis aulę Spiritus, vt semper te laudent: eorum enim est laudatio.

Benedicite igitur omnia opera Domini Domino, laudate & superexaltate eum in secula. Angeli & Archangeli benedicite Domino, laudate & superexaltate eum in secula. Virtutes & Dominationes benedicite Domino, laudate & superexaltate eum in secula. Principatus & Potestates benedicite Domino, laudate, &c. Beati Throni, in quibus sedet atque iudicat Dominus, benedicite Domino, laudate, &c. Che-

rubin & Seraphin, qui amore Creatoris vestri toti igniti exardescitis, benedicite Domino, laudate, &c. Apostoli & Euangelistæ fundatores Ecclesiæ Christianæ benedicite Domino, laudate, &c. Gloriosi exercitus Martyrum benedicite Domino, laudate, &c. Virgines inclytæ & continentes omnes benedicite Domino, laudate & superexaltate eum in secula. Benedictus es Domine patrum nostrorum, & benedictum nomen gloriæ tuæ, sanctum & laudabile, & superexaltatum in omnibus seculis, Amen.

## CAPVT SEPTIMVM, VARIAS AD SANCTISSI-

MAM TRINITATEM

orationes conti-  
nens.

### PRIMA ORATIO AD SAN- ctissimam Trinitatem, de magnitu- dine Maiestatis eius.



Domine Deus expers princi-  
pij, immortalis, incompre-  
hensibilis, incircumscrip-  
te, incorporee, indefinite, im-  
peruestigabilis: vbique præ-  
sens, sed latens, vbique totus, sed immen-  
sus, qui sapientia tua nunquam satis lau-  
danda immensum hunc mundum cre-

lib 5.  
amo-  
lis vi-  
Chri-  
anæ  
ana-  
ms.

asti.



asti, in ipsoque hominem collocasti, Sancta Trinitas, vnus Deus miserere mei.

Si Publicanus ille Euangelicus non ausus fuerit oculos suos ad cælum attollere, sed à longè stans pectus suum percussit, dicens; Deus propitius esto mihi peccatori. Si peccatrix illa sancta time-  
Luc. 18.

rit in conspectum Domini venire, sed stans retrò secus pedes eius lachrymis ab oculis suis defluentibus peccatorum suorum remissionem impetrauerit: Si san-  
Luc 7.

ctus ille Patriarcha Abraham volens cum te Deo sermonem miscere, dicebat; Loquar ad Dominum meum, cum sim  
Gen. 18.

puluis & cinis. Si illi omnes tam humiles, tuique reuerentes fuerunt, in conspectum diuinæ Maiestatis tuæ venientes, cum tamen essent sanctissimi; quid faciet pauper & miserrimus peccator, qualis ego sum? quid faciet puluis & cinis? quid faciet abyssus omnium miserrimarum & peccatorum? Sed quia, mi Domine, non possum obtinere timorem illum illamque reuerentiam, quæ tantæ Maiestati debetur, nisi meos oculos in ea immotos figam, da mihi licentiam, vt audeam oculos meos ad te tollere, nec splendor gloriæ tuæ aspectus mei fragilitatem impediat. Video quidem te esse magnum illum Deum, qui omnem intellectus nostri captum transcendit. Scio nullum intellectum creatum te posse comprehendere, & quamuis hoc

ita sit, non possum tamen facere quidquam vtilius, quam vt oculos in te figam meos.

Igitur, ó Summe, omnipotentissime, misericordissime, iustissime, pulcherrime, fortissime, stabilissime, simplicissime, perfectissime, incomprehensibilis, secretissime, & tamen omnibus præsens, inuisibilis & tamen videns omnia; immutabilis omnia mutans & renouans, quem spatia non dilatant, nec angustia coarctam, nec varietas mutat, nec corruptio perdit, nec tristitia conturbant, nec lata mouent in sua essentia: cui nec obliuio tollit, nec memoria quicquam addit, nec præterita præterierunt, nec futura succedent: cui nihil dedit principium, nec tempus augmentum, nec finem quicquam daturum est: viuus enim & regnas in æternum. Tu es ille qui possides omnia à termino vsque ad terminum, & qui cuncta disponis suauiter. Tu es ille, qui creasti omnia sine vlla necessitate; & conseruas omnia sine labore; & regis omnia sine molestia; & moues omnia ipse immobilis. Tu totus es oculus, totus pes, totus manns; tu enim vides, sustines, & operaris omnia. Tu in omnibus es, nec tamen conclusus; tu extra omnia, nec tamen disiectus; tu sub omnibus, nec tamen subiectus; tu super omnia, nec tamen eleuatus. Tu es summus & verus Deus, summa & vera vita, à

qua & per quam vitam habent & viuunt omnia. Tu Domine es ipsa bonitas & pulchritudo, à qua, & per quam pulchrum & bonum est omne, quod pulchrum & bonum est. Tu es ille, qui iubes nos quærere, & das inuenire; iubes pulsare, & aperis, quando te inuocamus. Tu es ille, à quo recedere cadere est; & cui appropinquare est resurgere, & in quo stare est in æternum durare. Tu es ille quem nemo deserit nisi insipiens, nemo quærit nisi vocatus, nemo inuenit nisi purgatus. Tu es ille quem cognoscere est viuere; cui seruire regnare est; quem laudare salus est, & tu ipse gaudium es laudantium te. Quid ego itaque, Rex mi & Saluator mi, quid ego dicam? ego inquam miser vermiculus quid dicam de tanta laudum magnitudine? Dicam id quod Prophetæ tui Spiritus numine afflati dixerunt; Quis mensus est pugillo aquas, & cælos palmo ponderauit: Quis appendit tribus digitis molem terræ, & li-  
brauit in pondere montes, & colles in statera? Quis adiuuit Spiritum Domini, aut quis consiliarius eius fuit, & ostendit illi? Cum quo iniit consilium, & instruxit eum, & docuit eum semitam iustitiæ, & erudiuit eum scientiam, & viam prudentiæ ostendit illi? Ecce, Gentes quasi stilla situlæ, & quasi momentum stateræ reputatæ sunt: Ecce, Insulæ quasi puluis exiguus. Et li-

Esa. 40.  
Sap. 11.



gna Libani non sufficient ad succendendum, & animalia eius non sufficient ad holocaustum. Omnes gentes quasi non sint, sic sunt coram eo, & quasi nihilum & inane reputatae sunt ei. Et enim si in praesentia Solis omnes stellae caeli non lucent, imò sunt tanquam non essent, cum tamen & ille, & hae creaturae sint; quid erunt omnia creata in conspectu tuo, qui Creator es totius Vniuersi?

Igitur, o Domine, te principaliter adoro cum humilitate profunda, & reuerentia tibi debita, cum illa adoratione latrariae, quae tibi soli debetur, nulli autem creaturae: quo cultu adorant te Dominationes caelestes & omnes mundi creaturae: quarum licet multae non cognoscant te, non possunt tamen non adorare te illarum singulae in suo genere, & suo modo diuinitatis tuae sceptro homagium offerre, tuamque magnitudinem cognoscere: Tu enim solus es Deus Deorum, tu solus Rex Regum, tu solus Dominus Dominantium, & causarum causa Tu es  $\alpha$  &  $\omega$ , Principium & Finis omnium rerum. Tu principium es sine principio, & sine fine finis. Tu solus es ille qui es: omnia namque alia, quantumuis praestantia, habent esse ab alio mutuatum: esse autem tuum est summum, perfectum, vniuersale, & quod à nullo alio dependet. Ideoque merito diceris esse, qui es: quia

quid-

quidquid creatum est, non habet esse, si tecum conferatur.

Quare, Domine, agnoscens omnia hæc magna & mirabilia, prostratus ante pedes diuinæ tuæ præsentiae, cum omni qua possum humilitate te adoro, quomodo adorant te beati illi Spiritus, qui procedentes ante sedentem in throno Maiestatis tuæ, & mittentes coronas suas ante pedes tuos, adorant te, & confitentur omnia quæ habent à te procedere Sic & ego Domine, qui sum omnium creaturarum vilissimus, adoro te, & millies te veneror, confitens, quia tu es meus verus Deus, & Dominus, quodque omne id quod sum, & in me inuenio, vt esse, viuere, & spirare, totum tuum est, atque ideo omnes creaturas inuoco, vt simul mecum te laudent, te adorent, te glorificent, diuino illo cantico Prophetæ, dicentis; Veni te, exulemus Domino, iubilemus Deo salutari nostro. Præoccupeinus faciem eius in confessione, & in psalmis iubilemus ei. Quoniam Deus magnus Dominus, & Rex magnus super omnes Deos. Quia in manu eius sunt omnes fines terræ: & altitudines montium ipsius sunt. Quoniam ipse est mare, & ipse fecit illud: & siccam manus eius formauerunt. Venite, adoremus, & procidamus, & ploremus ante Dominum qui fecit nos: quia ipse est Dominus DEVS noster, & nos populus

Apoc. 5

Psal 94

pascuæ eius, & oues manus eius.

Quamobrem, Domine mi, cum tu ad-  
eò dignus sis, qui adoreris & honoreris;  
da mihi gratiam, vt sine intermissione  
adorem te; non tantum verbis & lingua;  
sed corde etiam, opere, & tota vita mea.  
Tu qui viuis & regnas per omnia secula  
seculorum, Amen.

ORATIO SECVNDA AD  
*sanctissimam Trinitatem, de magnitu-  
dine diuinæ Maiestatis.*

dē ibi-  
lem.

Psal. 64.

**O**Mnipotens æterne Deus, trinus in  
personis, vnus in substantia, æquum  
omnino & rationi planè consentane-  
um est, vt totam vitam meam exerci-  
tio pœnitentiæ & timoris impendam,  
cum tam iustas habeam & plangendi  
& metuendi causas. Quemadmodum  
igitur magnitudo gloriæ tuæ me im-  
pellit ad colendum & adorandum te: sic  
etiam iubet vt laudem & glorificem te.  
Te enim decet hymnus in Syon, & tibi  
reddetur votum in Ierusalem; eo quòd  
pelagus es omnium perfectionum, &  
mare sapientiæ, potentiæque, pulchri-  
tudinis, magnitudinis, diuitiarum, suau-  
itatis, maiestatisque abyssus; in qua  
sunt omnes perfectiones, & pulchritu-  
dines omnium creaturarum, quæ in cæ-  
lo & in terra sunt, & singulæ perfectio-  
nes istæ in summo gradu, & fastigio in  
te inueniuntur. Tibi collata omnis pul-  
chritudo deformitas est; omnes diui-



tia paupertas, omnis fortitudo debilitas, omnis sapientia ignorantia, omnis dulcedo amaritudo, & vt paucis multa concludam, omnia quæ in cælo & in terra sunt, multò minus in tuo conspectu fulgent, quam exigua candela in splendore Solis.

Tu in omni re perfectus es, sine aliqua deformitate, magnus sine quantitate, bonus sine qualitate, fortis sine infirmitate, verus sine falsitate, sine loco vbiq; præsens, sine diuisione in omni loco totus. In magnitudine es infinitus, in virtute omnipotens, in bonitate summus, in sapientia inæstimabilis, in consilijs terribilis, in iudicijs iustus, in cogitationibus secretus, in verbis verus, in operibus sanctus, in misericordia copiosus; erga peccatores patiens, erga pœnitentes pius.

Sed quid potissimùm de sapientia tua dicam, nisi id quod olim dixit Prophetæ? Domine intellexisti cogitationes meas de longè: semitam meam & funiculum meum inuestigasti Et omnes vias meas præuidisti: quia non est sermo in lingua mea. Ecce Domine tu cognouisti omnia nouissima & antiqua: tu formasti me, & posuisti super me manum tuam. Mirabilis facta est scientia tua ex me: confortata est, & non potero ad eam. Quò ibo à spiritu tuo? & quò à facie tua fugiam? Si ascendero in cælum, tu illic es: si descendero in

Psal. 138.

infernum, ades. Si sumptero pennas meas diluculo, & habitauero in extremis maris: Etenim illuc manus tua deducet me, & tenebit me dextera tua. Et dixi, Forſitan tenebræ conculcabunt me: & nox illuminatio mea in delitijs meis. Quia tenebræ non obſcurabuntur à te, & nox ſicut dies illuminabitur: ſicut tenebræ eius, ita & lumen eius. Oculi enim eius (inquit alius) ſuper vias hominum, & omnes grefſus eorum conſiderat. Non ſunt tenebræ, & non eſt vmbra mortis, vt abſcondantur ibi, qui operantur iniquitatem.

Iob 14.

Sed quid dicam de magnitudine tuæ potentiæ? dicam quod olim dixit Propheta me docens: Deus autem rex noſter ante ſecula, operatus eſt ſalutem in medio terræ. Tu confirmasti in virtute tua mare: contribulaſti capita draconum in aquis. Tu confregiſti capita draconis: dediſti eum eſcam populis AEthiopum. Tu diripuisti fontes & torrentes: tu ſiccaſti fluuios Echan. Tuus eſt dies & tua eſt nox: tu fabricatus eſ auroram & Solem. Tu feciſti omnes terminos terræ: aſtatem & ver tu plamaſti. Et in alio loco dicit idem Propheta: Domine Deus virtutum, quis ſimilis tibi; potens eſ Domine, & veritas tua in circuitu tuo. Tu dominaris poſſeſſati maris: motum autem fluctuum eius tu mitigas. Tu humiliasti ſicut vulneratum, ſuperbum in brachio virtutis tuae

Pſal 73.

Pſal. 83.

diſper

dispersisti inimicos tuos. Tui sunt cæli,  
 & tua est terra, orbem terræ & plenitu-  
 dinem eius tu fundasti: aquilonem &  
 mare tu creasti. Thabor & Hermon in  
 homine tuo exultabunt: tuum brach-  
 ium cum potentia. Cognouit hanc tuam  
 omnipotentiam beatus Iobus, cum ait:  
 Apud ipsum est sapientia & fortitudo, Iob 12.  
 Ipse habet consilium & intelligentiam.  
 Si destruxerit, nemo est qui ædificet: si  
 incluserit hominem, nullus est qui ape-  
 riat. Si continuerit aquas, omnia sicca-  
 buntur: & si emisit eas, subuertet ter-  
 ram. Apud ipsum est fortitudo & sapien-  
 tia: ipse nouit & decipientem, & eum  
 qui decipitur. Adducit consiliarios in  
 stultum finem, & iudices in stuporem.  
 Baltheum regum dissoluit, & præcin-  
 git fune reges eorum. Ducit sacerdo-  
 tes inglorios, & optimates supplantat.  
 Commutans labium veracium, & do-  
 ctrinam sentum auferens. Effundit de-  
 spectionem super principes, & eos qui  
 oppressi fuerant reuelans. Qui reuelat  
 profunda de tenebris, & producit in lu-  
 cem umbram mortis. Qui multiplicat  
 gentes, & perdit eas, & subuersas in inte-  
 grum restituit.

Iac. o Domine, sunt testimonia tuæ  
 magnitudinis: & quid de diuitijs tuæ  
 gloriæ, deque vena tuæ felicitatis di-  
 cam? Si peccaueris, inquit Scriptura, Iob 35.  
 quid ei respondebis? & si multiplicatæ fue-  
 rint iniquitates tuæ, quid facies con-



tra eum? porro si iuste egeris, quid donabis ei? aut quid de manu tua accipiet? Homini qui similis tui est nocebit impietas tua, & filium hominis iuuabit iustitia tua. Sed tu, Domine, talis es, & tam beatus, vt bonorum alterius non egeas: talem ego te confiteor, pro tali te laudo, & glorifico nomen sanctum tuum. Infunde lumen cordi meo, & da verba in ore meo, vt cor meum tuam magnitudinem semper cogitet, & laus tua in ore meo sit semper. Sed quia laus hæc non est pulchra in ore peccatoris, ideo rogo Angelos cæli omnes, omnesque mundi creaturas, vt te vnâ mecum laudent, meamque suppleant inopiam, inuitans illas ad id, glorioso illo cum cantico, quod cecinerunt pueri in medijs flammis fornacis illius Babylonicæ, dicentes: Benedictus es Domine Deus patrum nostrorum, & laudabilis, & superexaltatus in secula. Et benedictum nomen gloriæ tuæ, sanctum laudabile & superexaltatum in omnibus seculis. Benedictus es in throno regni tui, & superlaudabilis & superexaltatus in secula. Benedictus es qui intueris abyssos & sedes super Cherubin, & laudabilis & superexaltatus in secula. Benedictus es in firmamento cæli, & laudabilis & gloriosus per omnia secula seculorum, Amen.

ORATIO AD S. TRINITATEM III.

Theolo-  
gicalicu-  
ius do-  
ctissimi.  
è Græco  
in Lati-  
nū versa

**D**eus Sancte Sanctorum, Deus om-  
nipotens, Deus æterne, Deus fortis,  
Deus spirituum, & omnis carnis, à cu-  
ius vultu tremit & cælum & terra, cu-  
iusque vultui cuncta obediunt elemen-  
ta, in vnitae trinitas, & in trinitate vni-  
tas, Pater, Filius, & Spiritus sanctus: ef-  
fentia mihi esse præstans, vita me viui-  
ficans, lumen me illuminans, scientia  
me scire faciens, omni tamen essentia,  
vita & lumine, scientiaque superior: te  
adorant, te celebrant omnes creaturæ.  
Et ego mea erga te fide adductus, hodie  
genua cordis mei flecto sub tuæ Maiesta-  
tis pedes.

Gratias tibi ago, quòd me cum nihil  
essem, non solum finxisti, sed etiam ad  
imaginem tuam, hoc est, optimè fin-  
xisti; quòd mihi nihil pro merito pie-  
tatem indideris: quòd arcanis Ecclesiæ  
tuæ Sacramentis sanctificaueris: quòd  
me bonis tuis omnibus iam inde à pue-  
ro educaueris. Atqui ô Conditor & cæ-  
li & terræ & maris, cum tibi vsui esse  
non queam, cuiusnam gratia tuam in  
me beneficentiam ostendis? Quî fit vt  
me in tantum diligas? Nam tibi quid  
dedi, cuius causa mihi referas gratias?  
At vbi eram antequam fierem, vt po-  
tuissem prior in te benignitatem osten-  
dere. Verum tuo beneficio & olim sum  
factus, & innumerabilibus donis orna-  
tus. Tuum beneficium, & tua benigni-  
tas omnia hæc fecit Ipse verò cum pro

horum vno gratias agere non sufficiam, quomodo pro tot millibus referre possem? Et quomodo tenebrę laudabunt lucem? quomodo vanitas veritatem? quomodo mortalis, cui est naturę fragilitas, tuam immortalitatem? quomodo materia crassa eum, qui ab omni materię pondere est immunis? quomodo immundities puritatem? Quis verò collaudabit opera tua? quis tuas annuntiabit laudes? Sed tu vt indulgentissimus Pater vota nostra suscipis, & liberorum tuorum gratiarum actiones qualescunque boni consulis.

Itaque dignum me fac Deus bone, vt tibi gratias agam, vt tuę charitati perpetuo adhæream, vt tibi pro beneficijs & multis & magnis, quibus me honoratum fecisti, gratias agam, vt periculorum nomine, quibus me sæpe liberaſti, gratias persoluam: pro omnibus denique tum iucundis, tum aduersis officium tibi rependam. Quandoquidem omnia in bono iudicio fecisti; quandoquidem tu Dominus existis animarum & corporum nostrorum, vitę & mortis, sanitatis & morbi, felicitatis & infelicitatis Breuiter omnium rerum momenta in tua sunt manu. Latificas beneficia conferendo, contristas ob iurgando, differs corrigendo, & consolaris nostram ignauiam ad te reuocando

Gloria varię tuę potentię, Laus infinita-



satiabili tuo in genus humanum amoris. Guberna & vitæ nostræ reliquum dux mitissimus & gubernator vigilantissimus. Eripe me Domine ab omnibus inimicis meis, visibilibus & inuisibilibus. Porrige benignam manum tuam, quæ nos ex profundis aquis frementium huius mundi fluctuum extrahat, eripiatque, quæ nostræ nauigationis discrimina alleuet. Guberna ipse mitissime Rex magistratum, quem nobis credidisti. Tu enim gubernator, nos clauus: dirigat igitur clauum tua manus inuisibiliter, quò ipsa voluerit, quò ipsa decreuerit. Neque enim ego in arcu meo sperabo, neque gladius me seruabit; sed dextera tua, sed brachium tuum, sed illuminatio clarissima vultus tui. Fiat optime Rex voluntas tua, vt in cælo, & in terra, sic & in nobis. Quòd si fortè à tuæ voluntatis decretis declinauerimus, ne statim iram conceperis misericors Deus, quum non ignores, quam fragile sit nostræ creaturæ figmentum. Quin si tu vis seruare me, potes; fac idem te velle. Nisi enim tua potentia me firmauerit, ego quod volo, non possum.

Itaque consolare cor meum ineffabili tuæ benignitatis dulcedine; nimirum vt futuri gaudij æterni, quò in te fruemur, tenuis quidem sensus nostram subleuet mentem. Postremò dignum me redde, qui post præsentem hanc vi-

tam percurram ad te Dominum & Deum, vt tui regni diuitias liceat inspicere, & claritatem tui vultus contemplari. Id quod ratum fac sancte Rex Deus verè & conditor meus, per tuum & matris Deipare, ac sanctissimæ Virginis filium, Dominum nostrum Iesum Christum, Amen.

ORATIO AD PATREM,  
*qua iustificationem petimus.*

Ioannes  
Faber.

**Q**ui in æternum dominaris, & solus potes omnia, Deus cæli & terræ moderator, ad cuius nutum omnes creaturæ contremiscunt, & cæli cardines nutant. O Domine cælestis, perfectus opifex, & figule, ego miser de limo effectus, vel potius limus sordidus, cum timore & trepidatione ad thronum tuæ Maiestatis venio; agnosco & confiteor meam imbecillitatem, scio quòd nihil sum, imò quòd abominatio mera & horror existam coram tuo aspectu, si tua gratia & misericordia destituar. Sine te nihil boni cogito, sine te nihil boni facio, sine te sum reptile quoddam deperditum.

Non possum saluari sine te, in tua manu est omnis mea salus: ago tibi gratias, ô Deus, vel propter hoc, quòd eam cognitionem mihi dederis, vt videam & agnoscam me nihil esse, vel posse absque te. Tu es figulus, ego limus; qualem me esse vis, talem potes

effingere & formare: si beatum me reddis, ostendis misericordiam tuam & gratiam: si conijcis in perditionem, demonstras iustitiam, & tuum exequeris iudicium, nec meum est contradicere, cur hoc, aut qua ratione facis? Etenim cui tu bene vis, misereris. Hæc ego tecum reputo, ô Domine, & iudicia tua extimesco.

Cùm igitur omnis mea incolumitas & salus ex te pendeat, & in manu tua atque potestate sita sit: cumque vniuerso mundo maximè placabilem & misericordem Deum te exhibueris, cumque te esse re declaraueris ipsa, per hoc quòd filium tuum charissimum Iesum Christum innocentem pro nobis noxijs mori, & nostra peccata suo sanguine in cruce voluisti expiare: cum denique docueris nos in omni nostra perturbatione te inuocare, tuam gratiam & misericordiam efflagitare, quòd daturus sis nobis omnia, quæ in nomine filij tui simus petaturi, venio ad te limus vel massa lutea, ô clemens & celestis figule, à te peto suppliciter, vt misericordia tua vtaris, ex hac, licet indigna, materia facias vasculum ad æternam gloriam. Digneris etiam ex mera tua gratia ad fidem veram, ad spem solidam, ad castum & sanctum amorem voluntatem meam permouere, vt per hæc tua dona iustificatus integer, perfectus, bonus & sanctus, secundum tu-



um beneplacitum, in medio vitæ meæ,  
& in fine, tum in extremo die iudicij in-  
ueniar.

O mitis Pater, concede mihi veniam  
omnium peccatorum meorum, per  
mortem Filij tui amantissimi Iesu Chri-  
sti Fac vt tibi vni placeam, tibi gratus  
sim filius, & hæres: adauge in me cle-  
menter iustitiam qualemcunque diuini-  
tus mihi datam, & concessam, vt in ea  
pergam viuere: auge in me fidem accep-  
tam, confirma spem meam, accende &  
illustriorem redde in me tui amorem,  
vt auxilio tuo, tuæque gratiæ præsen-  
tia, & ex operatione tuæ sanctissimæ vo-  
luntatis vitam æternam, quam tu nobis  
promisisti, impetrare queam, vt te lau-  
dem, tibi que gratias agam in regno tuo  
per æterna secula, Amen.

AD FILIVM ORATIO.

ominis  
iusdā  
octi &  
j.

**G**eneris humani Conditor ac Re-  
demptor I E S V Christe, qui dixisti;  
Ego sum via, veritas, & vita: Via do-  
ctrina, præceptis, & exemplis; veritas  
in promissis; vita in præmio: oro te  
per ineffabilem tuam charitatem, qua  
te totum seruandis nobis impendere  
dignatus es, ne patiaris me vnquam ab-  
errare abs te, qui via es; nec vnquam  
diffidere promissis tuis, qui veritas es,  
& præstas quicquid polliceris; nec in  
vlla alia re conuiuiscere, quoniam vi-  
ta es æterna, vltra quam nihil est quod

desideretur, neque in cælo, neque in terra.

Per te didicimus certum & expeditum iter ad veram salutem, ne diutius in huius vitæ labyrinthis aberraremus. Tu nos exacte docuisti quid credere, quid agere, quid sperare, in quo conquirere debeamus. Per te didicimus, quàm ex primo illo Adam fuerimus infelicitèr nati; per te didicimus, non esse spem salutis, nisi per fidem in te.

Te vnicam esse lucem, quæ præluces omnibus per huius sæculi desertum, perque mentis nostræ noctem, à tenebris Aegyptiorum proficiscentibus ad illam beatam terram, quam promissisti mitibus, tuamque mansuetudinem imitantibus. In nobis enim nihil erat præter profundam caliginem, qui neque calamitatem nostram videre poteramus, neque vnde mali remedium petere debebamus. Tu dignatus in terram descendere, dignatus nostram naturam assumere, vt doctrina tua discuteret nostræ ignorantiae caliginem; præceptis tuis dirigere pedes nostros in viam pacis; vitæ tuæ exemplis strauisti nobis viam ad immortalitatem, ac tuis calcatam vestigijs, è salebrosa & aspera commodam leuemque nobis reddidisti. Ita nobis via factus es, quæ nescit errorem, in qua ne lassesceremus tua benignitas nos magnis, certisque promissis fulcire dignata est. Quis enim posset delassari, re-

putans per tua vestigia ingredienti paratam esse vitæ cælestis hæreditatem. Ergo dum in hoc itinere sumus, spem certam baculi loco nobis esse voluisti, qua sustentemur.

Nec his contenta fuit tua bonitas, sed agnoscens nostræ carnis imbecillitatem, interim solatio tui Spiritûs subinde reficis virēs nostras, quo ad te curamus alacriter. Atque vt tu nobis factus via, propellis omnem errorem; ita factus veritas, tollis omnem diffidentiam.

Denique factus nobis vita: das hic peccato mortuos viuere per Spiritum tuum, omnia viuificantem, donec in resurrectione abolita prorsus omni mortalitate semper tecum, & in te viuemus: cum tu eris nobis omnia in omnibus. Vita enim æterna est nosse Patrem, & Filium, & Spiritum sanctum esse vnum verum Deum.

Proinde obsecro clementissime Seruator, vt adaugeas famulo tuo fidem, ne vacillem vnquam in cælesti tua doctrina, adauge obedientiam, ne deflectionem vnquam à præceptis tuis; adauge constantiam, vt tuis ingrediens vestigijs, nec Satanæ blandimentis illiciar, nec terriculamentis deijciar: sed in te, qui solus es vera via, perseuerem, vsque ad mortem. Adauge mihi fiduciam, vt tuis frateris promissis, nunquam segnescam in studio pietatis; sed à tergo re-



liſtorum oblitus, ſemper ad perfectiora contendam.

Adauge gratiam in me tuam, vt in-  
lies magis ac magis in meipſo mortuus,  
uiuum, agarque Spiritu tuo; nihil me-  
uens præter te, quo nihil eſt amabilius:  
in nullo glorians, præterquam in te, qui  
vera es gloria Sanctorum omnium: ni-  
hil expetens, præter te, quo nihil eſt  
melius; nihil deſiderans, præter te, qui  
plena, perfectaue es felicitas cum Pa-  
tre & Spiritu ſancto per omnia ſecula,  
Amen.

### AD SPIRITVM SANCTVM

*Oratio.*

**S**Ancte Spiritus Paraclete, qui in die Pentecoſtes ſuper Apoſtolos deſcen-  
diſti, charitate, gratia & ſapientia eorum  
implens pectora: oro te per illam ineffa-  
bilem miſericordiam & liberalitatem,  
vt digneris ſinum animæ meæ implere  
tua gratia, ineffabiliue amoris tui dul-  
cedine interiora mea viſcera perfundere.  
Veni ſancte Spiritus, & emitte celitus lu-  
cis tuæ radium.

Grana  
lib. 5 M  
moria-  
lis.

Veni pater pauperum, veni dator mu-  
nerum, veni lumen cordium. Veni con-  
ſolator optime, dulcis hospes animæ,  
dulce refrigerium. Veni medice lan-  
guentium, veni purgator criminum,  
veni fortitudo fragilium, veni peccan-  
tium remedium. Veni doctor humi-  
lium, veni deſtructor ſuperborum, veni

omnium

omnium virtutum singulare decus, morientium vnica salus. Veni Deus meus, & adorna tibi thalamum, in quò digne tecum omnibus diuitijs & misericordijs tuis suscipiam. Inebria me dono sapientiæ, illumina me dono intellectus, rege me dono consilij, confirma me dono fortitudinis, instrue me dono scientiæ, vulnera me dono pietatis, & transfige cor meum dono sancti tui timoris.

O dulcissime amator mundorum cordium, vire & inflamma omnia mea viscera igne amoris tui suauissimo: vt ignita in te rapiantur, & in te ferantur, qui es centrum & omnium bonorum meorum finis vltimus. O dulcissime sanctarum animarum amator, cum non ignores me nihil ex me, neque per me posse, extende piam manum tuam super me, & fac vt exeam à me, & perueniam ad te. Mortifica, extingue & dissolue in me, quidquid tibi displicet, vt in omnibus me tuæ voluntati facias conformem: vt vita mea in posterum perfectum sit coram te sacrificium, seu potius holocaustum, quod tui amoris igne totum comburatur.

O quis mihi tribuet, vt ad summum illud bonum tandem perueniam? Respice Domine, respice & vide quomodo hæc paupercula creatura ad te nocte ac die suspirat, anima mea ad te sitit Deum suum. Quando veniam & apparebo ante faciem gratiæ tuæ? quando intrabo in locum admirabilem tabernaculi tui, vt

perueniam ad domum Dei mei? quando me adimplebis lætitiæ vultus tui? quando præsentia tuæ gloriæ satiabor? quando per te liberabor ab omni tentatione, & mortalitatis huius fragilitatem superabo? O fons æterni splendoris, reduc me ad abyssum æterni boni, à quo creatus sum; vt ibi cognoscam te sicut & cognitus sum, teque diligam sicut à te dilectus sum, te videam, teque fruam in societate omnium electorum, quemadmodum & tu me vidisti ab æterno, Amen.

## CAPVT OCTAVVM, CONTINENS VARIAS

ORATIONES DE VITA

& morte Saluatoris.

PROLOGVS.

**I**nter omnia exercitia spiri-  
tualia (si Bonauentura cre-  
damus) nullum est utilius  
meditatione vita & mortis  
Saluatoris. Ea enim meditatio, præter  
quam quod contemptum rerum omnium  
visibilem in nobis generat, etiam nos ar-  
mat aduersus omnem mundi, carnis &  
Diaboli potentiam; familiaritatem cum  
Deo parat, amorem eius conciliat, fidu-  
ciam creat, animamque ad omnium vir-  
tutum culmen, supremumque perfectionis

In Pro-  
logo de  
Medita-  
tione vi-  
tæ Chri-  
sti.



erm. 22.  
n Cant.

fastigiū adducit. Vbi enim perfectiū virtutem altissima paupertatis, profundissima humilitatis, perfectissima charitatis, obedientie, patientie, mansuetudinis, ceterarumque virtutum inuenias, quā in vita Saluatoris? Rectè ergo Bernardus. Homo, qui virtutes sibi vult comparare, frustra laborat, si eas alibi quærat, aut ab alio petat, quā à Domino virtutum: cuius doctrina est regula prudentia, cuius misericordia est opus iustitia, cuius vita exemplum est temperantia, cuius mors est vexillum patientia. In hoc exercitio idem mellifluus Doctor totam vitam suam consumpsit, ex omnibus anxietatibus & amaritudinibus Christi fasciculum sibi colligans, qui inter vbera eius iugiter commorabatur, ut de se ipse testatur.

Opera igitur pretium facturus est homo pius, si vel orando, vel meditando, ut minimum semel in septimana, totam vitam Saluatoris percurrat: cum nulla gratior ei sit oratio ea, in qua vita sua fit commemoratio. Ut autem commodius id fieri posset, Granatensis noster vitam, mortem & resurrectionem Christi septem orationibus complexus est, ut totidem septimana diebus inservirent: idque per modum gratiarum actionis, cum nullum beneficium sit, pro quo Deo maiores gratia debentur. Eas

igitur

igitur orationes huic octauo capiti reseruauimus, & nunc ordine subiiciemus.

Constant orationes hæ articulis 53 ex quibus facile confici potest Rosarium, si post singulos articulos legatur Angelica saluatio, & post vnamquamque decadem oratio Dominica, vna cum saluatione Angelica. Supererunt quidem articuli tres, qui facile vel initio, vel in medio, vel in fine cum alio articulo misceri, & ter due sub vna saluatione Angelica proferri possunt.

PRIMA ORATIO DE  
VITA IESV.

**I**Mmortales, ô dulcissime IESV, ago tibi gratias, quod amore mei de regali tuo palatio, atque ex altissimo Patris sinu, in hanc vallem miseriarum descendisti, & in sanctissimo castissimæ Virginis Matris tuæ vtero carnem humanam assumpsisti. Oro te Domine, vt cor meum tibi præpares habitaculum, eumque in finem id omnigenis virtutum floribus adornes, vt tu solus perpetuò in illo habites. Vtinam, Domine, tuæ placeret bonitati, vt tale esset cor meum, ne vereretur te inuitare, sed vt in me venires habitatum, & ego te mereretur recipere suauiter, tuque in eodem corde requiesceres sine fine dulciter. O si te amplexari possem brachijs amoris

Granat.  
lib 5 Me-  
moria-  
lis.

1.  
Christus  
de celo  
descendit  
& conce-  
pitur in  
vtero  
Virginis

tam potentis, vt nunquam à te aut cogitatione, aut affectione diuellerer

2.  
Maria vi-  
sitat co-  
gnatam.

Ago tibi gratias dulcissime IESV, quia postquam conceptus es in vtero gloriosæ Virginis Mariæ, voluisti eam per montana visitare cognatam suam Elisabeth, vt saluaret eam, eique tempore partus ministraret. Tu non dedignatus es gloriosissimis Matris tuæ visceribus nouem mensibus claudi: ideoque te oro, da mihi veræ humilitatis gratiam, & dignare me illam cordis mei penetralibus imprimere, vt illius beneficio semper me paratum inuenias in rebus ad tuum ministerium pertinentibus. Fac Domine, vt cor meum res humanas semper fastidiat, & te suum habere habitorem & Dominum perpetuò desideret

3.  
Christus  
nascitur.

Ago tibi gratias, suauissime IESV mi, qui de sacratissima Virgine sine dolore, & puritatis virginalis damno natus es; quæque te natum mox in præsepe posuit, vt pauperem & mortalem, teque humiliter adorauit, vt Deum & omnium Creatorem. Precor diuinam tuam misericordiam, vt digneris continuè nasci in me, per nouum charitatis ardorem, & vt vnicum sis meum desiderium, sola satietas, & firma spes cordis mei. Placeat tuæ bonitati, vt te solum semper quæram, de te semper cogitem, te solum amore ardentissimo diligam.



Infitas ago tibi ſemper gratias, o dul-  
cis I E S V, quod in intensiſſimo natus  
frigoris horrore, non dedignatus es vi-  
liſſimis inuolui pannis, & virgineum  
lac de glorioſæ Matris pectore ſugere,  
& quaſi ſimplex atque innocens puſio  
Virginis papillas lambere, cū vere  
Deus eſſes omnipotens. Concede mihi  
Domine, vt in conſpectu tuo ſemper ve-  
rus ſim infantulus humilitate, & vere  
pauper ſpiritu. Da vt amore tuo non re-  
cuſem ferre quæcunque aſpera & labo-  
rioſa; nihil amem in hoc mundo præter  
te; nihilo in hoc mundo præter te deſide-  
rem poſſidere.

Gratias ago tibi benigne I E S V, quod  
ſtatim cū natus eſſes iucundiſſimis  
Angelorum canticis concelebrari vo-  
luisti, & à paſtoribus maximo cum gau-  
dio & admiratione adorari. Da mihi gra-  
tiam, Domine, vt iugiter in tuiſ laudi-  
bus cum gaudio perſeuerem, vtque te in  
ſocietate paſtorum quæram, & quaren-  
do te inueniam, & inuentum te in æter-  
num poſſideam.

Laudare ſemper, & glorificare, bone  
I E S V, quod octauo die (ſecundum con-  
ſuetudinem aliorum infantum), circum-  
cidi voluisti, & in ætate illa tenerrima  
ſanguinem amore mei fundere cœpi-  
ſti: vtque me ineffabili conſolatione  
beares, I E S V ſuocatus es. Supplico ti-  
bi, Domine, vt digneris me referre in  
album electorum tuorum, & nomen  
meum

4.  
Chriſtus  
pannis  
inuol-  
uitur.

5.  
Chriſtus  
à paſto-  
ribus ad-  
oratur.

circumci-  
ditur, &  
Ieſus vo-  
catur.

meum in librum beatorum scribere: utque cor meum ab omni superfluitate circuncidas; hoc est, otiosa & noxia verba, opera iniqua, cum impuris, inanibusque cogitationibus abscindas. Redemptor mi, tu vocaris IESVS, hoc est, Saluator: tibi enim soli conuenit dare salutem. Idecirco peto à te Domine, ut suauissimi huius nominis memoria expellat à me omnem inordinatam pusillanimitatem & torporem, & mihi misericordiae tuae spem firmam tribuat, & defendat me ab omnibus inimicorum meorum persecutionibus.

7.  
Christus  
à Magis  
adoratur.

Gratias ago tibi, dulcissime IESV, qui à Magis, te ex intima deuotione, fideque sincera quærentibus, inuentus es; idque stella coruscante ductore; qui ante te pedibus procumbentes obtulerunt aurum, thus & myrrham. Concede mihi, Domine, ut te in consortio istorum sanctissimorum Regum quæram non in Bethlehem, sed in cordis mei præsepio, in eoque inuentum te adorem in spiritu & veritate; offeram tibi aurum splendentis charitatis, incensum deuotionis, & myrrham perfectæ mortificationis. Da mihi denique gratiam, ut omnes vires, omnemque animi fortitudinem imitandæ sanctissimæ viræ tuæ promptus & alacris impendam.

Iesus in  
templo  
præsen-  
tatur.

Ago tibi gratias, Domine IESV  
Christe, qui ut dares nobis exemplum

bedien-

obedientiae, atque humilitatis, voluisti legi amore nostri subijci, & ad templum in brachijs sanctissimae Matris tuae deferri, & pro te oblationem non diuitis, sed pauperis offerri. Quare iustus & senex ille Simeon cum Anna Prophetissa, ob tuam praesentiam exultantes, celeberrimum tuae gloriae dederunt testimonium. Placeat bonae voluntati tuae, Domine, ne vnquam in posterum cor meum subintret vel minima vanitatis cogitatio. Ah quam beatus essem, si à me omne genus praesumptionis exularet, omnisque appetitus mundani fauoris, cum toto mei ipsius amore inordinato extinctus esset. Dignare mihi gratiam tuam largiri, vt mihi ab omni humana laude caueam, omnibusque me hominibus subijciam, iisque non inuitus obediam.

Ago tibi gratias, dulcis Iesu, quia cum esses adhuc paruulus persecutionem sustinere incepisti, vnà cum charissima tua Matre: nec dedignatus es in Aegyptum fugere. Da mihi gratiam, vt in omnibus persecutionum mearum tempestatibus, in omnibus meis tribulationibus & tentationibus ad te fugiam, te quaeram, te solum inuocem; & quotiescunque praedicta mihi de manibus tuis aduenient, fac, Domine, vt ea cum gaudio suscipiam, & tranquillo corde sufferam; tibi continuas agens gratias pro omnibus, quae tibi de me statuere placebit.

9.  
Iesus in  
Aegyptum  
fugit.

Gra-



10.  
Iesus se-  
det inter  
Docto-  
res.

Gratias quoque infinitas ago tibi, Domine IESV, quia charissima tua Mater cum maximo te dolore quæsiuit, cum tu in templo remansisti, & post tres dies cum summo gaudio te in medio doctorum sedentem inuenit, quos audiebas & interrogabas cum incredibili sapientia. Ah, Domine pro tua sola bonitate, da mihi, vt nunquam ego separer à te, nec tu à me. Expelle à me omnem socordiam & torporem; extermina frigiditatem animi, quæ tibi tantopere displicet; & da mihi perfectam deuotionem, & ardentem tuæ iustitiæ sitim, quæ ita possideat cor meum, vt nunquam lassus, nunquam seruiendo tibi sim satiatus. Pater noster. Aue Maria.

## SECUNDA ORATIO DE

VITA IESV.

Granat.  
ibid

11.  
Iesus ba-  
ptizatur.

**A**GO tibi gratias, dulcissime IESV, qui Iordanis fluentia ingressus voluisti manu Præcursoris tui Ioannis baptizari. Dignare me, Domine, per meritum tuum purificare in hac vita, & ab omnibus vitijs meis me mundare, & inebriare amore tui, & celestis patriæ desiderio. Fac me antequam anima mea ex huius carnis exeat ergastulo talem, qualem me esse vis, vt discedens ex hac peregrinatione, confestim tecum sim: vt te semper videam, te semper fruam in beata illa æternitate, quæ finem nullum agnoscit.

Gra-

Gratias sine fine tibi ago, benigne IESV, quod agens in deserto, priusquam Euangelium prædicare cœpisti, inter animalia fera vixisti, & perseuerans in ieiunio quadraginta diebus, & quadraginta noctibus, vigilansque in continuis orationibus & suspirijs, postea voluisti à Sathana tentari: & postquam victor extitisti, venerunt angeli, & ministrauerunt tibi. Concede mihi, Domine, vt cum tua gratia possim castigare carnem meam, & omnes vitiosos affectus spiritui submittere, vtque cum dono perseuerantiæ me exerceam, ieiunijs, vigilijs, & orationibus, alijsque omnibus exercitijs spiritualibus. Precipue autem, Domine, concede mihi, vt auxilio tuæ gratiæ liber sim à vitio gulæ, & ab omnibus alijs laqueis & impugnationibus Diaboli; nulla tentatio aduersum me præualeat, nulla me à te separet; imò fac, Domine, vt omnia hæc mihi maiorem præbeant occasionem arctius me tibi adiungendi & vniendi.

Ago tibi gratias dulcis IESV, qui amore mei afflictus es in hoc mundo multis doloribus, & diuersis necessitatibus, æstu, frigore, siti, fame, lassitudine & sudoribus: varijs itineribus, vigilijs, persecutionibus, & tribulationibus cuiuscunque generis. Da mihi, Domine, vt pro amore tuo cum gaudio omnes aduersitates, tanquam à manibus tuis

12.  
Iesus in deserto tentatur à Diabolo.

13.  
Iesus diuersis laboribus & necessitatibus affligitur.

mihi venientes suscipiam, easque magna cum patientia perferam. Da vt in quacunque re prospera vel aduersa, tristi vel lata, turbida vel tranquilla, semper in te perseuerem, nec latum vnguem a te discedam, vt in omni re tua fiat voluntas, non mea.

14.  
Iesus orat & precatur & precatur.

Ago tibi gratias, suauissime IESV, quia plurima passus es, dum animæ meæ queris conuersionem & salutem, tanquam verus Pastor & Saluator mundi, pernoctando in orationibus, fatigando te in itineribus, cælestem promulgando doctrinam, de prouincia in prouinciam, de castello in castellum discurrendo; in nulla re officium boni pastoris omittendo. Quæso, Domine, hanc impartire mihi gratiam, vt de cætero nunquam tardus aut ignauus in tuo inueniar seruitio; sed vt semper promptus & alacris sim ad omne bonum agendum. Da, vt salutem omnium ardentissimè sitiam, & zelum honoris tui semper habeam, in eoque me totum occupem.

15.  
Iesus cum hominibus conuersatur.

Gratias ago tibi, benigne IESV, quod conuersando cum hominibus benigne illos consolari voluisti, & pro magna tua misericordia infirmitates eorum curare. Da mihi, Domine, cor pia quadam affectione in omnes plenum, vt omnibus compatiar, quos in afflictionibus videbo. Fac quoque, Domine, vt aliorum miseras meas esse existimem, vtque sincero corde, & sine aliqua pas-

sione



sione aliorum imperfectiones feram, opemque illis pro posse meo feram, in omni illorum necessitate. O Domine, purga perfectè mentem meam ab omnibus vitiosis passionibus, & ab omnibus malis desiderijs, quæ in illa dominantur, vt ab his omnibus malis sanata, omnibusque impedimentis his immunis, liberrimè in cælum euolet, nec prius quiescat, quàm ex purissimo amore mereatur ad diuinos tuos amplexus peruenire.

Ago tibi gratias, bone IESV, quòd propter amorem tuum, quo me complexus es, innumeras iniurias, blasphemias, calumnias, & persecutiones ab ijs potissimùm, quos infinitis afficiebas beneficijs, perpeffus es. Obsecro, Domine, largire mihi cor verè simplex & innocens, vt inimicos meos diligam, & malum illorum ex corde mihi doleat; semper eos si qua in re derelinquant, excussem; reddendo bonum pro malo, tuæ perfectæ charitatis, tuæque patientiæ sim verus imitator.

16.

Iesus plurima pro nobis patitur.

Ago tibi gratias, dilectissime IESV, quòd venisti in Ierusalem humilis & mansuetus sedens super asinam; & carentibus ijs, qui obuiam tibi procedebant, iucundissimis hymnis & gloriosis laudibus, tu lachrymas amaritudinis plenas effudisti, quas dolor de tam celebris vrbs destructione, & de tot animarum perditione conceptus, expri-

17.

Iesus in Ierusalem venit.

mebat. Da mihi, Domine, intrinsecam quandam mei ipsius cognitionem, vt apertè meam vilitatem agnoscam, & me profundè humilem: meipsum ad eò contemnam, ne posthac mihi adulationes aut commendationes hominum placeant, sed vt assiduus maneam in plangendis tam meis, quàm proximi mei peccatis, omne illius malum meum malum reputans. Pater noster. Ave Maria.

## TERTIA ORATIO DE

VITA IESV.

18.  
Iesus in  
coena pe-  
des suo-  
rum la-  
uat.

**A**GO tibi gratias, Domine IESV Christe, quia vt legi veteri finem imponeres, Agnum paschalem in Ierusalem cum discipulis tuis manducasti; dansque illis exemplum maximæ humilitatis, & ineffabilis amoris, positis genibus pedes omnium lauisti, extergens eos linteo, quo præcinctus eras. Oro te, Domine, peneret exemplum hoc cor meum, & ejciat ex eo quancunque præsumptionem & superbiam, quæ in ipso reperitur. Da mihi, Domine, profundissimam humilitatem, cuius beneficio gaudeam omnibus subijci, sine alteratione. Adde & perfectam obedientiam, qua cum integrè tuis mandatis satisfaciám, vnà cum præceptis eorum, qui præsunt in tuo nomine. Excita in me feruentissimam charitatem, qua te pure diligam, & per amo-

rem tuum omnes homines amem.

Ago tibi gratias, dulcis IESV, quod ex charitate tua excellentissima instituisti Sacramentum corporis & sanguinis tui, quodque ex admirabili quadam liberalitate te nobis donasti in cibum: nec te piguit corporaliter nobiscum in hoc mundo, usque in consummationem seculi permanere. Ah, Domine, excita precor in me viuum desiderium, & ardentissimam famem venerabilis huius Sacramenti. Concede mihi gratiam, vt ad hanc vitæ mensam accedam suscepturus te cum amore casto, humilitate profunda, cordis puritate, & mentis sinceritate. Da etiam, vt anima mea sic te ficiat, sic amore tuo vulneretur, vt tandem merear diuinis tuis frui voluptatibus, pro honore & gloria tui nominis.

Ago tibi gratias melliflue IESV, quod volens exire mundo, admonuisti & consolatus es tuos discipulos, idque verbis amore sancto plenis, nec minus ardentis oratione illos Patri commendasti, ostendens quanto amore illos complectebaris, & omnes eos, qui per eorum doctrinam essent in te credituri. Oro, Domine, sentiat cor meum dulcedinem in tuis verbis, & vt illa mihi dulciora semper sint super mel & fauim: viuat in pectore meo spiritus tuæ affectionibus plenæ exhortationis, vt me totum in tuum amorem transformem.

19.

Iesus Eucharistiā instituit.

20.

Christus suos in cœna cōsolatur.



21.  
Iesus in  
horto  
Patrem  
orat

Dirige omnes actiones meas, vt in me, & de me semper tua fiat voluntas.

Gratias ago tibi, dilectissime IES V, quòd procidens in terram extensis brachijs Patrem precatus es, te totum ad manus illius resignans, petens vt in omnibus, non tua, sed Patris tui voluntas fieret. Obsecro, Domine, da mihi gratiam, vt in omni angustia & necessitate mea per orationem ad te curram; meque totum tuæ concedam prouidentiae, sine meæ voluntatis electione, aut alicuius proprii commodi expectatione. Ne fugiam vnquam aduersitates, neque propter illas à bono cœpto meo resiliam: sed quidquid mihi superuenierit, id animo accipiam pacato, tanquam id quod à pijs tuis manibus donatur, ferendo omnia corde humili & quieto.

22.  
Iesus capitur.

Ago tibi gratias, ô pie IES V, quòd ab armatis militibus capi, & funibus tanquam homo sceleratus & maleficus vinciri voluisti; inde ad Annam duci, & eius iudicio sisti non horruisti. O stupenda mei Redemptoris mansuetudo: dum apprehenderis, dum ligaris, dum illuderis, dum malè tractaris, non lamentaris, non murmuras, non reluctaris. sed tacendo sequeris vestigia illorum, qui te ducunt, imò trahunt, & fatigant; obtemperas imperantibus tibi, & summa cum patientia persers tormentata, quibus cruciaris. O Domine, ne inuideas mihi, vt

exemplum tale, & tantæ virtutis in me  
resplendeat, pro gloria & honore nomi-  
nis tui sanctissimi

Gratias ago tibi, ô IESV amabilis,  
Rex cæli & terræ, qui stans ante super-  
bum & inflatum Pontificem, non aliter  
atque si homo vilis & abiectus fuisses,  
percutsus es, & patientissimè crudelem  
alagam tulisti, quam vnus ex impijs il-  
lis ministris tibi in faciem impigit. Pre-  
cor te, Domine, mortifica in me omnes  
effervescentes impetus iræ, omnem in-  
dignationem comprime, omne odium  
tolle, omnemque scintillam cupiditatis  
vindictæ extingue; vt cum iniuria me  
quis afficiat non perturber, de vindicta  
non cogitem, sed omnia patienter suffe-  
rens pro amore tuo reddam bonum om-  
nibus, qui mihi malefaciunt. Pater no-  
ster. Ave Maria

23.

Iesus ala-  
pa in fa-  
ciem per-  
cutitur.

#### QVARTA ORATIO DE VITA IESV.

**G**Ratias tibi ago, dulcis IESV, qui  
in nocte passionis tuæ irrisus, & de-  
lulus, à tuis inimicis pugnis percutsus,  
& calcibus proteritus, diuersisque iniu-  
riarum modis diuexatus es. Tu scis, Do-  
mine mi, quam graue & molestum mi-  
hi est, vel minimam iniuriam perpeti;  
tu scis me virtutem habere nullam, vo-  
luntatem meam esse tardam, & omne  
bonum desiderium in me frigere. O

Granat-  
ibidem.

24.

Iesus no-  
cte qua  
captus est  
varijs  
modis  
diuexa-  
tur.

Domine, pro tua misericordia meam adiuua infirmitatem. Da mihi gratiam ne ad quemcunque aduersitatis impetum animus meus demittatur, & quasi humi serpere videatur. Succurre mihi, ne deficiam sub onere tribulationum, quæ mihi superuenient, nec iniuriæ ab alijs irrogatæ mihi stomachum faciant: sed in omnibus gratias agens tibi, omnia ad honorem & gloriam nominis tui referam.

25.  
Iesus co-  
am Pi-  
ato ac-  
usatur.

Ago tibi gratias, Domine IESV, quòd stans ante Præsidentem Pontium Pilatum, ad falsas querelas & accusationes non respondisti: sed quasi agnus mansuetus, qui non aperit os suum, & coram tondentibus obmutescit: sic tanquam aure furda omnia præterijsti. Concede mihi, Domine, ne oblocutiones, murmura, & detractiones mihi bilem moueant; sed vt exemplo tuo edoctus, omnes qui me iniuriantur & diffamant tacendo vincam. Largire mihi perfectæ humilitatis gratiam, vt nec laudari ab hominibus appetam, nec propter te vituperari metuam.

26.  
Iesus ad  
Herodē  
ducitur.

Ago tibi gratias, clementissime IESV, quòd in summo strepitu & furore populi, iussu Pilati ductus es ad Regem Herodem. Tribue mihi fortitudinem, vt persecutiones me non confundant, nec inimicorum iniuriæ ad iracundiam incitent, nec eorum impudentia me faciat erubescere: sed omnia quæ-



que cum mansuetudine feram, & tacendo vincam, vt in patientia mea possideam animam meam; secundum sanctorum mandatorum tuorum præscriptum.

Gratias ago tibi, IESV pie, quòd ante Herodem stans, & de multis criminibus & flagitijs à Pontificibus & Sacerdotibus accusatus, ad nullum respondere voluisti; sed silendo causam tuam iustificasti. Da mihi, Domine, dexteritatem linguam meam refrænandi, ne mihi vnquam incesat cupiditas, otiosa, vana, vel turpia loquendi; nec in rebus sterilibus & infructuosis narrandis tempus inutiliter consumam: sed concede, vt nihil præterquam quod iustum, quod honestum, quod vtile est, mea lingua sonet, quodque diuinæ tuæ voluntati est consonum. Fac vt detester vitium maledicendi, & de omnibus bona audire & loqui lubeat

27.

Iesus coram Herode accusatur.

Ago tibi gratias, dulcis IESV, quòd comparatus cum infami & seditioso latrone Barraba, illo peior iudicatus es, vitaque indignior: adeò vt homicida libertate donatus, & tu auctor vitæ ad mortem sis condemnatus. O Rex æternæ gloriæ, qua quæso potuisset affici tua Maiestas maiori ignominia? Hic, Domine, hîc liquet te esse lapidem illum viuum, reprobaturum ab hominibus, quem sibi Deus elegit, & fecit in caput anguli. Placeat tibi Domi-

28.

Iesus Barraba secleratiorem iudicatur.

ne, ne tibi quicquam anteponom, nec te quoquam permutem; sed omnia tibi comparata sint mihi tanquam stercora. Da, ne venenum inuidiæ vnquam animum meum inficiat; sed in te semper quiescam, & in te omnem meam salutem constituam.

29.  
Iesus flagellatur.

Ago tibi gratias, amantissime IESV, quod spoliatus vestimentis tuis sacram illam & virgineam carnem nudam conspici passus es: inde funibus duris ad columnam ligatus, horrendis flagellis eandem carnem dilaniari voluisti; vt tuis vulneribus nostra vulnera sanares. O Domine, spolia cor meum omnibus immundis cogitationibus; exue me veterem hominem, cum omnibus operibus suis, & indue me nouum, qui creatus est ad imaginem & similitudinem tuam, in iustitia & sanctitate: & da mihi, vt cum omni patientia & humilitate paternæ tuæ visitationis flagella substineam.

30.  
Iesus coronatur.

Ago tibi gratias, benigne IESV, quod post tot vulnera, tot liuores in immanni illa flagellatione accepta, post sanguinem tam copiosum toto corpore effusum, variis modis illusum & suffraginatus es. Ad maiorem verò ignominiam tuam purpurea te chlamyde circumdederunt, & plectentes coronam de spinis, imposuerunt eam capiti tuo; arundinem in manu pro sceptro dederunt, flectentesque genua, Regem te saluta-

luta.

lutârunt ( imò ludificârunt ) dicentes ;  
*Aue Rex Iudeorum.* Fac Domine, vt me-  
 moria istius miserrimæ tragœdiæ cor-  
 di meo imprimatur, nec vnquam inde  
 deleatur : transfige illud ardentissimæ  
 charitatis tuæ sagittis, vt te solum a-  
 mem, de te solo cogitem, in te solo re-  
 quiescam, nec tribulationes, angustia, vel  
 persecutiones vllæ me à te separent ;  
 nec agrè sustineam, si quando propter te  
 contemptui sim, & ab hominibus flocci-  
 fiam.

Ago tibi gratias, dulcis IESV, quòd 37.  
 post tot labores, angustias, tribulatio- Iesus cri-  
 nes, fannas, & vulnera pro me perpes- cem por-  
 sa, voluisti etiam crucem tuam in fra- tat.  
 ctis tuis humeris vsque in montem  
 Caluariæ supplicij locum portare : id-  
 que cum summo labore, & lassitudine,  
 præ nimia ponderis grauitate, ex-  
 stique corporis debilitate Largire mi-  
 hi, Domine, vt alacri & deuoto corde  
 crucem tuam amplectar, negando me-  
 metipsum, & exemplum virtutum tua-  
 rum cum feruenti charitate imitando,  
 vt te humiliter in mortem subsequi me-  
 rear

Ago tibi gratias, ô bone IESV, qui 32.  
 in hoc laborioso itinere, quando cru- Iesus  
 cifigendus educebaris, lamentantes fœ- cem ba-  
 minas benigniter exhortatus es, ne su- iulan-  
 per te, sed super se, & super filios suos fœm  
 plangerent. Da Domine, vt & ego p  
 compassionis & amoris lachrymas fun-



dam, adeò copiosè, vt durities cordis mei liquefiat, & acceptabile in conspectu Maiestatis tuæ reddatur. Concede mihi Domine, vt sanctissimi tui amoris flammis accensus, parui aut nihili faciam res mundanas; te verò solum diligam, & in te sine fine requiescam, Amen. Pater noster Ave Maria.

QVINTA ORATIO DE  
VITA IESV.

granat  
bidem.

33.  
esu ace-  
um pro-  
inatur  
elle mi-  
tum.

**A**GO tibi gratias, benigne Iesu, quòd lassus, & viribus exhaustus, nimio Crucis tuæ pressus pondere, ad locum sacrificij tandem venisti; vbi inuentus es totus afflictus, siti penè enecatus, quo tempore scelerati & barbari illi satellites acutum tibi felle mixtum bibendum obtulerunt. Placeat tibi, Domine, vt huius poculi memoria in me extingatur inordinata gulæ concupiscentia, carnisque delectatio: & fac ne yllo vnquam tempore turpibus & illicitis delectationibus consensum præbeam. Sed largire mihi honestissimam, maximeque necessariam temperantiæ virtutem, tam in edendo, quàm in bibendo, alijsque rebus seruandam: vt refrænatis omnibus gulæ appetitionibus te solum esuriam, te solum sitiam, in te solo sit omnis mea voluptas.

34.  
sue ve-  
bº spo-  
ritur.

Ago tibi gratias, benedicte IESV, qui denuò vestimentis tuis spoliatus, nudus coram omni populo stetisti, vbi omnia

vulæ-

vulnera detractis vestibus, quæ concreto sanguine carni adhærebant, recruduerunt, & renouata sunt: ex quibus iterum vberimus sanguis effluxit, non sine dolorum tuorum redintegratione. Largi remihi, Domine, verum paupertatis amorem, ne vnquam ob rerum mundanarum defectum contrister, sed cum omni patientia perferam inopiam, & huius vitæ necessitates. Spolia, Domine, cor meum omnibus imaginationibus & afflictionibus terrenis, & renoua in me quotidie viua sancti amoris tui desideria.

Ago tibi gratias, IESV bone, qui crudeliter funibus in diuersa raptus & distractus es, cum te crucifigere volebant, ita vt omnes sanctissimi tui corporis iuncturæ locis naturalibus emotæ sint: sed & perpeffus es, vt sanctæ manus, sanctique pedes tui duris, crassisque clauis foderentur, & cruci hærent affixi. Da mihi, Domine, vt semper animo fideli & grato memor sim ardentissimæ illius tuæ charitatis, qua motus tam benignè tua brachia extendisti, & manus tuas aperuisti, vt foderentur, pedesque tuos accommodasti, vt duro clauo perterebrarentur. Age, Domine, exurge, & vulnera cor meum perfecta charitate; eodem amoris tui clauo sensus meos omnes transfige, ne vnquam meæ cogitationes & desideria à te separantur.

35.  
Iesus  
cifixus

36.  
esus in  
ruce  
endet

Gratias tibi ago, ô sancte IESV, quòd trium horarum spatio pependisti in crucis ligno, multis, intolerabilibusque opprobrijs exagitatus, sanguinem copiose profundens, in omnibusque membris tuis immentos dolores sustinens. Affige, Domine, eidem ligno miseram animam meam, quæ iacet humi, & purga illam ab omni peccatorum & appetituum immunditia, lauans illam fluentibus tui sanguinis riuulis. O sanguis, qui vitam tribuis & salutem. Ne dedigneris, Domine, illo me lauare sanguine, sanctificare, & purificare me liquore illo pretiosissimo. Offer illum, Domine, summo Patri tuo in perfectam satisfactionem, & remedium omnium malorum meorum. Oro te, concede mihi, vt merear corde meo bibere, & lingua animæ meæ lambere pretiosas diuini illius sanguinis guttulas, vt gustem ibi, quàm suavis tuus est spiritus, & quàm dulcis ille tuus liquor pretiosissimus.

37.  
sus pē-  
tinter  
ios la-  
ones.

Ago tibi gratias, dulcis IESV, qui amore mei suspendi in medio duorum latronum voluisti, & pro tali etiam haberi: vt hac tua incredibili humilitate & patientia superbiam & impatientiam nostram sanares, & planè destrueres. Oro te, Domine, exalta spiritum meum, vt omnia, quæ in hoc mundo cernuntur, despiciam, & te solum aspiciam, te solum amem, nunquam de alio

quàm



quàm de te cogitem, ad te suspirem, de te loquar, in te me oblectem, & omnis mea actio sit semper in te, & per te, & extra te nihil sit, quod animum meum queat satiare.

Ago tibi gratias, dilecte IESV, qui fuisti tam bonus in illos qui erant pessimi, qui etiam pro ijs, qui crucifigebant te, Patrem oraueris, dicens; Pater dimitte illis, non enim sciunt quid faciunt. Da mihi gratiam Domine, vt habeam veram patientiam, & mansuetudinem, quibus armatus (iuxta exemplum, quod mihi dedisti, & mandatum, quod mihi reliquisti) inimicos meos diligam, & benefaciam his, qui mihi malefaciunt, & orem te pro ijs, vt illis omnem iniuriam ex animo ignoscas.

38.

Iesus pro crucifigentibus se orat.

Ago tibi gratias, benigne IESV, qui derisus & despectus es ab inimicis tuis, & tot blasphemijs atque iniurijs exceptus es, etiam eo tempore, quo doloribus & angustijs in cruce affligebaris ineffabilibus. Concede mihi gratiam, Domine, vt memor illius humilitatis & patientiæ, qua cum tantis doloribus, & tanta sustinuisti opprobria, ego quoque simili patientia quameunque aduersitatem perferam, tecum in cruce patientiæ vsque ad mortem perseuerans. Nullus tentationis impetus, nulla tribulationis tempestas, nullæ iniuriarum procellæ me ab incepto bono proposito abducant; nec mors, nec vita,

39.

Iesus crucem ridet

nec

nec præsentia, nec futura, nec aliqua creatura me à te separet

40. Gratiarum ago tibi, optime IESV, qui etiam blasphemias & sannas vnus latronis perpeffus es, & qui alteri confitenti sua peccata, & pia fide tuam innocentiam prædicanti, gloriam Paradisi promissisti. O beatum me, si vnquam tam felix fierem, vt mererer oculis tuæ misericordiæ respici, quibuscum fortunatum illum latronem aspexisti; & auxilio tuæ gratiæ tam innocentem viuerem, vt sub finem vitæ meæ dignus essem audire dulcissimum illud verbum tuum; Hodie mecum eris in Paradiso. Pater noster Ave Maria.

### SEXTA ORATIO DE

VITA IESV.

ranat. idem. 47. Gratiarum ago tibi, Domine IESV, quod ex arbore Crucis aspiciens Matrem tuam plenam doloribus, & afflictionibus, lachrymisque perfusam, misertus conditionis illius, eam dilecto tuo discipulo Ioanni commendasti: deinde & illum matri commendasti, & nos omnes in persona illius. Da mihi, Domine, vt amem & honorem hanc beatam Virginem amore ardentissimo, vt, cum ea matris loco habeam, merear, vt illa me in filium suscipiat, atque vt talem me tractet. Da mihi illam Aduocatam in omnibus necessitatibus meis, maxime au-

tem

tem in hora mortis meæ.

Ago tibi gratias dulcissime IESV, 42.  
quod apertis vulneribus, capite spinis Iesus à  
coronato, manibus ac pedibus cruci af- patre se  
fixis, dixisti; Deus meus, Deus meus, vt de reli-  
quid me dereliquisti? Operare Domine ctū que-  
in me, vt in omnibus meis aduersitati- ritur.  
bus & tentationibus ad te pium Patrem  
confugiam, & de meipso diffidens, tibi  
soli confidam, & me totum ad manus  
tuas resignem. Peto, Domine, vt vulne-  
res interiora animæ meæ tuorum vul-  
nerum memoria: fac vt ea impriman-  
tur intimis meis præcordijs; & ita me  
tuo sanguine inebria, vt de alio non co-  
gitem, nec alium præter te quæram: vt  
quærens inueniam te, & possideam te in  
æternum.

Ago tibi gratias Domine IESV Chri- 43.  
ste, qui corpus habens debilitatum, & Iesus i  
præ grauissimis tormentis, nimiaque Cruce  
sanguinis effusione siccum vehemen- sitit.  
tissimè sitiisti, ardensque nimio desi-  
derio salutis nostræ dixisti; Sitio. Da  
mihi, Domine, vt ardentissimè tuum si-  
tiam honorem, & animarum omnium  
salutem; in eo me totum occupem, con-  
formem me sanctæ tuæ voluntati, fa-  
ciens quantum mihi secundum statum  
meum concedetur. Oro te, ne vllus a-  
mor rerum transitoriarum me corripiat,  
nulla creatura me in periculosos  
laqueos trahat: imò omnia, quæ ama-  
ri digna sunt, amore tui diligam, te au-



templum omnibus amem, & in te solo quietem inueniam.

44.

Iesus in  
cruce fel  
bibit.

Ago tibi gratias, ô misericordissime IESV, quòd in hora mortis tuæ, vt sitim restingueres, voluisti ori tuo applicari spongiam aceto plenam; vt gustando amarum illud refrigerium, in afflictissimo illo tuo statu, æterno Patri satisfaceres, pro omni nostra intemperantia & voluptate, nobisque mirabile paupertatis exemplum relinqueres. Tribue mihi gratiam, vt amore tui contemnā omnes saporum delicias, & epulas exquisitiores; & vt contentus sim id cum modestia & temperantia solum edere & bibere, quod sufficit ad huius corpusculi sustentationem, tibi reddens pro illo infinitas gratias, Purifica & sana palatum animæ meæ, vt quicquid tibi gratum est, id mihi dulce sit; & quicquid tibi displicet, id mihi non sapiat, sed fastidium pariat.

45.

Iesus Re  
empti  
nis no  
stræ ope  
finem  
ponit.

Ago tibi gratias, IESV amator generis humani feruentissime, quòd tam absolute, & ordine tam concinno nostræ redemptionis operi finem imposuisti, offerens temetipsum sacrificium viuum in altari Crucis, pro peccatis mundi. Oro te, Redemptor mi, vt tu solus esse digneris signaculum cordis mei, & scopus mearum cogitationum, verborum, & operum: vt in omnibus rebus cum pura & casta intentione solum spectem, & agam, quod honor tuus po-

stulat,

stulat, nihil autem extra te mihi placeat, aut aliquid præter te desiderem. Tribue, quaeso, ne posthac vnquam ignauus aut lassus fiam in tuo ministerio: sed vt renouato quotidie in me feruore spiritus, in te laudando, tibi que seruiendo magis magisque crescat diligentia.

Ago tibi gratias, dulcis IESV, qui cum voluisti, mortem vocasti, & venerabili tuo capite inclinato spiritum tuum in manus Patris tui commendatum è carne migrare iussisti: qua in re declarasti, te verum illum esse pastorem, qui posuisti animam pro ouibus tuis. Da mihi, Domine, vt omnibus peccatis & vitijs mortuus, tibi soli viuam; vt vitæ huius cursu in charitate peracto, confestim ad te, qui es verus animarum nostrarum Paradisus, ingrediar.

Gratias tibi ago mansuetissime IESV, qui voluisti diuinum pectus tuum à quodam milite lancea aperiri, ex quo sanguis & aqua ad lauandas & viuificandas animas nostras exiuit. Placeat tibi, Domine, sic cor meum sancti amoris tui lancea ferire, vt nihil queam vel-e, quod non idem & tu vis. Ingrediar, Domine, anima mea vulnus pectoris tui, & pergat vsque ad sedem tuæ charitatis, & thesaurum tuæ diuinitatis: vt ibi adorem te DEVM meum, pro me crucifixum, & mortuum; & reij-

ciens

46.

Iesus e-  
mittit  
spiritum.

47

Iesu-  
tus lan-  
cea ap-  
ratur.

ciens à memoria mea omnium rerum  
visibilium figuras, ad te solum respi-  
ciam, & te solum in omni re præsentem  
habeam

48.  
Iesus se-  
pelitur.

Ago tibi gratias, dilecte IESV, qui  
cum magno planctu amicorum tuorum  
de cruce sublati es, pretiosissimisque  
unguentis delibutus, in syndone mun-  
da inuolutus, & in alienum sepulchrum  
illatus es. O Domine, sepeli tecum  
omnes sensus meos, ut tibi forti amo-  
ris vinculo coniunctus, in his quæ tibi  
displicent sim quasi mortuus, & in om-  
nibus rebus tibi contrarijs quasi extra me  
raptus: Econtrario verò in rebus quæ  
tibi placent, sim totus viuax, promptus  
& alacer: in te solo vnico Redemptore  
meo, & thesauro animæ meæ oblecter.  
Pater noster. Aue Maria.

## SEPTIMA ORATIO DE

VITA IESV.

Granat.  
ibidem.  
49  
Iesus de-  
scendit ad  
Inferos.

**A**GO tibi gratias, dulcis IESV, qui  
cum potentia descendisti ad Infe-  
ros, ibique fortitudinem Satanæ debel-  
lasti, & cum tua præsentia sanctos Pa-  
tres, qui ibidem captiui detinebantur, ex-  
hilarasti: & educens illos ex tenebris, ad  
perpetua Paradisi gaudia adduxisti. Oro  
te, Domine, ut virtus passionis & san-  
guinis tui descendat super animas pa-  
tris, matris, cognatorum, amicorum, &  
benefactorum meorum, omniumque fi-  
delium defunctorum, ut à pœnis Purga-



torij liberatæ in æternam beatitudinem recipiantur.

Ago tibi gratias, bone IESV, qui victoriosus exiens è sepulchro cum nobilissimo triumpho, post victam & interfectam mortem, tertia die resurrexisti, & indutus glorioso corpore, immensoque splendore amictus, amicos tuos visitans, eos incredibili gaudio perfudisti. Concede mihi quoque Domine, vt à morte vitiorum & veteris conuersationis resuscitatus in nouitate vitæ ambulem, eaque sola quæram, quæ alta sunt & sublimia, non autem vilia & transitoria; vt cum tu vera Vita secundò appariturus es in terris, ego tecum appaream in tua gloria.

Gratias tibi ago, ô pie IESV, qui transactis quadraginta diebus post tuam resurrectionem, aspicientibus discipulis tuis gloriosus & triumphans in cælum ascendisti: vbi sedens à dextris Patris viuis & regnas in secula seculorum. Placeat bonitati tuæ, Domine, vt anima mea langueat amore tui, & fastidiat omnia quæ sunt in mundo; semper ad te aspiret, desiderans cælestia, eaque continua & feruenti voluntate appetat. Nihil illam exhilaret, nihil affectet, nisi te solum Dominum meum & Deum meum.

Ago tibi gratias, amantissime IESV, quod Spiritum sanctum tuum misisti super electos tuos, qui in oratione per-

seue-

50.

Iesus resurgit à mortuis.

51.

Iesus in cælum ascendit

52.

Iesus Spiritum Sanctum mittit.

seuerabant, eosque misisti prædicare & docere gentes per vniuersum mundum. Supplico tibi Domine, purifica interiora cordis mei, & da mihi veram puritatem & munditiam conscientiæ, vt idem consolator inueniens in ea gratum habitaculum, adornet illud, & vberimis gratiarum suarum donis illud pulchrum & formosum faciat: ille me solus consoletur, me confirmet, me regat, & sit totus mei possessor.

53.  
Iesus ad  
iudicium  
veniet.

Gratias ago tibi, benigne IESV, qui quando veneris in nouissimo die adiudicandum orbem terrarum, daturus es vnicuique secundum operum suorum merita, vel præmium, vel supplicium. Pie Domine mi, da mihi gratiam, vt anima mea innocenter huius miseræ vitæ curriculum peragens, secundum sanctam tuam voluntatem, tandem huius corporis ergastulo multis meritis & virtutibus ornata exeat, vt pro tua misericordia in gloriæ tuæ domicilium recipiatur, vt sine fine te laudet, & in consortio Sanctorum omnium benedicat in secula seculorum, Amen. Pater noster. Ave Maria.

ORATIO DE NOMI-  
NE IESV.


Ludouic.  
Grati. lib.  
4. de O-  
ration. &  
Meditat.

**O** Bone IESV, ô dulcis Iesu, ô Iesu fili Virginis Mariæ, plenæ pietatis & misericordiæ: ô dulcis Iesu, miserere mei, secundum infinitam tuam

boni-

e &  
dm.  
rio-  
ita-  
lem  
ha-  
mis  
um  
on-  
to-  
qui  
iu-  
es  
um  
um.  
ve  
ri-  
an-  
ius.  
vir-  
eri-  
eci-  
on-  
in  
er.  
fu  
ta-  
ni-  
m-  
ai-






















C.  
D.



qua  
qua  
Re  
nat  
era  
rur  
iaq  
sed  
ad  
re  
cro  
su  
suc  
qu  
me  
ma  
C  
ten  
nu  
lia  
te  
—

CAPVT NONVM,  
 DIVERSAS CONTI-  
 NENS GRATIARVM  
 actiones.

**S**I olim pro communibus sibi collatis beneficijs studiosissimè gratias agere iubentur benefactori suo Iudai, omnino æquum est, ut & nos pro proximjs beneficijs, qualia sunt Creationis, Conseruationis, Redemptionis, Vocationis, à malis Praservationis, diuinarum Inspirationum, Sacramentorum, promissæ Beatitudinis, aliarumque gratiarum, Deo gratias agamus, idque non ore tantum, ut Phariseus ille, sed ore simul & mente. Adsit in gratiarum actionibus nostris veritas & iustitia hæc, ut excludatur omnis superbia & beneficiorum abusus; illa, ut absit omnis hypocrisis, & mendacium: ne Deo rerum turpium successum adscribamus. Agnoscamus ubi que magnificentiam beneficientis, & beneficium accipientis vilitatem; confiteamur beneficij dignitatem, & affectum fide & predicatione bonitatis diuina ardentem Deo offeramus. Qua omnia ut diuinus orator melius obseruet, sequentes gratiarum actiones ex diuersis nostri Grana-tensis opusculis studiosè collegimus.

Exod. 13.  
 16. & 17.

I. GRATIARVM ACTIO,  
*pro beneficio Creationis.*

Granat.  
 Ex adiū-  
 cto Me-  
 morialis  
 primo &  
 lib. 1. Du-  
 cis pec-  
 cat.

**G**RATIAS ago tibi omnipotens æterne  
 DEVS, rerum omnium Creator  
 sapientissime & munificentissime, quod  
 me, cum nihil essem, creasti, vt essem:  
 non lapis, non serpens, non auis, non  
 quadrupes, sed homo ad imaginem &  
 similitudinem tuam factus: imò potius  
 ipsa tui & imago & similitudo, substan-  
 tia scilicet intellectu & arbitrij volunta-  
 te prædita, vt habens tecum similitudi-  
 nem quandam existendi, viuendi, & ope-  
 randi, infinitæ pulchritudinis tuæ imago  
 essem & ectypum.

Ne autem creatura tam nobilis statim  
 iterum in nihilum recideret, & peni-  
 tus mox periret, immortalem creasti  
 me; vt cum animalia cætera modicum  
 appareant, & mox disparent, ego nun-  
 quam ad non esse redirem, sed perpetuò  
 viucrem.

Sed parum id tibi Domine visum est,  
 nisi etiam animam mihi tam pretio-  
 sam ac nobilem infunderes, vt vix An-  
 gelorum cedat dignitati. Boues & oues  
 herbis ac gramine satiantur, porci glandi-  
 bus ac siliquis vescuntur; nec pretio-  
 siora sunt, quibus aliæ creaturæ nu-  
 triuntur, quæ si habeant contentæ sunt:  
 meus verò cibus cælestis est, & appe-  
 titus meus satiari non potest, nisi im-  
 mensa tua Maiestate. eius enim naturæ,



ciusque capacitatis animam meam creasti, vt nec cæli, nec terra queant illam adimplere.

O infelix ego homo, quid mundum diligo? quid honores ambio? quid diuitijs inhio? quid voluptatibus immergor? quid quæro quæ hodie sunt, & cras non inueniuntur? non satiant hæc glandes, non sapiunt istæ glumæ, & legumina hæc non nutriunt. Cognosce, ô anima mea, quæ sis, quem in vsum creata, quid quærere, & quibus delitijs debeas saturari. Solus Deus satiare te potest: reliqua omnia occupare te possunt, satiare non possunt. Hunc quære, hic sponsus tuus, hic desideriorum tuorum quies, hic vltimus finis tuus. Agnosce, ô anima mea, dignitatem tuam; agnosce qualis creata sis. Rex cuius pulchritudinem sol & luna mirantur, cuius Maiestatem cæli reuerentur, & terrarum orbis adorant; cuius sapientia Angelorum chori illuminantur, cuius bonitate societas supernorum ciuium pascitur, ille te creauit, vt sis eius habitaculum, sedes & sanctum templum eius: ille in sinum tuum semetipsum infundere vult: ille capacitatis tuæ immensæ angulos omnes potest implere. Exurge, exurge, ô anima mea, Eccli.24  
occurre hospiti tanto; introduce eum cum gaudio in domum tuam, & dic; Qui creauit me, requieuit in tabernaculo meo.

Quam animæ meæ dignitatem cum intueor, Domine, non miror quod tanto amore illius inebriatus filius tuus vnigenitus sinum tuum deferens, virginis vterum non horruit; triginta tribus annis eam varijs laboribus & doloribus quæsiuit; animam suam pro ea dedit, & pretiosissimo sanguinis sui lytro captiuam redemit: sed meam potius miror ingratitude, vecordiam & stuporem, qui eandem animam redemptam, nunc denuò tam vili pretio terrimis Dæmonibus prostituere, & cum tam immundis bestijs fornicari malo, quàm in brachijs Redemptoris mei, qui speciosus est forma præ filiis hominum, cuius vbera meliora sunt vino, cuius nomen oleum est effusum, requiescere.

Psal. 44.  
Cant. I.

Corporis quod dedisti mihi fabricam cum intueor, tot inuenio beneficia tua, quot membra, quot sensus, quot venæ, quot nerui, quot fibræ in illo reperiuntur, quæ omnia incomparabilem tuam prædicant sapientiam & bonitatem: in cuius vnus corporis harmonia si semper philosopharer, nunquam mihi laudandi te materia esset defutura, nunquam dignas satis gratias tibi redderem, nunquam debita mea exsoluerem pro tot, tantisque beneficijs; quæ quanta sunt norunt ij, qui aliquorum membrorum vsu destituuntur, aut alia vitiosi corporis affectione laborant.

Immenſas igitur bonitati tuæ, ô plaſtes hominum, ago gratias, quòd me non cæcum, non claudum, non mutum, non monſtroſum, non maniacum, non epilepticum, aut quouis alio mentis vel corporis vitio deformem creasti; ſed animum ſanum in corpore ſano dedisti: da etiam, ne vnquam membrīs, ſenſibus aut animæ meæ potentijs in nominis tui contemptum aut vituperium abutar.

Cæterum, ô Domine, multa adhuc deſunt mihi: nihil enim ſtatim à non eſſe ad perfectum eſſe deducitur: ſed omnia quibuſdam quaſi gradibus ad ſuam perfectionem tendunt. Ea autem perfectio à quo petenda eſt, niſi ab eo, cuius operis eſt initium? Hinc omnes effectus ad ſuas cauſas conuertuntur, vt ab ijs vltimas ſuas accipiant perfectiones, à quibus principium ſuum acceperunt. Sic video, Domine, plantas laborare, & ſe in omnem partem torquere, vt Solem aſpiciant, & radices in terram mittant: piſces aqua non exeunt, & pullus vix ouo excluſus, ſub alis gallinæ ſeſe abſcondit, eamque ſequitur quocunq; ierit. Hoc cum faciant omnes creaturæ, in quibus non eſt intellectus, ſolus ego non facio, quem tamen ratione præditum creasti. Multa mihi deeſſe, multaque obeſſe quotidie ſentio, & inordinata atque inſatiabilis appetituum meorum fames edocet me.



Sed ego tanquam columba non habens cor, non ad Creatorem meum, sed ad creaturas recurro: non aquam ex fonte peto, sed cisternas mihi fodio, terræ inhio, & cum qui terram fecit, contemno. Vitam quæro in regione mortis, & requiescere volo in rebus inquietis; à creaturis emendicare volo, quod à Creatore petere debeo.

Psal. 118.

Oro igitur bonitatem tuam, ô misericors Pater & Conditor mi, tolle hanc ignorantiam à me, conuerte me ad te, & conuertar: imperfectum meum vident oculi tui, tu me fecisti, tu perface: tu opus hoc cœpisti, tu cœptum absolue. Manus tuæ fecerunt me, da mihi intellectum, vt discam mandata tua: aures dedisti mihi, sed ad audiendum fabulas, quàm ad verbum tuum sunt attentiores: oculos dedisti mihi, sed proniores sunt ad curiosa contemplanda, quàm ad consideranda mirabilia de lege tua: manus dedisti mihi, sed ad opera bona facienda debiles sunt: pedes dedisti, sed veloces ad malum, tardi sunt ad bonum. Quid multis? non est sanitas in carne mea: perface Domine quod in me cœpisti, opus manuum tuarum ne despicias. Da quod deest mihi, quia Creator meus & Deus meus es: tu vita, tu salus, tu victus, tu copia, tu gloria, tu honor, tu pax, tu omnia bona mea es: sine te omnis copia mihi egestas est, qui viuus & regnas Deus per omnia secula seculorum. Amen.

II. GRATIARVM ACTIO,  
pro beneficio Conseruationis  
corporalis.

Gratias ago tibi summe, omnipo-  
tentissimæ, iustissimæ, & miseri-  
cordissimæ Domine Deus; non tantum  
quia creasti me, & cum non essem ad  
esse me produxisti: sed etiam quia me  
ex nihilo factum, ne in nihilum recide-  
rem, conseruasti, & quotidie conseruas:  
vtrumque enim opus tuum esse credo  
& confiteor, si enim manus tuæ clau-  
derentur, & ab officio hoc adiectum ocu-  
li cessarent, in nihilum (vnde me cre-  
asti) necessariò mihi esset relabendum.  
Quotquot igitur momenta & temporis  
puncta habuit, habet, & in posterum ha-  
bebit hæc vita mea, tot partes sunt huius  
beneficij.

Granat.  
ex lib 1.  
Ducis  
peccat. &  
ex Appē-  
dice 1.

Gratias ago tibi, ô pie Pater, quod à  
conceptione vsque ad natiuitatem me  
in vtero matris, strictissimo clausum  
lectulo, inscrutabili quodam modo con-  
seruasti: ne in visceribus maternis præ-  
focatus, fœtusque aut intempestiuè or-  
tus, aut in natiuitate strangulatus, sine  
baptismatis gratia in mundum prodie-  
rim. Gratias ago tibi, quod natus sum  
non inter barbaros, & idololatrias, qui  
ligna colunt, & lapides adorant: non  
inter hæreticos, qui nomen & sacro-  
sancta tua Sacramenta blasphemant;  
sed inter Catholicos, qui te vera, sin-

cera & pura fide venerantur atque inuocant.

Gratias ago tibi, quòd natum me, uiuentemque in hoc mundo tot laqueis & periculis pleno, ab omni infortunio & improuisa morte conseruasti. Cum enim me uiuente tot homines in mari suffocati, igne consumpti, in bello occisi, à latronibus iugulati, bestiarum dentibus laniati, hiatibus terræ absorpti, fame necati, siti extincti, calore exusti, frigore perempti, veneno corrupti, laqueo strangulati, ferro trucidati, aut alia repentina morte abrepti sint: cum interea tot cæci, claudi, rabidi, arquati, dysenterici, lienosi, maniaci, furiosi, lunatici, & caduci effecti sint, quorum vita morte miserior est; tua me Domine paterna prouidentia ab omnibus his malis defendit: cum tamen illis nihil acciderit, quod non & mihi, filio Adæ, ex eadem perditionis massa creato, in eodemque originali peccato concepto, & genito, accidere potuisset, nisi tu me conseruasses. Tuæ hæc omnia gratiæ debeo, tibi hæc accepta fero. Si rex & dominus meus terrenus ex decem captiuis, eidem crimini obnoxiijs, nouem in crucem egisset, me autem ex pura gratia liberum dimitteret, quas illi gratiarum actiones referrem? id autem tu Domine fecisti mihi non semel, sed quotidie, & quidem singulis momentis

Quid



Quid igitur pro his omnibus retribuam tibi Domine? quas laudes tibi canam? quas referam gratiarum actiones? Dicam cum Propheta; Misericordiæ Domini, quia non sumus consumpti, quia non defecerunt miserationes eius.

Thren 3.

Sed corpus dedisti nobis multarum rerum indigum, quæ nisi adsint, facile corrumpitur & perit: vt autem adessent, singulari tua prouidentia disposuisti. Vt enim nos propter temetipsum, sic omnia propter nos creasti: quicquid enim in terra, in aquis, in aëre, in igne, in sphaeris cælestibus, imò in ipso Empyreo cælo creatum est, id omne in obsequium nostrum creasti: omnes creaturæ ministri nostri sunt. Constituisti namque hominem super opera manuum tuarum, Subiecisti omnia sub pedibus eius, &c. Mihi frondes & fructus producunt arbores, mihi floret vinea, mihi pinguescit olea, mihi germinat hortus, & omnis agri plenitudo mea est: mihi terra mittit aurum, argentum, & varia vñbus humanis commoda mineralia. Mihi fluit & refluit mare, mihi pisces varios generat, mihi vela nauesque portat. Mihi scaturiunt fontes, mihi labuntur flumina; oues, boues, & pecora campi pascuntur, pelles, lanasque, lac & butyrum proferunt, mihi canis venaticus ungulas & dentes, mihi monoceros producit cornua. Mihi canit ficedula,

Psal. 8.

mihi pauo versiculores pennas explicat. Quid multis? nihil in aqua, terra & aëre est, mouetur, aut viuit, quod non aut pascit me, aut recreat me, aut medetur mihi: ita vt totus hic mundus inferior non sit aliud, quàm penuarium meum, viridarium meum, & pharmacopolium meum.

Si supra elementarem mundum ascendam, quot & quanta sunt illic Domine magnalia, quæ fecisti mihi? Luna, Sol, stellæ cui lucent, nisi mihi? cuius in vsum suas in hæc inferiora mittunt influentias, nisi in meum? cui annorum, mensium & dierum tempora variant & dimetiuntur, nisi mihi? Ascendam altius, nobilissimos & purissimos illos Angelicos spiritus, qui tibi ministrant, & tibi assunt, etiam meos esse ministros voluisti, vt me à visibilibus & inuisibilibus inimicorum insidijs defendant, suis suggestionibus ad omne bonum inducant, mihi in tribulationibus succurrant, orationes meas tibi offerant, & animam meam ex hac vita emigrantem, in conspectum tuum deferant.

Exurge nunc anima mea, exurge, numenta si poteris singula hæc beneficia, quibus te quotidie peccantem prosequi non cessat Deus. Omnia hæc & singula voces quædam sunt, ad laudandum munificum hunc benefactorem inuitantes: non audis, non cognoscis, quis il-

le fit, qui se tot argumentis tibi insinuat? tot testimonijs cognitum facit? tot muneribus ad se trahit? tanti te fecit, vt omnia tuum in vsum condiderit? qui gregis tui factus est pastor? familiæ tuæ dispensator? corporis & animæ tuæ medicus? Non amabis hunc? non seruias huic? non ages gratias? non laudabis?

Laudare te Domine, & ex totis præcordijs tibi gratias agere cupio: sed in me vnde id possim non inuenio: non enim Eccli 15.  
est laus pulchra in ore peccatoris. Cæterum quia omnia creasti in vsum & obsequium meum, omnes creaturas inuocabo, vt mecum communem Dominum collaudent, & dicam:

Benedicite mecum omnia opera Domini Domino, laudate & superexaltate eum in secula. Benedicite Angeli Domini Domino, benedicite cæli Domino. Benedicite aquæ omnes quæ super cælos sunt Domino, benedicite omnes virtutes Domini Domino. Benedicite sol & luna Domino, benedicite stellæ cæli Domino. Benedicite imber & ros Domino, benedicite omnes spiritus Dei Domino. Benedicite ignis & æstus Domino, benedicite frigus & æstus Domino. Benedicite ros & pruina Domino, benedicite gelu & frigus Domino. Benedicite glacies & niues Domino, benedicite noctes & dies Domino, laudate & superexaltate eum in secula. Be-

Canticum  
triū puerorum,  
Dan. 3.  
Integrū  
est, si post  
singulas  
benedictiones  
addideris, Lau-  
date &  
superexaltate eū  
in secula.



nedicite lux & tenebræ Domino, benedicite fulgura & nubes Domino. Benedicat terra Dominum, benedicite montes & colles Domino. Benedicite vniuersa germinantia in terra Domino, benedicite fontes Domino. Benedicite maria & flumina Domino, benedicite cete & omnia quæ mouentur in aquis Domino. Benedicite omnes volucres cæli Domino, benedicite omnes bestię & pecora Domino. Benedicite filij hominum Domino, benedicat Israel Dominum. Benedicite sacerdotes Domini Domino, benedicite serui Domini Domino. Benedicite spiritus & animæ iustorum Domino, benedicite sancti & humiles corde Domino: laudate & superexaltate eum in secula. Benedicite omnes religiosi Domino Deo Deorum, laudate & confitemini ei, quia in omnia secula misericordia eius. Amen.

III. GRATIARVM ACTIO,  
*pro beneficio Redemptionis.*

Ex pri-  
mo Ad-  
iuncto  
seu Ap-  
pendice  
Memo-  
rialis.

**G**Ratias ago labijs, & corde, & omni qua valeo virtute, infinitæ misericordiæ tuæ, Domine Deus noster, quod me ad imaginem atque similitudinem tuam creatum, & in primis parentibus lapsum, atque perditum, non in perpetuum, vt superbientem Angelum à facie tua exulare voluisti; sed & pro ineffabili tua bonitate me redemisti. Quia me

fecisti

fecisti Domine, debeo tibi meipsum; quia verò me redemisti, deberem tibi plus quàm memetipsum, si haberem. Nihil enim prodesset nasci; nisi redimi profuisset.

Cùm autem nobis non moriendo succurrere potuisses, moriendo tamen idipsum efficere voluisti, vt vim dilectionis tuæ nobis ostenderes; minùs enim amasses, nisi quod à nobis tolleres, ad tempus sustinuisses. Tanto autem digniùs à nobis honorandus es, quanto indigniora pro nobis suscepisti. Quis enim es tu qui pateris? quæ & qualia pateris? pro quo pateris? & cur pateris? Dic mihi Domine, vt mirabile opus hoc & incomparabile beneficium suo pondere queam trutinare.

Quid igitur dicam, ô Deus meus, esse te? Dicam quod tu ipse dixisti, olim Exod. 3. Moyse, Es qui es. Tu es ens infinitum, quod à nemine, præterquam à temetipso, procedit: & extra te non est ens, habens esse à semetipso; sed à te solo, qui es principium & fons omnis essentia. Tu tua omnipotentia fecisti omnia de nihilo: tu tua bonitate conseruas omnia sine alicuius auxilio. Tu tua voluntate ( si placeret ) omnia redigeres in nihilum. Tu solus es, qui es, & omne quod esse videtur, nihil est, si tecum conferatur. Luna non splendet & stellæ non sunt mundæ in tuo conspectu. Omnis pulchritudo tibi col-

lata deformitas, omnis potentia infirmitas, omnis sapientia ignorantia, & omnis bonitas est malitia Tu bonus es sine defectu; sapiens sine errore; liberalis sine exceptione personarum; iustus sine ira; munificus sine detrimento Tu omnia operaris, & non distraheris; semper operaris, & non fatigaris: vbique es, & nihil tibi deest.

Quid igitur de Maiestatibus tuæ magnitudine dicam? Tu respicis terram, & facis eam tremere: tu tangis montes, & fumigant. Tu conclusisti ostiis mare, quando erumpebat quasi de vulua procedens. Tu numeras multitudinem stellarum, & omnibus eis nomina vocas: quem Dominationes & Angelicæ potestates adorant; coram quo altissimi Seraphin contrahunt alas suas, & pennas se tegunt suis. Confitentur tibi omnia opera tua, & sancti tui benedicunt tibi. Te laudant astra matutina, & tibi iubilant omnes filij Dei. Cæli enarrant gloriam tuam, & splendorem tuum enunciat firmamentum Flores agri testantur tuam pulchritudinem, terra prouidentiam tuam, mare & fluctus eius tuam maiestatem prædicant.

Talis ac tantus es tu Domine. Eia nunc liceat mihi dicere, imò sentire potius, quæ & quàm indigna tu tantæ Maiestatibus Dominus pro me tulisti: Et dum hæc enumero, chori omnes Ange-



lici procidant ante te, & gratias agant  
tibi pro his quæ sustinuisti, vt nos redi-  
meres. Tu tam sublimis & admirabilis  
de summo fastigio tuæ gloriæ descen-  
disti in hanc lachrymarum vallem, in-  
carnatus & habitu inuentus, vt homo  
peccatis subditus. Tu in hoc mundo pro  
me famem & sitim, tu ardores solis &  
frigora, tu persecutiones & dolores, tu  
tantam pro me perpeffus es paupertatem,  
vt cum vulpes habeant foueas, & Luc. 9.  
volucres cæli nidos suos, tu cæli Domi-  
nus non habueris vbi caput reclinares.  
Natus in stabulo inter ipsas bestias, ab  
ijs calorem halitus emendicasti, & la-  
ceris panniculis inuolutus es: octauo  
die tesseram hominis peccatoris in car-  
ne tua suscepisti. Mox tibi mundus per-  
secutionem mouit, ad terras exoticas  
& gentem idolorum cultricem fugisti,  
& ad hoc noctis silentia quæsiuisti;  
non te ætatis innocentia excusauit, nec  
tenero corpusculo data est quies, nec  
otiosa fuit delicata pueritia. Crescen-  
te corpore creuere dolores & labores.  
Quis enim poterit explicare Domine  
tuas orationes, vigilias, ieiunia, lassitu-  
dines, famem, sitim, persecutiones, &  
iniurias tibi ab inimicis irrogatas? Ad- Psal. 68.  
uersum te loquebantur, qui sedebant  
in porta, & in te psallebant, qui bibe-  
bant vinum. Quid multis? tam indignis  
modis tua vita est exagitata, vt meri-  
tò dicere potueris per Prophetam; Pau-

per

Psal. 87.

per sum ego, & in laboribus à iuuentute mea.

Et hæc quidem in vita sustinuisti, maiora verò sunt, quæ in morte & in cruce perpeffus es. Ibi capta est libertas, percussa innocentia, sputis coinquinata pulchritudo, damnata iustitia, illusa gloria, mortua & crucifixa vita. Papè, quid mirabilius? quid horribilius? quid magis inauditum? Vita moritur, Deus flagellatur, potentia Dei funibus ligatur, imago Patris conspuitur, Deus denique nudus in crucem agitur, & inter duos latrones toto inspectante mundo suspenditur? Vterius anima mea progredi non potest, vires enervantur, & cor meum deficit in me. O altitudinem charitatis, ô profunditatem immensæ humilitatis, ô magnitudinem misericordiæ, ô abyssum incomprehensibilis bonitatis Si tanta tibi debeam, ô Domine, quia me redemisti, ecquid debebo tibi, quia modo tam admirabili, tibi que tam duro & arduo redemisti? O pijsime Pastor, ô fidelissime custos, qui animam tuam pro ouibus tuis, quas defendendas & custodiendas susceperas, posuisti; quibus ego muneribus tantum tuum beneficium remunerabo? quibus lachrymis planctum tuum prosequar? qua vita vitam puram & immaculatam tuam imitabor? Plus fanè Domine Iesu debeo iniurijs tuis, quibus redemptus sum, quàm operibus tuis, quibus creatus sum.

Quòd si hæc, Domine, pro Angelis & Archangelis, pro Cherubin aut Seraphin tolerasses, mirandum minus esset. Nunc autem non pro his, sed pro homine passus es. Et quid est homo, quòd memor es eius, & filius hominis, quòd hoc modo visitas eum? Si corpus consideres, homo animalium omnium est miserrimus; si mores, multò inferior & peior est. Ergone tu Deus moreris pro filiis Satanæ, omnis honestatis & iustitiæ corruptoribus, parricidis, & legis diuinæ præuaricatoribus? pro ingratis tibi tuisque beneficijs, pro tuæ voluntati immorigeris, tuæ maiestatis contemptoribus, tuæ gloriæ blasphemis? Ergone tu Deus moreris pro titione inferni, cuius cor beneficijs non capitur, minis non terretur, promissionibus non flectitur, & poenis non mouetur? Pro homine, qui contentus non est propria & domestica sua malitia, etiam terram circuit, deteriora quærit, bestiarum naturam induit, peior illis effectus: crudelior tigride, ferocior leone, voracior lupo, venenosior regulo, callidior serpente? Quæ cum non sufficiant ad inferos descendit, & à Dæmonibus detestabilia quæque mutuatur: blasphemiam, superbiam, inuidiam, & perpetuam cordis obdurationem? Cumque plura non inuenit, ipse sibi nefanda peccatorum monstra excogitat, species quasdam gulæ, luxuriæ, aliarum-

Psal. 8.

que



que turpitudinem, quæ nec inter bestias, nec inter Dæmones reperiuntur. Tu huiusmodi portentum dignum ducis Domine, vt aperiatis super illud oculos tuos? tu pro sentina hac & cauerna serpentibus, viperis & scorpionibus plena moreris, vt sanctifices illam? Deficit anima mea in considerando salutaris tuo Domine, & spiritus non est amplius in me.

Gen. 18.

Quia semel cœpi, loquar ad te Regem meum, & Deum meum, cum sim puluis & cinis: quid pium cor tuum commouit, quid vicit & expugnauit illud, vt tanta pro tam abominabili creatura patereris? Venabaris inde vtilitatem, expectabas gloriam aut beatitudinem maiorem, quàm habebas? O mea gratia, ô amor sine mercede, ô pura & sincera bonitas, quæ tibi vtilitas ex vnus formicæ obsequio? quis fructus ex salute hominis tibi erat expectandus? Bonorum nostrorum non eges. Quis dedit tibi, vt reddas ei? omnia quæ sub cælo sunt, tua sunt.

Psal. 15.

Iob 41.

Quid tibi ergo cum doloribus & miserijs nostris? Per viscera misericordiæ Dei nostri, visitasti nos Oriens ex alto. O pia viscera, ô dulcia viscera, ô viscera facta nobis pelagus amoris & misericordiæ. His visceribus, & non aut vtilitate, aut necessitate motus, nostris doloribus condoluisti, nostri misertus es: vidisti afflictionem populi tui, & appa-

Luc. 1.

ruiſti

ruisti in rubo inter spinas & tribulos, de  
cælo descendens, & nostram naturam  
assumens.

Ne quæso indigneris, Domine, si lo-  
quar. Si tanta vis amoris fuerit ô fons  
charitatis, vt te coëgerit ad connubia  
tua Maiestate indigna, vt accipere vo-  
lueris tibi sponfam ex creaturis tuis, an  
non erat sponsa in terra tua nobilior, &  
tibi cum gratia, tum natura propin-  
quior? cur descendere voluisti in ter-  
ram Philisthijm, qui incircuncisi sunt,  
atque ex ijs tibi sponfam petere? Cur  
non potius Angelicam naturam appre-  
hendisti? cur deperibas sponfam de gen-  
te incircuncisa, quæ te postea tradet ini-  
micis tuis, & occidet te? Quid respondes  
Domine mi? quid respondes, nisi; Hanc Iudic 14.  
volui, hæc placuit oculis meis, vt ille  
quondam respondit, qui te præfigurabat  
Samson?

Quas igitur gratias agam tibi Domi-  
ne pro beneficio hoc incomparabili?  
quo amore diligam te, qui mihi tam  
manifestum specimen incomprehen-  
sibilis tuæ bonitatis exhibuisti? Qui fie-  
ri potest, vt aliquis in mundo reperia-  
tur, qui non diligat te? qui tanti bene-  
ficij esse potest immemor? Prius obli-  
uiscar mei, ô Domine, quam memoria  
tanti beneficij mihi excidat. Clauis isti,  
qui manus tuas innocentissimas transie-  
runt, etiam cor meum transigant: &  
admirabilis illa permutatio, qua tu ma-

la mea

la mea suscepisti in te, & bona tua liberaliter effudisti in me, nunquam de mente mea recedat. Cumque tu toto vitæ tuæ curriculo desiderio magno desideraueris crucem, in qua moriturus eras pro me, da ut & ego quamdiu vixero à cruce non abhorream: sed eam cum patientia feram; donec me transferas ad locum illum, ubi mors ultra non erit, neque luctus, neque clamor, neque dolor: ubi tecum regnabimus in secula seculorum. Amen.

Apocal.  
21. 22.

**IIII. GRATIARVM ACTIO,**  
*pro beneficio Vocationis & Iustificationis.*

Ex appē-  
dice pri-  
ma.  
1 Pet. 2.  
Osee 1.

**G**Ratias ago tibi Domine **DEVS**, adiutor meus, & redemptor meus, qui me de tenebris vocasti in admirabile lumen tuum, ut qui eram non misericordiam consecutus, nunc misericordiam consecutus sim. Quo enim tempore degebam in terra obliuionis, & in regione umbræ mortis; cum via mea esset peruersissima, tibi quæ contraria, tunc tua pietas vocauit me, non solum fugientem, sed etiam repugnantem; tunc Spiritum sanctum dedisti mihi, & in filium tuum me adoptasti.

Gratiam, quam in baptismo accepi, nequiter abieci, stolam primam laceraui, & quasi filius prodigus omnem substantiam meam dissipavi: templum san-

ctum



ſtum tuum, quod ſanctificasti in me tibi, prophanauī, erigens in illo turpissimarum voluptatum idola, & varijs peccatis polluens illud. Fuit aliquando tempus, o Saluator mi, in quo tam cæcus fui, tam perditè vixi, quàm si legem non habuiſſem, & Deum eſſe nullum credidiſſem: non eram memor mortis; iudicij & futuræ vitæ non recordabar: lex, iuxta cuius præſcriptum viuebam, erant appetitus mei: ibam in adinventionibus meis, & ſecundum deſideria mea ambulabam.

Sic anni vitæ meę plurimi tranſierunt, quibus in tam denſis tenebris vixi, vt manibus inſtar Aegyptiacarum palpari potuerint. O quàm ſerò te cognoui æterna lux; quàm tardè oculos meos aperui, vt aſpicerem antiquam pulchritudinem tuam?

Toto hoc tempore obſeruasti me, ſuſtinuiſti me, expectaſti me, nolens quòd mors repentina me inuaderet. O altitudo iudiciorum tuorum, & magnitudo miſerationum tuarum. Quot homines interea in medio peccatorum ſuorum curſu ſubita morte abrepti ſunt, qui nunc miſerè torquentur in inferno: & ego, qui vnus ex illis eram, tua miſericordia protectus, & in hanc vſque horam ſeruatus ſum. Ah, quid actum fuiſſet de me, ſi illo tempore & me ad diſtictum tribunal tuum euocaſſes? quam ego rationem reddere potuiſſem

in ſta-

in statu tam periculoso? O misericordia mea, & redemptio mea, non minores pro hoc beneficio tibi ago gratias, quàm si me inter illos damnatos constitutum inde extraxisses, atque à tormentis perpetuis liberasses. Benedicta sit patientia tua, cuius beneficio viuo, & benedicta sit misericordia tua, quæ me tanto tempore defendit & custodiuit.

Neque solum cum ego peccabam, me custodiuiſti, sed non raro etiam me tanquam amicum tuum visitaſti, dulcibusque & secretis inspirationibus tuis me ad te vocaſti; obijciens mihi meorum peccatorum magnitudinem, huius vitæ breuitatem, alterius æternitatem; tuæ iustitiæ seueritatem, & misericordiæ benignitatem. In medio mearum iniquitatum illuxit mihi subinde præsentia tua tam efficaciter, vt perseveranti mihi in delicijs meis, & quærenti porrum, cepe & allia Aegyptiorum, vberrimas lachrymas excuſſeris. Ego peccabam, tu me à peccato reuocabas: ego fugiebam à te, tanquam parum eſſet mihi perdidisse te; & tu quærebas me, quasi plurimum tua interesset, inuenisse me. Sic multis annis luctando & reluctando viximus, tu benefaciendo, ego malefaciendo, & beneficia tua contemnendo. His vocibus vocabas me, his funiculis frustra me trahebas.

Tandem cum placuit tibi segregare

me,

me, & vocare per gratiam tuam, clamorem magnum in aures animæ meæ immisisti, quo veluti leonis rugitu à somno excitasti me, & à morte ad vitam reuocasti. Hæc est illa vox, quam tantopere prædicat amicus tuus Dauid, in virtute confringens cedros, intercidens flammam ignis, & concutiens commouensque desertum Cades: non enim minor est potentia, quàm misericordia, qua vti in hoc opere consueuisti, maxima namque misericordia est peccata remittere, & potentia maxima peccatores iustos facere.

Psal. 28.

O quot & quanta sunt beneficia, quæ pariter cum hoc vno in nos effunduntur; hîc datur peccatorum venia, datur gratia, datur charitas cum cæteris virtutibus affeculis: dantur denique sancti Spiritus dona atque charismata. Hîc peccator tibi reconciliatur, ex inimico amicus, ex mancipio Diaboli filius tuus, & hæres fit regni tui. Hîc filius prodigus in domum patris recipitur; stola prima, annulus, calceamenta, cæteraque filij ornamenta hîc redantur.

Luc. 15.

Etsi certus esse nequeam Domine, odione an more dignus sim, spero tamen id, & omnino de bonitate tua confido: sed & conscientia mea mihi testatur, quòd iustificationis gratiæ particeps sum: quare me tibi debitorem, & quidem maximum agnosco. Bene-

Eccles. 9

dictus



dictus itaque sis Domine liberalissime, dator omnis boni, imò tuijpsius: quia viuenti mihi perditissimè dedisti Spiritum sanctum tuum, nutrimum, magistrum, tutorem, gubernatorem, consolatorem, & omne bonum meum: ille mihi est diploma adoptionis, arrha matrimonij, & pignus vitæ sempiternæ. Benedictus sit dies ille, in quo talis hospes animam meam ingressus est, & benedicta hora, in qua ad recipiendum illum portæ voluntatis meæ apertæ sunt. Ille dies mihi solennis fuit, illo die ex Aegypto profectus sum. Ille dies mihi natalis fuit, in quo filius Dei regeneratus sum. Ille Paschalis, in quo à morte ad vitam resuscitatus. Ille Pentecostalis, in quo Spiritum sanctum accepi.

Iob 3.  
Luc. 13.

Maledicat Iob diei natiuitatis suæ, ego huic benedicam. Hic est ille dies, in quo lætati sunt Angeli de conuersione peccatoris, in quo exultauit mulier ob inuentum drachma, in quo vicinos conuocauit gaudens pastor ab ouem inuentam, in quo ululant Dæmones ob prædam amissam. Hic est ille dies, in quo tu Pater me filium agnouisti, Filius verò tuus me fratrem suum; & Spiritus sanctus tuus me sibi templum consecrauit, & Angelorum chori me socium & conciuem suum salutârunt. Si hoc die exultauerint Angeli, & tibi Domine cantauerint, quî potuerunt tacere

labia mea? quomodo obmutescet lingua mea? quomodo os meum tua laude non replebitur? Quidquid Psalmi & Prophetæ cecinerunt de aduentu Redemptoris mei, id omne tibi cantabo Domine.

Magnum fuit beneficium tuum Domine, quòd me creasti, in eo enim me à non esse ad esse produxisti: sed multo maius est, quòd me iustificasti, in hoc enim me eripis ab esse culpæ, & adducis ad esse gratiæ. in illo factus sum filius hominis, in hoc filius Dei sum constitutus. Magnum est beneficium, quod expecto gloriæ; sed non minus est in suo genere hoc iustificationis. siquidem non minus est ex peccatore facere iustum, quàm ex iusto beatum, cum inter peccatum & gratiam maior, quàm inter gratiam & gloriam sit distantia. Magnum quoque, imò maximum est beneficium redemptionis: sed quid profuisset mihi redemptio, si non subsecuta fuisset vocatio & iustificatio? Agnosco igitur, ô Domine, beneficium iustificationis cardinem & clauem esse omnium aliorum, sine quo alia non modò non prosunt, sed maioris præbent damnationis materiam.

Sed, ô Domine, quid feceram tibi, vt hæc mihi retribueres? quid obsequi præstiti tibi, vt hanc mercedem mihi redderes? quid in me inuenisti tanto dignum honore & præmio? Nihil in

me erat à peccato immune: non te cognoscebam, non te amabam, non tibi seruebam, nec tui memineram: factus eram abyssus tenebrarum & iniquitatum. Non possum, Domine, non horrore concuti, quoties hæc recolo, nec aliam huius beneficij causam inuenio, quàm tuam bonitatem. Quot fuere sodales mei eiusdem ætatis, naturæ, & impietatis, quorum ego eram peruersissimus, me tamen assumpsisti, & illos repudiasti. in eadem captiuitate Aegyptiaca detinebamur, & me ad regalem mentem tuam admisisti, illos autem damnasti, & inferni vulturibus carnes eorum vorandas obiecisti.

Hæc cum recordor, Domine, spiritus amplius in me non est, & nescio quomodo laudabo te, aut quas tibi referam gratiarum actiones, pro bono tam incomparabili. Toto vitæ meæ tempore dicam, Domine, quid vidisti in me? Domine, quid vidisti in me? Domine, quid vidisti in me amplius, quàm in alijs, quos reprobasti? Vt quid me sic vocasti? sic me liberasti? sic me aspexisti? sic me suscepisti ( si modò susceperis ) relinquens tot in peccatis, qui minùs grant mali, quàm ego? Nescio quid dicam, nescio quid faciam, nescio quid retribuam tibi Domine pro omnibus quæ retribuisti mihi. Benedicam, cum Propheta, Domino in omni tempore: semper laus eius in ore meo dicam cum



codem Propheta: Diripuisti Domine  
vincula mea, tibi sacrificabo hostiam  
laudis, & nomen Domini inuocabo. Se-  
denti in throno, & Agno benedictio, & Apoc. 5.  
honor, & gloria, & potestas in secula se-  
culorum, Amen.

V. GRATIARVM ACTIO,

*pro beneficio Sacramentorum.*

**A** Terne Pater dilecti Filij tui Do- Ex lib. 7.  
mini nostri IESV Christi, quies Memo-  
conditor & Rex vniuersæ creaturæ tuæ, rialis.  
tibi gratias ago toto pectore, & omni  
qua valeo virtute, quod sine vilo meo  
merito præcedente, sola motus tua mi-  
sericordia dignatus es lauare me aqua  
illa, quæ de sanctissimo filij tui latere  
profluxit, eluens in baptismo omnes  
fordes animæ meæ, meque ab omnium  
inimicorum meorum, peccati, inferni,  
Dæmonis, & mortis tyrannide liberans;  
faciens me templum vitium & S. Tri-  
nitatis habitaculum; donans mihi spi-  
ritum adoptionis, per quem in nume-  
rum filiorum tuorum assumptus sum:  
dans insuper omnia ornamenta, quæ ad  
hanc dignitatem requiruntur; vt sunt  
gratiæ, virtutes infusæ, & dona Spiritus  
sancti, quibus anima mea vt sponsa ex-  
ornata pulchra in conspectu tuo appa-  
reret, munitaque fortitudinem nouam  
acciperet, qua deuicto generis huma-  
ni antiquo hoste triumpharet, & finem  
ad quem creata est, cælestis scilicet re-

gni beatitudinem, consequeretur.

Quid tibi, Domine, pro hoc beneficio retribuam? Quid dabo tibi pro eo, quòd in tanta multitudine Barbarorum, Infidelium, Turcarum, Maurorum & Ethnicorum, qui lapides, ligna & serpentes adorant, me Christianum esse voluisti? quodque me recepisti in gremium Ecclesiæ, in hereditatem domus tuæ, & in arcam veri Noë, ne cum cæteris in diluuiio infidelitatis perirem? Quot animas creasti Domine eo ipso die & momento, quo mea creata est, quarum quædam in Turciam, quædam in Indiam, nonnullæ in Barbariam, & aliæ in alias Infidelium terras missæ sunt: eadem profectò fors etiam animæ meæ obtingere potuisset: sed gratia tibi, & gloria, & laus, ô misericordissime Domine, qui non alibi voluisti funiculum meum cadere, quàm in Paradiso, in gremio Ecclesiæ, quæ est domus filiorum tuorum. Da mihi clementissime Pater, dignè in hac domo conuersari, ne tantum beneficium malè in me collocatum inueniatur, & in futuro seculo fors mea infidelium forte fiat deterior.

Pater sancte, benedico ineffabile nomen tuum in æternum, & glorifico te labijs & toto corde meo, quòd non semel tantum me in sanguine dilecti Filij tui abluisi; sed quòd lateris illius sanctissimi fontem mihi semper offers

apertum & scaturientem, vt immergat in illo, & animam meam, quotiescunque peccauero, in eo lotam emaculem. Quid enim aliud est Sacramentum Confessionis, nisi fons limpidissimus, ad eluendas nostras maculas indefinenter fluens? medicina præsentissima, ad sanandas nostras infirmitates instituta? mediumque efficacissimum, per quod tibi æterno Patri sanguine Filij tui intercedente reconciliamur? Ego peccaueram, & damnatio mihi erat proxima: Filius verò tuus misertus mei peccata mea in se recepit, flagellaque & sententiam, quæ me manebat, sustinuit, & in virtute illius satisfactionis Sacerdoti mandauit, vt me ab æterna pœna absoluat. Quò igitur corde, quo amore, quibus oculis Vnigenitum Filium tuum intuebor, qui tanta fecit, tanta & talia passus est pro me? & quid non æquum est vt sustineam vicissim pro illo? Si quotidie oportet me tormenta perferre, si ipsam gehennam longo tempore tolerare, nil dignum tanto beneficio rependerem.

Non minores tibi gratias ago dulcissime Domine IES V Christe amator hominum ardentissime, pro Communionis Sacramenti institutione: est enim hoc Sacramentum Sacramento, mysterium mysteriorum, beneficium beneficiorum, & mirabilium tuorum memoria. Hoc est Sacramentum



gratiæ, charitatis, amoris, vnionis, deuotionis, remissionis, & omnium bonorum hîc homo visitatur à Deo; hîc honoratur diuina præsentia; hîc templum viuum corporis Christi efficitur; hîc gratia datur in maxima abundantia; hîc suauitas diuina in proprio fonte gustatur; hîc diuini amoris ardor accenditur; hîc anima verum & legitimum Sponsum suum amplectitur, ex quo mirabili delectatione perfunditur. O quod gaudium, quæ voluptas, quæ dulcedo, quæ vitæ suauitas in anima iusti reperitur in illa hora, qua tremendum hoc & adorandum Corporis tui. Ô melliflue I E S V, Sacramentum sumitur? Nihil auditur in ea tunc aliud, quàm dulce melos hominis interioris, piorum desideriorum suspiria, suauissima gratiarum actionum cantica, & amantissimi sponsi epicedia, amatoriaque carmina.

Hoc Sacramentum reliquisti nobis Domine, vt sit viaticum, quo cum ad cælum est proficiscendum: vt panis sit, qui confortet cor eorum, qui laborant in vinea Domini: vt sit tuæ charitatis testimonium, miseriarum nostrarum refocillatio, gratiæ diuinæ canalis, pignus æternæ salutis, & thesaurus omnium Christianorum incomparabilis. Hîc renouantur bona proposita; hîc reuirescunt bona desideria; hîc crescit deuotio; hîc lachrymarum fontes aperi-

untur;

untur; hęc anima mea te, Chrifte, pascitur, qui proprium meum es alimentum, summumque bonum, quo frui possum in hoc seculo.

Talia sunt Domine dona tua, talia sunt charismata & beneficia tua, quę in his tribus Sacramentis nobis conferre soles: pro quibus, vti & pro alijs quatuor, si tibi gratias dignas acturus essem, tota esset in eo vno vita hęc consumenda, vt nulla de alia re conueniret me cogitare. Da igitur Domine non tam agere gratias tibi, quàm habere; hoc est, benignitatis ac munificentię tuę erga me continenter recordari, vt cum me non experiaris ingratum, pergās dona tua in me augere, quousque per hęc veniam ad te fontem bonorum omnium perennem, & totius beatitudinis, Amen.

# VI. GRATIARVM ACTIO,

*pro beneficio Conseruationis spiritalis in vita gratia.*

**T**E adoro, te laudo, te glorifico, tibi gratias ago, clementissime Pater, æterne DEVS, ex toto corde meo, pro vniuersis beneficijs tuis. Inprimis verò quòd me, quem nullis præcedentibus meritis meis vulneratum curasti, & inimicum tibi reconciliaſti, de captiuitate redemisti, de morte ad vitam reuocaſti, pro paterna tua cura in hoc felicissimo statu hactenus conseruaſti, &

adhuc tua gratia conseruas.

Tu solus es Domine, qui creasti me, & ex nihilo fecisti; & tu solus es, qui, quod creasti, conseruas: tu essentiam naturæ quam dedisti, ne pereat, benignè protegis. Tu solus, qui me per spiritum tuum in vitam gratiæ regenerasti; & tu solus, qui conseruas gratiam, quam contulisti. Per te è peccatis emergimus, per te conseruamur, ne in peccata recidamus. Si aliquando surrexerim, tu manum porrigebas: si nunc stetero, tu me tenes, ne cadam. Quotquot bona proposita concepi, quotquot pias inspirationes sensi, omnia sunt ex tuo beneficio. Quoties inimicum vici, quoties malas inclinationes, & peruersos meos appetitus refrænaui, tuum fuit beneficium. Si enim nemo possit dicere, Domine Iesu, nisi in Spiritu sancto, nec aliquod opus bonum facere, sine te, vti nec palmes fructum facere potest à vite resectus; certum est, si quis fructus ab hoc palmite productus sit, id beneficium esse vitis cui inhæret.

Si quando ieiunauerim, id à te est: si quid aduersi patienter tolerauerim, tu mihi opem tulisti: si quando propriam voluntatem abnegauerim, tibi id acceptum fero. Si pias subinde lachrymas fuderim, si orationem tibi acceptam fecerim, fateor Domine tuo feci adiutus subsidio. Fateor te omnia opera bona in me operatum esse. Pro omnibus

his



his gratias ago : omnia hæc beneficia ad eum, à quo prodierunt, cum gratiarum actione refero, vt postea fluant vberius : tot beneficiorum debitorem me agnosco, quot tibi, Domine, obsequia præstiti in hac vita, si quæ tamen præstiterim.

Quid dicam de occasionibus & opportunitatibus à te mihi ad bene viuendum oblati? quot concionatores misisti, qui me docerent? quot bonos confessarios mihi dedisti, qui me lapsum erigerent, à peccatis absoluerent, pijs monitis ad meliorem vitæ frugem adducerent? Quot bonos amicos, quot pios socios, quot bona exempla, quot deuotos libros mihi comparasti, quorum omnium ope ad bonum excitarer, & stimulus ad iustiores vitam adderetur? Magna hæc tua sunt beneficia, sed maiora tibi debet, qui etiam sine his profecit: beatus ille, quem tu erudieris Psal.93. Domine, & de lege tua docueris eum: tanto enim plus ille profecit, quanto tu melior es doctor, & magister alijs sapientior.

Sed quis poterit enumerare pericula & mala à quibus me liberaisti, ô benignissime custos hominum, in quæ sine te incidere potuissem? non est peccatum tam grande, quod vnquam fecit homo, quod non possit facere alter homo; si Creator desit, à quo factus est. Quapropter omnium hominum pec-

cata non immerito mea appellabo beneficia: in omnia namque illa impingere potuisssem, nisi infinita misericordia tua me conseruasset. Quot itaque peccandi occasiones me ad lapsum impellere potuissent (impellere namque Dauidem potuerunt) nisi tu Domine abstulisses eas, meam non ignorans infirmitatem? Non omnes hæc beneficia tua agnoscunt, ego verò per tuam gratiam agnosco atque exosculor. Quoties, ô pie pater, hac mecum vsus es misericordia? Quoties inimici manus ligasti, ne me tentare posset: aut si tentaret, tamen non superaret? Quoties antiquum illum serpentem incantasti, vt licet inter vipers & basiliscos ambula-rem, mihi tamen nocere non possent? Quoties mecum per aquam, & ignem transijisti, ne aut flamma me combureret, aut aqua suffocaret? Quoties in medio seruorum mundi huius flammam fornacis Babylonicæ Spiritus sancti rore temperasti, & refrigerasti, ne me consumeret? Quoties æquissima cum ratione dicere potui illud Propheticum; Impulsus sum, euersus sum, vt caderem, & Dominus suscepit me? Si quando steterim, per te steti: si ceciderim, per me cecidi, & tu manum tuam supponebas, ne colliderer: sed & semper in luto iacuissem, nisi tu me erexisses: semper cæcus fuisssem, nisi tu me illuminasses. Secundum igitur multitudi-

Psal. 117.

Psal. 93.

nem

nem dolorum meorum in corde meo,  
consolationes tuæ lætificauerunt ani-  
mam meam.

Quoties ô Domine peccata mea me-  
ruerunt iram tuam? quoties meritò po-  
tuisses à me manum tuam auferre, sic-  
ut ab alijs minùs me ingratis abstu-  
listi, misertus tamen es mei, & non  
secundum iniquitates meas fecisti mi-  
hi? Superbus fui, inani gloria tumidus,  
mihi gloriam quæ tibi debebatur tri-  
bui, ideoque dignus qui gratia tua exci-  
derem. Ingratus fui, tua beneficia non  
agnoui, naturæ tribui, quod naturæ de-  
bebatur auctori, nec debitas tibi gratia-  
rum actiones retuli. Negligens & igna-  
uus fui in his, quæ ad salutem meam  
pertinent: ideoque merui, vt talentum  
meum à me iamdudum ablatum fuif-  
set. In amandis periculis fui temera-  
rius, dignus igitur qui in illa incidissem.  
Dignus, inquam, Domine sum, qui ob  
hæc & similia multa iamdudum à te  
desertus & repudiatus essem, vt culpa  
posterioris peccati pœna fuisset prior-  
is: sed tua patientia tanta fuit, vt dis-  
solutæ vitæ meæ turpitudinem dissi-  
mulaueris, & ad meas infirmitates o-  
culos tuos occluseris. Vsq̃ue huc tanta  
me cum pietate sustinuisti, & noluisti,  
vt tuum mihi vsquam deesset auxi-  
lium. Oro te Domine, quod incepisti  
in me perfice; dignare in me non solum  
custodire, sed etiam augere munera &



beneficia tua, quæ ipse mihi dare dignatus es: perge Domine in hac vita spiritali me innocentem custodire, & ne deseras me, sicut nec hactenus defuisti.

Dolores conscientiaë meæ, Domine, quibus exagitarer, si me repudiasses, nunc lætus mente, lætus & spiritu in gratiarum actiones & laudum voces conuerto, dicens cum amico tuo: Convertere anima mea in requiem tuam, quia Dominus benefecit tibi. Quia eripuit animam meam de morte, oculos meos à lachrymis, pedes meos à lapsu. Pro his omnibus beneficijs tuis gratias agimus tibi Domine Deus noster omnipotens, qui es, & qui eras, & qui venturus es, quia magna & mirabilia sunt opera tua, iustæ & veræ sunt viæ tuæ, Domine Rex seculorum, Amen.

VII. GENERALIS GRATIARUM actio, ad Iesum filium  
Mariæ.

Granat.  
lib. 5. Memorial.

**A**GO tibi gratias dulcissime IESV, quia me creasti ad tuam imaginem & similitudinem, quia mihi corpus hoc dedisti, cum omnibus suis sensibus, & quia hanc illi animam infudisti, cum omnibus suis potentijs, ut cum ijs, & per eas te cognoscam & diligam. Da mihi gratiam Domine, ita tibi Creatori & patri meo cælesti seruiendi, ut mortificatis omnibus passionibus &

affectio-

affectionibus meis vitiosis, reformetur in me imago tua, quam tu creasti, & ego tibi in vitæ meæ innocentia similis efficiar.

Ago tibi gratias benignissimi me IESV, pro beneficio conseruationis: quia idem ipse tu, qui me creasti in ista essentia, quam dedisti, me conseruas: sed & gratias insuper ago, quia ad eandem conseruationem creasti omnia, quæ in mundo reperiuntur; cælum, terram, mare, Solem, Lunam, stellas, animalia, pisces, aues, arbores; denique & omnes alias creaturas, quarum quasdam creasti ad me conseruandum, quasdam ad me sanandum, aliquas ad me recreandum, nonnullas ad me docendum, reliquas ad me castigandum. Oro te Domine, da mihi gratiam, vt sic omnibus vtar creaturis in hoc mundo, quemadmodum oportet, & in eum finem, in quem tu eas condidisti; hoc est, vt per illas veniam in cognitionem veri mei Dei ac Domini, vt ex ijs admiratio quædam in corde meo excitetur, & amor sancti nominis tui accendatur.

Ago tibi gratias Domine IESV, pro beneficio redemptionis; hoc est, pro incomprehensibili illa bonitate, & pro summa illa misericordia, qua in me perditum vsus es: pro ardentissima quoque illa charitate, qua me redemisti, descendens in terram, vt ego ascenderem in cælum: factus homo, vt me faceres

Deum: passus mortem acerbissimam, vt ego vitam haberem beatissimam. Ago tibi gratias pro incarnationis tuæ humilitate, pro natiuitatis tuæ paupertate, pro sanguine circumcisionis, pro fuga in Aegyptum, pro ieiunio in deserto, pro vigilijs in orationibus, pro sapientia in doctrina, pro integritate in exemplis, pro egestate denique & humilitate totius vitæ tuæ sanctissimæ. Ago tibi gratias pro oratione in horto, pro sudore sanguineo, pro tua captiuitate, pro alapis, pro sputis, pro blasphemijs, pro flagellis, pro corona spinea, pro veste purpurea, pro conuitijs, pro felle, pro aceto, pro clauis, pro lancea, pro cruce, & pro morte, quam, vt me redimeres, & saluum faceres, sustinuiſti.

Ago tibi gratias, ô clementissime IESV, quod iam inde ab incunabulis in gremium Ecclesiæ tuæ me recepisti, in fide Catholica me educaſti, Christianum me fecisti, animum & corpus meum pretiosissimo corporis & sanguinis tui cibo & potu sustentasti, atque conseruaſti. Oro pietatem tuam, concede mihi, vt tu solus sis suauissimus cordis mei cibus, & anima mea semper te ſuiat fontem aquæ viuæ, vt perfecto huius peregrinationis cursu, in tua beatitudine liceat mihi gaudere, & gustare de exundanti flumine deliciarum tuarum, quod procedit de te,

qui



qui fons es vitæ & bonorum omnium.

Ago tibi gratias amantissime I E S V, qui vsque in præsentem diem sine mea prudentia me liberaſti à multis & maximis periculis, tam animæ quàm corporis, cum interim dignus eſſem à te negligi, & omnino reprobari.

Ago tibi gratias, quòd cùm ſopitus, ſepultusque in peccatorum meorum ſtercoribus iacebam, me tanta cum patientia expectaſti ad poenitentiam, non obſtante, quòd toties te offendi, & ſanctis tuis inſpirationibus reſtiti. Largire mihi Domine, vt in poſterum te ſequar humili cum affectione, cumque omni promptitudine & obedientia diuinas tuas inſpirationes obſeruem, ijsque morem geram, & omnium viſibilium amorem ex corde meo expellam, vt totus tuæ ſeruituti emancipatus in poſterum nunquam à te diuellar.

Ago tibi gratias, ô bone I E S V, quòd præter omnia beneficia hæc pro ſalute mea, & in remedium omnium vulnorum meorum tot & tam admiranda inſtituiſti Sacramenta, & tot ſanctis inſpirationibus me viſitaſti Denique gratias ago tibi pro beatitudine gloriæ, quam mihi præparaſti, & qua tuo beneficio fruam in æternum, ſi me meis criminibus indignum illa non fecero.

Hæc ſunt Domine beneficia communia, quorum ego haſtenus memini, plurima ſunt alia, quorum memoriam non

habeo,

habeo, & quæ mihi incognita sunt & occulta; pro quibus non minores tibi debeo gratias, quàm pro nunc commemoratis. Imò tanto maiores, quanto manifestius in ijs tuæ cognoscitur bonitatis magnitudo: quia quo tempore ego dormiebam, tu vigilabas ad defendendum me à mille periculis, & infinitis me gratijs onerandum. Quemadmodum igitur æquum, imò necessarium est, vt à te peram remissionem non tantum peccatorum eorum, quæ mihi nota sunt; sed & eorum quæ sunt incognita: sic etiam æquum & necessarium est, vt tibi gratias agam, quas possum maximas, non tantum pro beneficijs manifestis & cognitis; sed & pro ijs, quæ mihi occulta sunt & ignota: ideoque te, ô beneficentissime IESV, adoro, te laudo, tibi pro omnibus, & in omnibus benedico. Da mihi Redemptor mi, vt sic omnibus his beneficijs imposterum vtî & frui assuescam, ne sint mihi occasiones vel superbiæ, vel ignauix; sed maioris humilitatis & gratitudinis: vtque maius in me cultus tui desiderium accendant, qui viuus & regnas cum Deo Patre in vnitæte Spiritus sancti Deus, per omnia secula seculorum, Amen.

(:)

CAPVT DECIMVM,  
CONTINENS PRECA-  
TIONES CATHOLICAS ET

Christianas, ad sanctissimam Deipa-  
ram & Virginem Mariam,  
aliosque cælestis pa-  
triæ ciues.

ROSARIVM B. MARIAE  
*Virginis.*

PRAEFATIO IN SE-  
quens Rosarium.

**I**udovicus Granatensis, candi-  
de Lector, postquam in quin-  
to suo Memorialis vite Chri-  
stiana libro modum orandi  
tradidisset, diuersorum argumentorum o-  
rationes subiunxit: inter alias quoque se-  
ptem deuotissimas ad B. Mariam Virgi-  
nem, quæ cum propemodum Rosarij for-  
mam referebant, & homines plerique B.  
Mariæ deuotiores eam sæpe Rosario saluta-  
re consueuerint, nos eas orationes resolu-  
imus, & paucis interiectis, absolutum ex  
ijs Rosarium confecimus.

**S**alue sanctissima Virgo Maria, quæ à  
Deo in Matrem electa es ante omnia  
secula. Tu es illa beata mulier, de qua  
Rex cæli & terræ, vt genus humanum

redi-



redimeret, carnem assumere voluit. Tu es illa pia Mediatrix inter Deum & hominem, cuius intercessione cælum terræ iungitur; quæque alta sunt & sublimia, humilibus conglutinantur. Tu es dux vitæ nostræ, tu porta diuinæ gratiæ, tu maris mundi huius procellosi portus es securissimus. Obsecro te mea Domina, vt peccatorum meorum remissionem, gratiamque impetres, vt ex toto corde meo diligam in posterum, & honorem Filium tuum, Dominum nostrum, vnâ cum te misericordiarum genitrice. Aue Maria.

2. Salue Maria, quæ cum intimo cordis desiderio tot seculis ab antiquis illis patribus es expectata: diuersis typis & figuris adumbrata, necnon & manifestis prophetijs, oraculis, & reuelationibus promissa. Recipe me gloriosa Virgo in famulum tuum: da vt & ego sim in numero eorum, quos tu amas, & in tuo castissimo pectore adscriptos habes, quos tu doces, dirigis & defendis in omni eorum necessitate Aue Maria.

3. Salue Maria, quæ in vtero matris tuæ ad stuporem vsque speciosa facta es, à summo Deo illo, qui te omni perfectionum & gratiarum genere adornauit. O Virgo generosa, Virgo candida, electa ex millibus, ne me repellas Domina, ne reprobis inueniar; sed potius audi me miserum ad te clamantem, & pauperem te quærentem adiuuâ, qui

spem meam in te collocaui. Aue Maria.

Salue Maria, cuius natiuitas tanto opere desiderata, & tam diu ab omnibus gentibus expectata, noua luce, nouoque gaudio mundum vniuersum exhilarauit. O innocentissima Virgo, fac me innocentem, & tolle à me quidquid purissimis oculis tuis in me displicet. Esto mihi misericors, quia ab ipsis incunabulis creuit tecum misericordia. Aue Maria.

Salue Maria, in quam Deus omnem pulchritudinem corporalem, omnemque gratiam spiritualem copiose infudit, qua cum te gratam fecit omni populo Christiano. O Virgo gratiosissima pariter & formosissima, oro te, vt intercessione tua anima mea donis spiritualibus ornetur: infere in cor meum viuum castitatis & puritatis affectum, vt in omni re tibi placeam, tuusque sim famulus, atque viarum tuarum imitator. Aue Maria.

Salue Maria, quæ à sanctissimis parentibus tuis in templum deducta, Domino es præsentata, eiusque cultui atque ministerio consecrata; vbi vitam vixisti angelicam, in omnibus pia, beneplacens, grata & accepta Domino. Da mihi, vt sentiam in me sanctissimæ conuersationis tuæ odorem, vt ita per omnia viuam, ne (quantum fieri potest) aliquo modo displiceam, aut molestus sim alicui hominum: nullum

offen-

offendam, nulli sim scandalo; sed omnes in me consolationem inueniant, & ad amorem Dei, mundique contemptum per me prouocentur. Aue Maria.

7. Salue Maria Virgo, & omnium virginum antesignana, quæ te totam Deo consecrans inusitato exemplo, hilari animo, & deliberata voluntate virginitatem vouisti. Tu vera imago es castitatis & puritatis, cuius castissima & sanctissima conuersatio cælesti quodam lumine videntium te corda penetrabat, in ijsque viuum amorem puritatis & castitatis generabat. Oro te, vt à Filio tuo mihi impetres veram animæ & corporis puritatem, vt me nulla turpitudine libidinis iniquet; nullum me vitium possideat; nulli delectationi sensuali assensum præbeam: sed spretis omnibus blanditijs & cupiditatibus carnis, omnis mea voluptas in vnico tuo Filio semper benedicto conquiescat. Aue Maria.

8. Salue Maria, quæ in sacris tuis studijs & contemplationum exercitijs à Deo sic inflammari meruisti, vt frequentissimas consolationes Angelorum ministerio perceperis, gaudioque admirabili conscientie puritatis perfusa sis. Intercede pro me, vt detur mihi amor silentij & quietis, cum iugi desiderio incumbendi meditationibus, orationibus, lectionibus, alijsque exercitijs



spiritualibus; idque cum animæ meæ sinceritate & tranquillitate hæc mea cura, hoc meum sit studium, quamdiu habitabo miser in hoc carnis ergastulo. Aue Maria

Salue Maria, quæ cum esses virgo, consilio & dispensatione diuina virgini sponso Iosepho desponsata es; ne patiare quæso beatissima Virgo & mater, vt vnquam à te discedam: sed oculis tuis benignissimis me semper obserua. Quæadmodum enim quem tu iratis oculis intueris, non potest semper viuere: sic ille quem tu benigno vultu aspicias, non potest perpetuo perire. Accipe quæso animam tui amantem, & serua in te sperantem. Esto mihi semper pia, vt te mediatrice gratiam inueniam apud eundem Dominum, qui te matrem elegit. Aue Maria.

Salue Maria, quæ in medio profundissimarum tuarum contemplationum ab Angelo Gabriele humiliter es salutata, dum in cubiculo sedes diuinis meditationibus intenta, vbi ab eodem edocta diuinorum mysteriorum facta es particeps. Vtinam omne gaudium meum in te sæpe salutando, tibi que continuum obsequium deferendo consisteret. Vtinam tribuat mihi Dominus, ne quid inueniatur in me, quod oculos tuos offendant, oculos, inquam, tuos Angelorum oculis puriores. Pater noster. Aue Maria.

Sal-

9.

10.

11.

Salve Maria, quæ in castissimis tuis  
visceribus Filium DEI concepisti; o-  
bata & felix super omnes foeminas;  
dic mihi, quod gaudium, quam conso-  
lationem in cordis tui penetralibus sen-  
sisti, quanta dulcedine liquefacta est ani-  
ma tua in illa hora, qua viuentis aquæ  
vena, & principium omnis dulcedinis  
in sanctissimum thalamum tuum in-  
trauit, & purissimam carnem tuam in-  
duit? Laudo te, & glorifico te Virgo  
gloriosa; colo & veneror humillimè  
intemerata illa & intacta tua viscera,  
atque obsecro, vt donum puritatis in  
anima mea crescat & augeatur. Ave  
Maria.

12.

Salve Maria, quæ Regem gloriæ tuo  
clausum gerens vtero abiisti in monta-  
na Iudææ cum festinatione, & cognatam  
tuam Elizabetham visitasti. Veni quæso  
& visita quoque animam meam: conce-  
de propitia, vt cunctis diebus vitæ meæ  
fideliter tibi seruiam, teque ex toto cor-  
de diligam. Ave Maria.

13.

Salve Maria, purissima & delicatissi-  
ma Domina, quæ grauida cum Ioseph  
sponso tuo à Galilææ ciuitate Nazareth,  
in Iudæam ciuitatem Dauid profecta cæ-  
sum soluisti, quem omnes pendere iu-  
bebantur. Da mihi gratiam, vt patien-  
ter feram misérias huius exilij, semper-  
que cogitationes meas ad cæleste illud  
domicilium Bethleemiticum habeam e-  
leuatas: vbi verus ille panis vitæ IESVS

Chri-

Christus, nostra salus, inuenitur. Aue Maria.

Salue Maria, quæ exitinere fatigata, cum pariendi tempus venisset, locum in diuersorio, vbi quiesceres, non inuenisti: sed pro puerperij molli lectulo ad stabulum, omnibus ventis, aërisque procellis peruium diuertisti, in eoque Regem cæli, terræque Dominum peperisti. Oro te, vt in memoriam illius gaudij, quo in illa hora viscera tua exultârunt, animæ meæ inordinatos affectus modereris, nihil vt vitiosè diligam, nullum peccatum mihi dominetur; imò fac, vt tanquam hospes & peregrinus semper ad æternam illam ciuitatem anhelem, & in solo Deo requiem quæram atque inueniam. Aue Maria.

Salue Maria, quæ sine dolore, aut sine virginitatis tuæ læsione Saluatorem mundi, & gaudium cæli peperisti. Tu simul es Virgo & Mater, tu templum veri Salomonis, tu es arca & sanctuarium Dei; tu porta clausa, quam vidit Ezechiel: tu es hortus conclusus, & cælestis sponsi fons signatus. Impleantur Domina cor meum, omnesque sensus mei diuina gratia, vt ope illius renouatus; in posterum vitam viuam & tibi, & Filio tuo gratissimam. Aue Maria.

Salue Maria, quæ Filio lum tuum, passionem dulcissimum, & fructum ventris tui delicatissimum, laceris fasciis &

14.

15.

16.



vilibus panniculis inuoluisti, atque in præsepio reclinasti. Da mihi Domina mea, vt amor tui cor meum sic occupet, & pulchritudo tua sic animam meam exornet, ne qua in me labes inueniatur: sed tanquam infans modo genitus efficiar, atque in quacunque tribulatione à te iuari, tuisque beneficijs refici merear. ô Domina cum infantulo tuo ad me diuerte, eique in corde meo præsepe ad quietem sterne. Ave Maria

17.

Salue Maria, quæ purissimum virginæ tui pectoris lac infantulo Iesu Christo propinasti, eumque niueis tuis brachijs amplexa dulciter osculatum adorasti. Concede mihi, Domina, vt tribulationibus & miserijs huius vitæ oppressus, ad maternæ pietatis tuæ sinum recurram, & spiritualis consolationis lacte tuo beneficio refocillatus, omnes vani & fallacis mundi huius consolationes despiciam. Ave Maria

18.

Salue Maria, quæ post quadraginta dies Iesum in templo præsentasti, vbi sanctus ille senex Simeon eum in brachijs excepit, & dulce illud canticum lachrymis permixtum cecinit, exponens tibi dolores, tribulationes, & persecutiones Filio tuo præparatas, tibi que prædicens, quod gladius doloris tuam pertransiret animam. Obsecro te mater sanctissima, vt intercedas pro me apud Filium tuum, vt me faciat diuturnæ

crucis & patientiæ suæ imitatore, vt omnes tribulationes, quas mihi immit- tit, feram patienter, & hoc argumento magnam quam mihi dabit gratiam ag- noscam Aue Maria.

Salue Maria, quæ ab Angelo admo- nita, quomodo Rex Herodes instar ca- nis rabidi circumibat, quærens filiolum tuum Iesum, vt occideret eum, patriam deserere, & in Aegyptum fugere iussa es. Vt autem isti furori locum dares, me- dia nocte surrexisti, patriam & domum tuam cum pauperula, quam habebas, supellectili reliquisti, & in Aegyptum fugisti: vbi toto septennio inter Barba- ros & infideles peregrina & pauper- ula cum incredibili patientia vixisti. Tri- bue mihi gratiam, ô Regina cæli, vt in itinere pio tibi indiuiduus sim socius, tuam patientiam, humilitatem & pau- pertatem imitando, atque in hoc mun- do non secus atque peregrinus viuendo Aue Maria.

Salue Maria, quæ cum Iesu annos nato duodecim ad templum ascendisti, cumque sine tua culpa perdidisti, & cum maximo dolore atque diligentia quæsiuisti: tandem vero in templo in- ter medios Doctores sedentem, dispu- tantemque cum summo gaudio inue- nisti. Concede mihi Virgo benedicta, vt quotiescunque gratiam deuotionis mea culpa perdidero, eadem qua tu di- ligentia quæram, quærens inueniam,

R.

inuen-

19.

20.

inuentamque maiori cum cura & sollicitudine custodiam, vt eiusdem deuotionis ope adiutus ad obsequium mei Creatoris sim alacrior. Pater noster. Aue Maria.

21.

**S**alue Maria, quæ summa cum diligentia nutriuisti, & educaisti Seruatorem nostrum in infanzia, teneraque suæ ætate: adolescentem verò, & in ætate virili eundem deuotè secuta es, cum Regnum Dei populo ubique annuntiaret. Da mihi gratiam, vt spretis omnibus rebus transitorijs, te diligam, te sequar, & semper ad tuam præsentiam adspirem. Aue Maria.

22.

Salue Maria, quæ ex ærumnis & persecutionibus Filij tui incredibiles dolores concepisti, maximamque de ignominiosa illius morte compassionem habuisti. Tribue vt eundem Dominum pro omnibus, quæ amore mei fecit & sustinuit, semper laudem & glorificem, amoreque illius accensus omnibus afflictis & dolentibus condoleam. Aue Maria.

23.

Salue Maria, cuius animam doloris gladius pertransiuit, quando iuxta crucem stabas lachrymis tota perfusa, & pijs, moestisque oculis tuis crudelissima vulnere, copiosissimumque sanguinem Filij tui toto corpore profluentem conspiciebas. Patere, ô Domina mea, vt iuxta crucem tecum semper maneam, deuotaque mente passionem Filij

tui,



tui, Redemptoris nostri colam & adorem Aue Maria.

24.  
Salue Maria dulcissima, quæ eodem tempore stans sub cruce tristissimum illud verbum; Mulier ecce Filius tuus, audiuisti; quo dicto Filius tuus te dilecto suo discipulo Ioanni commendabat, tibi filium, illi matrem constituens. Audisti & in eodem loco, quod fiebat, nec tibi datum fuit, vt ei modicum aquæ posses, ne in ipso mortis articulo propinare; imò aceto & felle amarissimo illum vidisti potari. Vidisti insuper & summo cum dolore Filium tuum suo Patri spiritum reddere; filium dico tuum, quem tu tanto amore complectebaris. Denique & sanctissimum eius latus lancea aperiri conspexisti; quod vulnus non ille quidem sentiebat, qui mortuus erat; sed purissimum maternumque pectus & cor tuum excipiebat, quod licet mortuum erat in rebus huius seculi, in dolore tamen & pœnis Filij tui charissimi plus quam vivebat. Per omnes illos acerbissimos dolores oro te, ô Virgo sacratissima, vt vulneres cor meum compulsionem atque memoria omnium dolorum, quos Redemptor meus pro me sustinuit, meque participem ille faciat omnium fructuum ex illis promanantium, ne vquam amittam remedium mea culpa, quod ille mihi comparauit sua gratia. Aue Maria.

25.

Salve Maria, quæ depositum à cruce  
Filij tui corpus in gremium tuum mœ-  
sta nimis excepisti, summoque dolore  
singula eius vulnera conspexisti, liuo-  
res, vibices, tunctiones, puncturas no-  
tasti: sordes, sputa, & sanguinis grumos  
admirata es: præcipuè verò illud vul-  
nus lateris, quo interiora viscera pate-  
bant, & ipsum cor apertum videbatur,  
inspexisti; Filij mortem, & tuam de-  
plorans orbitatem. Oro te, ô clementis-  
sima Domina, sit mihi vulnus illud la-  
teris vnigeniti Filij tui semper aper-  
tum, vt per illud in arcam admitti, &  
in corde Domini mei quiescere mihi  
liceat. Da vt nihil aliud velim, nihil  
sapiam, nihil cogitem, nihil desiderem,  
nisi Iesum, & hunc crucifixum. Aue  
Maria

26.

Salve Maria, quæ corpus Filij tui aro-  
matibus conditum, & in sindone mun-  
da inuolutum, ad sepulchrum multis  
lachrymis & suspirijs comitata es, Ibi  
thesaurus tuus depositus est, ibi sepul-  
chrum lapide tectum, ibi facies tua ob-  
scurissima tristitiæ nube cooperta est;  
ibi Filio tuo valedixisti, occidente iam  
sole, domum tuam repetens, noctes,  
diesque insomnes apud sepulchrum li-  
benter traductura, nisi religio prohibe-  
ret tunc orbitatem experiri, tunc solitu-  
dinem sentire corpisti. Oro te, ô mater  
gratiosa, da mihi vt Filio tuo consepe-  
liar, alienus à mundo soli Christo vi-

uam,

uam, meaꝓue peccata defleam, quibus  
& mortem Filio, & matri lachrymas  
procreaui Aue Maria.

Salue Maria, quæ incredibili gaudio  
& consolatione perfusa, nouaꝓue men-  
tis dulcedine in triumphali illa Filij tui  
resurrectione refocillata es: cū sum-  
mo diluculo insigne lumen in concla-  
ui tuo resplenduit, cū Filius tuus in-  
credibili gloria tibi astitit, teꝓue & il-  
lustri sua præsentia, & dulcissimis ver-  
bis consolatus est Eia pijsima Virgo,  
tuis precibus mihi tribuat omnipotens,  
vt quomodo Christus surrexit à mor-  
tuis per gloriam Patris, ita & ego per  
vitæ sanctitatem resurgam, & in no-  
uitate vitæ ambulem: partem inue-  
niam in resurrectione prima, ne secun-  
da mors habeat in me potestatem. Aue  
Maria.

27.

Rom. 6.

Apoc. 20

Salue Maria, quæ quadragesimo post  
Filij resurrectionem die, cū cæteris  
fidelibus ad montem Oliueti conueni-  
sti, ibique Filium tuum, postquam ele-  
uatis manibus tibi benedixisset, omnia-  
que bona precatus esset in cælum eun-  
tem vidisti, eumꝓue multis lachrymis  
prosecuta es; & si fas credere sit, spiri-  
tualibus oculis etiam sanctos Patres &  
iustos cū Filio in triumpho proce-  
dentes, Angelorumꝓue choros de cæ-  
lis ei occurrentes, & cū gloria in cæ-  
los deducentes conspexisti. O mater  
gratiæ, per immensum illud gaudium

28.



te precor, concede mihi, vt Spiritus meus Filium tuum in celos sequatur, vt posthac quæ sursum sunt quæram, vbi Christus est in dextera Patris, non quæ super terram, & vbi thesaurus meus est, ibi cor etiam meum conquiescat. Aue Maria.

29.

Salue Maria, quæ in die Pentecostes Spiritum sanctum visibiliter accepisti, qui ad singulas animæ tuæ potentias sua dona diffudit, tam copiosè, vt nihil præter hunc Spiritum mente & cogitatione à te perciperetur: tantum enim tu sola ex his charismatibus accepisti, quantum simul omnes; hoc namque Filius tuus matri debebat, hoc capacitas tua 33. annis præparata merebatur. O Maria, per illud gaudium, quo perfusa es, visis Apostolis, alijsque fidelibus, qui Spiritus sancti participes erant, in alios plane viros mutatis (vt qui iam non ancillæ vocem, imò ne carceres & mortem metuebant; sed se totos in Dei gloriam & proximorum salutem effundebant) tribue mihi, vt tuis precibus & fauore Spiritus sancti repletus in Dei, proximique amorem inardescam, & pace atque lætitia interna perfruar. Aue Maria.

30.

Salue Maria, quæ post ascensionem Filij quindecim adhuc annis in hoc mundo vixisti, Christianis solatio, auxilio & exemplo fuisti, nec non & aliquem Ecclesiæ progressum vidisti: tan-

dem

dem sexaginta tres annos nata moriens  
in celum super omnes Angelorum cho-  
ros es exaltata, & in regali folio tan-  
quam Regina & Domina omnium crea-  
turarum nunc sedes: te nos Aduocatam  
& matrem nostram humiliter deprecamur,  
vt fidelem nostri curam habeas,  
atque ante Filij tui tribunal sic causam  
nostram agas, vt, cum ille venerit viuos  
& mortuos iudicare, per tuam interces-  
sionem à morte sempiterna liberemur,  
& à dextris inter eos, qui perpetuò re-  
gnabunt, connumeremur. Pater noster.  
Aue Maria.

**S**alue Domina excellentissima, post  
Deum inter omnes Sanctos sanctis-  
sima Maria, quæ cum virginitate ma-  
tris, & maternitate virginis, admirabi-  
li quodam modo Iesum Christum mun-  
di Seruatorem peperisti. Tu es templum  
Dei gratiosissimum, tu sacrarium sancti  
Spiritus, tu secretum sanctissimæ Trini-  
tatis cubile. Tui Filij palma, ô beata Vir-  
go, terræ ambitus continetur: per te vi-  
ui recreantur, & dulcissimi tui nominis  
memoria defunctorum animæ refocil-  
lantur. Inclina, ô pia Mater, aures tue  
misericordiæ ad orationem vilissimi tui  
famuli, & sanctitatis tuæ radius omnem  
vitiourum meorum obscuritatem discu-  
te, vt sic reformatus tibi gratus sim, tu-  
que oculis benignissimis placeam. Aue  
Maria.

Salue Maria, reparatrix gratiæ: quis

31.

32.

te non amaret? quis te non honoraret? quis se tibi non commendaret? Tu es lux nostra in rebus dubijs, tu in mœstis consolatio, in angustijs recreatio, in periculis & tentationibus fidele auxilium. Tu post vnigenitum Filium tuum certa salus es & spes nostra. Beati qui te amant, & per sanctitatem vitæ tibi familiares efficiuntur, & deuoti famuli. Commendo animam & corpus meum tuæ pietati; rege, doce, dirige, & defende me, secundum tuam voluntatem, ô vitæ meæ refugium. Aue Maria.

33.

Salue magnificum atrium & nobile Imperatoris æterni palatium, tu es illa mulier amabilis, pia, prudens, elegans, generosa, & digna super omnes creaturas honorari. Tu es illa Regina cæli, rutilans vt aurora, pulchra vt luna, electa vt sol, terribilis Dæmonibus vt castrorum acies ordinata. Da mihi quæso gratiam, vt in omnibus huius vitæ fortunis ad te semper respiciam, omnia visibilia contemniam, pulcherrimasque delicias, & delicatas pulchritudines cælestis illius curiæ sine intermissione contempler. Aue Maria

34.

Salue splendidissima stella, & clarissima lux Maria, de qua natus est Sol iustitiæ Christus Seruator noster. Tu es Virgo super omnem formam formosa; tu mater, super omnem honestatem gratiosa; quæ benignissimis oculis tu-



is Ecclesiam Filij tui toto orbe diffusam intueris Dulce tuum nomen reficit laborantes; serena lux tua illuminat cæcos; suavis odor virtutum tuarum exhilarat iustos, & benedictus fructus ventris tui satiat beatos. Tu post Deum prima laudem omnem cum hominum, tum Angelorum mereris. Ora pro me Domina, vt tuis precibus adiuta Deum Deorum, & te Dominam Dominarum in Sion videre merear. Ave Maria.

Salve beata Mater, plena superna clementia & consolatione, qua mediante venit in mundum cælestis illa benedictio, æternæque felicitatis gratia in te, & de te carnem assumpsit; deque tuo venire, tanquam de thalamo, progressus est Iesus dulcis ille puer, vnicus ille nostræ salutis auctor suauissimus, pulcherrimus, nobilissimus inter omnes filios hominum Tu religiosa memoria consolaris afflictos, tu casta contemplatione lætificas sanctos: tu perfecta innocentia adiuuas peccatores. Impera mihi perfectam cordis puritatem, vt me etiam in album referas eorum, qui digni sunt à te adamari, & ab vnigenito Filio tuo diligere. Ave Maria.

Salve Maria Virgo formosissima, salve melle dulcior, balsamo suauior, rosa pulchrior, lilio candidior, & viola suauolentior: tu es fons Paradisi, puteus aquæ viuæ, thronus veri Salomo-

35.

36.

nis, vas purissimum omni amaritudine carens, & omni dulcedine atque consolatione plenum, Dominus te creauit Virginem sine macula, te elegit ancillam humilem: Dominus te amauit sponsam nobilissimam. Tu es generis humani gloria, tu pulchritudo & ornamentum totius Vniuersi. Ne auertas faciem tuam à me peccatore, imò te precor, ex sordido fac me mundum; ex peccatore iustum, ex ignauo diligentem, ex tepido feruentem, ex arido deuotum. Aue Maria.

37.

Salue sanctissima sponsa almi Paracleti, salue rosa sine spinis, de qua nasci, & cuius lacte pasci Rex cælorum voluit. Salue mater Dei speciosa, fauo mellis dulcior, martyr ex compassione, lilio candidior. Tu es laus Confessorum, tu lux iustorum, tu gloria Virginum, & decus Sanctorum omnium; quæ ceteris omnibus ex vita purior, gradu dignior, aspectu pulchrior, & Deo vicinior. Hanc vnam, ô sancta Virgo, mihi gratiam impetra, vt te præ cunctis celebrem, cælici fulgoris lampadem, sanctorum principem, prece efficacissimam, munere largissimam, & almæ Trinitati proximam, in sempiternis gaudijs videre, teque frui sine fine merear. Aue Maria

38.

Salue secuta spes de seipsis diffidentium, omnium delictorum adiutrix potentissima, quam tuus Filius tanto

prosequitur honore, vt nihil eorum quæ petis deneget: sed omnia præstet, quæ postulas. Tu clauem habes thesauri cælestis: tu Cherubin honoratior, tu Seraphin sublimior. Tu honor & generis humani gloria. Omnes generationes beatam te dicunt, omnes creaturæ tui nominis gloriam prædicant. Tu super omnes Angelorum choros es exaltata. Aue Maria.

Salue Maria lætitia cæli, & exultatio terræ: tu es illa serenissimi luminis mater, quæ amabiliter animas omnium amantium te illuminas. Tu es illa dulcissima pietatis mater, quæ fideles tuos famulos ad gloriosum cæli feliciter deducis habitaculum: tu es illa columba formosa, quæ iuxta aquarum fluentia sedes, cuius vestimenta incredibilem spirant odoris suauitatem. Ad te faciem meam leuo cæli Reginam: ad te oculi cordis mei suspiciunt, in te confidit anima mea; miserere mei, quia post vnigenitum Filium tuum, in te omnis mea salus est reposita. Aue Maria.

Salue certissimum præsidium omnium te inuocantium: tu es arx fortissima, in cuius meditullio securi sunt omnes ad te confugientes: tu es fidelissima propugnatrix omnium te laudantium: tu es lucida nubes appetituum nostrorum ardores temperabis: tu es ros delectabilis nostræ cupiditatis æstus

39.

40.



refrigerans Tu es clavis ex gemmis & margaritis conflata, quæ portas paradisi referat. Tu es flos inter spinas; tu lili-um conuallium; tu lætitia oculorum ad te respicientium: tu tota es amabilis, tota delectabilis, tota candida, & tota benigna. Succurre mihi dulcissima Aduocata mea, & post fluctus huius seculi perduc me ad portum beatitudinis æternæ. Pater noster. Ave Maria.

41.

**S**alue laus Prophetarum, honor Apostolorum, fortitudo Martyrum, Confessorum, & Virginum: tu es palma iustitiæ pulcherrima, lili-um castitatis iucundissimum: tu hortus cælestium deliciarum amœnissimus: tu es arca testamenti, in qua manna latet absconditum: tu es terra benedicta, quæ produxisti fructum arboris vitæ: tu es petra, de qua fluxerunt aquæ viuæ riuuli. O virgo beata, purifica cor meum, & munda illud ab omnibus peccatorum sordibus. Expelle à me quidquid tibi displicet in me, animam meam ab omnibus terrenis affectibus munda, rerumque cælestium amore inflamma, ad gloriam tuam, & vnigeniti Filij tui honorem perpetuum. Ave Maria.

42.

Salve gemma pretiosissima, humani generis margarita singularis: tota pulchra es Virgo sanctissima, & macula non est in te: tu es vas electionis, tu gratiarum omnium armarium. Tu fi-

dem

dem Patriarcharum superas, tu scientiam Prophetarum: tu zelum Apostolorum vincis, tu in patientia Martyribus sublimior, tu in temperantia Confessoribus præstantior, tu in humilitate & innocentia Virginibus excellentior: te totam pretiosissimis gemmis exornatam admiratur & suspicit cælestis curia. Tu es sol clarissimus, qui defectum nullum patitur, in terra viuens illuminasti cælum, & nunc in cælo sedens illuminas terram, mundi que tenebras & nubila dissipas. Noli me spernere, ô spes mea; auxiliare, & fer opem huic misero peccatori in sua tribulatione. Ave Maria.

43.

Salve Virgo sacratissima, & inter cunctas mulieres omnis benedictionis genere benedicta: tu es pratum iucundissimum æternis vernans floribus: tu es rosa nitidissima suauitatis odorem redens inæstimabilem: tu es rutilans stella Iacob, quæ cælum & terram illustras: tu es virga Iesse, quæ mundum latificas: omnes Angeli tuam mirantur pulchritudinem, omnes faciem tuam videre gestiunt. Aspice Domina lachrymas meas, meaque suspiria exaudi: visita & consolare seruum tuum inutilem, veniamque illi suorum peccatorum exora. Ave Maria.

44.

Salve singulare cæli ornamentum, salve terrarum optata reparatio. Salve Regis æterni mater, millies felix & bea-

ta, tibi omnes ætates, tibi omnes generationes caput inclinant: tuis pedibus se terrarum substernit ambitus; post ineffabilem enim & summam Trinitatem, nil dignius te, nil pulchrius habet cæleste palatium. Dæmones cum nomen tuum audiunt contremiscunt, & ululantes tenebrarum quærunt latibula: quia tu caput antiqui serpentis contriuiſti. O Maria, infidiatur ille mihi quotidie, & quasi leo rugiens circumit, quærens me, vt deuoret, eia tu me ab illo protege, tu hostem liga, tu enerva, ne vnquam illius obſit mihi ira, lædátve me eius potentia. Ave Maria.

45.

Salue secretum Spiritus sancti claue, diuini Verbi sacrum tabernaculum; salue Mater sanctissima, quæ Angelorum gaudium, salutemque hominum Iesum Christum peperisti, & in brachijs tuis lacte pectoris tui purissimo nutriuiſti, osculisque, amplexibus, & maternis blanditijs fouiſti. Oro te Virgo gloriosa, per misericordem illum tuum animum, & per sollicitam curam, qua filiolum tuum vnigenitum educaſti, vt causam meam coram illo perores, atque impetres mihi, vt omnia peccata mea deleantur, & nomen meum in libro vitæ scribatur. Adiua me quamdiu in hoc procelloſo mari fluctuo, & ad finem vitæ meæ ad tranquillum cælestis Hierusalem portum



me fac peruenire. Aue Maria.

Salue serenissima ac suauissima Virgo Maria. Tu es illa turtur castissima, cuius pium murmur & gemitus mirum in modum sancto placuit Spiritui. O Virgo gratiosa, Virgo admirabilis, Virgo speciosa, illumina tenebras interiores animæ meæ lucis tuæ radio, vt vitiorum meorum obscuritate sublata, magnitudinem pulchritudinis tuæ dignus sim contemplari. Aue Maria.

46.

Salue porta Orientis semper clausa, per quam intrauit ad nos omnium filiorum hominum speciosissimus; tu es clauis Dauid, quæ cælum aperis; tu es lex iustorum, & norma credentium. Conuerte ad me beneuolos virginæ tui vultus oculos, affectus meos amore pietatis accende, memoriam meam illustra, cor meum purifica, & voluntatem meam in viam diuinorum mandatorum dirige, vt in tremendo Dei iudicio mihi etiam cum cæteris Sanctis aliqua sit portio. Aue Maria.

47.

Salue solitudinis amatrix, & quietis interioris custos. Salue Virgo honestate admirabili decora, & ineffabili sapientia celebris. ô Virgo electa, Virgo inter omnes filias Hierusalem formosa. Tu es sacratissimum diuinitatis tabernaculum: tu es deliciarum hortus, ex quo prodijt flos ille pulcherrimus, IESVS Christus, animarum nostrarum

48.

Re-

Redemptor & Seruator vnicus. Animam meam aduentûs tui claritate illustra, vt fallacias huius mundi agnoscere discat & fugere; spiritum meum in pura sanctitatis tuæ contemplatione suspende, vt æternæ felicitatis dulcedinem aliquam percipiat. Aue Maria.

49.

Salue ô generosa mater summi Creatoris, Virgo delicata & suavis, da vt vnguentorum & aromatum tuorum iucundissimus odor in nares meas ascendat: spiritus meus te nocte sentiat, & viscera mea tecum latentur interdiu. Da vt cor meum erga te dulciter afficiatur, anima mea te amore diligat intimo, & lingua mea in laudibus tuis occupetur sine vlllo fastidio. Aue Maria.

50.

Salue nobilissimum sanctæ Trinitatis triclinium, filia Dei Patris, genitrix Filij, & nympha Spiritus sancti, ô Regina cæli, porta paradisi, Domina mundi: ô refugium peccatorum, aduocata pauperum, laus iustorum. Tu facta es omnibus omnia; sapientibus & insipientibus copiosissima charitate debitrice te facis: omnibus misericordiæ sinum aperis, vt de plenitudine tua accipiant vniuersi: capius redemptionem, ager curationem, tristis consolationem, peccator veniam, iustus gratiam, Angelus latitiam, denique tota Trinitas gloriam, Filiusque persona carnis humanæ

ernard.  
a Serm.  
e B Ma-  
a, cuius  
pitium  
ignum  
agnū.

substantiam: nec est qui se abscondat à calore tuo. Accipe quæso, ô clemens, ô pia, hanc tepidam meam doxologiam, has laudes tuas misericorditer admittite, nec repelle, quas ore, licet polluto, coram te effudimus preces: sed nos clientes in seruos tuos suscipe: clementia tua nos protege, pietate nos guberna, dulcedine nos solare; largire nobis beneficia, confer remedia, medere contritis corde, pone fortitudinem lugentibus Sion, da coronam pro cinere, oleum pro luctu, pallium laudis pro spiritu mœroris. Sonet vox nostra in auribus tuis, ostende nobis hîc faciem miserationum tuarum, & ora pro nobis vnigenitum Filium tuum, vt post hanc vitam de stola immortalitatis induta videamus, regnantem cum Patre, Filio, & Spiritu sancto, per omnia secula seculorum, Amen. Pater noster. Aue Maria.

ORATIO AD DEIPARA-  
ram Virginem.

**O** Gloriosa semperque benedicta Virgo, qua fronte oratio mea in tuum veniet conspectum, qui gratiam omnem, quam sacratissima Filij tui passio mihi comparauerat, mea negligentia, mea socordia, mea ingratitudine tam turpiter amisi. Quia tamen æqua est mea petitio, audebo, licet peccator maximus, te vt me audias interpellare.

Quid



Quid enim peto à te, ô Regina cali,  
quàm vt Filium tuum preceris, vt pro  
infinita sua misericordia cuncta crimi-  
na mea mihi ignoscat? Scio quidem  
hac me indignum gratia, sed tuus id  
mihi precibus indulgeat, ne mea cul-  
pa pereat, quod ille ad suam imaginem  
creauit. Tu es lux in tenebris, tu spe-  
culum Sanctorum, tu spes peccatorum.  
Omnes generationes benedicunt tibi,  
omnes desolati inuocant te, omnes iu-  
sti oculos suos ad te leuauerunt, omnes  
creaturæ in te exultant. Angeli in ca-  
lo tua præsentia gaudent, animæ defun-  
ctorum in Purgatorio tua intercessione  
refocillantur, & homines in terris ad-  
huc exulantes, spe de te concepta corro-  
borantur.

Omnes ad te clamant, omnibus re-  
spondes, pro omnibus intercedis. At ego  
infelix quid agam, vt in tuam me gra-  
tiam insinuem? Peccatum meum me ar-  
guit, meritum meum aut nullum aut  
exiguum timidum me reddit, malitia  
mea os mihi obstruit. Nihilominus  
oro te, ô Virgo nobilissima, per im-  
mensum illum & lethalem dolorem,  
quo tuus affligebatur animus, cum di-  
lectissimum Filium tuum maledicta  
Crucis trabe oneratum, ad locum sup-  
plicij pròrepere videres, vt omnes in-  
ordinatos appetitus, tentationesque car-  
nis in me occidas: ne ego iniquitate  
mea perdam, quod ille mihi suo san-

guine acquisiuit. Piæ istæ lachrymæ, quas  
vberrimè cruentata legens Filij vesti-  
gia profudisti, semper in animo versen-  
tur meo: vt eas meditati lachryma-  
rum fluenta oculis meis erumpant, tam  
copiosa, vt ad eluendas omnium meo-  
rum peccatorum maculas abundè suf-  
ficient. Quis enim peccator sine tuo pa-  
trocinio audebit coram æterno iudice  
comparere? qui etsi placabilis sit & pa-  
tiens in sustinendo & expectando, ius-  
tus tamen etiam est, & seuerus in pu-  
niendo. Quis iustus adeò, vt in districto  
illo iudicio tuo non egeat auxilio? Quid  
igitur fiet de me Virgo sacratissima,  
si tua intercessione non recuperauero,  
quod meo peccato perdidi? Magnum  
quid peto, si mea intuearis crimina; sed  
exiguum est, si tuam inspexeris poten-  
tiam. Nihil est quod ego peto, si conse-  
ratur cum illo, quod tu potes dare vel  
impetrare.

Emenda vitam meam, ô Regina An-  
gelorum, omnia opera mea sic dirige,  
vt licet indignus, merear à te exaudiri.  
In me tuam ostende misericordiam, vt  
omnes boni te laudent, omnes mali  
in te sperent. Dolores & cruciatus illi,  
quos tu in amarissima Filij tui Redem-  
ptoris nostri passione sustinuisti, sem-  
per in conspectu meo sint, mecum vi-  
gilent, mecum dormiant, mei cordis  
sint solatia. Auxilium tuum non aufe-  
ratur à me, pietas tua non deferat me.

memoria tui nunquam in me moriatur. Si tu me Domina derelinquas, quis me suscipiet? si tu oblita fueris mei, quis recordabitur? si tu, quæ stella maris es, & peccatorum ductrix, me non illumines, quò tandem vadam? quid de me fiet?

Ne ab inimico tentari me patiare: si tentatus fuero, ne cadam: si cecidero, porrige manum, & me rursus eleua. Quis vnquam te inuocauit, & exauditus non est? quis vnquam rem æquam à te petijt, & non impetrauit? Quis vnquam seruiuit tibi, cui mercedem amplissimam non reddidisti? Da mihi, ô benedicta Virgo, vt cor meum sentiat horrorem illum, qui te inuasit, quando pretiosissimum Filij tui corpus de cruce sublatum tuis brachijs excipiebas, intuens sanctissimam illam faciem, quam adorant Angeli, liuoribus, puncturis, tumefactionibus, sputis, sordibus & sanguinis eius grumis tam misere commaculatam, vidensque barbaram illam crudelitatem, quam passa erat iusti innocentia, vt satisfaceret pro peccatoris inobedientia. Vere tunc gladius doloris animam tuam pertransiuit.

Lucæ 2.

O Regina cæli, videor mihi videre te sub cruce expansis brachijs, oculis præ lachrymarum multitudine caligantibus, capite in terram demisso, vultu pallido, & tanto animi dolore obrutam, quàm nemo vnquam hominum



sensit, aut sentiet in posterum. Hæreant  
semper in mente mea verba illa mœstis-  
sima, quæ forsitan ad eos dixisti, qui te  
intuebantur. O vos omnes qui transi-  
tis, attendite & videte, si est dolor, sicut  
dolor meus: vt virtute verborum illo-  
rum merear à te exaudiri. Transfige ani-  
mam meam illo doloris gladio, qui  
tuam ipsius animam pertransiuit, quan-  
do lacerum & dilaniatum corpus Filij  
tui in sepulchrum intulisti, vt semper &  
vbique memor sim, me terram esse, & in  
terram reuersurum: ne me decipiat peri-  
turi huius mundi gloria. Da vt semper  
meminerim, quoties in monumentum,  
in quo pretiosissimus ille thesaurus erat  
reconditus, inspexisti, vt ad meas etiam  
preces respicere non dedigneris.

Memoria tuæ solitudinis, ô beata  
Virgo, mea sit indiuidua comes: illam  
solitudinem dico, in qua mœrens illo  
tempore sedebas, quo Filius in sepul-  
chro quieuit: quo nihil apud te, aut in  
te viuebat, præter dolores, cruciatus, af-  
flictionesque ineffabiles: quando aquas  
amarissimarum tuarum lachrymarum  
bibebas, & cibum tristissimarum rerum  
recognitionis manducabas: vt & ego  
plangendo peccata mea per tuas istas  
angustias, quas in his terris sustinuisti,  
merear aliquando tuam illam videre  
gloriam, qua nunc in cælesti fruëris con-  
sortio, & in secula seculorum fruëris,  
Amen.

Thren. i.

## ORATIO AD QVEMVIS

*Apostolum.**Collector.**Iudic. 15.**Iudic. 3.*

**S**alue sancte N. magnæ Dei Ecclesiæ Princeps maxime: Salue belli triumphalis dux: Salue cælestis aulæ heros inclyte, quem Christus Seruator noster de hoc mundo elegit, vt per te mundi infimum & infirmum, ea quæ erant potentissima deijceret. Tu es asini mandibula, in qua verus Samson Christus IESVS Philistæorum fudit agmina: tu vomer, quo Sangarus viros fortissimos interfecit: tu baculus & funda, quibus mysticus noster David gigantem deiecit, per te rudem, indoctum, & simplicem Deus nomen suum per cunctas nationes fama celebrauit, & asperriam Diaboli tyrannidem euertit. Cum enim sonus tuus in omnem terram exiret, & verba tua in fines orbis terræ, mundus fuit ædificatus in sinceritate fidei, in bonitate operum fœcundatus, à negligentis excitatus, ad cælestium contemplationem incitatus, & à Dæmonum potestate liberatus.

Tu viuens itaque in carne Ecclesiam Dei tua prædicatione plantasti, & tuo sanguine irrigasti: ideoque coronam triumphalem meritis es; cælum verbo claudis, & seras eius soluis: singularique prærogatiua tibi datum est, quod in consummatione seculi sedebis cum viuorum ac mortuorum iudice, super se-

dem

dem tuam, iudicaturus duodecim tribus Israel.

O igitur maxime ac fidelissime DEI Bernard.  
nuntie, qui non tibi soli vixisti, non Serm. 3.  
tibi soli mortuus es: sed ei, qui pro te de SS Pe-  
mortuus est, & maxime nobis miseris tro &  
peccatoribus propter illum: Pro nobis Paulo.  
enim facit tua doctrina, tua vita, tua mors: Tu enim nobis in conuersatione continentiam, in prædicatione sapientiam, in passione tua patientiam contulisti, & quantum vsque hodie conferre non cessas, misericordia plenus: quod est sanctarum fructus orationum. Scio enim quod qui potens fuisti in terra, potentior es in calis, ante faciem Domini tui. Qui enim, dum hinc adhuc viueres, misertus es peccatoribus, & orasti pro illis, nunc cum multo verius agnoscas miseras nostras, pro nobis non orabis? Beata illa patria tuam charitatem non mutauit, sed augmentauit, imò tibi viscera misericordiæ mouit, qui iugiter ante fontem misericordiæ versaris.

Cur igitur non sperabo? cur in tuo patrocínio non confidam? cur precibus preces tuas, & cur deuotis suspirijs tuam intercessionem non implorabo? Eia igitur sancte Dei Apostole N legationem pro me ad thronum misericordiæ suscipe: impetra mihi veram fidem, quæ in persecutionibus non frangitur; solidam spem, quæ in tribulationibus

non



non deiicitur, ardentem charitatem, quæ in multifarijs huius seculi negotijs non exstinguitur; & perseverantiam in bonis operibus, ne ad sinistram vel ad dexteram declinem, sed viam regiam ambulem, donec perueniam ad eum, qui est via, veritas, & vita, Iesum Christum Dominum nostrum, Amen.

## AD QVEMVIS MAR

*tyrem*

Colle-  
ctor

**O** Glorioso Martyr Dei, ô fortissime Athleta, ô miles invictissime sancte N. qui constanti & intrepido animo nomen veri Dei confessus, ex atrocissimis pugnis per patientiam & tolerantiam victor evasisti: fractum quidem & dilaceratum est corpus tuum, & concidit: animus autem triumphans ad originem suam latus euolavit. Quantum in te tuimetipsum neglectus, imò aspernatio? minas iudicum non timuisti, tortorum carnificinam non horuisti, rimante ferro latera sacrum è carne tua ebullire sanguinem latus aspexisti, non aliter corpus, quàm lapidem aut lignum respiciens. Testis veritatis factus es, non asseueratione sola, vel iureiurando: sed sanguine, vita & asperitate cruciatuum intolerabili. O beata lingua, quæ sacram illam vocem emisit, quam aer excipiens sacer factus est: Angeli audientes plauserunt: Dia-

bolus

bolus cum suis demonibus magnam accepit plagam, Dominus in cælo descripsit.

Quid fiet de nobis miserrimis peccatoribus, qui vitam in omni mollitie ducimus, in delitijs & voluptatibus desides ac securi? qui intolerabile censemus, si quid duriusculum acciderit, aut contra animi sententiam, corpora & animos gestamus delicatissima: nec est tam leue quid, à quo non impatientissimè percellimur. Qua tandem freti fiducia Christi nomen audebimus ferre? illum appellare patrem, & tribunalis illius expectare censuram? Si non 2.Tim 2. coronetur nisi qui legitimè certarit, equam nos coronam vel petimus, vel speramus, qui nunquam certamus? qui omne certamen non aliter, quàm rem omnium longè miserrimam exhorremus?

Te nobis, ô sanctissime Christi martyr, Deus proposuit exemplum, vt in te semper, tanquam oculus iaculantis in album animo & cogitatione essemus intenti: teque imitemur laborantem & pugnantes in mundo, quem sequi cupimus triumphantem in cælo. Quod cum viribus nostris præstare nequeamus, cia intercede pro nobis apud Deum pro gratia, vt discamus ex te fidem quærendo acquirere, viuendo excolere, moriendo seruare: discamus plus peccatum timere, quàm gladium: di-

scamus propter vitam magis iustitiam  
amare, quàm vitam: fidemque & timo-  
rem Dei plus, quàm mundi gloriam.  
Quem tu in media belli tribulatione ser-  
uasti, ne nos in securitate pacis perda-  
mus. Anchoram spei & religionis, quam  
tu custodisti in fluctu, ne nos amittamus  
in portu.

Nunc veritatem, quam vita & sangui-  
ne testificatus es, perspicis, exutus tene-  
bris lucem intraisti sempiternam, tanta-  
que victoriæ præmio perfrueris: vtinam  
nobis etiam aliquantulum constantiæ &  
patientiæ, pauxillumque promptæ vo-  
luntatis à charissimo tibi Christo impe-  
tres, vt tum crucem istam tuam magnam  
atque excellentem cuperemus tecum  
portare, tum minutas has, quæ in hac  
vitæ nostræ quietudine ac securitate in-  
cidunt, auidè complectamur, libenter &  
sine detrectatione gessimus vt quatenus  
nobis conceditur, laborum atque ærum-  
narum Christi temporarium quoddam  
sumamus experimentum, vt regni il-  
lius, quod ipse per crucem suam asse-  
curus est, consortes simus in æternitate,  
Amen.

AD QVEMVIS CONFES-  
sorem Oratio.

SAUe celestis curiæ triumphale de-  
scus, ô sanctissime Dei Confessor bea-  
te N singularis amice Dei, & lumen  
Ecclesiæ: viuum templum Spiritus san-



cti, currus Israel & auriga eius: serua  
populum tuum in sanctitate & iustitia  
misertus nostri, qui inter tot & tantas  
miserias memoriam abundantiae tuae  
eruamus Magna est super te diuinæ Bernard.  
dispensatio pietatis, quæ te paruum fe- in vita  
cit in oculis tuis, magnum in suis. Festi- Mala-  
uitas tua, quæ meritò tuis virtutibus chiae.  
votiua impenditur, tuis nobis efficiat-  
tur meritis & precibus salutaris. Glo-  
ria sanctitatis tuæ, quæ à nobis frequen-  
tatur, continuatur ab Angelis, sic erit  
nobis dignè iucunda, si fuerit & fructuo-  
sa Liceat nobis aliquas te migrante re-  
tinere reliquias de fructibus spiritus, qui-  
bus onustus ascendisti, qui in tuo ho-  
die tam delitioso conuiuio congrega-  
mur.

Vita tua lex vitæ & disciplinæ; mors  
tua mortis portus, & porta vitæ: memo-  
ria tua dulcedo suauitatis, & gratia: præ-  
sentia tua corona gloriæ in manu Do-  
mini Dei tui. O oliua fructifera in domo  
Dei, ô oleum lætitiæ vngens & lucens,  
fouens beneficijs, coruscans miraculis;  
fac nos eius, qua frueris, lucis, suauitatis-  
que participes.

O odoriferum lilium in æternum  
ante Dominum germinans, florens &  
spargens vbiq; viuificum suauitatis  
odorem: cuius apud nos memoria in  
benedictione est, apud superos præsen-  
tia in honore: da saluantibus te & in-  
uocantibus tuam intercessionem, tan-

tæ plenitudinis participio non fraudari. O luminare magnum, & lux in tenebris lucens, signorum radijs & meritum, illuminans carcerem, & lætificans ciuitatem, fuga de cordibus nostris virtutum splendoribus tenebras vitiorum. O stella matutina, eò cæteris clarior, quò diei vicinior, similior soli: dignare præire nobis, vt & nos in lumine ambulemus, quasi filij lucis, & non filij tenebrarum.

Ex Ludo  
uico Vi-  
ue.

O aurora diescens super terram, quàm multos exemplo vitæ, quàm multos verbis & oratione, quàm multos precibus adduxisti ad meliorem frugem, & lucificasti Christo? Quantum erat solatium hominibus in rebus suis aduersis, vel ex sola tua (cùm viueres in terris) præsentia? quum se innixos tibi populi existimarent, quasi columnæ firmissimæ, & habere se quodammodo Christum ante oculos corporis præsentem? Nunc solutus hoc carcere miserrimo, lectus, securusque reuolasti in patriam: non iam malis vrgeris amplius vitæ huius, nec infestaris à Satana, nec sollicitaris varijs artibus, vt desciskas à Christo: nos hic iactamur tot casibus, fluctuamus inter vndas præsentissimi periculi; ora Patrem cælestem, cui nunc inseparabiliter coniunctissimus es, vt nos istuc quoque vocet: imò siue vltro, siue renitentes pertrahat, vt vnum & tecum simus, & cum illo, præstante Domino nostro

Iesu Christo, cui laus in secula seculorum, Amen.

AD QVAMVIS VIRGINEM Martyrem.

**G**Aude, ô Christi martyr inuictissima, & virgo sanctissima N. duplici nobis veneranda titulo, quæ non contenta virginitatis puritate, huic addere voluisti martyrij constantiam. Quare te mater Ecclesia merito vniuersum per orbem terrarum veneratur, festam diem tibi cum canticis agens, & corollas purpureis ex rosis, candidisque lilijs contextas offerens. In te licet vasculo fragiliori potentiam suam Deus ostendit: per te Reges & Principes cum omni inferorum atque huius seculi tyrannide contentens. Tu tenerrima Virgo iudicem non timuisti, sententiam eius spreuisti, minas & verbera irrisisti.

Collector

Simul vt tuba tyranni insonuit, ad prælium, agonemque te quam ocysissime præparasti: verbera tibi amœnissimæ rosæ fuerunt, tormenta coronæ, carcer obscurus ridentibus plenus floribus ager Torpebant cruciando lictores, manus eorum vt cera defluebant; tu verò adamante durior, robustior leone, & immota rupē constantior permanebas. Luxata cuncta membra & contrita erant, sanguis toto corpore copiosus erumpebat, corpore quidem stabas exanguis, sed animus stabilis omnino



perseuerabat, & inuictus. Non enim posuisti oculos tuos in tormentis, sed in paratas tibi à sponso tuo coronas defixisti. Totius mundi tempestas, & omnium tormentorum genera fidem Christo semel datam labefactare non potuerunt. Fortis enim vt mors erat tua dilectio, imò morte fortior; quæ mortem, omniaque mortis arma atque instrumenta fortiter prostrauit, & inuicta deuicit.

Ideo meruisti in summi Regis aulam manibus Angelorum deportari, vbi nunc fulges coronata, vbi ludis inter virgines & puellas, quæ annos suos sanctis moribus transcenderunt, palmarumque martyrij per fidei constantiam rapuerunt: vbi dispar est gloria singulorum, sed communis est lætitia omnium.

Nos miseri, qui adhuc in hoc procelloso mundi pelago fluctuamus, adeò debiles sumus, adeò infirmi & molles, vt vel leuis aura, vel exigua commoditas, turpis cupiditas, aut brevis voluptas à Christi sponsi tui charitate abstrahat; propter res penè pueriles & ludicras pietatem & iustitiam prodimus. Quare, ô Virgo sanctissima N. per inuictum illud robur tuum, per ipsum te rogo, qui te elegit, qui te talem fecit, de cuius pulchritudine iam satiaris, de cuius immortalitate iam immortalis facta es, esto memor no-

stri, & deprecare pro nobis communem Dominum nostrum IESVM Christum, vt immotam nobis tribuat fidei constantiam, & charitatem, à qua nec bonum temporalium iactura, nec popularis auræ metus, nec voluptatis titillatio, nec cupiditas aut animi vlla perturbatio separet: sed quæ inter omnes terrores & minas huius seculi, inter omnes illecebras carnis maneat illæsa & integra; donec perueniamus ad illam patriam, quæ tranquilla est, quæ nec hostem timet, nec vlllo metu mortis afficitur: sed de perpetuæ gloriæ incorruptione lætatur, vbi tu cum Christo viuis & regnas, per omnia secula seculorum, Amen.

## ORATIO AD QVAMVIS

*Virginem non Martyrem.*

**S**alue castissima Virgo, beatissima. quæ ab ipsis incunabulis corpus tuum Christo consecrasti, & in hoc mundo inter homines non humanam, sed Angelicam vitam duxisti; in carne viuens, sed nullum carnis habens consortium: Ideo sibi sponsam elegit Dominus. Nobilitatem huius seculi, pulchritudinemque humanam contempsisti; sed genere & dignitate nobilior, quouis homine Christus te annulo fidei suæ subarravit. Diuitias & pompam huius seculi aspernata es, sed gem-

mis & auro ornauit te altissimus Dextera tuam & collum tuum cinxit lapidibus pretiosis, tradidit auribus tuis inestimabiles margaritas, vernantibus & coruscantibus gemmis circundedit te.

Psal. 44.

Matt. 25.  
Apoc. 14.

Ipsi soli fidem seruasti, ipsi te tota deuotione tradidisti. Audisti & vidisti, & inclinasti aurem tuam: oblita es populum tuum, & domum patris tui, quia nec alium amatorem aspicere, nec eum derelinquere voluisti, cui te aeterna charitatis copula deuinxeras. Ideo concupiuit Rex speciem tuam: praeparauit tibi Dominus coronam in aeternum, & thronum suum in te collocauit: cum lampade & oleo Sponso occurristi, & cum Angelis in Paradisum ad nuptias Agni admissa, sequeris illum quocunque ierit, & canticum cantabis, quod nemo cantare poterit, nisi quae se ab omni carnis pollutione mundam seruauerit.

Magna fuit, o sanctissima Virgo N. fides tua, magna dilectio: sed maior merces, quam cum mundo decertando tandem consecuta es. Eia Virgo impetra nobis gratiam ab eo, cui seruiuisti, quem super omnia dilexisti, in cuius amplexibus nunc molliter quiescis, ut templum Spiritus sancti, quod nos sumus, omni diligentia custodiamus, ne immundis actibus, obscenis cogitationibus, aut impuris verbis polluamus. Ne in nobis caro dominetur, aut corde



luxuriemur, si opere, quod volumus, implere non liceat. Impetra mihi gratiam, ut purum me feruem atque immunem ab omni opere carnali, ut si supremum virginittatis gradum attingere nequeam, saltem ut proximum consequar, & in impuritate mea me purum contineam, nec vnquam eo perueniam, ut vita mea bestijs, quàm homini sit similior. Ora pro me Christum Sponsum tuum, ut fortitudinem mihi conferat, qua carnem spiritui subijciam, eius desideria in me occidam, & iam non secundum carnem, sed secundum spiritum ambulem: tollat à me omnes peccandi occasiones, & det, ne cùm voluntas prompta sit, caro per infirmitatem labatur.

Scio quidem ardua esse quæ peto, & supra hominem posita; nihilominus cùm considero diuitias, nobilitatem, pulchritudinem, ætatis florem, ceterasque, quas habuisti, peccandi occasiones; & cùm considero summam in te animi, corporisque puritatem, Virginittatisque immobilem constantiam, non diffido, imò potius confido, quòd tu, quæ eiusdem mecum naturæ, id tibi à summo Deo impetrare potuisti, etiam mihi impetrabis nunc ad orationum tuarum præsidium recurrenti; quatenus mihi detur in hoc seculo puritas mentis & carnis, post hanc verò vitam æterna illa beatitudo, qua tu nunc frueris cum

Sponso tuo, Domino nostro IESV  
Christo, per omnia secula seculorum,  
Amen.

## ORATIO AD QVAMVIS

*S. Viduam aut Coniugatam.*

*Collector.*

*Prou. vlt.*

*1. Cor. 7.*

**P**ulchra facie, sed pulchrior fide es,  
beata N. quæ in sexu fragili manum  
ad fortia quæque mittens, sic in hoc  
mundo vixisti, vt celestis patriæ desi-  
derium nunquam amiseris: sic carni-  
voluptates temperasti, vt virtutis aspe-  
ritates nunquam subterfugeris: sic vi-  
rum habuisti, quasi non habueris, scien-  
quia præterit figura mundi huius. Tul-  
cet viro subdita seruiebas, non carnali-  
ter, sed spiritualiter alium amatorem  
habebas, cui Ecclesia ipsa (cuius tu mem-  
brum eras) coniunx est, quæ fidei, spei,  
charitatis integritate non in solis virg-  
nibus sanctis, sed & in coniugatis & vi-  
duis tota virgo est. Nulla tibi maior cu-  
ra, nulla sollicitudo familiarior, quàm  
huic Sponso placeres, corporeque & spi-  
ritu sancta esses.

Tu gloria Ecclesiæ, tu lætitia Ange-  
lorum, tu magnificentia cælorum, quia  
fecisti viriliter, & confortatum est co-  
tuum. Manum tuam aperuisti inopi, &  
palmas tuas extendisti ad pauperem  
oculus fuisti cæco, & pes claudus: ma-  
ter orphanorum, & consolatrix vidua-  
rum. confidebat in te cor viri tui, & fi-  
lij tui te prædicabant: os aperiebas fa-

pietatiæ, & lex clementiæ semper erat in lingua tua. Semitas domus tuæ considerabas, & panem otiosa non comedisti. Ideo auris audiens beatificabat te, & oculus videns testimonium reddebat tibi. Dedit tibi Dominus de fructu manuum tuarum, & laudant te in cælis opera tua: Dominus confortauit te, & eris benedicta in secula.

Obsecro te per tuam charitatem, quæ secura es de te, esto sollicita de me: secura es de tua immarcescibili gloria, esto sollicita de mea multiplici miseria. Ora pro me D E V M & tuum & meum, vt refecet in me temeritatem iniquam, infruitos carnis motus, omnemque voluptatis cupiditatem: auferat desidiâ & pigritiam, mentis hebetudinem, cordis obstinati cæcitatem, inobedientiam bonis consilijs repugnantem. Det mihi misericordiæ opera, pietatis studia, vt compatiar afflictis, neminem despiciam, bonos sequar, à malis recedam; largiatur mihi in aduersis patientiam, in prosperis continentiam. Det denique vt magno animo terreno hæc contemnam, & toto pectore cælestia quæram, ad eaque tuis precibus tandem perueniam, per

Christum Dominum nostrum, Amen.

(.)



CAPVT XI.  
 PRECATIONES DE.  
 PRECATORIAE, QVIBVS  
 pro euitandis maris spirituali-  
 bus & internis diuinam  
 opem implora-  
 mus.

*Quot tentationibus exposita sit vita no-  
 stra, & quàm necessarium nobis sit  
 diuinum auxilium.*

r.  
 collector.  
 ex medi-  
 at. Beati  
 Bernard.  
 sal. 38.  
 ob 10.



Nunc fac mihi Domine fi-  
 nem meum, & numerum  
 dierum meorum iudica mi-  
 hi: Nunquid non paruitas  
 dierum meorum finietur  
 breui? tædet enim animam meam vi-  
 ta meæ. Quænamque hæc vita est, vbi  
 non desunt continuæ tribulationes? vbi  
 plena laqueis & hostibus sunt omnia?  
 Vix vna tentatio recedit, & alia mox  
 succedit: sed adhuc priore durante con-  
 flictu, alij plures superueniunt & in-  
 sperati. Adiuua me igitur Domine Deus  
 meus, quoniam inimici mei circunde-  
 derunt animam meam: hinc corpus, il-  
 linc Diabolus, istinc mundus instant,  
 & vim faciunt, quærentes animam me-  
 am. A corpore fugere non possum, nec  
 ipsum fugare: circumferre illud ne-  
 cesse est; quoniam alligatum est mihi:

peri-

perimere non licet; sustentare cogor; & cum illud impinguo, hostem meum aduersum me nutrio. Mundus circumcingit & obsidet me vndique, & per quinque corporis fenestras, visum, auditum, gustum, odoratum & tactum, sagittis suis me vulnerat, & mors intrat per fenestras meas in animam meam. Diabolus videre non possum, & ideo minus mihi ab eo cauere: tetendit arcum suum, & in eo parauit sagittas suas, vt vulneret me repente: narrauit vt absconderet laqueos suos, & dixit; Quis videbit eos? Quocunque me verto, nulla securitas est. Caro suggerit mihi mollia, mundus vana, Diabolus amara. De somno, de potu, de cibo, cæterisque ad carnis curam pertinentibus loquitur mihi caro: De ambitione seculi, de iactantia, de arrogantia, de superbia mundus mihi fabulabatur: ad iram verò, malitiam & amaritudinem animi Diabolus me prouocat.

Ecce infideles & subuersores mecum sunt Domine, & cum scorpionibus habito. Heu mihi quia incolatus meus prolongatus est, habitauit cum habitantibus Cedar: multum incola fuit anima mea. Et in hoc tam sæuo discrimine nihil in me, quò confugiam, inuenio. Cor enim meum vanum est, vagum & instabile: omni mobili mobilius, per infinita distrahitur, hac atque illac per innumera discurrit; & dum per di-

Ezech. 2.

Psal. 119.

uersa currit, requiem non inuenit. Sicut enim molendinum velociter currit, & nihil respuit, sed quicquid imponitur molit; si autem nihil apponitur, seipsum consumit: sic cor meum semper est in motu, & nunquam requiescit. cogitatio amara turbat, immunda maculat, vana inquietat & fatigat illud. Dum futurum non curat gaudium, nec tuum quærit auxilium, ab amore celestium elongatur, & amore terrestrium occupatur. Cumque elabitur ab illis, & inuoluitur istis, vanitas illud recipit, curiositas deducit, cupiditas allicit, voluptas seducit, luxuria polluit, torquet inuidia, turbat iracundia, cruciat tristitia: sicque miseris casibus submergitur omnibus vitijs, & vilis quandoque res est, vnde grauis tentatio prouenit. Infelix ego homo, quis me liberabit de corpore mortis huius? In his omnibus succumbo Domine, nisi tu me adiuues.

Rom. 7.

Psal. 58.

Psal. 123.

Miserere igitur, miserere mei Domine, & eripe me de luto, vt non infigar. ne permaneam deiectus vsquequaque. Eripe me de inimicis meis Deus meus, & ab his qui oderunt me, quoniam confortati sunt super me. Sed tu Domine libera nos de laqueo venantium, & a verbo aspero, vt confiteamur tibi dicentes; Benedictus Deus qui non dedit nos in captionem dentibus eorum. Anima nostra sicut passer erepta est de laqueo

venan-



venantium. Laqueus contritus est, & nos liberati sumus.

*Contra quamlibet tentationem.*

**V**ides, ô benignissime Pater, summum in quo versor periculum: vides insidias quas mihi struunt inimici mei, & violentiam quam exercent in me, vt me, ô pie Pater, e numero tuorum rapiant filiorum, & me ouiculam tuam ferocissimorum tradant dentibus luporum. Supplex igitur te oro, pro paterna tua charitate, adiuua me, & corrobora me, quoties videris me periclitari: vt videant inimici mei, quia Deus meus es, & quod frustra persequuntur me, fortio-rem se: quodque nil aliud proficiunt his suis machinationibus, quam vt me tibi reddant chariorem, suasque insidias mihi faciant manifestiores, consiliaque magis execranda.

2.

Ex Belg  
co man  
scripto.

Infirmetas quidem mea pacem & tranquillitatem optaret, (quomodo enim homo imbecillis & fragilis hostes tam potentes, mundum scilicet, Diabolum, & omnium periculosissimum corpus meum non metuum?) tamen cum non ignorem, Pater, tentationes nobis adeo utiles esse, & salutares, vt in ijs exultare debeamus: nil aliud te peto, quam vt ante omnia multitudinem peccatorum meorum auferas, quæ immenso pondere suo non tantum nauiculam meam deprimerent, sed opem etiam

& au-

Cor.12. & auxilium tuum à me auerterent. Audiam in meis tentationibus, quod olim audiuit Paulus tentatione circumuentus; Sufficit tibi gratia mea. O Domine, si istud non denegaueris mihi, dicam cum Propheta: Dominus illuminatio mea & salus mea, quem timebo? Dominus protector vitæ meæ, à quo trepidabo? Si consistent aduersum me castra, non timebit cor meum. Si exurgat aduersum me prælium, in hoc ego sperabo.

rou.28. Ecce Pater mi, quàm imperterritos faciat nos tui fiducia, & quàm timidos reddat nos peccatum: scriptum est enim; quod fugit impius nemine persequente: vidensque orientem Luciferum, mortis esse umbram arbitratur. Tolle igitur à me peccata, quæ timidum & pauidum me efficiunt; & largire mihi gratiam tuam, si omnino non expediat mihi vita, quæ ab omni tentatione immunis est; vt impugnationibus quibuscunque fortiter resistam, maioriq; cum desiderio ad cælestem illam patriam anhelem, vbi nec tentatio sollicitat, nec dolor cruciat, nec tribulatio affligit: vbi tu cælestis Pater cum Filio & Spiritu sancto viuis & regnas Deus per omnia secula seculorum, Amen.

*Contra tentationes Diaboli.*

3.  
cap.16  
liloq.  
Aug.

**D**omine Deus, creator & conseruator generis humani, en iterum in-

stat

Apoc. 12.

stat funestus ille Draco, serpens antiquus, qui ortus est in Paradiso voluptatis, qui cauda sua trahit tertiam partem stellarum cæli, & eas mittit in terram: qui veneno suo corrumpit aquas terræ, vt bibentes homines moriantur. Et quis defendet me à morsibus eius? quis eruet me ab ore eius? nisi tu Domine, qui confregisti capita Draconis magni? Adiuua me, prætende Domine super me alas tuas, vt fugiamus sub eis à facie Draconis huius, qui me persequitur, & scuto tuo libera me à cornibus eius. Hoc enim est continuum studium eius, hoc vnicum desiderium eius, vt animas quas creasti deuoret. Et ideo DEVS meus clamo ad te, libera me ab aduersario meo quotidiano: qui siue dormiam, siue vigilem, siue comedam, siue bibam, siue quid aliud agam, omnibus modis instat die ac nocte fraudibus & artibus, nunc palam, nunc occultè sagittas venenatas contra me dirigens, vt animam meam interficiat.

Sed tu Leo inuictissime de tribu Iuda, adde militi tuo robur aduersus Leonem rugientem, qui oberrat semper, quærens quem deuoret. Tu serpens ille salutifer, in sublimi fixus stipite, adde paruulo astutiam, aduersus callidissimi Serpentis insidias. Tu Agnus ille nixus, Satanicæ tyrannidis expugnator, da ouiculæ tuæ vires spiritûs tui, vt in

se fra-



se fragilis, in te fortis, superet omnes  
Diaboli assultus, ne de me gloriatur ho-  
stis meus: sed per te victor gratias agam  
tuæ misericordiæ, quæ tibi fidentes nun-  
quam destituit, Amen.

*Contra tentationes mundi.*

4.  
*Collector.*

Ioan. 16.

Sap. 5.

**V**Im patior Domine I E S V Christe,  
vim patior: veni, vindica me ab  
aduersario meo, & libera me. Nonne  
tu dixisti; Confidite, ego vinci mundum?  
Vnde igitur mundo vires hæ, vt in E-  
lectos tuos sic sæuiat? ferro & flamma  
persequatur omnes, qui non relicto te,  
venerantur & adorant ipsum? Vt quid  
tam latè dominatur inter eos, quos tu  
de mundo elegisti, vt essent tui? præ-  
fertim in hac delira senescentis ætate,  
in qua potentiam ipsius decrescere, non  
crescere oportebat? Vbiq̃ue regnat di-  
uini verbi contemptus, ingratitude,  
luxus, crapula, illicitæ voluptates, &  
omnium rerum abusus maximus: & qui  
hæc sectari noluerit, in derisum habe-  
tur, & similitudinem improperij: vita  
eius æstimatur insania, & finis eius  
sine honore. Grauis est mundo ad vi-  
dendum, quia dissimilis est alijs vita il-  
lius

Hæc sæpe pulsan animos nostros Do-  
mine, vt penè mouent pedes nostros, vt  
relictis vijs tuis duris, in partes mundi  
transeamus, qui nobis omnia felicia,  
iucunda, dulcia & amœna pollicetur:

placi-

placido nobis arridens vultu, & huius seculi diuitias, honores & voluptates plenīs manibus offerens. Sed tu Domine segrega me de caligine, dolis & turpitudine mundi huius. Illumina oculos meos, vt videam & intelligam, quā brevis, quā incerta, quā fallax, quā cæca, quā periculosa sit huius domini felicitas. Conserua me in agnitione nominis tui, ne in hac auara & ebria mundi ætate inuoluatur curis secularibus, quæ animos ab exercitijs pietatis abducunt, & motus à Spiritu sancto excitatos suffocant.

Da mihi Domine, vt mundus mihi sit crucifixus, & ego mundo: nequaquam illi placere studeam, ne dum amicus mundi factus fuero, meipsum inimicum tuum constituam: eius odia & conuicia nihili faciam, eius iudicium peruersissimum facile contemnam, sciens quia in nullo gloriari oportet, quā in cruce tua Domine, qui viuis & regnas cum Patre & Spiritu sancto in secula seculorum, Amen.

*Contra tentationes carnis.*

**V**Bi es, ô bone IESV, vbi es? iterum sc̃uit Iezabel, iterum fuit caro, domestica, sed tamen inimica insensibilissima. Adesto IESV, adesto; veni, fer opem periclitanti: quoniam intrauerunt aquæ vsque ad animam meam, & desideria carnis opprimunt me.

s.  
collector.

Caro

Caro mea de luto facta, nil nisi lutosas & sordidas profert cogitationes, à mundo vanas, & curiosas; à Diabolo malas & amaras accipit, quibus concupiscit aduersus spiritum: nata de peccato, nutrita in peccato, vitijs corrupta ab ipsa origine, sed multo amplius vitata praua consuetudine. Quis aduersus hostem tam potentem stabit Domine? vim illius quis sustinebit? Illicitos motus excitat, venenatas cogitationes inflammat, mouet bella, nutrit odia, incitat gulam, mouet libidinem, peccati occasiones parat, & mille nocendi artibus pulsare spiritum non cessat. Grauis lueta est, & graue periculum aduersus domesticum hostem pugnare: maximè cum nos aduenæ simus, & ille ciuis: Ille suam inhabitat regionem, non exules sumus & peregrini.

Non ignoras infirmitatem meam, ô dulcissime IES V, scis quàm imbecilla arx & caduca hæc est: scis quòd necessariò ruere debet tot impetita machinis, nisi tuo Christe robore muniatur. Ad te igitur clamo ex toto corde meo, da mihi gratiam tuam, ne sequar concupiscentias carnis meæ, & ne prouocem sensus meos effræni licentia, sed fortiter illis resistam. Adiua me, vt domem corpus meum & in seruitutem redigam, ne caro mea luxurians præuaricetur, & iustas metas transiliat, ne cor & corpus meum vitijs carnalibus, luxu, crapula,



& illicitis voluptatibus contaminetur. Sanctifica me, & rege me, vt custodiantur oculi mei, claudantur aures, nil tangeam illicitum, fugiam quod noxium est. etsi aculeum sentiam, consensum tamen non adhibeam, carnem sic nutriam, ne recalcitret, & sic reprimam ne insolescat. Largire mihi, vt in omnibus, & per omnia sic carnem spiritui subijciam, vt tandem vltro ei obtemperet, eique non iam amplius imperet, vt Domina; sed seruiat vt Ancilla: vt inter vtrumque sit summus consensus, optata pax, perpetua concordia, Amen.

*Deuicta tentatione*

**G**Ratia tibi Domine Deus, cuius benignitate factum est, vt sedata tempestate hac, optata appareat serenitas. Tibi triumphus ille decantatur: à te, non per me superbus prostratus est Goliath; tibi assignandum est, quidquid boni effectum est. Quantum enim in me fuit, cadere necesse fuisset: nunc verò victor persto, quòd in te auxiliatorem fortem certam posuerim victoriæ spem: semper ante oculos veluti appensum quid habens; Si DEVS pro nobis, quis contra nos? & Omnia possum in eo qui me corroborat.

Licet autem de parta hac victoria trophæa tibi canam Domine, quia tamen edocti sumus, cùm omnia quæ fortem

athle-

6.

Ioan. Fe-  
rus.

Rom. 8.  
Philip. 4.

athletam decent peregerimus, non ad  
luxus & voluptates redire, sed in Spiri-  
tu sancto fortes stare in acie contra as-  
siduas Diaboli velitationes: ideo ad te  
omnium in te sperantium conseruato-  
rem confugio. adauge meam in te fi-  
duciam, vt indies magis magisque fi-  
de crescens, hostium nostrorum defi-  
ciat virtus: quousque extra custodiam  
posueris eò, vbi nullius pugnae, nul-  
lius periculi, nullius formido angustia,  
sed sempiterna per te parata securitas  
est; quando regnum Patri tuo trades,  
cum quo viuis & regnas Deus in æuum,  
Amen.

*Contra conflictum vitiorum.*

7.  
Ioannes  
Lansper-  
gius in  
Phare-  
tra, &c.

**P**lissime Domine IESV Christe, en-  
miserum & mendicum & vilissi-  
mum me peccatorem, ad misericordia  
tuæ pedes prouolutum; en vulnera, pla-  
gas, liuores & vitia animæ meæ, quæ  
ipse mihi (heu) peccando intuli, &  
nunc oculis misericordiæ tuæ sanan-  
da exhibeo. Clementissime IESV, mi-  
serere infirmitatis, captiuitatis & infeli-  
citatæ meæ, quibus misera anima mea  
ad terrena deprimitur, & in variâ desi-  
deria distrahitur. Amantissime IESV,  
per charitatem illam, quæ te in manus  
peccatorum ligandum tradidit, & cru-  
cifigendum; quæque te tribus horis in  
cruce, magis, quàm clauis illi manibus  
ac pedibus tuis infixi, continuit, obse-

cro te; solue iugum captiuitatis meæ, & à cunctis vitijs, concupiscentijs & prauis inclinationibus libera me. Ab omnibus verò insidijs hostium, & in omni tribulatione protege me.

Extingue & occide in me radicitus omnem priuatum amorem, omnes inordinatos motus, passionēs & affectus: omnem fomitem, omnemque pronitatem & inclinationem ad superbiam, iram, inuidiam, vanam gloriam, &c. Ab his enim solus tu me potes liberare.

Dulcis IESV, reple me gratia tua, & perfectissima charitate tua; conserua me in omni bono, vt omnes peccandi occasiones fugiam; tentationes fortiter vincam, carnem spiritui subdam, vitia persequar & exterminem; inspirationibus tuis obediam, Diaboli insidias & fraudes euadam, nulli peccato vnquam consentiam, nihil quod tibi displicet foueam: sed honorem, laudem & gloriam tuam ardentissimè sitiam, fidelissimè promoueam, & me totum in beneplacitum tuum expendam, Amen.

*Contra malas cogitationes.*

**D**omine DEVS meus, ne clongaris à me; Deus meus in auxilium meum respice: quoniam insurrexerunt in me variæ cogitationes, & timores magni affligentes animam meam. Quomodo pertransibo illæsus? quomodo

8.

Thomas  
Campes.  
lib.2. de  
Imitat.  
Christi.

per-



Esa. 45.

perfringam eas? Ego, inquis, ante te ibo, & gloriosos terræ humiliabo. Fac Domine vt loqueris, vt fugiant à facie tua omnes iniquæ cogitationes. Hæc spes & vnica consolatio mea, ad te in omni tribulatione confugere, tibi confidere, te ex intimo corde inuocare, & patienter consolationem tuam expectare, Amen.

*Contra varia peccatorum genera.*

9.  
Sanctus  
Iacobus  
frater  
Domini  
in Liturgia.

**D**eus Pater Domini & Dei ac Seruatoris nostri IESV Christi, magni nominis Dominus, natura beata, bonitas effusa, Deus omnium ac Dominus, qui es benedictus in secula, qui à Seraphin glorificaris, cui assistent mille millia, & decies millies decies millena millia sanctorum Angelorum & Archangelorum militiæ: gratia Christi tui, & aduentu sanctissimi Spiritus tui sanctifica quæsumus animas nostras, corpora & spiritus nostros: nostras quoque mentes tange, explora conscientias, omnemque malam cogitationem à nobis aufer: omnem impudicam rationationem, omnem turpem cupiditatem, indecentem omnem cogitationem, omnem inuidiam, superbiam & hypocrisin: omne mendacium, omnem dolum, omnem huius vitæ distractionem, omnem avaritiam, omnem vanam gloriam, desidiâ omnem, omne vitium, omnem iram, omnem iracundiam,

omnem

omnem iniuriarum recordationem, omnem blasphemiam, commotionem omnem carnis & spiritus alienam à sanctitatis tuæ voluntate, Amen.

*Contra auaritiam.*

**Q**uotidiana corporis necessitas animum ad se trahit ac detrudit. Mittere nobis, Pater, cui scimus de nobis esse curam, panem illum quotidianum, quem nos ab te iussit & petere & sperare vnicus tuus Christus. Da necessarijs contentos viuere, superuacanea aspernari; vt nos neque inuitabilis necessitas vincat, neque obruat affluentia. Atque ea ipsa necessaria ita mittere per offensam tui paremus. Ita omni alia cura explicati & soluti, id solum curabimus, vt amicitiam tuam, quantum erit virium nostrarum, conseruemus, eamque curam tu iuuabis: qui si desis, nihil poterit consistere. Transfer cor meum à seruitute Idolorum ad seruitutem tui, cui seruire regnare est. Immitte pro cupidine harum diuitiarum, quæ & tempori, & iniuriæ hominum, & casibus sunt obnoxie, cupiditatem tuarum, quæ sempiternæ & inuiolabiles, semel acceptæ, possidentur, Amen.

*Contra superbiam.*

**O**pater sapientissime atque optime, qui semper excogitas quemadmo-

70.

Ludouic.  
Vaués.

17.

Idem.

T

dum

dum nobis proſis, cū nos ſemper cogitemus, quemadmodum te offendamus, dedifti humano generi ſuperbiſſimo, indomito, rebelli cæleſte Filij tui exemplum moderationis, atque obedientiæ. Conuerſe mentes noſtras ad te, atque illud tuum exemplum, vt nos tam demiffè nos geramus, mali atque imbecilles, quàm ille optimus & potentiſſimus, Amen

*Contra ebrietatem.*

12.  
B. Augu-  
ſtinus.

**O**Mnipotens miſericors Deus, ita nos inſpicere dignare, vt tam lugendum atque etiam erubescendum ebrietatis malum ita nobis in horrorem veniat, vt nunquam illud fieri permittamus: ſed quod in ebrietate periturum erat, in pauperum reſectionem proficiat. Per Chriſtum Dominum noſtrum.

*Contra iniuriarum recordationem.*

13.  
Ex Miſſa  
Æthio-  
pum.

**O** Domine, ex beneplacito tuo imple corda noſtra pace tua, & munda nos ab omni mala cogitatione, & immunditia, & ab omni memoria iniuriarum, & ab omni inuidia, & recordatione malorum, quæ mortem inferunt. O Domine, fac nos omnes dignos, vt ſalutemur ad inuicem ſalutatione ſancta, & immaculata: & recipiamus ſine iudicio, & ſine morte donum tuum cæleſte, hoc eſt, gratiam tuam cum Spiritu ſancto, Amen.



*Contra iram.*

**C**Aeca hæc nostri indulgentia quantum in animos nostros errorum importat, vt iniuria existimemus fieri, quod sit iustissimè: vt in eo alijs denegemus veniam, in quo nos singulis momentis labimur & venia indigemus: vt nobis ultionem sumamus pueri, dementes, furiosi, iniusti: & præripiamus illi, qui solus sapiens est, & iustus: quem & propter sapientiam nulla res fallit, & propter æquitatem nihil abducit à recto.

O Christe mitissime, exemplar moderationis, fons mansuetudinis, aliquid in nos asperge de lenitate ista tua, quò nos imitatione tui conuicijs impetiti, iniurijs affecti, calumnijs & contumelijs oppressi atque afflicti, beneficium tamen pro malo rependamus.

*Contra inuidiam.*

**T**V Domine repertor & conditor es omnium, tu munerum tuorum distributor, quæ pro immensa tua liberalitate elargiris; nemini non tribuens plus, quàm meretur; nemini non quantum sufficit. Quæ ergo inuidendi causa nobis relinquitur, quando tu omnibus das de tuo, & immerentibus das, & unicuique quod est ad beatitudinem suam satis.

Adde Pater hoc quoque ad cætera,

14.

Ludouicus Viues.

15.

Idem.

beneficiorum tuorum iudicio & distributioni acquiescere, vt pro ijs quæ accepimus agamus gratias. Pro ijs quæ in alios contulisti, ne tacitè apud nosmetipsos & sacram tuam voluntatem damnemus, & consilium non inuestigabile. Sed amemus potius & in bonis aliorum tuam munificentiam, qui tam es in omnes benignus, nullius rei egens, à nullo nec accipiens quicquam, nec sperans, Amen.

*Contra mentis euagationem in precibus & deuotione.*

16.  
Petrus  
Michae-  
lis in  
Sertis  
suis.

**O**Mnipotens æterne Deus, cordium cognitor & scrutator renum, cui manifestum, quàm instabiles sint in hac vita mentes hominum, quamque facilitè à contemplatione summi boni, & inuocatione sanctissimi tui nominis, per varias distractiones, & intempestiuas curas abduci, & gustu dulcedinis tuæ tanquam fructu deuotionis nos priuari, & veluti procellosis fluctibus huc illucque disijci patiamur; nouisti Domine in his imperfectum meum, imò summam meam negligentiam, quæ sanè mihi in conspectu tuo displicet ex toto corde. Sed quis cordis mei imperium melius regat teipso, Deus cordis mei?

Exurge igitur & impera ventis multiplicis distractionis mentis meæ, vt quiescant, & cor meum finant ad te arden-

tū deuotione erigi, tibiſque abſque impedimento (quoad in hac vita poſſibile eſt) perfectè vniri. Effice in me Domine Deus, quod deuotæ tibi animæ ſpondiſti, meque duc in ſolitudinem in te ſolum collecti cordis, vt ibi loquaris ad me, & ego exaudiam: hîc ſedeam ſolitariuſ in te vnum intentuſ, & leuem me ſupra me, teque intimè complectar, teneam, nec dimittam donec benedixeris mihi.

Oſee 2.

Thren. 3.

Gen. 32.

O quàm bonus eſ Domine illis, qui recto ſunt corde, qui te toto corde ſuo quærunt, & coram te effundunt animas ſuas, purasque ad te leuant cum cordibus manus: atque omnem adhibent diligentiam, ne in oratione ſint, ſicuti homo tentans Deum, cuius labia illuſ honorent, dum cor procul eſt ab eo.

Eſa. 29.

Largirè mihi amantiſſime Deus, quod populo tuo per Ieremiam promiſiſti, atque ſpiritum tuum nouum renoua in viſceribus meis: Aufer à me cor lapideum, & da mihi cor carneum, vt ſenſu tui amoris fretuſ, in mandatis tuis ambulem; iudicia & iuſtificationes tuas ita cuſtodiam, vt de populo tuo cenſear, tuque ſis & permaneas Deus meus, qui ſicut me doces rectè à te petere, ita per IESVM Chriſtum Filium tuum Dominum noſtrum, quod poſtulo, concedere mihi & omniſus fidelibuſ hodie digneris, Amen.

Ierem. 33.



*Contra Sectas & Schismata  
Religionis.*

17.  
Idem  
ibidem.

**O** Pax vera, atque fidelis Pastor ou-  
lis Ecclesiæ tuæ, Domine IESV  
Christe, in cuius conspectu omnes tan-  
quam vnus panis esse oportet, qui de vno  
pane participamus: id est, inter nos tan-  
quam membra tecum, ceu cum capite,  
veræ fidei, spei & charitatis vinculo col-  
ligatos semper existere: Exaudi preces  
nostras, & miserere ærurnarum & va-  
stationis populi tui. Et cum non ignore-  
mus peccatis nostris meritò acceptum  
referri, quòd tot Hæreses atque perditio-  
nis Sectas in nos, tanquam efferatas bel-  
luas grassari permiseris: oramus te per  
acerbissimam passionem & mortem tu-  
am, vt populo tuo cor contritum & hu-  
miliatum, quod nunquam despicere so-  
les, largiaris.

Obliga & sana, obsecro, omnia vul-  
nera nostra. Redeat, pulsus altercatio-  
nibus, & corruptelis verbi tui, alma ve-  
ritas; & pax quæ eruperat omnem sen-  
sum, custodiat corda & intelligentias  
nostras, sub legitimis pastoribus nostris  
in te supremo omnium Capite nostro,  
à quo omnis influxus lucis & gratiæ,  
in tibi coniuncta sacræ pacis  
nexu membra deriua-  
tur, Amen.

(.)

CAPVT XII.  
PRECATIONES QVI-

RVS DOMINO SVPPlica-  
mus, vt nos à diuerfis malis cor-  
poralibus & externis  
liberet.

*In quacunque tribulatione.*



Miserere mei Domine, mise-  
rere mei, quia peccavi, ini-  
quitatem feci, & te ad ira-  
cundiam prouocaui: ideoque  
merito castigor, & dignus  
sum, qui has poenas sustineam. Si peccata  
mea cum tuis flagellis conferam, multò  
maiora sunt, quæ merui, quàm quæ pa-  
tior: misericordia est, non ira; blanditiæ  
sunt, non supplicia; oscula, non flagel-  
la, quibus me excipis. Si enim intrâueris  
cum seruo in iudicium, sulphur, & pix,  
& omnia tormenta inferni minora sunt,  
quàm vt pro merito meam punire que-  
ant iniquitatem. Vt vt Domine me tra-  
ctaueris, iustus es, & iusta sunt iudicia  
tua: ego verò iniustus, & qui grauiora  
promerui

At tu Domine, qui es solatium af-  
flictorum, gaudium incoerentium, & re-  
fugium nostrum in tempore tribula-  
tionis, noli potentiam tuam ostende-  
re contra folium quod vento rapitur, &

*Collector.*

Iob 13.

stipulam siccam noli persequi. Noli scribere contra me amaritudines, & peccatis adolescentiæ meæ ne consumas me. Ne secundum peccata mea facias mihi, quibus indignationem tuam commerui; sed secundum misericordiam tuam, quæ omnia, non tantum mea, sed & totius mundi peccata superat.

Tibi Domine nota est carnis meæ imbecillitas, quod pauidus sum & formidolosus, qui in cruce & varijs periculorum casibus subsistere ex viribus meis non possum: ideo de profundis tribulationum ad te clamo, ô Pater misericordiarum, & Deus totius consolationis; Conserua me sub cruce & calamitatibus solidum in fide, firmum in spe, constantem in patientia: vt tribulationes, & res quasque aduersas æquo ac magno animo perferam: ne fractus dolore aliquid contra mandatum tuum faciam, quo ira tua magis in me exardescat; sed da vt hunc calicem, velut abs te porrectum, patienter & obedienter ebibam.

Psal. 6.

Domine ne in furore tuo arguas me: neque in ira tua corripas me: misere mei, quia infirmus sum. Adiua me secundum beneplacitum tuum: potes enim, si velis, hunc calicem à me tollere. Spiritus quidem promptus est, caro autem infirma. Si tamen visum est adde doloribus; fiat voluntas tua, non

Marc. 14.

mea:



mea: sed adde obsecro & patientiæ dono, velisque has corporis afflictiones mihi cedere in remissionem peccatorum meorum.

Quòd si paterna tua pietas hac miti castigatione contenta sit, tempestatem hanc excipiat serenitas: vt tibi vtroque nomine gratias agam, & quòd inutilem famulum clementer emendaueris, & quòd afflictionis amaritudinem consolationis dulcedine sustuleris: Illic rationem habens necessitatis: hinc non immemor infirmitatis. Tibi laus & gratiarum actio in omne æuum, Amen.

*In angustijs & extremis periculis.*

**D**omine Deus, qui Susannam matronam honestam calumniosè circumuentam à falso iudicio liberam fecisti; qui Danielem vatem tuum in spelunca leonum, & tres pueros in ardente camino ignis conseruasti incolumes: qui Petrum, quem iam marini fluctus obruere, & submergere cœperant, dextera tua ad auxilium porrecta, subleuasti, te oro, ô Deus clementissime, vt me indignum, & simul vniuersum populum Christianum, ex his miserijs & angustijs, quibus circumsepti sumus, extrahas & liberes.

Parce quæso genti tuæ, quam pretioso sanguine tuo mercatus es. Hanc gentem, huac populum tanto pretio

2.

Ioannes

Fabri

Dan 1.

4. &amp; 3.

Matt. 14.

per te redemptum, in pace & mutua concordia atque coniunctione, ad laudem tui nominis perpetuam conserua, Amen.

*Tempore belli inter Christianos.*

3.  
Petrus  
Michae-  
lis in Ser-  
tis suis.

**D**omine Pater misericordiarum, pacis & dilectionis Deus, quamdiu quaeso irasceris super populum tuum Christianum, non auferens execranda bella, & euerisiones eius atrocissimas? Respice in afflictionem & exitium extremum populorum atque nationum. Exaudi gemitus pauperum, commoueat te ad miserandum effusus Christianus sanguis.

Heu Domine, sunt quidem haec omnia peccatorum nostrorum iustissima supplicia: peccauimus, iniquitatem fecimus, te fontem vitae & felicitatem nostram dereliquimus, contempsimus, irrisimus, contra te, tuaque mandata perfricta fronte peccatis nostris bellum gessimus. Mandata tua nulla seruauimus, de quibus dixisti; Si seruaueritis, seruabunt vos: si nolueritis, gladius deuorabit vos. At tu Domine, cum irasceris iuste, misericordiae tuae recordare, & ut illius capaces reddamur, da populo tuo quaeso cognitionem & confessionem impiae vitae suae. Mitte in eum spiritum gratiae & precum, ut ubique corde contrito & humiliato, quod non despicias, ad te clament, dicentes:

Esa. 1.

Domine miserere, Domine miserere populi tui, quem pretioso sanguine redemisti: peccauimus, iniquitatem fecimus. Iusta sunt in nos iudicia tua, supplices ruentes, gratiam & misericordiam tuam implorabimus, vt desinat vindex manus tua.

Conuerte, ô Domine, cruentum & voracem gladium tuum in vaginam suam. Impera malis bestiis, id est, omnibus qui ad bellum causam præbent, vt reuertantur ad locum suum, atque salutiferam pacem, diu desideratam, inter nos Christianos tutò regnare permittant, ad laudem & gloriam sanctissimi nominis tui; qui percutis & fanas, occidis & viuificas, Amen.

*Tempore belli Turcici.*

**C**A Elestis Pater, commeruimus peccatis nostris pœnas, verum tu ipse castiga secundum misericordiam tuam, & non in furore tuo. Melius & tolerabilius nobis est, tradere nos castigandos manibus tuis, quàm in hominum, aut hostis manus incidere: sicut & Dauid precabatur Magna est enim misericordia tua. Tibi soli peccauimus, & mandata tua transgressi sumus.

Sed omnipotens Deus Pater, probè tu quidem nosti, nihil nos contra Diabolum, mundum & Turcam deliquisse, nec ipsi aliquid iuris, aut potestatis plectendi nos habent. Verum tu opera

4.  
Borken-  
sis in En-  
chiridio.



eorum, tanquam sæua virga, contra nos  
vti potes. Atqui bone Deus, cælestis Pa-  
ter, nihil aduersus ipsos deliquimus, vt  
meritò ac iure plectere nos videantur.  
Quin mallent ipsi nos vnà secum contra  
te horribiliter peccare.

Non enim curant hoc, vt tibi obe-  
dientes simus; sed omni genere idolola-  
triæ (quemadmodum ipsi faciunt) con-  
taminemur, falsam doctrinam, falsam  
fidem, & mendacia amplectamur: co-  
inquinemur adulterijs, libidinibus, cæ-  
dibus, latrocinijs, veneficijs, & om-  
ne genus flagitiorum contra te perpetre-  
mus. Verùm hoc est aduersus eos pec-  
catum nostrum, quòd te Deum Patrem  
verum, ac vnicum Deum, & dilectum  
Filium tuum Dominum nostrum Iesum  
Christum, & Spiritum sanctum vnicum  
Deum prædicamus, credimus, & confi-  
temur: hoc est, peccatum nostrum ad-  
uersus eos.

Cæterum si abnegaremus te, pacem  
& tranquillitatem nobis diabolus, mun-  
dus & Turca concessuri essent: sicut  
Ioan. 15. inquit dilectus Filius tuus; Si de mun-  
do essetis, mundus quod suum est dili-  
geret. Hic iam respice misericors Pater  
super nos, & seuerè iudex super inimi-  
cos nostros. Non enim magis sunt no-  
stri, quàm tui hostes. Quare cùm perse-  
quuntur & affligunt nos, persequuntur  
& affligunt te. Nam verbum hoc quod  
prædicamus, credimus, & confitemur,

non nostrum, sed tuum verbum est: & quicquid est in nobis, est Spiritus sancti tui opus. Id Diabolus ferre non potest, sed tuo loco vult esse Deus: Mundus vult pro verbo tuo nobis obtrudere sua mendacia; & Turca vult Mahometem suum in locum dilecti Filij tui IESV Christi collocare: quem quidem blasphematur ille, negans eum verum esse Deum, & affirmans Mahometem suum longè illo esse superiorem.

Sihoc peccatum sit, quòd te æternum Patrem, & dilectum Filium tuum, & Spiritum sanctum vt verum & vnicum Deum colimus, confitemur & celebramus, ipse tu peccator ille es, qui ista in nobis operaris, præcipis, ac requiris. Quapropter illi quidem te ipsum odunt, affligunt, & plectunt; si ob eam causam nos oderint, affligant, & plectant. Quare expergiscere, Domine Deus, & sanctifica nomen tuum, quod illi blasphemant horribiliter. Stabilito regnum tuum, quod illi in nobis conturbant, & perforce voluntatem tuam, quam impedire illi in nobis conantur: nec patiaris te propter peccata nostra ita conculcari ab ijs, qui non peccata nostra in nobis plectunt, sed sanctum nomen tuum. Nomen & opus tuum in nobis opprimere, & delere conantur, ne tu pro Deo colaris, nec aliquem habebas, qui te prædicet, in te credat, & te profiteatur.

Has preces clementer ac benignè recipere & exaudire, & quemadmodum credimus ac speramus, ex omnibus his malis nos liberare digneris, propter dilectum Filium tuum Dominum nostrum Iesum Christum, qui tecum & cum Spiritu sancto viuit & regnat in sempiterna secula, Amen.

*Tempore pestis.*

5.  
Ioannes  
Ferus.

**N**on sunt nobis remotæ causæ, Domine Deus, Pater iustissime, tantam esse rebellionem omnium ferè creaturarum in vnum hominem, cui (si omnia creationis modo constarent) obedire & subesse debebant: nunc terræ motus, nunc tonitrua, nunc eluuiæ, nunc coniunctiones syderum nocentissimæ, nunc infectio aëris, quotidie noua atque alia audiuntur mala. Sed hæc pœna, quòd munificentiae tuæ donis abutimur, mandata tua transgredimur, quòd minis non deterremur, promissis non allicimur.

Agnoscamus his te castigationibus à terrenis hisce nos abducere, ad cœlestium desideria attrahere; & in hoc creaturas tuas tibi obsequi. Memor esto in magna hac ira tua misericordiarum tuarum, & contagij malum, quod tua ira in nos effusum est, tolle propitius. Nullum enim malum pestilens aër importabit, si omnigenis peccatis bellum indixerimus. Omnia tamen abs te Patre pijsimo sunt,

& quòd.



& quòd corpore à contagio hoc securi,  
& quòd anima à peccati malo tuti su-  
mus.

Et si autem alij huius vitæ amore de-  
tenti in mortalitatis eiuſcemodi pericu-  
lis huc illucque opem implorantes dif-  
currunt; tamen à nemine rectius, tutius-  
que petitur auxilium, quàm abs te vno:  
cuius potentiam nemo potest effugere,  
qui nos in gratiam recipies, cùm nemi-  
nem non suscipis in tua bonitate speran-  
tem. Ad te igitur clamamus Domine, **Additio**  
exaudi preces & orationes nostras, vt li-  
beres nos ab hac plaga pestifera & fune-  
sta. Præcipe Angelo tuo percutienti nos,  
vt recondat gladium suum in vaginam,  
ne nos feriat vsque ad consummatio-  
nem: ne facias progressionem iræ tuæ,  
parce animabus nostris, & ne concludas  
nos peste.

Reuertere, reuertere Domine, & de-  
precabilis esto super seruos tuos: aufer  
à nobis hanc inclementiam cæli, & in-  
salubritatem loci, ne aër infectus no-  
xam, qua afficitur, in nostram perni-  
ciem effundat. O Domine, vertatur quæ-  
so manus tua, sufficit iam, cesset nunc  
manus tua, vt sciat omnis terra, quia  
tu es Domine Deus noster, & quia no-  
men tuum inuocatum est super nos,  
Amen.

*Tempore famis & annonæ caritatis.*

**I**ustissime Domine Deus, qui pro me-  
ritis populi tui benedictionem tuam

2. Reg 2

6.

Petrus  
Michae-  
lis in Se-  
tis suis.

ima-

impartiris, & retrahis; respice in egestatem nostram, qui agnoscimus presentem annonæ caritatem & famem, qua tabescimus, tanquam virgam in manu, qua castigas & punis multiplicem abusum bonorum tuorum apud nos in crapula & ebrietate creberrima, alijsque desiderijs carnis, & dissipatione donorum tuorum; quæ largitus es, non vt contra te impinguati & dilatati recalcitremus, sed potius vt datori muneris ex animo seruiamus. Quid de profanatione nominis tui per iuramenta & imprecationes horrendas, de violatione Fæstorum & cultus tui, non conqueramur?

Sed quidnam miseri, & in iniquitatibus nostris à te iustissimè flagellati, aliud faciamus, quàm vt in conspectu & vultu tuo irato procidentes, accusemus atque deploremus peccata nostra, tum gratiam & misericordiam imploremus, vt respicere de cælo digneris, quò citius terra nostra largiatur fructum suum benedictione tua, atque adeò necessarijs alimentis refectionis, te pro accepta benedictione tua laudemus, & ad seruiendum tibi nos magis deuinctos profiteamur, Amen.

*Contra tempestates aëris & tonitrua.*

7. **R** Ex æterni imperij omnipotens Deus, qui das escam omni carni, qui operis cælum nubibus, & paras terræ

bertus  
italio  
netus

plu-

pluuiam: qui transfers Austrum de cælo, & inducis in virtute tua Africum qui rigas montes de superioribus suis, & de fructu operum tuorum satiabitur terra: qui Angelo præcepisti, vt terræ, mari, arboribus non noceret: parce metuentibus, propitiare supplicantibus.

Te enim Domine supplices exoramus, vt procul abscedat incursio turbinum, calamitas tempestatum, fragor grandinum, percussus fulminum, & quælibet insidiæ inimici temperentur. Insecta tonitrua, noxiæ pluuiæ, ventorum flamina fiant moderatè suspensa. omnis quoque spiritus procellarum, & aëreæ tempestates dextera tuæ virtutis prosterantur.

Domine qui intonas de cælo, & das vocem tuam: qui mittis sagittas tuas, & fulgura tua multiplicas, auerte quæsumus sæuissimam hanc tempestatem, ne nobis adferat exitium. Cohibe fulmina, & sagittas tuas, ne nos lædant. Custodi nos & nidulos nostros, ne contactu fulgurationum & ictibus fulminum pereamus. Protege ædes nostras, ne adustionibus cælitus succensæ conflagrent & consumantur.

Misericordissime Domine, ne quæso pluas grandinem super faciem terræ, neque percutias quæ sunt in agris nostris, herbam & arborem regionis nostræ ne confringas: segetem nostram ne perimas, neque tradas iumenta no-

in Sacer-  
dotali  
Rom.  
part. 3.  
Apoc. 9.

Additio.  
Psal. 17.

Psal. 77.

stra



fra grandini, vt intereant: sed iram furoris tui in misericordia tua contine, vt qui pro peccatis nostris iuste affligimur, misericordia tua præueniente gratiam & indulgentiam tuam sentiamus, Amen.

*Tempore nimia pluuia.*

8.  
Collector.  
3. Reg. 17.  
& 18.

Potentissime & sapientissime Deus, qui ad vocem vnus Helix Prophe-  
tæ tui cælum & clausisti, & aperuisti, ita vt toto triennio nec ros nec pluuia terræ superficiem humectauerit, iterumque vt nubes copiosos imbres dederint, hoc in beneficium, illud in ultionem populi tui: te credimus, & confitemur eum, qui omnia quæcunque vis facis in cælo, in terra, in mari, & in omnibus abyssis: producens & leuans nubes ab extremo terræ; qui cælum nubibus operis, & terræ paras pluuiam, ad educendum in montibus fœnum, & herbam seruituti hominum.

Deut. 12.

Nos quidem recessimus à te, & non audiuius vocem tuam, vt ambularemus in præceptis tuis: verbum tuum hætenus cum nausea & fastidio magno aspernati sumus, dies festos in otio & luxu transegimus, cultum tuum negleximus, & carnis nostræ cupiditatibus fræna laxauimus. Ideo stillauit super nos maledictio & detestatio, quam in lege tua minatus es nobis inferre, vt maledicti essemus in ciuitate, & in agro:

male-

maledictum esset horreum nostrum, & maledictus fructus terræ nostræ, armenta bouum nostrorum, & greges ouium nostrarum.

Ostendisti nobis Domine anni huius initia, læta, prospera, & spe plena: fruges in agris nostris copiosam nobis messem pollicebantur; herba in pascuis luxurians gratum præbebat iumentis & pecoribus pabulum.

At tu Domine vt visitares iniquitates nostras super nos, rupisti fontes abyssi magnæ, cataractas cæli aperuisti, & facta est pluuiæ super terram multa nimis. Inundârunt aquæ, & nisi tu Domine clemens & propitius nostri misereris, auferent labores manuum nostrarum: & spes nostra erit tanquam Sap. 5. lanugo, quæ à vento tollitur; tanquam spuma gracilis, quæ à procella dispergitur.

Supplices igitur, & ad genua tuæ Majestatis prouoluti te deprecamur, ne infinitum procedat ira tua: dic cælis: Sufficit; & nubibus cæli, vt moderatius pluant super terram. Custodi nos ab imbris immodicis, qui frugibus sunt perniciosi, & accersunt æruginem: aut qui nimia illuione omnia sata conuertunt, & perdunt. Obicem pone fluminibus, ne cooperiant terram, & mari dic: Usquehuc venies, & non procedes amplius: & hîc confringes tumentes fluctus tuos. Da moderatas pluuias

ad fecundandam terram, & benedictionem tuam effunde super nos, vt habentes vitæ necessaria tibi gratias agamus, & te in pauperibus tuis honorificemus, cui laus, honor & gloria est in secula seculorum, Amen.

## C A P V T XIII. PRECATIONES PETI-

TORIAE, QVIBVS PRO  
expetendis bonis spiritua-  
libus Deum obse-  
cramus.

*Pro diuina gratia impetranda.*

Thomas  
Campes.  
de imit.  
Christi  
lib. 2.  
cap. 32.



Domine Deus meus, qui me creasti ad imaginem & similitudinem tuam, concede mihi gratiam tuam, quam ostendisti mihi tam magnam & necessariam ad salutem, vt vincam pessimam naturam meam, trahentem me ad peccata & perditionem. Sentio enim in carne mea legem peccati, contradicentem legi mentis meæ, & captiuum me ducentem, ad obediendum sensualitati in multis: nec possum resistere passionibus eius, nisi assistat sanctissima gratia tua, cordi meo ardentem infusa.

Opus est gratia tua, & magna gratia, vt vincatur natura ad malum semper prona, etiam ab adolescentia sua. Nam



per primum hominem lapsa, & vitata per peccatum, in omnes homines poena huius maculae descendit, ut ipsa natura, quae bona & recta condita fuit, pro vitio nunc & infirmitate corruptae naturae ponatur: eò quòd motus eius sibi relictus ad malum & inferiora trahat. Nam modica vis quae remansit, est quasi scintilla quaedam latens in cinere. Haec est ipsa ratio naturalis, circumfusa magna caligine, adhuc iudicium habens boni & mali, veri falsique distantiam: licet impotens sit implere omne quod approbat, nec pleno iam lumine veritatis, nec suauitate affectionum suarum potiatur.

Hinc est Deus meus quòd condecorator legi tuae, secundum interiorem hominem, sciens mandatum tuum fore bonum, iustum & sanctum: arguens etiam omne malum, & peccatum fugiendum: carne autem serui legi peccati, dum magis sensualitati obedio, quam rationi. Hinc est quòd velle bonum mihi adiacet, perficere autem non inuenio. Hinc sepe multa bona propono, sed quia gratia deest, ad adiuuandam infirmitatem meam, ex leui resistantia resilio, & deficio.

O quàm maximè est mihi necessaria gratia tua Domine, ad inchoandum bonum, ad perseuerandum, & ad perficiendum? Nam sine ea nihil possum facere: omnia autem possum in te, con-

for-

fortante me gratia. O verè cælestis gratia, sine qua nulla sunt propria merita, nulla quoque naturæ dona ponderanda. Nihil artes, nihil diuitiæ, nihil pulchritudo, vel fortitudo; nihil ingenium, vel eloquentia valent apud te Domine, sine gratia. Nam dona naturæ bonis & malis sunt communia, electorum autem proprium donum est gratia: qua insigniti digni habentur vita æterna. Tantum eminet hæc gratia, ut nec donum prophetiæ, nec signorum operatio, nec quantalibet alta speculatio aliquid æstimetur, sine illa. Sed neque fides, neque spes, neque aliæ virtutes tibi acceptæ sint, sine charitate & gratia.

O beatissima gratia, quæ pauperem spiritu virtutibus diuitem facis, & diuitem multis bonis humilem corde reddis. Veni, descende ad me, reple me manè consolatione tua, ne deficiat prælasitudine & ariditate mentis anima mea. Obsecro Domine, ut inueniam gratiam in oculis tuis. Sufficit enim mihi gratia tua, cæteris non obtentis, quæ natura desiderat. Si fuero tentatus & vexatus tribulationibus multis, non timebo mala, dum mecum fuerit gratia tua.

Ipsa fortitudo mea, ipsa consilium confert & auxilium. Cunctis hostibus potentior est, & sapientior vniuersis sapientibus. Magistra est veritatis, do-

atrix disciplinæ, lumen cordis, solamen pressuræ, fugatrix tristitiæ, ablatrix timoris, nutrix deuotionis, productrix lachrymarum. Quid sum sine illa, nisi aridum lignum & stirps inutilis ad eiiciendum?

Tua ergo me Domine gratia semper præueniat & sequatur, ac bonis operibus iugiter præstet esse intentum per Iesum Christum dilectum Filium tuum, in quo tibi complacuit, Amen.

*Oratio pia, qua à Deo iustificationem expetimus.*

**Q**ui in æternum dominaris & solus Ioannes potes omnia, **DEVS** cæli & terræ Fabri. moderator, ad cuius nutum omnes creaturæ contremiscunt, & cæli cardines nutant. O Domine cælestis, perfecte opifex & figule, ego miser de limo effectus, vel potius limus sordidus, cum timore & trepidatione ad thronum tuæ Maiestatis venio: agnosco & confiteor meam imbecillitatem. Scio quòd nihil sum, imò quòd abominatio mera, & horror existam coram tuo aspectu, si tua gratia & misericordia destituar. Sine te nihil boni cogito, sine te nihil boni facio, sine te sum reptile quoddam deperditum. Non possum saluari sine te; in tua manu est omnis mea salus.

Ago tibi gratias ô **DEVS**, vel propter hoc, quòd eam cognitionem mihi de-

deris,



deris, vt videam & cognoscam me nihil esse, vel posse absque te. Tu es figurus, & ego limus: qualem me esse vis, talem potes effingere & formare. Si beatum me reddis, ostendis misericordiam tuam, & gratiam: si conijcis in perditionem, demonstras iustitiam, & tuum exqueris iudicium. Nec meum est contradicere, cur hoc, aut qua ratione facis. Etenim cui tu bene vis, misereris. Hæc ego mecum reputo, ô Domine, & iudicia extimesco.

Cum igitur omnis mea incolumitas & salus ex te pendeat, & in manu tua atque potestate sita sit; cumque vniuerso mundo maximè placabilem & misericordem Deum te exhibueris, per hoc quod filium tuum charissimum Iesum Christum innocentem pro nobis noxijs mori, & nostra peccata illius sanguine in cruce voluisti expiare: Cum denique docueris nos, in omni nostra perturbatione te inuocare, tuam gratiam & misericordiam efflagitare, promittens quod daturus es nobis omnia, quæ in nomine Filij tui sumus petaturi: Venio ad te limus & massa lutea, ô clemens & celestis figule, a te peto suppliciter, vt misericordia tua utaris: ex hac licet indigna materia facias vasculum ad æternam gloriam.

Digneris etiam ex mera tua gratia ad fidem veram, spem solidam, castum & sanctum amorem voluntatem meam

permouere: vt per hæc dona iustificatus, integer, perfectus, bonus, sanctus, secundum tuum beneplacitum in medio vitæ meæ, & in fine, atque adedò in extremo die iudicij inueniar. O mitis Pater, concede mihi veniam omnium peccatorum meorum, per mortem filij tui amantissimi IESV Christi. Fac vt tibi vni placeam, tibi gratus sim filius & hæres: adauge in me clementer iustitiam qualemcunque mihi diuinitus datam, vt in ea pergam viuere. Auge in me fidem acceptam, confirma spem meam, accende & illustriorem redde in me tui amorem: vt auxilio tuo, tuæque gratiæ præsentia, & ex operatione tuæ sanctissimæ voluntatis vitam æternam, quam tu solus meruisti, & nobis promissisti, impetrare queam, vt te laudem, tibi gratias agam in regno tuo, per æterna sæcula, Amen.

*Pro fide firma & sincera.*

**E**Xcæcatus est homo à peccato, sed Ludouic. misericordie patris tui appositus es Viues. tu Christe, dux cæco, magister rudi. Illud tamen atrocissimum in cæcitate hac & ruditate malum, quòd subinde trepidamus & nutamus, aliàs optima præceptoris monita non capimus, aliàs hæremus & ambigimus de veritate. O miserum & cæcum, quomodo paratam perniciem euades, si te subtrahis? si nec ipse osti viam, nec fidem habes monstranti?

Christe veritas pura & sempiterna, dignare ita pectoribus nostris illabi, vt te ac tua omnia sicuti veriora sunt, ita pro certioribus habeamus, quàm quæ vel oculis nostris cernimus, vel digitis contrectamus, fallacibus corporis sensibus, quibus stolidi & bruta caro tantopere confidit. Seda & compone motus istos carnis, detrudentes nos subinde ad mutationem eius, quod firmissimum atque stabilissimum oportet esse apud animos nostros, Donum est luminis tui fides; hoc tu Christe benignissime ita cordibus nostris instilla, vt vitiosi isti oculi vel reluctantantes & inuiti cogantur illud aspicere.

Credo Domine, sed tu adiuua incredulitatem meam: succurre imbecilli & languidæ fidei meæ, quæ in me est exigua, instar grani sinapis: vt illa indies succrescens, in te radices agat; firma & immobilis maneat semper, ne inter tot sectas & schismata huius mundi labascat aut deficiat.

Da quoque ô pie IESV, ne fides mea sit nuda, inanis, seu mortua, sine operibus & fructibus bonis: sed efficax, & per charitatem operans, vt finem fidei reportem, salutem scilicet animæ meæ: vt te, quem nunc fide cognosco, tanquam per speculum & ænigma, facie ad faciem conspiciam in altero seculo, vbi viuus & regnas cum Patre & Spiritu sancto Deus, per omnia secula seculorum, Amen.



*Pro solida spe & fiducia.*

**Q**uare tristis es anima mea, & quare conturbas me? Spera in Deo, quoniam adhuc confitebor illi, salutare vulnus mei, & Deus meus. Credo enim visurum me bona Domini in terra viuentium. Expecta igitur, o anima mea Dominum, viriliter age & sustine Dominum, quia bonus est omnibus sperantibus in eum. Cur dubitas quod dabit tibi bona sua, qui non dedignatus est suscipere mala tua?

*Collector.**Psal. 41.**Psal. 42.*

Adesto igitur, o dulcissime IESU, auctor spei & consolationis: Plasma tuum sum; manus tuæ Domine fecerunt me, & plasmaverunt me, manus inquam illæ, quæ affixæ clavis sunt pro me. Opus manuum tuarum, Domine, æne despicias: vulnera manuum tuarum precor ut aspicias. Ecce in manibus tuis Domine Deus descripsisti me: lege ipsam scripturam, & salua me.

Da mihi gratiam, o æterne Pater, ut in omnibus necessitatibus, periculis & tribulationibus, quæ in hac vita occurrunt, in te sperem. Misericordia tua namque est infinita, promissiones tuæ sunt ut plurimæ, ita verissimæ: & merita vnigeniti filij tui pretium aut numerum non habent, quæ omnia pro me clamant & vociferantur.

Tu igitur es Domine spes mea: quid quid agendum, quidquid declinandum,

Psal. 21.

quidquid tolerandum, quidquid optandum, tu es Domine spes mea. Hæc vna mihi omnium promissionum causa, hæc tota ratio meæ expectationis. In te Domine sperauerunt patres nostri, & liberasti eos: ad te clamauerunt, & salui facti sunt: in te sperauerunt, & non sunt confusi. Adesto igitur & mihi sæpe in tribulationibus de tuis promissionibus dubitanti: Esto mihi turris fortitudinis, vt siue insurgant aduersum me prælia, siue sæuiat mundus, siue fremat malignus, siue caro aduersus spiritum concupiscat, ad te confugiam; non timeam, sed in te sperem Domine. Et si liberatio iuxta tuam voluntatem subinde differatur, & interapedine temporis prolongetur, ne ambigam de opere & auxilio tuo; sed sperem quia veniens venies, & non tardabis: quia fidelis es, & non defraudabis desiderium nostrum.

Hebr. 1.

1. Pet. 1.

2. Theſ. 3.

Rom. 8.

Benedictus est Deus & Pater Domini nostri IESV Christi, qui secundum misericordiam tuam magnam regenerasti nos in spem viuam; & benedictus vnigenitus filius tuus, qui dilexit nos, & dedit nobis consolationem & spem bonam, per gratiam quæ diffusa est in cordibus nostris, per Spiritum sanctum nunc & semper & in secula seculorum, Amen.

*Pro charitate erga Deum.*

Ora-

Orationes huc spectantes inuenies,  
lector, Capite sexto huius libelli.

*Pro charitate erga proximum.*

**D**omine IESV Christe, qui ex sola  
tua erga nos charitate, è sinu Patris  
in hanc vallem lachrymarum descen-  
disti, pro nobis in stabulo natus, trigin-  
ta tribus annis varijs miserijs exagita-  
tus, & tandem in cruce mortem ama-  
rissimam passus es, etiam tunc, cum nos  
omnes inimici tui eramus; non tan-  
tum tua, sed & temetipsum nobis im-  
pendens, vt & nos vestigia tua seque-  
remur, & proximos nostros diligere-  
mus: qua sola nota dixisti tuos disci-  
pulos à filijs huius seculi fore digno-  
scendos. Oro te per hanc flagrantis-  
simam, abundantemque charitatem  
tuam, accende corda nostra frigida af-  
fectu veri amoris, vt sermonem tuum  
seruemus, mandatum scilicet illud no-  
uum, quod peculiariter nobis commen-  
dasti, inquit; Mandatum nouum do-  
vobis, vt diligatis inuicem, sicut ego di-  
lexi vos.

*Collector.*

*Ioan. 13.*

*Ibidem.*

O ardentissime amator hominum,  
excita in nobis fraternæ & feruidae di-  
lectionis studium, vt quilibet curam  
proximi habeat, eumque pro viribus  
iuiuet, non secus ac membra, quæ in vno  
corpore compacta alia pro alijs mu-  
tuam sollicitudinem gerunt. Sit dilectio  
nostra perfecta, non simulata, non



ficta, non morosa, non tædiofa, non fastuosa, nec quæstuosa: sed simus erga proximum patientes & benigni: eius defectus & infirmitates toleremus, eius onera portemus, consilio & auxilio iauemus, peccantem corrigamus, errantem in viam rectam reducamus, pijs admonitionibus & bonis exemplis eum ad iter salutis pertrahamus, vt sic verè diligamus nos mutuò, non verbo neque lingua, sed opere & veritate.

O charitas æterna, ô amor increate, ô Agne Dei qui tollis peccata mundi, tolle a nobis omnem amarulentiam, iram, vociferationem, maledicentiam, æmulationem & contentionem. Inflamma pectora nostra, vt exemplo tuo informati, complectamur etiam inimicos nostros vero amore: bene precemur deuouentibus nos: beneficiamus ijs, qui nos lædunt, & insectantur, tibi relinquentes vindictam & ultionem in omnibus, quam retribues illis, & nos ad æternam illam vitam perduces, qua tu cum Patre & Spiritu sancto viuus sine fine, Amen.

*Pro corde recto & pura intentione.*

Ioannes  
Faber  
paucis  
tamen  
inter-  
iectis.

**D**EVS æterne & misericors, ad te venio peccator miser, corde saucio, ægro & impuro, quod tantum vanitatem huius mundi quærit, desiderat & amat, quam tu odisti: Non cogitat de salute sua, expetit quæ sunt caduca &

omni-

omnibus casibus obnoxia; & sic cogitationes habet in varias res dispersas.

Quid faciam o Domine: ad te clamo, o mitis Saluator, crea in me cor mundum, mansuetum, pacificum, pium, humile, deuotum. Da mihi cor quod nulli noceat, nulli damnum vel iniuriam inferat, non malum malo compenset, sed malum bono superare assuescat. Largire cor quod amet quod amandum est, oderit quod odio habendum est; timeat quod verè timendum est, desideret quod verè desiderandum est. Ingere mihi cor, quod te super omnia amet, de te perpetuò cogitet, de te loquatur assidue, tibi que gratias agat: quod à terrenis se auocet, & in cælo versetur, seque in illa æternorum bonorum contemplatione delectet.

Et hoc in me effice, ex tua gratia, quod mea non potest natura: tu enim solus **tale** cor, talem mentem largiri potes, quæ virtutes omnes secum ferat, vitia auersetur. Munda me, o Deus, ab omnibus terrenis cupiditatibus: extolle cor meum ad te, qui in cælis habitas: illumina pectus meum vera & viuâ fide, & legem tuam digitis tuis cordi meo inscribe. da vt in omnibus operibus meis ad te vnum intentionis meæ oculum dirigam, te solum attendam, tibi soli placere cupiam, neque ad rectè agendum vllò humano respectu, atque intuitu, neque vlla aut necessitate, aut

utilitate, aut hominum metu aut simili aliqua ratione, sed solo amore tui impellar.

Custodi, ô Domine, cor & voluntatem, animum & intellectum meum ab omni errore & malo, vt in omni patientia fructus verbi cælestis ex me proveniant vberes, & sic in bono perseuerem, vsque in finem ad vitam æternam, Amen.

*Pro bono proposito.*

*Collector.*

**I**ESV Christe, Fili DEI viui, redemptor & mediator æterne, ad te suspiro creatura tua: Creator es, recrea me: vita es, viuifica me: plasmator es, reforma me. Aegrotus sum, ad medicum clamo: cæcus sum, ad lucem propero: mortuus sum, ad vitam aspiro. Tu es medicus, tu lux, tu vita; IESV Nazarene miserere mei, fili Dauid miserere mei fons misericordiæ. Omnia interiora & exteriora mea deprauata sunt, non est bonum in me: intellectus est cæcus, voluntas infirma, sensus omnes ad peccatum proni, & cuncta cogitatio cordis intenta est ad malum omni tempore: iniquitatem sicut aquam bibo.

*Gen. 8.*

In hac sarcina seculi veluti somno premor, cogitationes quibus meditor in te similes, sunt conatibus expurgiscentium, qui tamen superati soporis altitudine remerguntur. Tu hactenus vocasti me, & non audiui: tu tra-



xisti me, & ego non sequebar, nec adhuc sequor: semper obmurmurabam; Modò, & ecce modò; sine paululum. Sed, ô pie IESV, quando modò & modò illud habebit modum? & istud sine paululum vltius non ibit? Quamdiu cras & cras? quare non modò? quare non hac hora finis turpitudinis meæ?

Sæpe dico, Hoc faciam, illud perficiam. Adest voluntas, non est facultas: adest facultas, non est voluntas. multa propono, nihil perficio. quod vna hora placet, altera displicet: quod nunc probò, paulo post improbo & sic semper vacillo, nec vnquam in eodem proposito permaneo; quia de viribus meis confido. Nunc autem confiteor tibi Domine, quia non in fortitudine sua roborabitur vir, vt gloriatur ante te: stulta omnis præsumptio carnis. Non enim est hominis velle quòd possit, aut posse quòd velit, sed potius à te gressus hominis diriguntur.

Obsecro igitur benignissime IESV, per viscera misericordiæ tuæ, da mihi simplex & rectum propositum, vt nec committam nec omitam aliquid tuæ voluntati contrarium: nihil in tota vita mea quæram, aut concupiscam aliud, quàm quod animæ meæ sit vtile, ac salutare: quodque diuinæ Maiestati tuæ in primis placeat. Da propositi huius immobilem constantiam, vt ne-

que propter diuitias, neque propter honores, neque propter voluptates, aut pro alia quacunque re mundi te in posterum offendere præsumam: da vt omnia potius mundi tormenta ferre, imò vitam hanc potius velim amittere, quàm vnum lethale peccatum committere. Scio enim te nulla re magis offendi, nihil magis odisse, nihil in oculis tuis abominabilius esse peccato: vt quod solum tuos humeros flagellis lacerauit, caput tuum spinis pupugit, corpus tuum cruci affixit, & diuinam animam amarissima morte à suo corpore separauit.

Hæc quotiescunque Diabolus impugnat, mens cogitet; hæc quoties mundustentat, animus meditetur: hæc quoties caro ad peccandum sollicitat, cōsentiat. Ad hoc certamen alacri spiritum curram, aspiciens in te auctorem fidei, & consummatorem Iesum; qui proposito tibi gaudio, sustinuiſti crucem; recogitansque te qui talem sustinuiſti à peccatoribus contradictionem, ne fatigetur animus meus: sed ad sanguinem vsque resistat aduersus peccatum repugnans, vt post legitimum certamen à te corone- tur in cælis, Amen.

*Pro humilitate, & sua vilitatis  
cognitione.*

Granat.  
in appē-

**D**omine mi, quis es tu, & quis sum ego? tu es Deus magnus, Deus cæli

& ter-

& terræ, Deus Deorum, Rex Regum, & Dominus Dominantium, ego sum vermis & non homo, fæx hominum, & opprobrium mundi Tu es summa bonitas, summa dulcedo, summa pulchritudo; tu es gloria sanctorum, thesaurus opulentissimus, vera lux, splendor clarissimus, fons vitæ, vita animarum nostrarum, lumen cæli, & claritas mundi. Ego sum abyssus tenebrosa, terra miserabilis, filius iræ, vas ignominia, conceptus in peccatis, natus in miserijs. Ego sum sterquilinum immundum, plenum foetore & corruptione: infirmus, cæcus, claudus, surdus, & mutus; omnium rerum bonarum vacuus, miseriarum verò plenus. Principium meum fuit peccatum, finis meus erit mors: quæ mihi stipendium peccati est.

dice Memorialis prima.

O Domine mi, quid sum ego, nisi umbra mortis, & vniuersa vanitas? puteus sordidus, terra sterilis, & maledicta, cuius fructus sunt spinæ, tribuli & confusio? Igitur, ô Domine, & Deus misericordiarum, propitius esto huic pauperimæ animæ, quæ nihil est, & ratione peccati plus quam nihil: pelagus vanarum cupiditatum, fons peccatorum: pro quibus, si pro tua iustitia debitè punirer, tot vtique supplicia, & tanta tormenta sustinere deberem, quanta est tuæ Maiestatis magnitudo, siquidem tanta est culpa, quanta est Maiestas offensa.



O Domine, quis ego sum, vt loqui tecum audeam, cum tu sis Deus ille magnus, verus, omnipotens, immensus, æternus, incomprehensibilis, & Angelicis etiam spiritibus admirabilis? Audi, ô D E V S, clamores meos, vide lachrymas meas, intellige mea suspiria, & succurre. Illa quæ te mouit pietas vt me redimeres, etiam te moueat, vt me exaudias. Ne perdat mea malitia, quod in me creauit tua potentia. Quando non eram tu me fecisti: cum erraui, tu me in viam rectam reduxisti: cum rudis eram & ignarus, tu me docuisti: quando cecidi, tu me subleuasti: quando stabam, tu me tenuisti: quando affligebar, tu me consolatus es: quando desperabam, tu mihi animum addidisti: quando dormiebam, tu me custodisti: quando eram infirmus, tu me sanasti: quando veniebam ad te, tu me recepisti. Omnia hæc tua sunt Domine, omnia hæc mihi fecisti gratis, nullo meo præcedente merito.

Quid igitur est quod à me habeo? quid habeo, quod non à te accepi? si autem acceperim, cur gloriabor? Qui enim de bono tuo gloriam sibi quarit, & non tibi, hic fur est & latro: similis diabolo, qui tuam gloriam furari voluit. Quid superbiam ego cinis & puluis? quid me extollam putredo & esca vermium? Sed & si quando mens inani gloria sollicitetur, oro te, ô æternæ

Deus, & pater humilium, largire mihi virtutum omnium parentem humilitatem: qua in conspectu Maieſtatis tuæ vilis terræ vermiculus & cinis erubeſcam, & meiꝑſius vera cognitione vileſcam, omnia tibi ſoli accepta feram; omnibus me facilè lubenſque ſubijciam, neque altè de meiꝑſo ſentiam: ſed vilis ſim, abiectusque ſemper in oculis meis, & talis ab omnibus haberi cupiam.

O melliflue Domine mi, cognoſcam me, cognoſcam & te. Qui enim te bene cognoſcit, etiam amat te: & qui amat te, contemnit ſe, & plùs amat te, quàm ſe. Veni igitur ad me, ô fons dulcedinis, cibus animæ, & lumen intellectus mei illumina cæcum hunc; ſana ægrotum hunc, ciba famelicum hunc, viſita captiuum hunc, tege nudum hunc, & ſeruum hunc tot tyrannorum, quot paſſionibus exagitur, & quot peccata commiſit, tui ſanguinis lytro redime: vt ab omnibus animi perturbationibus, & peccatis, maximè autem à ſuperbiæ atque inanis gloriæ malo liberatus, tibi in omni humilitate, animique demiſſione famuletur hîc, & in perpetuum, Amen.

*Pro timore Dei.*

**S**Vmme, inæſtimabilis, metuende, & Granat.  
ſterribilis DEVS, remunerator om- lib. 5. Me  
nium bonorum & malorum operum moral.

Matt. 10.

iustissime, qui per vnigenitum filium tuum, Verbum verum & æternum admonuisti nos, ne timeamus eos qui corpus occidunt, animam autem non possunt occidere: sed vt potius timeamus te, qui potes & animam & corpus perdere in gehennam. Fac Domine, vt anima mea te timeat: non enim minus dignus es timore, quàm amore, cum sis vti infinitè misericors, ita etiam infinitè iustus: & quemadmodum opera tuæ misericordiæ sunt infinita, sic & opera iustitiæ tuæ nec numerum habent, nec mensuram: & quod magis metuendum est, plura sunt vasa iræ, quàm misericordiæ: cum damnandorum numerus sit infinitus, saluandorum verò perexiguus.

Operare igitur in me Domine, vt timeam te, propter magnitudinem tuæ iustitiæ, & propter iudiciorum tuorum profunditatem: propter celsitudinem tuæ maiestatis, & propter immensitatem tuæ magnitudinis: propter multitudinem meorum peccatorum, & super omnia propter rebellionem, qua tuis sanctissimis præceptis & inspirationibus hactenus reluctatus sum. AEquum enim omnino est, vt timeam in conspectu illius, ante quem columnæ cæli, & vniuersæ terræ ambitus contremiscit.

Si igitur omnes creaturæ, tam in cælo, quam in terra te sic metuant, &



reuereantur, tibiſque obediant: quid faciam ego miſerrimus peccator? quid faciam ego cinis & puluis? Si Angeli tremant, cū te adorant, tibiſque laudes canunt; cur non tremet cor meum, cū eidem vacat officio? Ah miſerum me, quomodo ſic induruit cor meum, vt non infinitas profundat lachrymas, quoties ſeruus loquitur cum Domino, creatura cum Creatore, homo cum Deo? ille qui de terra formatus eſt, cum eo, qui omnia fecit de nihilo?

Da Domine, vt inſcrutabilia iudicia tua in corde meo fixa ſint, propter hæc conſige timore carnes meas, vt ab ijs timeam ſemper. Iudicium tuum magnum fuit caſus totius generis humani, propter peccatum vniꝱ. Iudicium tuum fuit magnum, cū vniꝱſum terrarum orbem diluuiο extinxiſti. Magnum fuit iudicium tuum electio Iacob, & Eſau reprobatio; Iudæe deſperatio, & Pauli vocatio; Iudæorum reiectio, & Gentium aſſumptio. Super omnia verò metuendum iudicium tuum eſt, tot nationes in ſuperficie terræ habitare, quæ ſedent in regione & vmbra mortis, atque in tenebris infidelitatis; de tenebris interioribus ad exteriores properantes, & de tribulationibus temporalibus ad æterna tormenta progredientes. Propter hanc iudiciorum tuorum abyſ-

ſum

Pſal. 118.

1. Pet. 4.

sum timebo te Domine, quia incertus sum an ne & ego de numero eorum sum, qui à te reprobati, & ab æterna salute exclusi sunt. Si enim iustus vix saluabitur, impius & peccator vbi parent?

sal. 49.

Infiniæ sunt iniquitates meæ, peccata mea non habent numerum, & scio quòd hæc omnia mecum procedent in iudicium, & coram tribunali tuo mecum stabunt. Cum enim in conspectu tuo ignis exardescet, & in circuitu tuo tempestas valida ingruet; cum aduocabis cælum desuper, & terram discernere populum tuum, coram vniuersi mundi nationibus nudabuntur omnes iniquitates meæ; omnibus agminibus Angelorum patebunt scelera mea, non solum actuum, sed etiam cogitationum, simulque locutionum. Tot iudiciis astabo, quot me præcesserunt in opere bono; tot arguentibus confundar, quot mihi præbuerunt bene viuendi exempla; tot conuincar testibus, quot me monuerunt pijs sermonibus, sequè imitandos iustis dederunt actionibus. Domine mi, non suppetit quid dicam, non occurrit quid respondeam, nisi hoc solum: Non intres, Domine, in iudicium cum seruo tuo: quia non iustificabitur in conspectu tuo omnis viuens: quem enim inuenies iustum, si remota pietate iudicaueris? Igitur pro-

stratus ante pedes pietatis tuæ corde humili & contrito dicam cum Propheta; Domine ne in furore tuo arguas me, neque in ira tua corripas me, &c. Sana me Domine, & sanabor: saluum me fac, & saluus ero: quia spes mea tu es, qui viuus & regnas Deus per omnia secula seculorum, Amen.

*Pro vera obedientia.*

**D**omine DEVS, deprecatus sum faciem tuam in toto corde meo: miserere mei secundum eloquium tuum. Cogitavi vias meas: & conuertri pedes meos in testimonia tua. Paratus sum, & non sum turbatus: vt custodiam mandata tua. In æternum non obliuiscar iustificationes tuas: quia in ipsis viuificasti me. Tuus sum ego, saluum me fac, quoniam iustificationes tuas exquisiui.

Tibi enim meipsum, & omnia mea tempora, sensus, cogitationes dedico, meque totum tanquam holocaustum tibi offero. Non mea vnquam, sed tua in me & de me voluntas fiat. Certè si tu voles, facilè mihi erit, non solum me præceptis tuis subdere, verum etiam sacris inspirationibus nihil penitus oblectari; Neque tantum Superioribus meis cæca, veloci, humili voluntatis & iudicij obedientia, verum etiam ad imitationem tui, qui te obsequentem præbuiisti in grauissimis tor-

men-

Psal. 6.

Ierè 17.

Petrus  
Michaelis  
in  
Sertis  
suis.  
Psal. 118.



mentis, dum ab impurissimis ministris iussus purpuram induere vel exuere, sedere vel stare, caput, corpusque ad colaphos, alapas & flagella, vel clauos extendere, crucem portare, mortis sententiam suscipere, omne improperij genus moriendo tolerare, libenter paruisti: te inquam in tanta obedientiæ tuæ exemplo intuens, in tolerandis aduersis, vtpote morbis, damnis, confusione & contumelia, à quocunque, siue meritò, siue immeritò illatis; quin imò morte etiam, si ita voles, ignominiosa subeunda tibi obediam, nihil aliorum iudicia verbaque reueritus à cœpto desistam, aut contra te quicquam agam, dicens cum Propheta: Ego tanquam iumentum factus sum ante te, ego autem semper tecum

Psal. 72.

Hæc mea est voluntas, hoc desiderium, quod te dignum est, quodque tuæ in me obedientiæ vis & meditatio excitat. Conserua D E V S meus, quod operatus es in me. Orabo te Domine I E S V cum Dauide, quem ob hanc virtutem virum secundum cor tuum appellasti, orabo te, inquam, & dicam: Vtinam dirigantur vitæ meæ ad custodiendas iustificationes tuas. Tunc non confundar, cum perspexero in omnibus mandatis tuis. Confitebor tibi in directione cordis, in eo quòd didici iudicia iustitiæ tuæ. Iustificationes

Psal. 118.

tuas

tuas custodiam, non me derelinquas vſ-  
quequaque.

*Pro mentis & corporis caſtitate.*

**D**omine I E S V Chriſte, fons pu-  
ritatis, & amator caſtita-  
tis, qui candidus es &  
rubicundus, ſponſus omnium caſtarum  
animarum, ſcio quòd theſaurum in-  
comparabilem, quem in hoc fictili cor-  
poris mei vaſe mihi concreditum cir-  
cunfero, abſque ſingulari tua gratia il-  
læſum ſeruare non poſſum: ſcio cor-  
pus meum eſſe templum Spiritus ſan-  
cti, quòd contaminare ſacrilegium eſt,  
ſed & ſcio quòd non poſſum eſſe con-  
tinens, niſi tu Deus dederis: cùm caro  
ſemper concupiſcat aduerſus ſpiritum,  
& brutis ſuis voluptatibus ægrè vult de-  
fraudari.

*Collector.*

*Sap. i.*

Cùm itaque ô puriſſime amator  
hominum, caſtitaſ donum tuum ſit,  
ſupplex ad te venio, obſecrans te, vt  
extinguas in me omnem flammam li-  
bidinis: cingas lumbos meos zona  
caſtitaſ, & vras igni. Spiritus ſan-  
cti cor meum Domine, vt tibi mun-  
do corde placeam, & caſto corpore ſer-  
uiam.

Tibi hodie & omni tempore purita-  
tem corporis mei commendo, vt ſub  
tua cuſtodia ſecura ſit ab omni actu il-  
licito, ſiue iſ violentus ſit, ſiue volun-  
tarius: neque vlla vel locutione obſcœ-

na, vel

na, vel cogitatione immunda polluat-  
 tur. Extollentiam oculorum ne dede-  
 ris mihi, ne fortè mors per fenestras  
 istas ad me ingreditur, & impudicus  
 oculus impudici præcurfor sit animi Ne  
 derelinquas me in cogitatu immundo,  
 & omne desiderium malum auerte a  
 me. Aufer à me ventris concupiscen-  
 tias, & concubitus concupiscentiæ ne  
 apprehendant me, & animæ infrun-  
 tæ atque irreuerenti ne tradas me: sed  
 desponde me tibi in iustitia & iudicio,  
 in pietate & miserationibus: desponde  
 me tibi in fide, vt verè te cognoscam &  
 diligam: coniunge me corpori tuo in-  
 sertum, vt tibi adglutinator hauriam  
 ex te succum vitæ, & sapientiæ cælestis,  
 quæ non habitat in corpore peccatis sub-  
 dito.

Nihil est carne nostra magis lubri-  
 cum, ô Domine; ad cogitationem vnam  
 impuram, ad vnum verbum obscœnum,  
 ad aspectum vnum impudicum concu-  
 piscentiæ stimulis exagitur, inarde-  
 scit, reluctatur spiritui, & illicita concu-  
 piscit: tolle quæso omnes huiusmodi  
 occasiones, & præserua me, ne pudicitia  
 mea vnquam vel periclitetur, vel carnis  
 desiderijs succumbat, Amen.

*Pro salutaris morte.*

Gran. in  
 ppéd. 2.  
 nemo-  
 ialis.

**O** Domine I E S V Christe, fili Dei  
 viui, per amarissimam illam angus-  
 tiam, quæ animam tuam inuasit, dum

ora-



orabas in monte Oliueti; perque tremorem & pauorem illum, qui concusserunt sanctissimam carnem tuam, quando præ dolore dicebas; Tristis est anima mea vsque ad mortem: te oro, animo & spiritu humillimo, corpore quoque in terram prostrato, vt in vltima hora transitus mei, quando in extrema angustia timor & tremor occupabunt cor & intellectum meum, succurras mihi, & des in tristi illa agonia vitæque & mortis duello robur & fiduciam tuæ misericordiæ.

O suauissime Domine, & Magister mi, noli me illa hora, & in summo illo periculo derelinquere: sed sicut Pater tuus misit tibi Angelum de cælo, qui te consolabatur; ita tu Domine mitte mihi Angelum sanctum tuum, qui mihi assistat in illa hora: qui me confirmet, ac robur mihi subministret, contra omnes impugnationes inimici: qui que in omnibus mihi auxilietur. Ne patiaris Domine, vt consilium & tentationes maligni præualeant contra nos, aut eius tentationes nos superent; aut vt ille falsis suis persuasionibus nos seducat, & decipiat.

Arma & corrobora cor nostrum virtute tuæ patientiæ, vt nec aduersitas, nec dolor quantumuis magnus nos ad impatientiam impellat: sed in omnibus & per omnia sit anima nostra subiecta & conformis tuæ diuinæ volun-

tati;

tati, tam in aduersitate, quàm in prosperitate; tam in morte, quàm in vita: quemadmodum & tu Domine voluntatem tuam naturalem postposuisti voluntati Patris tui dicens: Non mea, sed tua voluntas fiat. Non flagito Domine, vt mortem mihi tribuas dulcem, non vt dolores exiguos, non morbum oro facilem. Omnia hæc tuæ comanito pietati, vt disponas hæc non secundum desiderium meum, sed secundum utilitatem & necessitatem salutis meæ. Gratia quam à te petimus, hæc est, vt in omni afflictione nobis detur robur & fortitudo talis, quæ nulla in re succumbat, sed inuicta maneat, & inexpugnabilis, vsque ad vitæ terminum: vt ex societate, quam in hac vita tecum habemus per gratiam, mereamur hinc transmigrando venire ad illam, quam tecum

habent Sancti in gloria, Amen.

(::)



CAPVT XIII.  
EAS CONTINENS ORA-  
TIONES, QUIBUS BONA  
temporalia à Deo ex-  
petimus.

*Pro pace impetranda.*



Mnipotens sempiterne De-  
us, Pater misericors, largi-  
tor pacis, & amator charita-  
tis, qui in tantum pacem no-  
bis commendasti per filium  
tuum Dominum nostrum Iesum Chri-  
stum, vt solos pacificos filios tuos vo-  
care dignareris: da omnibus quibuscun-  
que causis discordantibus nobisque tuis  
filijs veram cum tua voluntate concor-  
diam, quam mundus dare nequit: tu  
enim solus, qui pugnas pro nobis; vt se-  
posita hostium formidine, tibi in tua  
protectione hic seruiamus, & in futuro  
seculo tecum in sempiterna pace viuam-  
us.

Benefac Domine terris, vrbibus &  
cunctis oppidis, atque locis, in quibus  
verbum tuum habitat, & sincere doce-  
tur: conforta seras portarum nostra-  
rum, & benedic filiis tuis in eis: pone fi-  
nes & terminos nostros pacem, & ad-  
ipe frumenti satia nos. A Eterne DEVS,  
qui nos vocasti in pace, da vt cum omni-  
bus hominibus pacem habeamus, quan-

Ioannes  
Ferus.

Matt. 5.

Additio.

Psal. 141.

tum



tum in nobis est: Mitiga corda nostra, vt omnes obliuiscamur iniurias, atque alij alijs in multis rebus mutuam demus veniam, ne vlciscentes nos, & offensas nostras, tollamus vitæ tranquillitatem.

Reprime Domine Satanam turbatorem piæ concordiae, & Christianæ pacis, qui circumeundo per omnes regiones in terris disseminat litium & bellorum occasiones. Custodi nos à bello & cæde, dissipa gentes quæ bella volunt. Infringe atque impedi omne malum consilium, & voluntatem eorum, qui nihil meditantur, nec sitiunt aliud, quàm vt sanguinem profundant. Exaudi nos Deus pacis, & largire, vt pax tua exuperans omnem intellectum humanum custodiat corda nostra, & sensus nostros in Christo Iesu, Domino nostro, qui tecum viuit & regnat per omnia secula seculorum, Amen.

*Vt vita nobis det Deus necessaria.*

*Collector.*

**V**Tique Domine DEVS meus, Pater meus, tu corpus meum, animam meam, facultates meas mihi contulisti, ego de manibus tuis quicquid illud est, quod esse & possidere videor, suscepi. Tu Ecclesiæ tuæ etiam promissiones de rebus corporalibus tradidisti; ideo ad te clamamus filij tui, vt des nobis panem quotidianum, & quidquid pertinet ad corporalem sustentationem.

*Men-*

Mendicitatem prohibe à me, ne egesta- Prou. 30.

te compulsus furer, & periurem nomen

DEI mei: nevé murmurando contra

tua voluntatem, & meam sortem,

aut inuidendo ditioribus fortunam eo-

rum meliorem, offendam te, & man-

data tua transgrediar. Diuitias quoque

ne dederis mihi, ne captus & immerfus

terrenarum opum desiderio insatiabili,

nevé inhians turpi lucro, obliuiscar re-

gni tui, & excusam me non posse ve-

nire ad cœnam magnam & cœlestem,

ad quam omnes vocati sumus per Euan-

gelium; ne denique satiatus illiciar

ad negandum, & dicam; Quis est Deus

meus?

Tribue tantum viétui meo necessa-

ria: da victum & amictum, da animum

his contentum. In te enim fiducia mea,

in te spes mea: conquiesco planè in te:

scio quòd non derelinques me. Tibi

omnia mea, vxorem, liberos, domesti-

cos commendo, ad tua præsidia con-

fugio. Benedic Domine operibus ma-

nuum nostrarum, benedic agris & ædi-

bus nostris: emitte benedictionem tuam

super horrea & cellas nostras. Manda

virtuti tuæ, & benedic promptuarijs &

omnibus reliquijs nostris. Da alme

Deus, vt in nomine tuo laxemus rete

nostrum, operaque vocationis nostræ

sedulò & diligenter faciamus, cum

inuocatione auxilij tui, & fauore tuo

prosperos habeamus successus in hoc

Luc. 14.

Deut. 28.

Luc. 5.

seculo, & in futuro vitam æternam,  
Amen.

*Pro sanitate corporis.*

Ludouic.  
Viues.

**V**Era atque vnica est salus, id vale-  
re in nobis, quod nostri est pars po-  
tissima, tuique Domine simillima. Hoc  
est, fieri eam, quoad eius perfici queat,  
cultu atque amore vicinam coniun-  
ctamque tibi, qui solus es salus nostra.  
Sed ea ipsa mens, quatenus corpori est  
annexa, sentit illius affectiones, & in  
eis commouetur. Pharmaca & medici-  
nae omnes ex iussu tuo ac nutu profunt,  
superflua atque inania futura, nisi tu  
annueris, & illorum, & naturæ vniuersæ  
opifex.

Voluntas tua vnica autor est vitæ ac  
mortis, valetudinis prosperæ & aduer-  
sæ, quam tu sæpe immittis nobis, pro-  
pter castigandum & prohibendum cor-  
pus hoc, effundens se in libidinem  
omnium proiectissimam, veluti bel-  
luam immanem & effrenem, quod viri-  
bus & felici habitudine obliuione nos  
obruit veræ salutis. Da Pater, vt rectè  
valeamus corpore, quo integra & sa-  
na sit mens in corpore sano. Aut si be-  
ne esse corpori non est è re nostra, tri-  
bue saltem fortem animum; præbe  
vires ac robur, vt morbum possimus  
tolerare; ne corporis dolor atque in-  
firmitas in ipsam mentem redundet,  
Amen.



*Pro bona fama.*

IAE sunt artes Satanæ, accusatoris *Collector.*  
 fratrum nostrorum, ô iustissime  
 Rex, & innocentium patrone, Domi-  
 ne Deus, vt cum nos palam ad mali-  
 ciam inducere non potest, ad insidias  
 antiquas se conuertat: famam scilicet  
 nostram denigrare, & bonum nomen  
 nostrum traducere quouis modo stu-  
 deat; vt talibus iniurijs, & pessimarum  
 linguarum petulantia ad iram commo-  
 ueamur, & indignas calumnias impa-  
 tienter feramus. Ne in hanc igitur tenta-  
 tionem incidamus te oro, piissime Do-  
 mine IESV; vt qui calumnias & blas-  
 phemias Iudæorum perferendo didicisti  
 compati infirmitatibus nostris, etiam  
 tentatus in hoc; nomen meum & inte-  
 gram famam meam custodire digneris, *Eccles. 7.*  
 cum nihil pretiosius possideam nomi-  
 ne bono, quod melius est diuitijs mul-  
 tis, & vnguenta pretiosissima quæque  
 superat.

Hoc autem insigne decus boni no-  
 minis habere non possum, sine tuo au-  
 xilio: cum nomen bonum oritur ex  
 vita bona & inculpata. Te igitur inuo-  
 co, mitissime Domine, vitæ integra-  
 tem & sanctimoniam mihi concede,  
 ad tuum honorem, & proximi cor-  
 rectionem. Verum quia etiam innocen-  
 tia & probitas à venenatis & falsis lin-  
 guis non semper est tuta, sed interdum

- Pfalm. 11. vulneratur ab ijs, qui dicunt; Linguam  
nostram magnificabimus, labia nostra  
à nobis sunt, quis noster Deus est?  
sæpe vt dum inter amicos versari  
arbitramur, cum Propheta tuo in  
Ezech. 2. dio scorpionum habitemus. Ideo su-  
plico tibi, pie defensor innocentium  
Pfalm. 11. disperde vniuersa labia dolosa, & lin-  
guam magniloquam. Sepulchrum enim  
Pfalm. 5. patens est guttur eorum, nil nisi foetidos  
odores exhalans, & linguis suis agunt  
Pfalm. 13. dolosè: iudica illos Deus, quoniam ve-  
nenum aspidum sub labijs eorum est.  
Dentes eorum arma & sagittæ, & lin-  
guæ eorum gladius acutus. Eripe me de  
Pfalm. 56. inimicis meis, & à calumniantibus me  
Pfalm. 90. libera me: libera me de laqueo venan-  
tium, & à verbo aspero. Libera, inquam,  
Pfalm. 119. ô Domine, animam meam à labijs do-  
losis, & peruersis, à lingua fallaci defen-  
de me.

Si verò sic tibi placeat, ô benignissime  
Iesu, vt per tales linguas ad pietatem ex-  
ercear, da mihi, vt cum S. Paulo in boni-  
tate perseuerare possim, quicquid tan-  
dem de me sentiant & loquantur inuidi:  
siue honore me afficiant, siue ignomi-  
nia, siue malos, siue bonos rumores de  
me spargant, Amen.

*Insumptione antidoti.*

**D**Eus infirmitatis humanæ singulare  
præsidium, qui benedictionis tuæ  
gratiam agris infundendo corporibus,

Ex libel-  
lo cui ti-  
tul<sup>o</sup> Hy-  
mni &  
Colle-  
ctæ.

factu-

facturam tuam multiplici pietate custo-  
dis: ad inuocationem nominis tui be-  
gnus assiste, vt per hoc medicamen-  
in omnis de meo corpore pellatur hu-  
or pestifer; quatenus clarescentibus  
sensibus in tuo seruitio valeam  
indus persistere Per Christum Domi-  
um nostrum, Amen.

*In diminutione sanguinis.*

**M**ediator Dei & hominum Deus Ibidem.  
homo IESV Christe, qui ne ater-  
næ mortis deputaremur supplicio, tui sa-  
cri sanguinis nos redemisti precio, præ-  
stita, vt per hanc diminutionem sangui-  
nis proueniat mihi salus corporis; om-  
nes mei clarescant sensus, totiusque in-  
me frigescat prauæ voluntatis luxus; per  
te Saluator mundi, qui venturus es iudi-  
care viuos & mortuos, & seculum per-  
ignem, Amen.

*Tempore diuturna siccitatis.*

**M**isericors & pie Deus, qui in præ-  
ceptis tuis ambulantes promi-  
ssisti daturum te pluuiam temporaneam  
& serotinam, & colligant frumentum,  
& vinum, & oleum, fœnumque in agris  
ad pascenda iumenta, vt comedant ipsi,  
& saturentur. Vides sitientes agros no-  
stros, vides arentes herbas & segetes  
ardore solis amburi. In hortis, & agris,  
& pascuis languent omnia, & quasi in-  
termoriuntur: quia cælum desuper no-

*Collector.*  
*Deut.ii.*



Deut. 12

bis factum est quasi æneum, nec ros, nec pluvia descendit in terram nostram. Non quia tu vanus es in promissionibus tuis, sed quia istæ non pertinent ad nos qui peccauimus, iniquitatem fecimus, & declinauimus à mandatis tuis. Ideo stillauit super nos maledictio & detestatio, quæ scripta est in libro Moyse filij tui.

Pius tamen es, & misericors Domine, nec repellis orationes eorum, qui ex toto corde clamant ad te. Procidentes igitur ad genua diuinæ Maiestatis tuæ, obsecramus te, auertatur ira tua, & furor tuus à nobis, & à loco isto: ne secundum peccata nostra multa & magna facias nobis, sed secundum misericordiam tuam, quæ superat omnia opera tua. Aperi cælos tuos, & terram nostram, quam videmus tabescentem, cælestibus aquis perfunde, & irriga eam beneficijs gratiæ sempiternæ. Aërem redde temperatum, pluias lenes, rores benignos, fructuum magnam vim: ut annus plenam nobis omnium rerum copiam suppeditet, ac totius anni curriculo fructus nobis abundant: quo præsentibus subsidijs sufficienter adiuti, sempiterna expeditius & alacrius appetamus, & consequamur, per misericordiam vnigeniti filij tui, cum quo benedictus es nunc, & semper, & in secula seculorum,  
Amen.

*Pro frugibus terra.*

**P** Mnipotens, benignissimeque Domine Deus, aperi obsecro tuam infinitæ misericordiæ manum; eleua oculos tuæ munificæ prouidentia, & reple orbem terræ benedictione, quò creaturarum tuarum necessitati prospectum sit. Corona annum benignitatis tuæ, vt terra optatos populo tuo proferat fructus.

Petrus  
Michae-  
lis in Ser-  
tis suis.

Conserua & custodi, quod iam natum est, à grandine, & quauis alia tempestate, aërisque omni nociua intemperie. Ante omnia verò te oro, vti nobis eam des mentem, vt timeamus, & rectè colamus te: ne indigni simus, in quos beneficia tua conferantur: sed nos in conspectu tuo filios obsequentes præbeamus, quibus panis mensæ tuæ debetur, quique tibi ob beneficia accepta honorem & debitum obsequium impartiri semper sollicitè curent, atque omnibus quæ largitus fueris, ad tuam gloriam & salutem suam vtantur. Amen.

(::)



CAPVT XV.  
PRECATIONES PIAE

QVIBVS FRATRIBV

nostris & proximis fausta  
omnia, feliciaque  
precemur.*Pro Ecclesia Catholica.**Collector.**Matt. 28.*

AElektis, omnipotens & misericors Deus, qui Ecclesiam sanctam, quæ est congregatio hominum per vniuersum terrarum orbem dispersa, & in vnitatem veræ fidei collecta, Vnigenito filio tuo desponsasti tunc, cum illam amarissima sua morte in Cruce redimeret, ita vt ille nunc Ecclesiæ non tantum sponsus sit, sed & caput: qui antequam ad cælos reuerteretur, promissit se cum ea futurum vsque ad consummationem seculi. Nos illius membra rogamus te supplices, vt digneris clementissimos oculos tuos in nos conuvertere, & omnes infirmitates nostras à nobis auferre; quæ sanè quàm plurimæ sunt; vt per fidem in nobis operantem liquido constare queat, cuius patris filij, & cuius præceptoris discipuli sumus.

Ante omnia verò deprecamur te, vt protegas & conserues nauiculam Petri

in me-



in medio maris impetuosi, inter omnium turbinum procellas, & terribiles inundationes fluctuantem, ne demersa intereat. Ouile tuum defende ab impetu luporum, ne maceriam perfodiant, & ingressi oues tuas, quæ numero paucae sunt, prosteruant, iugulent, ac deuorent. Expectamus quotidie, & sperauimus hætenus, quod vnum facies ouile, sicut vnus est pastor, sed ô Domine, videmus quotidie numerum tuarum ouium minui, multas perire, & ouile magis magisque coarctari. Multiplicati sunt lupi, & nusquam non ferox aper inuenitur, qui execrabili sua & maledicta hæresi, doctrinaque tot seculis aut non audita, aut penitus damnata vineam tuam, quam maximis laboribus ex Aegypto transtulisti, exterminare atque depascere gestiunt. sed tu Domine excita potentiam tuam, & ostende te nostrum esse Deum: custodi eos, super quos nomen tuum inuocatum est, & qui in nomine filij tui congregati sunt.

Psal. 79.

Memento cælestis Pater, tibi post Christi filij tui humanitatem nihil charius esse Ecclesia; ne sinas igitur, vt propter nostras transgressiones hæc tua in nos charitas extinguatur, aut nos secundum merita nostra in corruptam fidem incidamus. Oro te Domine, pro me, & pro omnibus qui sub alis Ecclesiæ matris nostræ adhuc latitant: ne nos vnquam patiaris ab eius vnitatem deuiare; custo-

di nos ab illis, qui Petri ceterorumque Apostolorum ac Patrum Ecclesiæ doctrinam euertere, & in eius locum Caluinum, Lutherum, Mennonem, aliosque eius farinæ pseudopphetas suos substituere conantur

Psal. 73.

Exurge Domine, & vide, quàm multæ innocentes animæ pereunt, nescientes quid faciunt: quæ in nomine tuo baptizatae sunt, & tamen ad hanc cecitatem peruenerunt. Quousque, benignissime Pater, videbis templum tuum demoliri? sanctuarium tuum igni accendi? pollui tabernaculum nominis tui? portionem tuam desiderabilem dari in desertum solitudinis; & tacebis? Quamdiu cernes sanctissima tua Sacramenta, ad nostram sanctificationem instituta, conculcari? iuge illud sacrificium Missæ contemni, & impugnari? corpus & sanguinem dilectissimi filii tui, verum animarum nostrarum alimentum, prophanis manibus attrectari, ne dicam pedibus proteri? Hæccine videbis adhuc diutius, & filebis? Cur, Domine, pateris hæc, vt fiant? An peccata mea hæc meruerunt? Meruere sanctæ hæc, & mea, & totius populi peccata: ideoque non immerito horrore concutimur: nam si ea in hoc sæculo tanta excitate plectantur, quid fiet in futuro, si in hac ingratitudine, cordisque durtia perseueremus?

Tolle igitur à nobis Domine, tolle

causas ad hanc iracundiam te prouocantes: ostende nobis faciem tuam; oriatur nobis sol gratiæ & misericordiæ tuæ: crescat fides nostra sanctissima: extende regni tui pomœria, dilatetur Ecclesia, exerat palmites suos ad mare, & vsque ad flumen propagines suas. Infringe potentiam hostium tuorum, qui immani odio cum suis satellitibus grassantur, & conspiratione facta debacchantur aduersus Ecclesiam tuam, vt ea faciant strabula luporum, & antra pernitissima.

Conserua nos, vt maneamus in sancta, Catholica & Apostolica Ecclesia, collecta ex membris multarum gentium; sed coniunctis tibi in eadem confessione. Sanctifica nos spiritu tuo, vt peccatis nostris remissis deinceps in nouitate vitæ ambulemus; vt tandem ex hac Ecclesia militante ad illam triumphantem sine vlllo offendiculo transigremus, Amen.

*Alia pro Ecclesia breuior.*

**O** Amicissime nostri Christe, ô sponse, cui est vnicè chara tua Ecclesia, quique pollicitus es, te illi nunquam defuturum; auge eam, & fac lætissimam bona sobole, patris simillima, nempe tui: fac nos omnes idem & de te sentire, & inte, vt simus verè vnum corpus illud, cui tu es caput, conglutinati & compacti charitate mutua de tuo illo

Ludou  
Viues.



perpetuo igne accensa. qui ita nos amasti, vt sanguinem & vitam tuam pro nobis impenderes.

O Christe, auctor & suasor charitatis, pacis, beneuolentiæ, emolli durissima nostra pectora, & planè ferrea: calefac corda nostra glacie concreta, & durata, vt mutuò bene cupiamus, quo agnoscant omnes discipulos tuos esse nos, & iam nunc incipiamus vitam illam cælestem exprimere, in qua nulla est dissensio, nullum odium; sed pax & amor omnium inter nos, Amen.

### PRO ECCLESIA.

*Cum ab hæreticis bello & falsis doctrinis exagitur.*

Clerus  
Coloni-  
ensis,  
quo tem-  
pore  
Truch-  
tesius Ec-  
clesiam  
pseque-  
batur.

O Mnipotens & misericors DEVS, creator & moderator cæli & terræ, quem nihil latet eorum, quæ nobis miseris Christianis in hac lachrymarum valle eueniunt: qui etsi iuste propter peccata & iniquitates populi tui irasceris, & permissione horrendi furoris, & persecutionis impiorum grauiter tentari, contristari, & ad tempus lædi pateris: Nihilominus tamen pro paterna tua pietate & prouidentia, in æquissima ira multoties promissæ misericordiæ citò soles recordari, simul ac populus & filij tui, ô benignissime Pater, cordibus contritis ante thronum gratiæ tuæ se humiliant, & spiritu tri-

bula-

bulato, firmaque fiducia, per IESVM Christum dilectissimum filium tuum, suum verò fidelem seruatore & redemptorem, tanquam propitiationem pro peccatis suis, & per quem solum tibi placuit reconciliare, & restituere, quod perditum, atque dirutum fuerat, pro gratia & remissione grauissimi debiti, miserè gemunt & obtestantur, seque auxilio gratiæ tuæ ad omnem emendationem ac obedientiam promptos offerunt; firmiter confidentes, te esse Patrem misericordiarum & Deum totius consolationis, qui non vis mortem peccatorum, sed magis vt conuertantur & viuant, clamasque per filium tuum dilectissimum; Venite ad me, qui laboratis & onerati estis, & ego reficiam vos. Matt. 11

Respice propterea, ô clementissime Deus Pater, Deus Filius, & Deus Spiritus sanctus, vnus verus Deus, & æternum bonum; O vnicum Christianismi tui afflictissimi perfugium, respice te obtestamur oculis tuæ infinitæ misericordiæ hunc pusillum Catholicum gregem, quem multis hætenus in periculis conseruasti. Illumina tenebras cordium nostrorum, in omnium hominum ordinibus, vt vnanimis, communique doloris sensu peccata & iniquitates nostras, tanquam causam omnis miseriæ & calamitatis, humiliter agnoscamus, vera cordis contritione confi-

teamur, & dignis pœnitentiæ fructibus castigantes, per sacramenta, gratiæ tuæ instrumenta, in sanguine IESVagni innocentissimi, pro nobis cæsi, eluamus, & expiemus; nosque tibi, ô fidelissime & fortissime liberator, oblationem sanctam, viuam, beneplacentem & perfectam offeramus ac consecremus: quæ tibi in conspectu & æstimatione pretiosissimi sanguinis, passionis & mortis filij tui sic accepta sit, vt coram te in gratiam accepti, & forti brachio tuo, quo sapius populum tuum è manibus inimicorum tuorum fortiter eruisti, contra inimicorum nostrorum iram & rabidum furorem defensi atque protecti maneamus.

Respice de summo Maiestatis tuæ throno, ô Domine Exercituum, in iram & insolentiam Aduersariorum nostrorum, & vide, quàm temerè veritatem & illustrationem tuam in impuris & abominanda hypocrisi contaminatis cordibus, studijs, machinationibus suis iactitent, Sacramenta profanent, verbum tuum adulterent, thesaurum sanctissimæ carnis & sanguinis tui, quem fidelibus tuis, singulare præsidium & solatium testamento legasti, negent & propulsent, Catholicam & Apostolicam Ecclesiam, sponsam tuam & saluificam religionem contuicij proscindant, calumnientur, & mendacibus criminationibus insectentur. Nobisque

ideo,



ideo, quòd ab accepta fideliter à patribus religione, quam tot sanctorum Martyrum corporibus fundasti & contestatus es, recedere, & nos in societatem impij & iniqui studij & conatus illorum adiungere nolimus, omnis generis clades, per seditiones, rapinas, cædes, & incendia minentur, & inferre conentur. O Domine & fortis saluator, qui odisti & citò præcipitas turgidos & inflatos spiritus, & nequaquam aspernaris humiles pauperum tuorum preces & obsecrationes, conuerte ad te corda eorum, vt agnoscant impios suos conatus & deserant. Imple facies eorum ignominia, vt nomen tuum, quod per excacationem & subuersionem cordium suorum in nobis Catholicis persequuntur, quærant & inueniant. Infatua & in nihilum conuerte eorum consilia, confunde eorum studia, vt in veritate experiantur te populi tui, qui se ad te conuertit, iuxta promissiones tuas obliuisci, & hostibus eorum parcere nequaquam velle. Largire quæsumus Ecclesiastico Magistratui, Pontifici Romano, Archiepiscopis & Episcopis omnibus veram doctrinam & pietatem. Da Regibus & Principibus ad communem pacem Ecclesiæ, & sacri Romani Imperij conciliandam, felicem successum & victoriam, contra inimicos tuos & suos. Da illi & alijs magistratibus & huius ciuitatis Moderatoribus & Se-

natui

natui lætitiā salutaris tui, & confirmā eos spiritu principali veræ sapientiæ & fortitudinis, per quem in omnibus constituent & promoueat, quod ad tuum beneplacitum & communem pacem & vtilitatem profuerit. Da etiam Ciuibus nostris & Inquilinis, ad conseruationem & defensionem peruetustæ & venerandæ fidei, in te cor imperterritum & inuictum, Magistratibus suis obedientissimum, inter se mutuo pacis & concordie studiosissimum, miseris & afflictis foris consolationem & patientiam, nobis & singulis nouum spiritum cum firmo proposito & bona voluntate in omnem obedientiam & pietatem paratissima, quo in præsentis belli periculis fidelissimum auxilium ad gloriam nominis tui reipsa experientes, & à timore inimicorum nostrorum liberati, in sanctitate & iustitia te laudemus, tibi gratias agamus, atque debitum obsequium præstemus.

Exaudi ergo, ô spes & consolatio afflictorum, hos gemitus & preces nostras, per IESVM Christum Dominum & Redemptorem, perque intercessionem gloriosissimæ matris illius, atque omnium Sanctorum, eorum præcipue, quorum pretiosa morte & fortitudine hanc Prouinciam & Ciuitatem bene hætenus ornatam & communem esse voluisti, qui tecum in perpetua pace, ad quam omnes post huius vitæ

ærumnas aspiramus, viuunt & regnant,  
Amen.

*Pro omni Ecclesia statu.*

**O** Domine DEVS, cuius misericordia magna est, cuius gratia superabundans est, cuius dilectio immensa est, humiliter te obsecramus, misericordiam, gratiam & charitatem tuam omnibus Ecclesiæ tuæ Præsulibus ostende propitius, vt officio, quod te tradente veluti per manus acceperunt, dignè incumbant, in seipsos & gregem attendant, pascere Ecclesiam tuam, quam filius tuus proprio sibi vindicauit sanguine. Sint inculpatæ vitæ in sancta conuersatione, propter sempiternum illum animarum nostrarum Episcopum.

Ioannes  
Ferus.

Sed & pro omnibus Pastoribus, & Christianæ Ecclesiæ presbyteris interpellamus, vt gregi Christi spontaneè, non coactè præsent, pro quo eum apparuerit pastorum princeps immarcescibilem accipient gloriæ coronam. In Apostolicis statutis veluti claro speculo se contemplantur, agnoscant, & emendent.

Pro Romano Imperatore etiam, ô Pater clementissime, precamur te, pro Regibus & omnibus Magistratibus, vt ad senectam vsque perueniant curiam: perfunde in illos gratiæ tuæ benedictionem, Sapientiam illis largire & scien-

tiam,



tiam, vt per te regnent, populumque tuum paterna gubernent solitudine. Admone illos tu, vt erudiri & doceri patiantur se, vique diuinæ legis volumen ipsi in manibus habeant, legantque semper, & ex eo tibi deuoti seruiant. Ne timorem tuum illis subtrahas, quo pacem inter se mutuam conseruent, & foueant, populumque tuum iustè iudicent, & omnibus ex æquo sine personarum respectu iustitiam administrent, scientes & se Dominum in calis habere.

Conserua populum tuum in obedientia fidei, vt omnem potestatem reuereantur, & venerentur, ipsique quod suum est tribuant in humilitate: quoniam ministra illa tua est. Sed & pro omnibus in genere tuam precamur misericordiam. Confirma debiles, sana ægrotos, cura infirmos, adiuua derelictos, honorifica contemp-  
ptos, miserere pertinacium, illumina inimicos nostros, dimitte persequentibus nos, benefac mala facientibus nobis, vt te donante errata sua tandem agnoscant.

Pauperibus necessaria administra, peregrinos recrea, captiuos visita, pupillos & viduas vindica, lætifica mœstos, conuerte delinquentes, confirma iustos, custodi progredientes, pascere fideles operarios, succurre in partu laborantibus, adsis morientibus, consilia

pia approba, benedic terram, bella com-  
pescce, diaboli pessunda malitiam. An-  
gelos tuos de cælo mitte sanctos, qui  
nos in aduersis tueantur, ab omni ma-  
lo custodiant, infernalis illius draco-  
nis assiduò oppugnent tyrannidem, vt  
securi persistamus ab illius potentia:  
præcedant nos semper, vt in tua prote-  
ctione, quæ bona sunt perficiamus, quæ  
mala omittamus, per Iesum Christum  
Dominum & Redemptorem nostrum,  
Amen.

*Pro summo Pontifice Romano.*

**D**omine IESV Christe, Pontifex  
æterne, qui per proprium sangui-  
nem introijsti semel in sancta, æterna  
redemptione inuenta, quique in cælum  
vnde descenderas ascensurus Apostolo  
Petro, eiusque successoribus Romanis  
Pontificibus, Agnos tuos pascere præ-  
cepisti, regni cælestis clauces tradidisti,  
eosque Vicarios tuos in terris consti-  
tuisti, ne visibilis Ecclesiæ corpus, vi-  
sibili capite in rebus dubijs & aduer-  
sis carere videretur. Quæsumus clemen-  
tiam tuam, vt hunc famulum tuum  
N. Pontificem Maximum, pastorem &  
Rectorem nostrum, ab omni aduersi-  
tate & periculo tam animæ, quam cor-  
poris, quam diutissimè serues incolu-  
mem: vt Ecclesiam tuam in hac re-  
gnorum omnium ruina, & postremæ  
ætatis calamitatibus grauissimis, atque

Collector  
Heb. 9.

Ioan. 21  
Matt. 16

in tot

in tot peruersorum dogmatum, atque hæresium confusionibus piè ac sapienter regat, & tueatur.

Illumina mentem eius vera verbi tui agnitione, vt salutaria nos doceat, & oues suas pascat sanæ atque incorruptæ doctrinæ pabulo. Suggere illi consilia optima, sapientiam, industriam, fortitudinem animi: vt hæreses omnes, & peruersa dogmata tollat è medio, ne posteritati vlla errandi relinquatur occasio: quò sic ab omnibus Regibus & Principibus Christianis veris Ecclesiæ tuæ nutritijs, suspiciatur, diligatur, & à virulentis hostium blasphemijs, violentisque impugnationibus in sua functione defendatur: vt in animorum concordia, & vnitæ fidei tibi Christe seruiamus; Qui viuus & regnas Deus, per omnia secula seculorum, Amen.

*Pro Episcopo & Pastore.*

*Collector.*

**D**EVS fidelium omnium pastor & rector, qui hunc famulum tuum N. ad functionem muneris Apostolici, vt regeret Ecclesiam hanc, quam acquisiisti sanguine tuo, vocare dignatus es; te supplicibus ac deuotis suspirijs oramus; da illi spiritum tuum rectorem linguæ illius, vt potens sit exhortari in doctrina sana, & eos qui contradicunt arguere.

*Cor.9.*

Da vt verbo tuo dignè ambulet; sit exemplum populo suo, ne dum alios

docet,



docet, ipse reprobis inueniatur. Attendat sibi & gregi vniuerso; ambulet in conspectu tuo in veritate, & iustitia, & recto corde. sit sine crimine, sit hospitalis, benignus, sobrius, iustus, sanctus & continens: fac eum vigilantem & solertem, vt audacter ab ouili suo depellat lupos rapaces, qui dilacerant & dispergunt gregem tuum, vt possit conuincere pseudopphetas redarguendo, & confutando hæreses eorum.

Tit. I.

Tribue illi os & prudentiam, cui nemo potest resistere, & contradicere. Eos qui manifestè peccant coram omnibus arguat, sine respectu personarum; vt & cæteri timorem habeant, & auertantur à vijs pessimis: si quis autem præoccupatus fuerit aliquo delicto, huiusmodi spiritu mansuetudinis obiurgat, ne qua anima ex ouibus suis pereat: sed ad vitam ynà cum vniuerso grege sibi concredito perueniat sempiternam, Amen.

Luc. 12.

*Pro Casare Romano.*

**M**emento Domine pijsissimi & fidelissimi Imperatoris, quem decreuisti regnare super terram. Da ei arma veritatis, arma bonæ voluntatis: corona eum, obumbra caput eius in die belli, confirma brachium eius. Exalta dexteram eius, corrobora imperium eius, subditas illi fac omnes

Ex Missa  
Basilij  
Magni.

Bar-

Barbaras nationes, quæ bella volunt. Tribue illi profundam & inablata[m] pacem; loquere in cor eius bona pro Ecclesia tua, & omni populo tuo, vt in tranquillitate eius tranquillam, pacificamque vitam peragamus, in omni pietate & venerabilitate, Amen.

*Pro Rege Catholico.*

*Collector.*  
*1. Par. 29.*

**D**ominator Domine, Rex cæli & terræ, cuius est magnificentia, & potentia, & gloria atque victoria, & tibi laus: cuncta enim quæ in cælo sunt, & in terra, tua sunt; tuum Domine regnum, & tu es super omnes principes.

*Prou. 21.*

Cor Regis in manu tua est, & tu quocunque volueris inclinabis illud. Cum itaque multum intersit qualem habeamus principem, ( Rex enim insipiens

*Eccli. 10.*

perdit populum, & ciuitates inhabitantur per sensum prudentum ) te supplices rogamus Domine, rege mentem, & voluntatem Principis nostri, vt seruiat tibi Deo omnipotenti in timore, & exultet in tremore: apprehendat disciplinam veram; & religionem catholicam aduersus omnes nostri temporis hæreticos tueatur: sit verus Ecclesiæ

*Psal. 17.*

tuæ nutricius: Persequatur inimicos & tuos & suos: comprehendat illos, & non conuertatur donec deficient. Stabiliatur Domine regnum eius, & thronus eius sit firmus iugiter. Largire illi sapientiam & intellectum agendi, quæ

*Reg. 7.*

tibi grata sunt, quæque ad incrementum Reipublicæ faciunt, & omittendi his contraria. Defende eum contra omnes osiores & æmulos, qui clam aut palam vitæ & dignitati eius insidiantur, vt afferat eius imperium pacem populo, & in omni loco vigeat iustitia: iudicet afflictos populi, & saluos faciat filios pauperum, ne quando irascaris Domine, & transferas regnum hoc in gentem alteram.

Similiter tibi supplico, ô Rex Regum, & Domine Dominantium, pro inclyta coniuge Regis nostri, proque prole regia, & omnibus hæredibus eius, vt eos diutissimè superstites & incolumes conserues, illisque benefacias, & fortunes eos in successione dominij, & regiminis, vt felices sint, & beati, fruantur bona valetudine, & pace; floreat vera Religione, opibus, auctoritate, omniumque rerum prosperitate, & post hanc vitam miseram & caducam ad te in illud æternum regnum tuum perueniant, vbi tu viuis & regnas Deus, per omnia secula seculorum, Amen.

*Pro omni Magistratu tam Ecclesiastico  
quàm civili.*

**M**isericors DEVS, cælestis Pater, Ioannes  
in cuius manu est omnis terrena Faber.  
potestas & magistratus, per te constitutus ad supplicium malorum, & defensionem bonorum: in cuius potenti dex-

tera



tera sita sint omnia iura & leges imperiorum; Te supplices corde deuoto oramus, pro Magistratu nostro Ecclesiastico, & seculari, vnà cum ijs, qui sunt vtrique dignati à consilijs, & qui Rempublie. administrant; vt gladium tam spiritualem, quàm secularem, ipsis per te commissum, in sincera & vera fide & timore Dei rectè gerant, eoque pro tua voluntate & iussu vtantur Obumbret ipsos virtus & sapientia altissimi Illuminet & conseruet eos in amore Dei ipsa diuina gratia.

Da illis, ô Domine, sapientiam & intellectum, concede pacatam gubernationem, & omnes subditos in veritate fidei, dilectione, & iustitia, quæ tibi cordi est, regant, & dicto audientes conseruent. Proroga ipsis dies vitæ suæ, & annos multos largire, vt prospera & laudata ipsorum functione nomen tuum sanctificetur, & laudetur in omne æuum, Amen.

*Pro subditis omnibus Christianis.*

Petrus  
Michael-  
is in Ser  
is suis.

**M**isericordissime Redemptor, & Deus pacis, exaudi preces meas, & per infinitam misericordiam tuam largire omnibus Christianis subditis, vt spontè & libenter in omnibus ijs, quæ tibi non aduersantur, Magistratibus suis morem gerant; eos syncerè ament, & honore prosequantur; de illis vt par est, sentiant, ac loquantur, & tribuant,

quæ

quæ illis debent: vt in bona pace & tranquillitate ab omnibus tibi seruiatur, per quem reges regnant, & legislatores iusta decernunt: quique per Apostolum tuum dixisti; Qui potestati resistit, Dei ordinationi resistit: qui autem Dei ordinationi resistunt, ipsi sibi damnationem acquirunt.

Rom 13.

Tuere, ô DEVS pacis & dilectionis, subditos omnes ab impœnitentiæ & obdurationis grauissimo peccato, ab Hæresibus & perditionis Sectis, quibus transuersum actis sub falso Euangelij & verbi tui prætextu, inobedientia, & manifesta rebellio ad communem perniciem inducuntur. Exaudi etiam, ô Pater misericordiarum, & Deus totius consolationis, exaudi, inquam, oppressorum & protritutorum gemitus: adauge illis patientiam, & tandem aliquando de manibus inimicorum & oppressorum suorum eos erue, ad laudem magni nominis tui, quod sit benedictum in æternum, Amen.

*Pro parentibus & consanguineis.*

**D**omine DEVS, qui secundum te patrem & matrem honorare, pro eorum incolumi vita & fortunis, vt æquum est, orare strictè præcepisti: da parentibus nostris, omnibusque domesticis & consanguineis nostris salutem & pacem. Conserua eos in fidei tuæ pietate; custodi eos ab omni corporis,

Ioannes  
Ferus.

animæque incommodo: largire gratiam, ne vnquam in villo te offendant: sed propitium te semper Patrem & Deum experiantur, Amen.

*Pro fidelibus coniugibus.*

Petrus  
Michae-  
lis in Ser-  
tis suis.

**B**enignissime DEVS meus, cuius dulcedinis & misericordiæ non est numerus, concede quæso omnibus Christianis coniugibus, quos coniungere, & gratia tua sacramentali benedicere ad populi tui propugnationem dignatus es, vt vocationem suam tanquam tuam ordinationem agnoscant, ornent, & exequantur: vero amore, fideque se diligant, sicut Christus dilexit Ecclesiam; & ab ea merito impensius diligetur. Da, vt tanquam sanctorum filij, quos in sanctificationem vocasti, in omni modestia & vitæ sanctimonia vnanimis cohabitent, & cum liberis suis, quos donasti, vel donaturus es, temporali & æterna benedictione tua cumulentur, Amen.

*Pro muliere pregnantē.*

Ioannes  
Verus.

**I**uste Domine DEVS, qui propter primæ mulieris piaculum communem omnibus fœminis seueram & ineuitabilem maledictionem denuntiasti, & imposuisti: nempe in peccato originali conciperent, grauidæ multis & magnis cruciatibus subiacerent, & tandem cum vitæ periculo parerent: mitiga

qua-



quæso pro tua immensa bonitate, proque inexhausta misericordia tua huius legis edictum: quiescat paululum ira tua, & foeminam hanc N partum ententem tuæ gratiæ sinu fove; adiuua eam, vt sine periculo vitæ dolorem superare, prolem corpore elegantem, anima nobilem iusto tempore valeat parere; quo post oblita angustiarum gaudio miserationis tuæ gratiam celebret, teque benedicat in secula seculorum, Amen.

*Pro Christiana iuuentute, vt rectè instituat.*

**D**EVS, cuius Vnigenitus post assumptam carnem à matre triduo perditus, in templo inter Iudæorum Scribas inuentus est, suæque absentiarum rationem prudenti responso cum obedientia reddidit: da, vt non solum ipsi tuo verbo, tuæque doctrinæ adhæreamus, verum etiam liberos nostros, quos de tua munificentia habemus, ad nominis tui gloriam, ad timorem, ad disciplinam, ad virtutem, ad obedientiam educentes, vt probitate vitæ, & pietate fidei crescant: tu beneplacitum, nos gaudium sine incommodo habeamus, teque per omnem vitam nostram celebrare valeamus.

Non pro nostris tantum liberis te, Domine, deprecor, sed pro vniuersa Christiana iuuentute. Custodi eam, ne

Ex libello, cui titulus Hymni & Collectæ.

Additio generaliter pro omni iuuentute.

corrupta doctrina: & falsis inficiatur opinionibus: da vt in tui & veræ Religionis, qua colendus es, cognitione bene formetur, & proficiat; iugumque tuum ab adolescentia libenter portare addiscat. Præferua piam & simplicem iuuentutem à commercio malo, & sodalitio turpi, quod instar contagij & fermenti subigit ac penetrat totam massam. A crapula & ebrietate, à vagis libidinibus, ab otio inertis omnium vitiorum materia, & nutrimento iuueniles animos auerte

Dona omnibus pueris & scholasticis bonitatem ingenij, capacitatem mentis, firmitatem memoriæ, vt admittant, retineantque vtilia, & quæ animabus suis & Rebus public. quibus nati sunt, conducunt: vt exculsi necessaria scientia & industria omnes in vtilis Ecclesiæ tuæ ciues euadant, ad gloriam nominis sancti tui, & salutem animarum suarum, Amen.

*Pro amico.*

Ex manuscrip-  
to Belgico ver-  
sa.

**C**A Elestis Pater, æterne DEVS, cum ipsa me dudum experientia docuerit, in quantis angustijs, & in quot periculis hanc vitam trahimus, ex humana & fraterna sympathia tibi, ô DEVS, pro charissimo amico meo N. supplico, cuius salutem anxie desidero; vt cum posthac in tuam suscipias tutelam, eum custodias, & diuinæ provi-

dentiaꝝ oculos in eum conijcias, haud aliter, quàm pia mater in Filium, quem tenerriimè diligit.

Ne patiare, Domine, vt secundùm carnem ambulet, sed secundùm spiritum: nec ab huius mundi contagio inficiatur, sed dulcedinem spiritus tui gustet, omniaque secundùm hunc iudicet: nullum maius existimans detrimentum, quàm à tua charitate diuelli: nec aliquod lucrum opimius, quàm adhærere tibi, etiam si ob idipsum tribulatio, angustia, iniuria, infirmitas, imo mors ipsa esset perferenda. Confirma illum, Domine, in sanëtis cogitationibus; largire illi fidem ardentem, eumque ad opera bona facienda compelle. Perfice dona quæ in eo cœpisti; delicta verò & crimina, in quæ prolapsus est, aufer ab eo: vt cor eius acceptum tibi fiat habitaculum.

Tribue illi victui necessaria, ne aliena rapiat, aut concupiscat: ne imposturis quæstum faciat; sed sua potiùs non habenti largiatur. Adesto illi in omni periculo, & esto turris fortitudinis, aduersus inimicos eius, vt in vocatione sua tibi pacificè & tranquillè seruiat. Vbi verò appropinquauerit dies, in qua eum ex hac misera vita euocare decreueris, ne recedas ab eo: sed ex angustijs huius ergastuli educ animam eius in cælestem illam beatitudinem, vbi tu, mi Pater, viuis & regnas in secula seculorum, Amen.



*Pro benefactoribus.**Collector.*

**A**lissime Deus, retributor omnium bonorum, cui potestas & misericordia, cui omnis displicet ingratitude; te oro, da mihi animum gratum, & beneficiorum acceptorum memorem, ne oblitus meritorum mihi, vel à te, vel ab hominibus exhibitorum, in turpe & abominandum crimen ingratitudinis incurram. Concede, Domine, vt pro facultatum mearum modulo accepta beneficia recompensem, & non verbis tantum, sed & re ipsa gratus sim.

Quòd si qui sint, quorum in me beneficia maiora sunt, quàm vt queam rependere, pro his oro te, Domine, benefac illis hîc, & in resurrectione iustorum. Redde retributionem his, qui me genuerunt, educârunt, instituerunt, & promouerunt: omnibusque alijs, qui bene de me meriti sunt: qui in me contulerunt opera misericordiæ, & officia humanitatis. Hos omnes tibi precibus meis commendo, oro & obtestor te, vt ipsi, & eorum familiæ benedicantur: omnia quæcunque faciunt prosperentur; ab omnibus aduersis, cum animæ, tum corporis præseruentur. Si de hoc mundo transferint, non præualeat illis Aduersarius, sed recipi ad te in vitam æternam mereantur: sin adhuc superstites sint, tuæ misericor-

diæ

diæ fauore, tuaque protectione sic vitam instituant, vt post mortem misericorditer à te bona recipiant æterna. Per Christum Dominum nostrum, Amen.

*Pro fratribus in calamitate positis.*

**V**itam hanc singulis penè momentis experimur calamitatibus refertam, quæ vnicuique vel ex carne peccati pululant, vel ex malitia sua, aut aliena. In hoc quoque indulge nobis Pater indulgentissime, ne ad res nostras tristes ex amicorum aduersis accedat tristitia. Exime illos è calamitate, vt & ipsis quærioribus cogitare de te vacet, & nos munere tuo non parua sollicitudinis leuemur parte.

Ludouic.  
Viues.

Quòd si hoc vel illis non expedit vel nobis (nam quid cuique expediat tu nosti solus) at certè da illis vires in animo, firmitatem in corpore, quo res duras & graues faciliùs valeant perferre: ne corpore sint impares dolori, nec animus succumbat ægritudini: vnde vel per impatientiam, vel per desperationem aliquid faciant, dicant, cogitent parum tibi gratum, ipsisque pestiferum, Amen.

*Pro Captiuis.*

**C**lementissime DEVS, qui audis gemitus compeditorum, & soluis filios interemptorum, miserere obsecro

Petrus  
Michae-  
lis in Ser-  
tis suis.

per captiuitatem amantissimi Filij tui omnium Christianorum, qui apud Turcas aut Gentiles, Hæreticos vel Schismaticos captiui tenentur. Refoue eos in vinculis, & acerba afflictione, cælesti tuo solatio, ne aliquando pusillanimes reddantur, & in infidelitatem, impietatemque acerbitate tribulationum deiecti, temporalibus calamitatibus æternam damnationem adiungant. Adiuua illos Domine eo modo, quo nosti ad eorum conferre salutem.

Misericordissime Saluator mundi, qui captiuis prædicari facis redemptionem, vinctis libertatem, & præcepisti prædicari & annuntiari populo tuo annum placabilem, & diem salutis; largire nobis, vt de perpetuis carceribus & infernalibus vinculis liberati, ea deinceps libertate fruamur, qua liberaſti nos; neque patiaris, vt ad seruire peccati & diaboli iugum reuertamur, & tandem æternæ damnationi obnoxij reddamur, Amen.

*Pro Viduis & Orphanis.*

Idem ibidem.

**D**omine DEVS, Pater viduarum & orphanorum, auxiliator in tempore oportuno omnium afflictorum & consolationis egentium; Concede omnibus Christianis viduis, vt sperent in te Deum viuum, atque ad te tanquam ad fidelem patrem in aduersis rebus confugiant, mandata tua obseruent,

vacent



vacent bonis operibus, à voluptatibus & scandalis abstineant, quò assidue paternam tuam erga se prouidentiam largius experiantur.

Largire etiam, vt Orphani fidelium in tuo timore & omni modestia educentur, debitaque cum obedientia educatoribus suis obsecundent; in omni temperantia & pietate crescant, fidei admonitioni, consilio bono, & disciplinæ paternæ obtemperent, quò à vitijs & criminibus, opprobrio & exitio immunes existant, & tandem ad vitam æternam perueniant, Amen.

*Pro inimicis & ijs qui nobis mala volunt.*

**M**Ansuetissime & clementissime Ludouic. Pater, qui nihil odisti eorum, quæ Viues. creasti, qui sustines & suffers hominum delicta, dissimulans ea propter poenitentiam, etiam atque etiam te precamur supplices, vt inimicis nostris ea largiaris plena manu, quæ scis illis profutura. In primis verò sanam atque integram mentem, qua noscant te, & quærant vera charitate, ac toto pectore: nos autem filios tuos diligant tua causa, ne illos odium nostri lædat, neque nos quodammodo nocumento illis simus, qui nequam & imbecilles adiumento esse non possumus. Ne perdas illos Pater propter odium nostri, sed serua propter preces nostras.

Emendationem illorum cupimus, Domine, non ultionem: ne separes illos à nobis supplicio, sed coniunge & coaduna clementia. Et quandoquidem nos omnes vni ciuitati æternæ destinamur ciues, iam hîc per amorem mutuum incipiamus eam ingredi viam, quæ recta nos illuc, sine vllis ambagibus, adducit Per Christum Dominum nostrum, Amen.

*Pro iter agentibus.*

Ex libello,  
cui  
titulus  
Hymni  
& Collectæ.

**D**EVS, qui ad vitam ducis, & confidentes in te paterna protectione custodis, quæsumus Domine, vt præsentibus famulis tuis à nobis egredientibus Angelicum tribuas comitatum, vt tuo auxilio protecti, nulla mala concutiantur formidine, nullo comprimantur aduersitatis rigore, nullis irruentis inimici molestantur insidijs: sed spatio necessarij itineris prospero gressu peracto, proprijs locis feliciter restitui, vniuersos reperiant hospites, ac debitas exoluant tuo nomini grates: Per Dominum nostrum Iesum Christum Filium tuum, qui tecum viuit & regnat in secula seculorum, Amen.

*Pro peccatoribus.*

Collector.  
Ioan. 3.

**C**lementissime Domine, qui Vnicum Filium tuum in hunc mundum misisti, vt peccatores saluos faceret, errantem ouem quæreret, atque munderet sibi populum acceptabilem, sectato-

rem bonorum operum. Ecce refrixit charitas, & abundauit iniquitas. Populus tuus sicut aquam bibit iniquitatem, omnes declinauerunt, & inutiles facti sunt, non est qui faciat bonum, non est vsque ad vnum. Hinc ira tua exardescit, hinc fames & pestis, hinc gladius deuorat plebem tuam, & calamitates instar diluuij obruunt nos.

Matt. 24.  
Iob 15.  
Psal. 13.

At tu Domine, qui non vis mortem peccatoris, sed vt conuertatur & viuat, miserere, miserere: parce populo tuo, quem pretioso sanguine tuo redemisti. Da quaeso illis gratiam tuam, vt illuminata mente tandem perueniant ad agnitionem peccatorum suorum, & conterriti formident iram tuam, & eternas poenas, vt resipiscant à Diaboli laqueo, capti ab eo ad ipsius voluntatem. Aufer contumaciam & durtiem cordis eorum: da eis cor nouum, & spiritum nouum: aufer cor lapideum, & da carneum, spiritumque tuum pone in visceribus eorum: vt abnegantes omnem impietatem, & secularia desideria, sobrie, pie, & iuste viuant in hoc seculo; expectantes beatam spem, & aduentum gloriae magni Dei, & Saluatoris nostri IESV Christi, qui tecum viuunt & regnat in secula seculorum, Amen.

Ezech. 18

Ezech. 1

Tit. 2.

*Pro Infidelibus, Schismaticis, &  
Hæreticis.*



Petrus  
Michae-  
lis in Ser-  
tis suis.

**D**omine IESV Chrifte, vera mundi lux, illumina quæsumus omnium hominum mentes, qui tenebris obscuratum intellectum habentes, procù aberrant in via veritatis; vtpote Iudæorum, & prophanarum gentium, quæ neque Patrem, neque te, quem misit Filium agnoscunt, sed in cæcitate mentium suarum quotidie blasphemant; tum etiam eorum, qui licet tibi nomen dederint, in omnis generis nihilominus Sectas & errores tanquam dispersæ oues aberrant, & in prædam lupo palàm rapaci cedunt, vel saltem occultè in vno aut altero sacræ Religionis tuæ articulo superbum intellectum suum captiuare nolunt in obsequium sanctissimæ fidei tuæ, & obedientiæ Sponsæ tuæ, quæ est Ecclesia Catholica, columna & firmamentum veritatis.

Benignissime Pastor, amator & quæfitor omnium errantium ouium, quære obsecro largitione tuæ gratiæ, & per sedulam Ministrorum Ecclesiæ curam, quod periit, reduc quod aberrauit, sana quod infirmum est, alliga quod contritum est; aperi cæcorum oculos, & surdorum aures, vt videant & audiant tam ea, ad quæ tendunt exitia, quàm ad quæ eos vocas salutis compendia; solue linguam mutorum, quò te nobiscum vno ore rectè profitentes atque colentes, communem nobiscum, & omnibus Sanctis tuis, salutem consequantur, Amen.

*Pro Ethnico ad fidem veniente, vel  
Hæretico ad Ecclesiam re-  
uertente.*

**D**EVS magne, magnique nominis, Nicetas  
qui oris tui verbo priores tenebras in the-  
illuminaſti, qui vnigenitum Filium ſauo or-  
tuum in mundum miſiſti, vt eſſet pro- thodo-  
pitatio pro peccatis noſtris: qui ſedes xia.  
ſuper Cherubin, quem glorificant Sera-  
phin, cui omne genu ſectitur cæleſtium,  
terreſtrium & infernorum, quem omnis  
terra Regem ſeculorum conſitetur, qui  
ouem errantem in Seruatoris noſtri Ieſu  
Chriſti ouile reduxiſti, qui conuertis pec-  
catores à via ipſorum: ipſum hunc quo-  
que ſeruum tuum à tenebris aduerſarijs  
ad lumen æternum conuerte. Reuoca  
ipſum ab errore diaboli, ad diuinitatis  
vnigeniti Filij tui I E S V Chriſti cogni-  
tionem. Confirma cor eius in fide & di-  
lectione Chriſti tui: Partem & hæredi-  
tatem ei largire in Eccleſia tua. Aufer ab  
illo veterem illum errorem, eumque im-  
ple ea fide & charitate, quæ eſt in te. Da  
ei, vt in cunctis præceptis tuis ambulet, &  
quæ tibi complacita ſunt obſeruet. Scri-  
bito eum in libro vitæ tuæ, & vnito eum  
cum ouili hæreditatis tuæ. Tu enim es  
Deus noſter, & vnigenitus Filius tuus, &  
Spiritus ſanctiſſimus nunc & ſemper in  
ſecula, Amen.

*Pro vno & pluribus infirmis.*

Ioannes  
Ferus.  
Esa. 38.

Additio  
genera-  
lis.

**O**Mnipotens & misericors DEVS, in cuius manu mors & vita sunt; qui mortificas & viuificas, qui quendam Ezechiae petenti ter quinos vitae annos donasti, tuam de morte eius reuocans sententiam; per vnigenitum Filium tuum te oro, atque obtestor, famulo tuo N. grauiter in infirmitate decumbenti, pristinae sanitati propitiatus restitue, vt deinceps in emendata vita tibi per omnia placeat.

Sed & memor charitatis Domine, non pro hoc tantum infirmo te deprecor, sed & pro omnibus aegrotantibus, vbicunque terrarum decumbentibus: succurre illis, & praesertim his, qui in agone mortis suae cum multis & varijs luctantur tentationibus. Da illis gratiam, vt agnoscant aegritudines non esse fortuitas, sed à te Deo nostro illis paternè immitti, vt reuoces eos ad poenitentiam, aut in officio contineas. Consolare, consolare illos Domine, in lucta conscientiae, affulgeat eis spes viua de tua misericordia: tolle ab illis languores, aut saltem mitiga dolores eorum. Restitue eos in pristinam sanitatem, & medere languoribus eorum, pro tua diuina voluntate, ad salutem ipsorum.

Quibus autem pro tuo beneplacito expedit, vt moriantur, hos tuo Spiritu sancto confirma, ne vacillet in eis fides, ne titubet spes, ne refrigescat charitas, ne terrore mortis deiiciatur humana infir-

mitas.



mitas. Abbreuia tormenta eorum, & posteaquam mors occupauerit oculos corporis, mentis tamen à te non deflectantur: cumque linguæ vsum ademerit, cor tamen instanter ad te clamet; In manus tuas Domine commendo spiritum meum: & sic placidè in te obdormiscant, tristitiaque eorum vertatur in gaudium nunquam auferendum, Amen.

## C A P V T X V I. CONTINENS ORATIO.

NES PARTICVLA-  
rium Persona-  
rum.

*Oratio Pastoris.*



*Collecto*  
Clementissime Domine Iesu  
Christe, Pontifex æterne,  
qui me indignum famulum  
tuum, ignorantem egressum  
& introitum meum, ad fun-  
ctionem muneris Apostolici vocare di-  
gnatus es, vt oues huius ouilis salutaris  
pabulo doctrinæ pascere, & Ecclesiæ  
huic, quam pretioso tuo sanguine rede-  
misti, in his quæ ad te sunt præessem,  
horreo, & toto corpore contremisco,  
quoties confidero, quis ego sim, & quid  
requirat onus, quod infirmis humeris  
meis incumbit. Qui enim pro vna & so-  
lâ mea animula rationem reddere non  
possum, pro toto hoc grege quomodo

red-

reddam? Quid ego infelix, quò me ver-  
tam, si tantum thesaurum, si pretiosum  
depositum illud, quod tibi sanguine pro-  
prio pretiosius iudicasti, contingat me  
negligentius custodire? Si stillantem in  
Cruce sanguinem tuum collegissem, ef-  
fetque repositus penes me in vase vitreo,  
quod portare sæpius oporteret, quid ani-  
mi habiturus essem in tanto discrimine?  
at certè seruandum accepi à te Domine,  
pro quo tu mercator non insipiens, imò  
ipsa Patris sapientia sanguinem illum  
dedisti, idque in vasis fictilibus, & quouis  
vitro fragilioribus. Impares sunt sanè  
humeri mei tanto ponderi, si meas vires  
respiciam: impeditioris & tardioris lin-  
guæ sum, nescio loqui, puer sum, & regi,  
quàm regere, magis idoneus.

Obsecro igitur te Principem Pastorum,  
& Archiepiscopum nostrum, qui nullum  
vocare soles ad aliquod munus obeun-  
dum, cui non etiam largiri consueuisti  
dotes eas, quibus ornatus & instructus  
dignè perficere potest, ad quod vocatus  
est: me etiam inutile instrumentum  
tuum reforma, & vocatione mea me  
dignum præpara. Da seruo tuo cor docile,  
vt voluntatè tuam annuntiet popu-  
lo tuo: Da illi amplecti eum, qui secun-  
dum doctrinam est, sermonem fidelem,  
vt potens sit exhortari in doctrina sana,  
& eos qui contradicunt arguere. Verbum  
veritatis ne auferas ab ore meo, & da mi-  
hi gratiam, vt feruenti spiritu eloquar il-

lud, ne aures tantum feriat, sed cor penetret, & fructum optatissimum adferat. Renoua vitam meam, & mores meos in melius commuta: ne dum alijs prædicem, ipse reprobus inueniar. 1. Cor. 9.

Tolle à me superbiam, iracundiam, violentiam, & turpis lucri cupiditatem. Largire hospitalitatem, benignitatem, sobrietatem, iustitiam, sanctitatem & continentiam; ne ulli hominum impura vita mea scandalum præbeam, aut blasphemandi verbum tuum occasionem offeram. Concede mihi spiritum, quo subditos meos in visceribus meis diligam, nec aliter tractem, quam mater unicum, quem habet, filium tractare soleat: nemo infirmetur, cum quo ego non infirmem: nemo scandalizetur, & ego non vrrar. Iuua me Domine, vt quod infirmum est consolidem, quod ægrotum sanem, quod confractum alligem, quod abiectum reducam, quod perierat quaeram. Quos cōcredidisti mihi custodiam, & vnus ex eis non pereat. Sanctifica nos in veritate, o sanctificator hominum benignissime, atque illos ab omnibus inimicis & aduersitatibus corporis & anime custodi. Sic mihi obtemperent, sic me diligant, vt sit rationabile obsequium eorum, & vias Christiano dignas ambulent: vt ego & verbo & exemplis eos precedendo, & illi me sequendo pariter curamus ad te verum animarum nostrarum pastorem, qui nos in loco pascuæ pinguis-

Ezec. 34.



simæ collocabis, vt viuus & regnas Deus,  
per omnia secula seculorum, Amen.

*Oratio Confessarij.*

Nicola<sup>9</sup>  
Galleri<sup>9</sup>  
in Euāg.  
explicā-  
dorum  
ratione.

**D**omine DEVS omnipotens propi-  
tius esto mihi peccatori, vt digne  
possim tibi gratias agere, qui me indi-  
gnum, propter magnam tuam miseri-  
cordiam, ministrum fecisti officij sacer-  
dotalis, & me exiguum, humilemque  
constituisti ad orandum, & interceden-  
dum ad Dominum nostrum IESVM  
Christum Filium tuum, pro peccatori-  
bus, & ad pœnitentiam reuertentibus

Ideoq̃ue Dominator Deus, qui omnes  
homines vis saluos fieri, & ad agnitio-  
nem veritatis venire: qui non vis mor-  
tem peccatorum, sed vt conuertantur &  
viuant, suscipe orationem meam, quam  
fundo pro famulis & famulabus tuis, qui  
ad pœnitentiam veniunt, vt des illis spi-  
ritum compunctionis, resipiscant à Dia-  
boli laqueis, quibus adstricti tenentur, vt  
ad te per dignam satisfactionem reuer-  
tantur.

Additio.

Sed & mihi Domine indigno famu-  
lo tuo adesto, fidelium tuorum confes-  
siones audituro, vt potestate ligandi &  
soluendi, mihi à te in consolationem &  
instructionem Ecclesiæ tuæ tradita, ri-  
tè & sine animæ meæ detrimento fungi  
possim. da mihi spiritum consilij & in-  
tellectûs, spiritum scientiæ & discretio-  
nis, vt populum tuum iudicare, inter bo-

num & malum, inter lepram & non lepram, inter peccatum & non peccatum, rectè queam discernere, & tanquam expertus medicus singulis infirmitatibus conuenientia adhibere pharmanca. Qui viuus & regnas Deus per omnia secula seculorum, Amen.

*Oratio in Magistratu constituti &  
Iudicis.*

**O**Mnipotens æterne Deus, qui omnia Ioannes  
verbo tuo fecisti, tua sapientia constitui- Faber.  
uisti hominem, vt dominaretur creaturæ à te factæ, & disponat orbem terrarum in æquitate & iustitia, & in directione cordis iudicium iudicem: quique ad terrorem malis, & ad pacem bonis instituiſti potestatem, ordinasti gladium. Tu fidis ministris tuis bene Republic. administrantibus ingentes retributiones promisti, pauperum contra oppressoribus, suaue auxilium pro officij ratione denegantibus, iram tuam, seueritatem, iudiciumque denuntiasti.

Agnosce, ô mi Domine, agnosce & vide quàm timendis periculis pro officij mei conditione vndique implicitus sim. Scio enim, Domine, non esse mihi dominium, sed seruitutem & officium. Scio non bruta mihi, meæque commissa fidei, sed filios selectissimos, illosque tibi charitatis vinculo iunctos, vt pro ipsis temet mortis tradere supplicio non dubitares. Scio Domine, quòd quicunque

pue-

Zach. 2.

pueros tuos iniuria affecerit, oculi tui pupillam tangit. Exaudis illos scio in quacunque tribulatione clamantes ad te. Concede mihi, ô Domine, ita præsim officio meo, vt omnis accusandi me apud tuum tribunal illis auferatur occasio. Quis enim ego sum mi Deus, qui tanto satisfaciam officio? Homo cum sim imperfectus & æger, falli & errare mihi facile, in nullam declinare partium propè impossibile mihi est: adhuc populus tuus plurimus est, semper & in omni loco præstò esse qui possum? Ea propter te, ô Domine Deus, supplex precor, da mihi sedium tuarum assistricem sapientiam, & noli me reprobare à pueris tuis, quoniam homo infirmus exigui temporis ego, & minor ad intellectum iudicij & legum. Sit licet consummatus quis inter filios hominum, si tamen illi sapientia tua abfuerit, nihili æstimabitur.

Sap. 9.

Tu ergo, ô Domine, mitte sapientiam illam tuam de cælis sanctis tuis, & à sede magnitudinis tuæ, vt mecum sit, & mecum laboret: vt intelligam & sciam quid acceptum sit apud te, sic tibi accepta erunt opera mea, sic disponam populum tuum iuste, sic tandem dignus meo habebor officio. Infunde cordi meo timorem tuum, ô Domine, ne quid in gratiam, vel alicuius faciam odium: sed vt secundum veritatem & iustitiam feram sententiam. Illumina cor meum & intellectum meum tuo verbo, ô Domine, vt placeat

mihi



mihi quicquid coram te iustum, displiceat quicquid iniquum. Mentem largire Deus amantem eorum, quæ tibi placent; aspernantem, quæ tu minus probaueris. Spiritum tuum infunde mihi, ô Domine Deus meus, qui in omni verbo regat me, in omni opere ducat me: vt iuste administrans pueris tuis tibi placeam, & tandem coram tuo tribunali letus, gaudensque compaream, Amen.

*Oratio cuiuscunque Subditi.*

*Orationes subditi pro Cesare, Rege, Principe, & Magistratu, inueniet Lector capite decimoquinto. Quibus subiiciatur subsequens additio.*

**D**omine Deus, supplex etiam te oro, vt omnibus Subditis des spiritum obsequentem, & cor in omnibus, quæ tibi non aduersantur, promptè & alacriter obediendi, Magistratum honorandi, iuuandi atque amandi: dandi quod illis competit, seque ab omni seditione & conspiratione nefaria separandi. Diligant commune bonum magis quam proprium, teque tanquam auctorem & consummatorem salutis nostræ in omnibus inuocent, vt sub bono Magistratum regimine in omni pace & tranquillitate, ad gloriam tui sancti nominis, vitam agamus, & in omni pietate & modestia tibi laudes & gratiarum actiones referamus, Amen.

Petrus  
Michaelis in Ser-  
tis suis.

*Oratio Consiliarij vel Senatoris.*Idem ibi-  
dem.

Prou. 4.

Eccles. 2.

**L** Argire mihi Domine IESV Christe, Spiritum consilij & fortitudinis, quem super te requieturum Propheeta vaticinatus est, cuius etiam inter alia nomina, quę tibi tributa sunt, illud commemoratur, quod sis Consiliarius. Et quis melior te, qui ipsa Dei Patris es increata Sapientia, quam nihil latere, quęque nec fallere, nec falli potest? Da mihi, vt, quod Salomon docet, dum ad consultationem vocor, oculi mei recta videant, & palpebrę meę præcedant gressus meos: quando tantum differt sapiens à stulto, quantum distat lux à tenebris: & sapientis oculi in capite ipsius, dum ratione & consilio velut oculis quibusdam vtitur; qui facienda omnia prius prouideant, quam in opus prodeant: dum stultus in tenebris ambulat, & ratione sopita velut oculis captus, non iudicio & ratione, sed turbulentis affectibus more pecudum ducitur. At tu Deus meus, illuminatio mea, illumina tenebras meas, vt clarè videam, quid ad tuam gloriam, & Reipublicę salutem consulam, Amen.

*Oratio Coniugis.*

Collector.

**O** Mnipotens & misericors Pater, author & institutor Matrimonij, quod status hic carni est propinquior, eò plura in illo se offerunt pericula, & occur-

runt offendicula. Ideo te supplex oro, per dilectum Filium tuum Iesum Christum, Dominum nostrum, ita vt nos in timore & amore tui contineas, ne aut te offendamus, aut tui planè obliuiscamur. Circuncide, ô Domine, cor & carnem nostram, ne velut impuri & impij, in desiderijs & voluptatibus carnis demersi, quæ spiritus sunt negligamus: sed vt, iuxta Apostoli tui consilium, ex consensu ad tempus abstineamus, vt vacemus orationi, & iterum cum timore tui, in id ipsum reuertentes, prolem sanctam & tibi placitam generemus. Si quid hactenus à nobis peccatum sit, ignosce precor, ô clementissime Pater, & conserua nos, ne te posthac in aliqua re iterum offendamus.

1. Cor. 7.

Spiritus sancte Deus, qui amorem conjugalem plantas & conseruas in pectoribus nostris, te rogo, vt suffles & exuscites fomitem castæ dilectionis inter nos coniuges, vt qui sic copulari sumus, sola quod mors potest nos separare, diligamus inuicem amore forti & inextinguibili, discreto tamen, & qui limites pietatis non excedat: ne amor tui in nobis aut minuat, aut extinguatur: sed vt diligentes nos mutuo in te, & per te similitudinem Christi & sponsæ illius Ecclesiæ sanctæ referamus.

Da mihi Domine Deus prudentiam, vt cum ratione cohabitum vxori meæ, sciens illi imbecillitatem animi quasi

con-



congenitam esse, quam ob rem multa mihi ineptiæ sunt ferendæ, multa mihi tædia deuoranda, si in ea affectuum imbecillitatem videro. Sit vxor mihi adiutorium vtile & iucundum, sine perfidia & dolo, vt in ea confidere possit cor meum, illaque tribuat mihi bonum & non malum: sit solatium animi mei: operetur manibus suis fufum, & paret cibaria familiæ meæ.

Profliga Satanam, huius ordinis tui infensissimum hostem, ne ferat inter nos discordias & contentiones. Amputa omnium dissidiorum & suspicionum occasiones, vt in vera coniunctione animorum viuamus: & tu, qui Deus pacis es, in medio nostrum habites. Da vt alacri animo inter nos feramus abundantiam & penuriam, diuitias & paupertatem, dolorem & voluptatem, aduersitatem & prosperitatem, morbum & sanitatem, idque sine murmure. Da vt cuius est præesse, alteram non contemnat; & cuius est subesse, alteri non dominetur.

Largire Domine, vt coniugium nostrum non sit sterile, sed fœcundum: & liberos nostros educemus in agnitione & timore nominis tui, ne vel molliori educatione & conuiuentia, vel illiberali asperitate, aut malo parentum exemplo deteriores reddantur: sed vt moderata tractatione & bona nostra conuersatione contineantur in timore ingenuo, augeaturque in eis obsequendi studium

& alacritas. Concede nobis, vt simul laborantes, quæ ad vitam sustentandam necessaria sunt, honestè quæramus, quæ sita non dilapidemus: sed inde piè, & cum honestate viuamus, vt moderatam, laudabilemque vitam coram te & vniuerso mundo ducamus, Amen.

*Oratio Patrisfamilias.*

**Q**Uum omnibus ex æquo proximi Ioannes  
sui rationem habere, res & fortuna. Ferus.  
nas prouehere, incommoda verò omnia propellere mandas, quid velis, Pater intelligo: nempe id magis decere patremfamilias in domesticos suos, tum è diuerso domesticos in patremfamilias doces. Agnosco officium, sed ad regendos, quos meæ tutelæ commisisti, vxorem, liberos, seruos, ancillas, cæterosque domesticos, in me facultatem non inuenio, nec iudicium.

Ad te ergo summum Patremfamilias confugio, ad te inquam cæli terræque Rectorem supplex gratiam petiti venio. Da pater & rector, vt mihi commissos domesticos in tuo timore, in tua disciplina conseruem: tum quæ corporibus, animabusque ipsorum commoditati, quæ honori sunt & emolumento ipsistuear: sine iracundia & amarulentia vindicem. Illi porrò è contrario officia sua cum timore & obedientia, non ad oculum seruientes, beneuolè in cordis simplicitate, tanquam coram te Deo,

non homine præstent; quo tandem vti-  
que laboris merces reddatur in cælis,  
Amen.

*Oratio Pueri seu Filij.*

*Collector.*

**O**Mnipotens æterne Deus, cui omnis  
obedientia liberorum in parentes  
placet, omnisque rebellio displicet: qui in  
in lege tua nos parentes honorare præ-  
cepisti, mandatum hoc quasi duplici  
muro muniens, præmio scilicet atque ex-  
poena, dum morigero atque obedienti  
filio vitæ diuturnitatem promittis: im-  
morigero verò atque rebeli maledictio-  
nem & mortem denuntias. Nec præ-  
ceptum hoc tuum supra me est, neque  
procul positum, ut possim dicere; Quis  
opere compleat illud. sed iuxta me est,  
imò in me, cum ipsa naturæ lex animæ  
meæ insculpta, ad hoc ipsum me incitet,  
atque inuitet.

*Exod. 20.*

*Leuit. 20.*

Te igitur, ô benignissime Pater, ex quo  
omnis paternitas in cælo & in terra est,  
oro, aufer à me omnem rebellionem &  
contentionem: ne cuncta hæc diuini &  
humani iuris vincula perrumpere, &  
infringere audeam: sed parentes meos  
omni officiorum genere persequar, ho-  
nore atque reuerentia debita illos co-  
lam, humili & prompta obedientia illo-  
rum præceptis obtemperem, subuentio-  
neque, obsequio, & in ministerio meo il-  
lis succurram: eorum obiurgationes, au-  
steritatem inconditos clamores, vel er-  
rata



in vata equo animo feram: nec mœrore aut  
 caliditate solitudine illos per totum vitæ meæ  
 curriculum afficiam. Si quando per æta-  
 tem defecerint sensu & vigore iudicij ra-  
 tionalis, ne eos ludibrio habeam: sene-  
 ctutem & imbecillitatem eorum debita  
 modestia tolerem. eos denique si egeant  
 aut ægrorent ope & opibus meis alam ac  
 sustineam, ne culpa & avaritia mea his  
 pereat vita, à quibus, & per quos ego vi-  
 tæ exordium accepi: sed tanquam Do-  
 minis in omnibus seruiam his, qui me  
 genuerunt. Domine remitte mihi pec-  
 cata mea, quibus parentes meos charis-  
 simos vnquam offendi. Auge multitu-  
 dinem dierum, & conserua illos in om-  
 ni mentis & corporis sanitate, videant fi-  
 lios suos tanquam nouellas oliuarum, P sal. 127.  
 in circuitu mensæ suæ: educant illos in  
 omni pietate: præsent familiæ suæ ser-  
 monibus & exemplis sanctis, vt tandem  
 immaculati ad te perueniant, vbi viuīs  
 cum Filio & Spiritu sancto Deus, per  
 omnia secula seculorum, Amen.

*Oratio Præceptoris.*

**O**Mnipotens æterne DEVS, in cuius Petrus  
 ditione cuncta sunt posita, largire Michae-  
 mihi Spiritum tuum sanctum, sine quo lis in Ser-  
 nihil discere aut docere possum; vt iu- tis suis.  
 uentutem mihi commissam sedulo in-  
 stituam, & ad bonos mores, pietatemque  
 colendam, non minus quam ad literas  
 impigrè, & ad tui nominis gloriam, for-

mem, & in ciues bonos, & Ecclesiæ tuæ  
vtilis aliquando euadant. Da illis cor  
docile & intelligens, vt quæ docturus  
sum faciliè percipiant, & retineant, mi-  
hiq̃ue in omnibus, quæ officium meum  
postulat, morem gerant: seq̃ue duci &  
formari humili & sequenti animo pa-  
tiantur: vt eorū senectus qui adole-  
scentiam suam honestis artibus instruxe-  
runt, ætate euadat doctior, & veterum  
studiorum iucundissimos fructus metat,  
alijsq̃ue communicet.

*Oratio Professoris alicuius Facultatis.*

D. Tho-  
mas A-  
quinas.

**C**reator ineffabilis Deus, qui de the-  
sauris sapientiæ tuæ nouem ordines  
Angelorum informasti, & eos miro or-  
dine super cælum Æmpyreum collocasti,  
elegantissimè partes vniuersi disposuisti,  
tu, inquam, qui verus fons luminis &  
sapientiæ diceris, atque supereminens  
principium, infundere digneris super in-  
tellectus mei tenebras tuæ radium cla-  
ritatis, duplicem, in qua natus sum, re-  
moueas priuationem, peccatum & igno-  
rantiam. Qui linguas infantium facis di-  
sertas, linguam meam erudias, atque in  
labijs meis gratiam tuæ benedictionis  
infundas. Da mihi intelligendi acumen,  
retinendi capacitatem, interpretandi  
subtilitatem, addiscendi facultatem, lo-  
quendi gratiam copiosam: gressus in-  
struas, processum dirigas, & egressum  
compleas. Qui cum Patre & Spiritu san-

cto viuis & regnas Deus per omnia secula seculorum, Amen.

*Oratio litteris operam dantis.*

**S**apientissime Pater, & omnipotens- *Collector.*  
 tissime DEVS, fons & dator omnis  
 sapientiæ & intelligentiæ, sine quo  
 omnia nostra studia successu carent, qui  
 per Spiritum sanctum tuum ex pastori- *Amos 1.*  
 bus ouium Prophetas populi, & ex pi-  
 scatoribus Apostolos mundi totius Do-  
 ctiores effecisti, infunde mihi per me-  
 ritum Christi filij tui eiusdem Spiritus  
 sancti gratiam, qua intellectus meus li-  
 beralibus disciplinis melius illustretur,  
 quas in diuinum honorem tuum ali-  
 quando, & spiritalem Ecclesiæ tuæ vti-  
 litatem possim conuertere. Da vt bo-  
 nas litteras & linguas necessarias fide-  
 liter addiscam, & tenaci memoria re-  
 tineam, & in vsum vitæ melioris con-  
 feram: vt ad tuæ sanctissimæ pueritiæ  
 exemplum indies proficiam ætate, sa-  
 pientia, & gratia apud Deum & homi-  
 nes. Largire docilitatem, & ingenij sub-  
 tilitatem, vt discenda facilius compre-  
 hendam, & ex ijs sublimiora eliciam:  
 alacritatem quoque in studijs, ne mens  
 assiduo labore fatigetur, & quodam fa-  
 stidio capta, à litteris abhorreat. Tem-  
 pus inutiliter ne perdam, nec iuueniles  
 annos studijs aptissimos in otio transi-  
 gam, nè parentum sumptus in me malè  
 collocati, eorum in me odium pariant,



& ego amicorum meorum spem & expectationem turpiter eludam.

Tribue denique mihi Domine cor obediendi præceptoribus meis, vt in ijs colendis nullum pietatis, studij, officij & obseruantiae genus prætermittam: sed præcepta eorum suscipiam, & admonitionibus locum relinquam, vt pietate doctrina & obedientia ornatus, ad clariorem tui agnitionem, perfectumque tuæ bonitatis amorem, & gloriæ tuæ meritum tandem perueniam, Amen.

*Oratio Adolescentis seu Iuuenis.*

Ex manu  
scripto  
Belgico.

**C**VM nunc in feruore carnis, periculosissimoque ætatis meæ cursu viam, ô Pater cælestis, oro te, misericordia & paterna tua prouidentia non recedant à me, sed maiori me sollicitudine conseruent: ne fortè præda fiam inimicis meis, qui vt lupi famelici in hoc toti sunt, vt me in hac iuuenili ætate sic peccatis onerent, ne vnquam ex ijs postea emergam.

Sed, ô pie Pater, diffidens de viribus meis, totum me in tuam protectionem confero, vt me nunc & semper custodias, ne in eam peccandi consuetudinem incidam, vt necesse sit in senectute mea (nisi prius in peccatis præfocatus fuero) iuuentutis meæ crimina deslere, & cum Propheta dicere, Delicta iuuentutis meæ ne memineris Domine: sed potius, vt ab hac hora sic virtutibus assue-

Psal.24.

scam,

scam, vt quotidie magis magisque in  
ijs proficiam, tranquilla & pura tibi  
conscientia deferuiens: vt in senio cum  
humili gratiarum actione dicam illud  
Regis Ezechiaë; Obsecro Domine, me- Esa. 38.  
mento quæso quomodo ambulauerim  
coram te in veritate & in corde perfecto,  
& quod bonum est in oculis tuis fece-  
rim.

Dilectissime Pater, tu verè omnium  
hominum pater es, tibi cura est de om-  
nibus, tibi commendo animam meam  
instar pueri, qui ex se nihil potest: de-  
fende me ab omnibus inimicis meis, qui  
mihi malè volunt, & mala machinan-  
tur in his, quæ ad corpus vel animam  
meam pertinent: quique me seducere  
student, & quæ impia sunt, docere. An-  
te omnia commendo tibi hodie castita-  
tem corporis mei, vt ea non tantum im-  
munis sit ab omni violentia, vel illicito  
consensu, sed vt & ego eam nec per  
impuram cogitationem, nec per obscæ-  
nam locutionem polluam. Thesaurus  
pretiosior est, quàm vt ego eum custo-  
dire valeam: obsecro igitur, vt qui ama-  
tor puritatis es, etiam & meæ sis conser-  
uator. Ne iuuenile corpus hoc in om-  
ni concupiscentia, infræniq; desiderio  
excreseat, aut sensus mei illicito capian-  
tur amore, vt te negligam: sed liberi ma-  
neant ab omni amore externo, donec  
me ad castum matrimonium, aut alium  
statum vocaueris.

Tribue Domine, vt parentibus, & ijs quorum tutelæ traditus sum, nunc in omni obedientia & humilitate seruiam, & da mihi gratiam, vt si me ad coniugij vinculum voceris, talis mihi persona cedat, qua cum tibi in pace & sanctitate deseruire, & statum istum in honestate & fecunditate queam possidere, si inquam me huc vocaueris, & hæc voluntas tua sit, cui me, omniaque mea commendo, vt de me, & in me disponas, quod tibi beneplacitum, & mihi salutare sit, Amen.

*Oratio Militis in bello iusto.*

*Collector.*

**I**Vstissime DEVS, qui propter peccata hominum excitas bella, & inducis super populum tuum gladium, ultorem foederis tui: ecce hostes & tui & Principis nostri irruunt super nos, terram nostram crudeliter vastant, populantur agros, incendunt pagos, euertunt oppida, parentes, coniuges, liberosque nostros dulcissimos occidunt, vel in contumeliosam seruitutem abstrahunt; profanant & diripiunt templa, monasteriaque tua: ab ipsis aris & adytis sacras virgines ad incesta stupra abripiunt, & respersa sunt sanguine innocentium hominum & sacerdotum tuorum diuina Christi tui mysteria. Nec cupiditati & crudelitati suæ modum ponent, priusquam nos sedibus nostris omnino propulerint, aut sanguinem nostrum pror-

sus ex-



sus exorbuerint, nomenque nostrum deleuerint.

Non illi à nobis, sed nos ab illis primum lacesiti, atque ad bellum sumus prouocati. Et nunc Domine armis accincti, & ad iustissimum hoc bellum à famulo tuo, Principe nostro euocati, en adsumus. Tu scis Domine, quòd nec amore prædæ, nec dominandi cupiditate, nec propriam iniuriam vindicandi libidine, nec denique alia re quapiam iniusta prouocatus in hanc militiam veni: sed ab ordinaria potestate mea vocatus, vt pro lege, pro rege, pro aris, & pro focis dimicem, violatores mandatorum tuorum, perturbatoresque nostræ Reipublic. in ordinem redigam, atque ad pacem & tranquillitatem adigam.

Respice igitur, ô fortitudo mea, de excelso sanctuario tuo, & qui olim pro Israëlitis, etiam tacentibus, contra AEgyptios pugnasti, adesto mihi famulo tuo, brachium meum corrobora; vt viriliter agam, & victoriam de hoste hoc immanissimo referam. Confundatur ille, & non confundar ego: cadat ille, & non cadam ego, à subitanea & improuisa morte me defende: conserua me in die belli, ne quando præualeat inimicus meus aduersus me. Centuriorem ad te venientem non repulisti, fidem eius laudasti, militiam vt deferret non imperasti; & me precantem

te exaudi Domine, dignum me fac vocatione mea, ne gladio iustitiæ abutar, & potestas à te ordinata ad defensionem bonorum, & vindictam malorum, per me malè audiat, & blasphemetur. Neminem concutiam, nemini calumniam faciam: prædas & spolia ab innocentibus non auferam; nullius, qui in partem belli non venit, aut propter quem arma hæc sumpta non sunt, ager à me demetatur, vinea destruat, pecus abigatur: sed stipendio meo, mihi publice decreto, contentus sim, & ducibus meis in omnibus, quæ contra præceptum tuum non sunt, obtemperem, & morem geram.

Indue me præter externam hanc panopliam etiam lorica iustitiæ: da scutum fidei in dextera mea: accinge me gladio spiritus, & galeam salutis imponi capiti meo, vt possim resistere inuisibilibus hostibus meis in die malo, & in omnibus perfectus stare. Prudenter agam in omnibus vijs meis, & tu mecum esto. Cum pugnandum est, infere pectori meo fortitudinem, aufer timorem, adauge vires, vt sim vir fortis, & prælier bella Domini. Extra pugnam tempera ardorem animi mei, ne sanguinem innoxium profundam. Conserua me ab omni raptu, incestu, aut illicito violentoque concubitu. Viduas aut orphanos non opprimam, pauperibus iniuriam non inferam, ne quan-

do vociferentur ad te, & furor tuus accendatur in me. Sed & hoc supplex oro, o mansuetissime Domine, aufer à me omnem iurandi, peterandi & blasphemandi te consuetudinem: sanguis tuus, vulnera tua, nomen & Sacramenta tua apud me summa in veneratione sint: vt mundo corde, labijs circumcisis, & manibus ab omni iniustitia & innocenti sanguine liberis, sic in vocatione mea ambulem, vt post hanc militarem vitam, ad illam tandem triumphalem perueniam, Amen.

*Oratio Famuli.*

**B**ENIGNISSIME Domine Saluator Iesu Christe, qui formam serui accepisti, cum filius Dei & Dominus esses vniuersorum, vt per obedientiam nostrorum omnium, sine personarum acceptione, salutem operareris in terra, ita vt neque apud te sit distinctio inter omnes tibi famulantes, siue liberi sint, siue serui: Obtestor, vt cum ad seruiendum alijs vocaueris, largiaris mihi cor humile & obsequens, quò de manu tuæ prouidentia hanc conditionem accipiam, facile illis, quibus seruiendum mihi est, me submittam, meque, vt alijs seruiendo tibi non displiceam, in omnibus comparem: Nunquam contra te aut Superiores meos murmurem; aut conditioni aliorum meliori inuideam: In omnibus quæ

Petrus  
Michae-  
lis in Ser-  
tis suis.



Coloss. 3.

obedientiæ, quam tibi debeo, non obstant, morem geram in omni timore & simplicitate cordis, non ad oculum seruando, vt hominibus placeam, sed ex toto corde meo, idque propter mandatum tuum, quo obstrictus tibi teneor.

bidem.

Da ergo, vt diligenter, fideliter, intelligenterque Superioribus meis seruicus, illorum iram declinem, atque nulum in sancto tuo obsequio detrimentum capiam: tum eam, quam mihi per passionem & mortem tuam comparasti libertatem spiritualem, contra seruitutem Peccati, Dæmonis, Mortis, & Inferni, sedulò conseruem; vt tandem aliquando ad cælestem hæreditatem mihi in cælis promissam perueniam, Amen.

*Oratio Ægroti.*

Collector.

**B**enedictus sis DEVS Pater Domini mei, quòd me (qui ob fiduciam, quam in sanitate mea habebam, ad omne malum præceps ruebam, haud aliter, quam si vires meæ in eodem semper vigore permanissent, nec vllis morbis debilitari potuissent) nunc tam paternè visitas, per corporalem hanc ægritudinem me meæ admonens mortalitatis, & ad pœnitentiam reuocans. Fateor Domine, perire potuisssem: imò perijssem, nisi per morbum hunc oculos meos aperuisses, meque præsentis periculi admonuisses.

Cur igitur impatiens ero, licet dolores magni sint, & caro infirma releuari cupiat; cum certò sciam, hanc virgam mihi esse perquam necessariam, quæ etsi ego iustissimus essem omnium mortaliū, nunquam tamen mihi esse potest inutilis? Concede mihi Domine fortitudinem & patientiam, ne magnitudine dolorum victus, vnquam aliter credam aut sentiam. Si ægritudo hæc non sit ad mortem, fer mihi opem super lecto doloris mei, vniuersum stratum infirmitatis meæ verte mihi in lætitiā, & pro bona voluntate tua fac mecum vt membris meis sanitas restituatur, vt commodius tibi seruiam, & secundum vocationem meam sine querela viuam, ita tamen, ne in posterum mea fretus incolumitate & robore liberius te iterum offendam. Nihilominus ô cælestis Pater, tua voluntas in me fiat: tu enim solus nosti, quid mihi expediat: tantum da gratiam, vt tuæ me voluntati totum submittam.

Quòd si autem animulam hanc ex huius corpusculi domicilio, adeoque ex hoc seculo demigrare placeat, ô cælestis Pater, nolo esse obstreperus. Cur enim in profundo procellosi huius maris, in mille naufragij periculis constitutus, metuum prosperum ventum, qui me in optatissimum portum potest adducere, vbi nullus dolor est amplius? Saltem, ô Pater, opus manuum tuarum

ne despicias: sed animam meam aduersus omnes tentationes tua gratia corrobora, contraque omnes assultus Satanae cinge me scuto tuae misericordiae, quae olim Martyres tuos aduersus horrendos cruciatus & mortes crudelissimas inuictos reddidisti.

Nihil habeo meritorum aut bonorum operum, quod allegem apud te: malorum heu nimis multum video; sed per tuam iustitiam confido me in numero iustorum censendum, quia vnigeniti tui filij morte me redemisti, & sanguine illius lauisti.

Propter peccata quidem mea inducias & prorogationem peterem, si forte posthac (vt spero) meliorem vitam ducerem: sed quis huius rei me certum & securum faciet, cum infirmitas & vanitas mea tam magna sit, nisi tu Deus adiuues me? Sine tuo auxilio nec viuere possum, nec mori. Quicquid igitur de me statuas, ne me ope saltem tua destituas, oro Domine DEVS veritatis, qui viuus & regnas cum Filio & Spiritu sancto, vnus DEVS in omni aeternitate, Amen.

*Oratio Merituri.*

**D**EVUS meus, Deus meus, misericordia mea, refugium meum desidero te, & ad te confugio, ad te venire festine, ne despicias me in tremendo discrimine positum. Adesto mihi propitius

in his

gust.  
ibro  
Vifi-  
infr-  
rum.



in his magnis meis necessitatibus. Non possum me redimere meis operationibus, sed tu redime me, & miserere mei.

Diffido de meis meritis, sed confido de tuis miserationibus, & plus confido de tuis miserationibus, quam diffido de malis meis actibus. Tu es spes mea, Deus meus, tibi soli peccaui, mea culpa. Qui fui tibi tam charus ad redimendum, non sum vilis ad perdendum; & nunc ad te venio, qui nulli dees, cupio dissolui, & tecum esse. In manus tuas commendo spiritum meum, Domine; Respice in me Deus veritatis, & præsta mihi Deus meus, vt in pace dormiam & requiescam. Qui in Trinitate perfecta viuis & regnas Deus, per omnia secula seculorum, Amen.

CAPVT XVII.  
ORATIONES ET INTERCESSIONES PRO  
Defunctis.

ADMONITIO.



*Rauē & laboriosum est differri spem, & quod valde cupias, non assequi. Proinde Christianorum animis eorum, qui cum fide obdormierunt, adhuc in Purgatorio detentis asperissimum est, spem suam prolatari, & arceri*

Ex Luca  
uico  
ue.

ab eo

*ab eo bono, quod ipsi supra quàm credi possit desiderant. Ideoque cupiunt & implorant opem omnium, quotquot possunt. Adiuvemus itaque nos eos, quando alia re nequimus, certè votis, faustis ominationibus, & pijs orationibus nostris.*

ORATIONES ALIQVOT  
generales pro omnibus  
defunctis.

## I.

**M**emento, Domine DEVS noster, spirituum & vniuersæ carnis Orthodoxorum, & rectè de fide sentientium, ab Abel iusto, vsque in hodiernum diem: fac eos requiescere in regione viventium, in regno tuo, & delitijs Paradisi, in sinu Abrahamæ, Isaac & Iacob sanctorum patrum nostrorum, vnde exultat dolor, tristitia, & gemitus, vbi præsidet lumen vultus tui, & perpetuò refulget, per benignitatem vnigeniti filij tui, cum quo benedictus es cum sancto, bono, & viuificatore Spiritu tuo, nunc & semper, Amen.

## II.

**M**emento Domine Patrum, fratrumque nostrorum, qui obierunt in vera fide; Presbyterorum, Diaconorum, Hypodiaconorum, Lectorum, Cœnobarum, in cœlibatu perpetuò viventium; laicorum, & omnium qui decesserunt de hoc ærumnoso mundo, recrea

eos in tabernaculo tuo omnis decoris pleno. Traice eos trans mansiones cruciatu horrendas, atque in tabernaculis luculentissimis ipsos colloca. Erue eos ex tenebris & caligine, atque ex tribulatione, doloreque eripe: appareatque ipsis vultus tuus pacificus, neque intres cum ipsis in iudicium, aut acrem questionem habeas de acta vita: sed siue verbo, siue opere peccauerunt, utpote homines carne induti, remitte, & abole errores eorum. Quia benignus & summè misericors es, tibi que congruit laus, & honor, & potestas: simulque vnigenito filio tuo, & sanctissimo tuo Spiritui bono adorando, vitam largienti, ac tibi in substantia æquali, nunc, & semper, & in secula seculorum, Amen.

### III. *Alia.*

**M**emento, Domine, dormientium Ex Mi  
Principum, Pontificum, Regum, Aethi  
Patriarcharum, Archiepiscoporum, Episcoporum, Sacerdotum, Diaconorum, pum.  
& Ministrorum tuorum, & omnium  
in recta fide quiescentium. Miserere animarum seruorum & ancillarum tuarum, qui manducauerunt carnem tuam, & biberunt sanguinem tuum: colloca animas eorum in sinu Abrahæ, Isaac & Iacob.

Et si enim animæ quorundam illorum in tenebris sedeant, & in loco tormentorum: incredibili tamen tui flammis.

grant



grant desiderio, & multis suspirijs tuam gratiam præstolantur. Memento quam abundè filius tuus IESVS Christus pro illis satisfecit. noli, Domine, noli amplius vllum exposcere debitum, vbi tam copiosa reperitur satisfactio. An paternum illud pectus tuum adhuc de inobedientia, luxuria, gula, superbia, ira, & similibus poterit cum illis exposulare, vbi frater noster Christus, vnigenitus tuus tantam obedientiam, castitatem, abstinenciam, humilitatem, charitatem, & similia exhibuit: non pro semetipso, sed pro nobis, & pro ijs, qui adhuc in pœnis Purgatorii detinentur? qui etsi dum vincerent ingrati fuerint, per eum tamen omnia à te expectant?

Libera eos Domine, quorum nunc ora clausa sunt, & qui te tam auidè laudare & glorificare desiderarent; nec diutius in perditione maneat, quos filius tuus triginta tribus annis in deserto huius mundi, tantis tormentis & cruciatibus quæsiuit, & inuenit. Meretur, ô pie Pater, meretur optimus Pastor, vt ouibus suis bene sit propter illum, & vt perducas eò, vbi ille tecum viuit, & regnat Deus, in secula seculorum, Amen.

IIII. *Alia.*

ouic.  
es.

**A** Micissime ac benignissime Christe, qui ades tibi fidentibus, & illos ab omni eximis periculo, cuius mi-

sera-

serationes & infinita bonitas vniuersa hominum scelera exuperat, quæ omnia, si quis in clementiam tuam conijciat, velut igne validissimo consumuntur. Animos fratrum nostrorum corpore solutos maculis deterge, quæ illis ex vitæ huius actionibus adhæserunt: Frigus eorum quod illos à te arcet, ac separat, sanctissimo charitatis tuæ igne dispelle: vre, atque incende illos flammis tuis, vt emundati ac perpurgati celerimè ad te reuolent, tecumque ad sempiternam beatitudinem vniantur, Amen.

*V. Alia.*

**O**Mnipotens sempiterne DEVS, Petrus Deus vitæ & mortis, Iudexque viuorum & mortuorum, qui pro tua bonitate & sapientia constituisti inter fideles tuos omnes communionem, non gratiæ à te duntaxat comparatæ, & vbertim communicatæ, verum etiam mutuatæ intercessionis, auxiliij & solatiij: Oro te per amarissimam passionem & mortem, descensionem quoque ad inferos, & resurrectionem à mortuis, vt nostras, qui adhuc vitam mortalem ducimus, preces & supplicationes apud thronum gratiæ tuæ admittere digneris, pro animabus parentum, consanguineorum, & amicorum nostrorum, atque omnium Christi fidelium tuorum, vt qui ex illis adhuc carcere Purga-

torij,

torij, & supplicij non sempiternis detinentur, consolationem & remissionem peccatorum à tua clementia consequantur, à grauissimis tormentis erepti, ad cælestis regni requiem & gaudium citius deducantur, Amen.

*Pro vno defuncto.*

« Belgi-  
o manu  
ripto.

**E**X mera fraterna, Christianaque charitate, ò æterne DEVS, commendando tibi animam N. quam tu ex hoc ærumnoso euocasti seculò: te suppliciter orans, vt eam non secus suscipias, quàm olim suscepisti animam mendici tui Lazari. Ne memineris, Domine, quòd dum viueret te offendit: nam præterquam quòd istius eum pœnituit, etiam in infinita misericordia tua semper sperauit, & in nunquam exhauriendo meritum Filij tui thesauro semper eius fiducia fuit collocata, qui sufficiens est non tantum pro huius miseri, sed pro totius mundi peccatis satisfacere.

Domine, opus manuum tuarum non sit in derisum, & in similitudinem improperij hostibus tuis, qui inuident ipsi gloriam, antequam crearetur à te illi præparatam; quàm vt consequeretur, & locum vnde maligni illi eiekti sunt possideret, toties eum à periculis & animæ & corporis liberaisti. Tu scis, Domine, quòd antiqui serpentes illi auctores & impulsores fuere, qui fragilem eius carnem peccare fecerunt: ne igitur,

tur,



tur, Domine, ab impostoribus illis hæreditas tua tibi subtrahatur, cum vno verbo destruere poteris, quod illi tanto tempore, & tam varijs consilijs construxerunt; & hanc animam tam puram, sanctam & nobilem vel vno momento efficere, vt digna sit vocari & esse hæreditas Altissimi.

Ostende illi, ô æterne DEVS, extremam pietatem tuam, intima tuæ misericordiæ viscera, pectusque paternum tuum, quod toties dum vixit in hoc seculo illi exhibuisti, in conferendis plurimis gratijs, quibus illam exornaueras. Non tam ingrata fuit, quin te omnis virtutis fontem & largitorem agnouerit: non tam cæca, quin à te petierit illuminari: non ita in peccatis sepulta, quin semper voluerit se emendare: non vsque cò potestati Dæmonis permissa, quin semper de paterna tua charitate spe plena expectauerit, fore, vt in extrema necessitate illi opitulareris, & in gratiam tuam reciperes.

Omnipotentissime DEVS, id omnino credimus, quòd nullo nomine aut gratiori tibi, aut iucundiori nobis te indigitare possumus, quàm si te misericordem Patrem appellemus: ostende igitur, ô misericordissime Pater, gratiam & misericordiam tuam, erga hunc puerum tuum, quem creasti, quem redemisti, quem tot seculis ante orbem conditum in corde tuo gestasti: qui ti-

bi tan-

bi tantæ curæ fuit, vt volens redimere, laueris eum in lauacro pretiosissimi filij tui sanguinis, eiusque carne & sanguine nutrueris: pro quo nihil facere intermiffisti aliud, quàm quod aut tibi impossibile erat, aut illi non necessarium. Quare, ô Domine, te iterum atque iterum obtestor & oro, tribue nobis, vt cùm & ego aliquando viam vniuersæ carnis ingressus fuero, hunc, pro quo deprecor, inueniam inter Sanctos tuos, vt vnanimiter te laudemus & glorificemus, quia tibi debetur laus & gloria in secula seculorum, Amen.

*(Pro recens defuncto, vel inter sepeliendum corpus dicenda.)*

elician?  
linguar  
in Ma  
uali Pa  
chori.

**A** Desto Domine supplicationibus nostris, & pias aures tuas ad preces nostras inclinare digneris, vt nos de throno Maiestatis tuæ clementer exaudias, & orationes famularûs nostri dignanter admittas. Te igitur inuocamus Domine sancte, Pater omnipotens æterne Deus, pro anima famuli tui, quam hodierna die de hac luce vocare dignatus es, vt iubeas, Domine, ei preparari Paradisi tui loca virentia, vt non eam exurat flamma ignis crudelis gehennæ. Quia propterea Dominus noster IESVS Christus filius tuus in ligno crucis sub Pontio Pilato, pati dignatus est, vt animas, quæ per Adæ transgressionem perierant, sua sancta resurrectione ab inferni

clau-

claustris liberaret. Confundantur gehennæ ianitores, & ministri nequitiae erubescant. Deducant eam Angelicæ potestates in sinus Patriarcharum Abraham, Isaac & Iacob patrum nostrorum. Consequatur à tua potentia paratam electis iucunditatem, & à dextris hæreditatem adepta lætetur: vt cum dies illa tremendæ agnitionis aduenerit, vnà cum Sanctis & Electis tuis, qui tibi placuerunt, in gloria Maiestatis tuæ resurgere mereatur ad indulgentiam, non ad poenam. Et animam illam quam fontis vnda perfudit, & chrisma salutis inunxit, non sinas Domine flammæ ardoribus cruciari, nec peccatorum vinculis alligari: sed liberam redde Paradiso tuo per indulgentiam pietatis tuæ: quia tuam clementiam dum in hoc seculo constitit non negauit. Per eundem Christum Dominum nostrum, Amen.

*Pro parentibus nostris defunctis.*

**D**EVS qui nos patrem & matrem honorare præcepisti, miserere clementer animabus patris ac matris meæ, eorumque peccata dimitte, meque eos in æternæ claritatis gaudijs fac videre. Per Dominum nostrum, &c.

*Pro ijs qui dum viuerent in nostra fuere congregatione vel fraternitate.*

**D**EVS veniæ largitor & humanæ salutis amator, quæsumus immen-

Eccles  
Roma  
na.

Ex Mi  
li Col  
fam niensi



sam clementiam tuam, vt nostræ congregationis fratres & sorores, qui ex hoc seculo transferunt; beata Maria semper Virgine cum om̃ibus Sanctis intercedente; ad perpetuæ beatitudinis consortium peruenire concedas. Per Christum Dominum nostrum, Amen.

*Pro animabus ijs quæ singulares non  
habent intercessores*

bidem.

**M**iserere misericors DEVS, animabus illis, quæ singulares non habent apud te intercessores, quibus nulla est consolatio in tormentis, neque spes ulla, nisi quodd factæ sunt ad imaginem & similitudinem tuam. Parce & defende plasma tuum nobile, gloriam nominis tui ne des alteri, opus manuum tuarum respice in eis, & libera eas ab omnibus intolerabilibus pœnis & cruciatibus, & perduc eas ad societatem ciuium superiorum. Per Dominum nostrum Iesum

Christum filium tuum, Qui tecum  
viuit & regnat Deus per omnia  
secula seculorum,

Amen.

. F I N I S .



SALMI POENI-  
TENTIALES,  
CVM LITANIA

ECCLESIAE,

PSALMVS 6.

**D**omine, ne in furore tuo arguas me: neque in ira tua corripas me. Miserere mei Domine, quoniam infirmus sum: sana me Domine, quoniam conturbata sunt ossa mea. Et anima mea turbata est valde: sed tu Domine usquequo? Conuertere Domine, & respice animam meam: saluum me fac propter misericordiam tuam. Quoniam non est in morte qui memor sit tui: in inferno autem quis confitebitur tibi? laboraui in gemitu meo, lauabo per singulas noctes lectum meum: lachrymis meis stratum meum rigabo. Turbatus est à furore oculus meus: inueteraui inter omnes inimicos meos. Discede à me omnes, qui operamini iniquitatem: quoniam exaudiuit Dominus vocem fletus mei. Exaudiuit Dominus deprecationem meam: Dominus orationem meam suscepit. Erubescant & conturbentur vehementer omnes inimici mei: conuertantur, & erubescant valde velociter.

Gloria Patri & Filio, &c.

## P S A L M V S 31.

**B**Eati quorum remissæ sunt iniquitates: & quorum tecta sunt peccata. Beatus vir cui non imputauit Dominus peccatum: nec est in spiritu eius dolus. Quoniam tacui, inueterauerunt ossa mea: dum clamarem tota die Quoniam die ac nocte grauata est super me manus tua: conuersus sum in ærumna mea, dum configitur spina. Delictum meum cognitum tibi feci: & iniustitiam meam non abscondi. Dixi, confitebor aduersum me iniustitiam meam Domino: & tu remisisti impietatem peccati mei. Pro hac orabit ad te omnis sanctus: in tempore opportuno. Veruntamen in diluuiis aquarum multarum: ad eum non approximabunt. Tu es refugium meum à tribulatione, quæ circumdedit me: exultatio mea, erue me à circumdantibus me. Intellectum tibi dabo, & instruam te in uia hac qua gradieris: firmabo super te oculos meos. Nolite fieri sicut equus & mulus: quibus non est intellectus. In chamo & freno maxillas eorum constringe: qui non approximant ad te. Multa flagella peccatoris: sperantem autem in Domino misericordia circumdabit. Latamini in Domino & exultate iusti: & gloriamini omnes recti corde.

Gloria Patri & Filio, & Spiritui sancto  
Sicut erat in principio, &c.



## PSALMVS 37.

**D**omine, ne in furore tuo arguas me: neque in ira tua corripas me. Quoniam sagittæ tuæ infixæ sunt mihi: & confirmasti super me manum tuam. Non est sanitas in carne mea à faciæ iræ tuæ: non est pax ossibus meis à facie peccatorum meorum. Quoniam iniquitates meæ supergressæ sunt caput meum: & sicut onus graue grauatae sunt super me. Putruerunt & corruptæ sunt cicatrices meæ: à facie insipientiæ meæ. Miser factus sum, & curuatus sum vsque in finem: tota die contristatus ingrediebar. Quoniam lumbi mei impleti sunt illusionibus: & non est sanitas in carne mea. Afflictus sum & humiliatus sum nimis: rugiebam à gemitu cordis mei. Domine, ante te omne desiderium meum: & gemitus meus à te non est absconditus. Cor meum conturbatum est, dereliquit me virtus mea: & lumen oculorum meorum, & ipsum non est mecum. Amici mei & proximi mei: aduersum me appropinquauerunt & steterunt. Et qui iuxta me erant, de longè steterunt: & vim faciebant, qui quærebant animam meam. Et qui inquirebant mala mihi, locuti sunt vanitates: & dolos tota die meditabantur. Ego autem tanquam surdus non audiebam: & sicut mutus non

aperiens os suum. Et factus sum sicut homo non audiens: & non habens in ore suo redargutiones. Quoniam in te Domine speravi: tu exaudies me Domine Deus meus. Quia dixi, nequando supergaudeant mihi inimici mei: & dum commouentur pedes mei, super me magna locuti sunt. Quoniam ego in flagella paratus sum: & dolor meus in conspectu meo semper. Quoniam iniquitatem meam annuntiabo: & cogitabo pro peccato meo. Inimici autem mei viuunt, & confirmati sunt super me: & multiplicati sunt qui oderunt me iniquè. Qui retribuunt mala pro bonis, detrahebant mihi: quoniam sequebar bonitatem. Ne derelinquas me Domine Deus meus: ne discefferis à me. Intende in adiutorium meum: Domine Deus salutis meæ.

Gloria Patri & Filio, & Spiritui sancto,  
Sicut erat in principio, &c.

PSALMVS 50.

**M**iserere mei Deus: secundum magnam misericordiam tuam. Et secundum multitudinem miserationum tuarum dele iniquitatem meam. Amplius laua me ab iniquitate meâ: & à peccato meo munda me. Quoniam iniquitatem meam ego cognosco: & peccatum meum contra me est semper. Tibi soli peccaui, & malum coram te feci: vt iustificeris in sermonibus tuis, &

vincas cum iudicaris. Ecce enim in iniquitatibus conceptus sum: & in peccatis concepit me mater mea. Ecce enim veritatem dilexisti: incerta & occulta sapientiæ tuæ manifestasti mihi. Asperges me Domine hyssopo & mundabor: lauabis me, & super niuem dealbabor. Auditui meo dabis gaudium & lætitiā: & exultabunt ossa humiliata. Auerte faciem tuam à peccatis meis: & omnes iniquitates meas dele. Cor mundum crea in me Deus: & spiritum re-ctum innoua in visceribus meis. Ne proijcias me à facie tua: & spiritum sanctum tuum ne auferas à me. Redde mihi lætitiā salutaris tui: & spiritu principali confirma me. Docebo iniquos vias tuas: & impij ad te conuertentur. Libera me de sanguinibus Deus Deus salutis meæ: & exultabit lingua mea iustitiā tuam. Domine, labia mea aperies: & os meum annuntiabit laudem tuam. Quoniam si voluisses, sacrificium dedissem utique: holocaustis non delectaberis. Sacrificium Deo spiritus contribulatus: cor contritum & humiliatum Deus non despicies. Benignè fac Domine in bona voluntate tua Sion, ut ædificentur muri Hierusalem. Tunc acceptabis sacrificium iustitiæ, oblationes & holocausta: tunc imponent super altare tuum vitulos.

Gloria Patri & Filio, & Spiritui sancto,  
Sicut erat in principio, &c.



## PSALMVS 101.

**D**omine, exaudi orationem meam: & clamor meus ad te veniat. Non auertas faciem tuam a me: in quacunque die tribulor, inclina ad me aurem tuam. In quacunque die inuocauero te: velociter exaudi me. Quia defecerunt sicut fumus dies mei: & ossa mea sicut cremum aruerunt. Percussus sum vt fœnum, & aruit cor meum: quia oblitus sum comedere panem meum. A voce gemitus mei: adhæsit os meum carni meæ. Similis factus sum pelicano solitudinis: factus sum sicut nycticorax in domicilio. Vigilavi: & factus sum sicut passer solitarius in tecto. Tota die exprobrabant mihi inimici mei: & qui laudabant me, aduersum me iurabant. Quia cinerem tanquam panem manducabam: & potum meum cum fletu miscebam. A facie iræ indignationis tuæ: quia eleuans allifisti me. Dies mei sicut vmbra declinauerunt: & ego sicut fœnum arui. Tu autem Domine in æternum permanes: & memoriale tuum in generatione & generationem. Tu exurgens Domine misereberis Sion: quia tempus miserendi eius, quia venit tempus. Quoniam placuerunt seruis tuis lapides eius: & terræ eius miserebuntur. Et timebunt gentes nomen tuum Domine: & omnes

reges terræ gloriam tuam. Quia ædificauit Dominus Sion: & videbitur in gloria sua. Respexit in orationem humilium: & non spreuit preces eorum. Scribantur hæc in generatione altera: & populus qui creabitur laudabit Dominum. Quia prospexit de excelso sancto suo: Dominus de cælo in terram aspexit. Vt audiret gemitus compeditorum: vt solueret filios interemptorum. Vt annuntient in Sion nomen Domini: & laudem eius in Hierusalem. In conueniendo populos in vnum: & reges vt feruiant Domino. Respondit ei in via virtutis suæ: paucitatem dierum meorum nuntia mihi. Ne reuoces me in dimidio dierum meorum: in generatione & generationem anni tui. Initio tu Domine terram fundasti: & opera manuum tuarum sunt cæli. Ipsi peribunt, tu autem permanes: & omnes sicut vestimentum veterascent. Et sicut operatorum mutabis eos, & mutabuntur: tu autem idem ipse es, & anni tui non deficient. Filij seruorum tuorum habitabunt: & semen eorum in seculum dirigitur.

Gloria Patri & Filio, & Spiritui sancto,  
Sicut erat in principio, &c.

PSALMVS 129.

**D**E profundis clamaui ad te Domine: Domine exaudi vocem meam. Fiant aures tuæ intendentes: in vo-

cem deprecationis meæ. Si iniquitates obseruaueris Domine: Domine quis sustinebit? Quia apud te propitiatio est: & propter legem tuam sustinui te Domine. Sustinuit anima mea in verbo eius: sperauit anima mea in Domino. A custodia matutina usque ad noctem: speret Israel in Domino. Quia apud Dominum misericordia: & copiosa apud eum redemptio. Et ipse redimet Israel: ex omnibus iniquitatibus eius.

Gloria Patri & Filio, & Spiritui sancto,  
Sicut erat in principio, &c.

PSALMVS 142.

**D**omine exaudi orationem meam,  
auribus percipe obsecrationem  
meam, in veritate tua: exaudi me in  
tua iustitia. Et non intres in iudicium  
cum seruo tuo: quia non iustificabitur  
in conspectu tuo omnis viuens.  
Quia persecutus est inimicus animam  
meam: humiliavit in terra vitam  
meam. Collocauit me in obscuris sicut  
mortuos seculi: & anxius est super  
me spiritus meus, in me turbatum  
est cor meum. Memor fui dierum antiquorum,  
meditatus sum in omnibus  
operibus tuis: & in factis manuum tuarum  
meditabar. Expandi manus meas  
ad te: anima mea sicut terra sine aqua  
tibi. Velociter exaudi me Domine: defecit  
spiritus meus. Non auertas fac-

ciem



ciem tuam a me: & similis ero descendentibus in lacum. Auditam fac mihi manè misericordiam tuam: quia in te speraui. Notam fac mihi viam in qua ambulem: quia ad te leuaui animam meam. Eripe me de inimicis meis Domine, ad te confugi: doce me facere voluntatem tuam, quia Deus meus es tu. Spiritus tuus bonus deducet me in terram rectam: propter nomen tuum Domine viuificabis me in æquitate tua. Educes de tribulatione animam meam: & in misericordia tua disperdes omnes inimicos meos. Et perdes omnes qui tribulant animam meam: quoniam ego seruus tuus sum.

Gloria Patri & Filio, & Spiritui sancto,  
Sicut erat in principio, &c.

## LITANIA ECCLESIAE.

**K** yrie eleison. Christe eleison. Kyrie  
eleison.

Christe audi nos.

Saluator mundi, adiuua nos.

Pater de cælis, miserere nobis.

Fili redemptor mundi Deus, miserere  
nobis.

Spiritus sancte Deus, miserere nobis.

Sancta Trinitas vnus Deus, miserere  
nobis.

Sancta Maria, ora pro nobis.

Sancta Dei Genitrix, ora pro nobis.

Sancta Virgo Virginum, ora pro nobis.

Sancte Michael ora pro nobis

Sancte Gabriel ora pro nobis.

Sancte Raphael ora pro nobis.

Omnes sancti Angeli & Archangeli,  
orate pro nobis.

Sancte Ioannes Baptista ora pro nobis.

Omnes sancti Patriarchæ & Prophetæ,  
orate pro nobis.

**S**ancte Petre ora pro nobis.

Sancte Paule ora

Sancte Andrea ora.

Sancte Iacobe ora

Sancte Ioannes ora.

Sancte Thoma ora.

Sancte Iacobe ora.

Sancte Philippe ora.

Sancte Bartholomæe ora.

Sancte Matthæe ora.

Sancte Simon ora.

Sancte Thadæe ora.

Sancte Matthia ora.

Sancte Barnaba ora.

Sancte Luca ora

Sancte Marce ora.

Omnes sancti Apostoli & Euangelistæ,  
orate pro nobis.

Omnes sancti Discipuli Domini, orate  
pro nobis.

Omnes sancti Innocentes, orate pro  
nobis.

Sancte Stephane ora.

Sancte Line ora.

Sancte Clete ora.

Sancte Clemens ora.

Sancte

Sancte Sixte	ora.
Sancte Corneli	ora.
Sancte Cypriane	ora.
Sancte Laurenti	ora.
Sancte Vincenti	ora.
Sancte Hippolyte	ora.
Sancte Chrysogone	ora.
Sancti Ioannes & Paule, orate pro nobis.	
Sancti Cosma & Damiane, orate pro nobis	
Sancte Pantaleon	ora.
Sancte Fabiane	ora.
Sancte Sebastiane	ora.
Sancte Felix	ora.
Sancte Nabor	ora.
Sancte Mauriti cum socijs tuis, orate pro nobis.	
Sancte Gereon cum socijs tuis, orate pro nobis.	
Sancti Mauri	orate pro nobis.
Omnes sancti Martyres, orate pro nobis.	
Sancte Syluester	ora pro nobis.
Sancte Leo	ora.
Sancte Gregori	ora.
Sancte Ambrosi	ora.
Sancte Hieronymus	ora.
Sancte Augustine	ora.
Sancte Nicolae	ora.
Sancte Martine	ora.
Sancte Seuerine	ora.
Sancte Antoni	ora.
Omnes sancti Confessores, orate pro nobis.	
Sancta Felicitas	ora.



Sancta Perpetua	ora.
Sancta Agatha	ora.
Sancta Lucia	ora.
Sancta Agnes	ora.
Sancta Cæcilia	ora.
Sancta Anastasia	ora.
Sancta Catharina	ora.
Sancta Vrsula cum sodalibus tuis,	ora
pro nobis	
Omnes sanctæ virgines & viduæ,	orate
pro nobis	
Omnes sancti	orate pro nobis.
Propitius esto	parce nobis Domine.
Propitius esto	libera nos Domine.
Ab ira tua	libera nos Domine.
A peccatis nostris	libera nos Domine.
Ab insidijs diaboli	libera nos Domine.
A subitanea & improuisa mala morte	libera nos Domine.
A morte perpetua	libera nos Domine.
A peste & clade	libera nos Domine.
Ab omni malo	libera nos Domine.
Per incarnationem & natiuitatem tuam	libera nos Domine.
Per crucem & passionem tuam	libera nos Domine.
Per mortem & sepulturam tuam	libera nos Domine.
Per sanctam resurrectionem & admirabilem ascensionem tuam	libera nos Domine.
Per aduentum Spiritus sancti paracleti	libera nos Domine.
In die Iudicij	libera nos Domine.

- Peccatores Te rogamus audi nos.  
Vt pacem nobis dones Te rogamus  
audi nos.  
Vt sanitatem nobis dones Te roga-  
mus audi nos.  
Vt dextera tua sancta nos semper custo-  
diat Te rogamus audi nos.  
Vt Dominum Apostolicum, & cunctum  
Ecclesiasticum ordinem, in sancta re-  
ligione conseruare digneris Te ro-  
gamus audi nos.  
Vt Antistitem nostrum in sancta reli-  
gione conseruare digneris Te ro-  
gamus audi nos.  
Vt Regem nostrum & exercitum Chri-  
stianum in perpetua pace & prosperi-  
tate conseruare digneris Te roga-  
mus audi nos  
Vt cunctum populum Christianum, pre-  
tioso sanguine tuo redemptum, con-  
seruare digneris Te rogamus.  
Vt hæreses & schismata extirpare digne-  
ris Te rogamus audi nos.  
Vt nos in tuo sancto seruitio conseruare  
& confortare digneris Te rogamus  
audi nos.  
Vt seruitus nostra tibi complaceat Te  
rogamus audi nos.  
Vt nos exaudire digneris Te rogamus  
audi nos.  
Fili Dei Te rogamus audi nos.  
Agnus Dei qui tollis peccata mundi,  
Miserere nobis.  
Agnus Dei qui tollis peccata mundi,

parce nobis Domine.

Agnus Dei qui tollis peccata mundi, dona nobis pacem.

Christe audi nos. Christe exaudi nos.

Kyrie eleison Christe eleison. Kyrie eleison. Pater noster, &c. *Ps.* Et ne nos inducas in tentationem. *R.* Sed libera nos à malo.

l. 105. Domine, peccauimus cum patribus nostris: iniuste egimus, iniquitatem fecimus.

Domine, non secundum peccata nostra facias nobis: Neque secundum iniquitates nostras retribuas nobis.

l. 78. Domine, ne memineris iniquitatum nostrarum antiquarum: Cito anticipent nos misericordiae tuae, quia pauperes facti sumus nimis.

em. Adiuua nos Deus salutaris noster. Et propter gloriam nominis tui, libera nos: & propitius esto peccatis nostris propter nomen tuum.

Domine, ne simul tradas nos cum peccatoribus: Et cum operantibus iniquitatem ne perdas nos.

Ne tradas Domine bestiis animas confitentium tibi: Et animas pauperum ne obliuiscaris in finem.

38. Fiat misericordia tua Domine super nos: Quemadmodum sperauimus in te.

Pro delibus defunctis

Requiem aeternam dona eis Domine:

Et lux perpetua luceat eis.

Requiescant in pace Amen.



Esto nobis Domine turris fortitudinis,  
à facie inimici.

Domine exaudi orationem meam. Et  
clamor meus ad te veniat.

## O R A T I O.

**I**neffabilem misericordiam tuam no-  
bis, Domine, clementer ostende, vt  
simul nos & à peccatis exuas, & à pœ-  
nis quas pro his meremur, eripias. Per  
Christum &c.

**E**cclesiæ tuæ, quæsumus Domine,  
preces placatus admitte, vt destru-  
ctis aduersitatibus & erroribus vniuersis,  
secura tibi seruiat libertate. Per Domi-  
num &c.

**T**vere Domine populum tuum, &  
ab omnibus peccatis clementer e-  
munda, quia nulla ei nocebit aduersi-  
tas, si nulla dominetur iniquitas:

Per Dominum,

&c.



## INDEX TOTIVS LIBELLI.

- Præfatio in Orationem Dominicam. pag. 1.  
Expositio Orationis Dominicæ in septem Meditationibus distributa. pag. 3.  
Meditatio prima ibidem.  
Meditatio secunda. 18.  
Meditatio tertia. 22.  
Meditatio quarta. 26.  
Meditatio quinta. 30.  
Meditatio sexta. 35.  
Meditatio septima. 39.  
**LIBRVS I. Continens Orationes quotidianas certis horis diei & noctis ferè adaptatas. 47.**  
Admonitio matutina. ibidem.  
Cum expurgiscimur. 49.  
In surgimus & induimur. 50.  
Gratiarum actio pro custodia præcedentis noctis, vnde in oratione, qua petimus vt nos Deus simili curæ eo die tueatur. 51.  
Precitium matutinū in quatuor partes diuisum. Quam Prima est beneficiorum Dei cōmemoratio Secunda gratiarū actio Tertia sui ipsius oblatio, Quar-  
nouorum beneficiorum petitio. 58.  
Angelum custodem. 61.  
Commendatio matutina, qua nos omnes Christi fideles Deo commendamus. 62.  
Omnes Sanctos. 63.  
Quam domo egrediaris admonitio. 64.  
Ex domo exeuntis. 64.  
Egredientis aliquod iter. 66.  
Oratio ante concionem. 67.  
Oratio post concionem. 68.  
Aliquod opus aggredimur. 69.  
Quædam prudentiæ in rerum agendarum meditationibus obseruandæ. 70.

- Gratiarum actio opere iam perfecto. 72.  
 Cum nos ad studium paramus. 74.  
 Cum horæ signum auditur. 75.  
 Oratio antequam cibum sumamus. 76.  
 Præcepta inter edendum seruanda. 77.  
 Oratio post sumptum cibum. 79.  
 Eleuatio mentis post Solis occasum. 80.  
 Ad preces vespertinas admonitio. 81.  
 Confessio vespertina. 84.  
 Admonitio vespertina. 85.  
 Gratiarum actio vespertina. 86.  
 Oratio nocturna, qua Deo nos commendamus. 88.  
 Alia oratio antesomnum. 90.  
 Admonitio nocturna. 91.  
 Orationes iaculatoriæ semper in promptu habendæ. 92.  
**CAPVT II. Continens orationes Liturgicas, quæ  
 sub sacrificio Missæ legendæ sunt.** 98

**Q**uanta cum reuerentia in templo versari debemus. 98.

- Meditatio qua mentem ad deuotionem & reuerentiam erga tremendum Missæ sacrificium præparamus. 100.  
 Generalis ante Missam confessio. 104.  
 Ad Introitum 105. Ad Kyrie eleison, & Hymnum Angelicum 106. Et sic deinceps ad singulas Missæ partes, vsque ad folium 136.

**CAPVT III. Continens orationes pœnitentiæ, pro impetranda remissione peccatorum.** 136.

**P**ræfatio ibidem.

- Pro Contritione Orationes tres ad excitandam animam contritionem, & dolorem peccatorum. ratio I. 139. Oratio II. 142. Oratio III. 145.  
 Pro Confessione. Oratio ad Iesum ante Confessionem sacramentalem. 157.  
 Consilium tempore Confessionis. 160.  
 Gratiarum actio post Confessionem. 161.



# I N D E X.

rationes satisfactoriæ, quibus remissionē peccatorum à Deo petimus. 163.

oblatio omnium laborum atque poenarum Christi pro peccatis nostris. 163.

ratio qua petitur remissio peccatorum. 167.

ratio deuotissima pro peccatorum remissione. 172.

*APVT IIII. Continens orationes resipiscen-  
tium, quibus Deo pro nouitate vite sup-  
plicamus. 175.*

Ratio, ibidem.

Oratio, seu oblatio pia, qua se homo offert Deo, petens, vt expulsi vitiorum tyrannis, Deus posthac in anima sua regnet, ibique agat, quæ ad nouitatem vite pertinent. 176.

Secunda resipiscantis oratio. 180.

Tertia oratio resipiscantis, ex Psalmis cõpilata. 187.

*APVT V. Continens orationes ante & post  
Communionem usurpandas. 189.*

Ratio, docens quomodo quis dignè communi-  
cabit. 189.

Oratio deuotissima, & ante Communionem vti-  
lissima, qua anima ad timorem & amorem excita-  
tur. 194.

Oratio ante Communionem. 206.

Oratio ante Communionem. 211.

Oratio ante Communionem tertia. 212. quarta. 214.

Oratio sub Communionem. 216.

Oratio mentis ad deuotionem tempore Commu-  
nionis. 217.

Oratio sub ipsam Communionem. 218.

In salutarem hostiã vides in manu Sacerdotis. 219.

Carissimam ore excipientis oratio. 220.

Oratio post Communionem. 221.

Oratio insignis post Communionem. 222.

Oratio meditatio. 227.

# I N D E X.

**T**ertia meditatio post Communionem. 236.  
 Orationes post Communionem quatuor. Prima. 243.  
 Secundā. 244. Tertia. 245. Quarta. 246.

*CAPVT VI. Quo continentur orationes pro  
 impetrando amore Dei. 249.*

**P**rologus. ibidem.  
 Oratio pro amore Dei impetrando Prima. 251. Se-  
 cunda. 253. Tertia. 257. Quarta. 262. Quinta. 267.  
 Sexta. 272. Septima. 277.

*CAPVT VII. Varias ad sanctissimam Tri-  
 nitatem orationes conti-  
 nens. 284.*

**D**E S. Triade fidei confessio. 285.  
 Prima oratio ad sanctiss. Trinitatem, de magni-  
 tudine maiestatis eius. 284.

Secunda oratio ad S. Trinitatem, de eadem magnitu-  
 dine diuinæ Maiestatis. 290.

Oratio ad sanctissimam Trinitatem tertia. 295.

Oratio ad Patrem, qua iustificationem petimus. 29

Oratio ad Filium. 300.

Oratio ad Spiritum sanctum. 303.

*CAPVT VIII. Continens septem orationes,  
 quibus vniuersa vita, mors & resurrectio  
 Saluatoris comprehendi-  
 tur. 305.*

**P**rologus. ibidem.

Oratio de vita Iesu Prima. 307. Secunda. 312. T-  
 tia. 316. Quarta. 319. Quinta. 324. Sexta. 328.  
 ptima. 332.

Oratio de nomine Iesu. 334.

*CAPVT IX. Diuersas continens gratiarum  
 actiones. 337.*

**P**rologus. 337.

# I N D E X.

Gratiarum actio pro beneficio	{	Creationis. 338.
		Conseruationis corporalis. 343.
		Redemptionis. 348.
		Vocationis & Iustificationis 357.
		Sacramentorum 363.
		Conseruationis spiritualis in gra- tia 367.

Generalis gratiarū actio, ad Iesum Filium Mariæ. 372.

*CAPVT X. Continens preces Catholicas  
& Christianas, ad sanctissimam Deiparam  
& Virginem Mariam, aliosque ca-  
lestis patriæ ciues. 377.*

Oratorium B. Mariæ Virginis. 377.

Oratio ad Deiparam Virginem. 401.

Oratio ad quemuis Apostolum. 406.

Oratio ad quemuis Martyrem. 407.

Oratio ad quemuis Confessorem. 410.

Oratio ad quamuis Virginem Martyrem 413.

Oratio ad quamuis Virginem non Martyrem. 415.

Oratio ad quamuis S. Viduam aut Coniugatam. 418.

*CAPVT XI. Preces deprecatoriæ, quibus  
pro euitandis malis spiritualibus & internis  
diuinam opem imploramus. 420.*

Vot tērationibus exposita sit vita nostra, & quàm  
necessarium nobis sit diuinum auxilium. 420.

Intra quamlibet tentationem. 423.

Intra tentationes diaboli 425.

Intra tentationes mundi. 426.

Intra tentationes carnis. 427.

Intra tentatione. 429.

Intra confictum Vitiorum 430.

Intra malas cogitationes. 431.

Intra varia peccatorum genera. 433.

Con.



# I N D E X.

Contra auaritiam. 433.

Contra superbiam. 433.

Contra ebrietatem. 434.

Contra iniuriarum recordationem. 434.

Contra iram. 435.

Contra inuidiam. 435.

Contra mentis euagationem in precibus & deuotione 436.

Contra sectas & schismata religionis. 438.

*CAPVT XII. Precationes, quibus Domino supplicamus, ut nos à diuersis malis corporalibus & externis liberet. 439.*

**I**N quacunque tribulatione. ibid.

In angustijs & extremis periculis 441.

Tempore belli inter Christianos. 442.

Tempore belli Turcici. 443.

Tempore pestis. 446.

Tempore famis & annonæ caritatis. 447.

Contra tempestates aëris & tonitrua. 448.

Tempore nimix pluiæ. 450.

*CAPVT XIII. Precationes petitoria, quibus pro expetendis bonis spiritualibus Deum obsecramus. 452.*

**P**RO diuina gratia impetranda. 452.

Oratio pia qua à Deo iustificationē expetimus. 453.

Pro fide firma & sincera. 457.

Pro solida spe & fiducia. 459.

Pro charitate erga Deum. 460.

Pro charitate erga proximum. 461.

Pro corde recto & pura intentione. 462.

Pro bono proposito. 464.

Pro humilitate & suæ vilitatis cognitione 466.

Pro timore Dei. 469.

Pro vera obedientia. 473.

Pro mentis & corporis castitate. 475.

# I N D E X.

Pro salutari morte. 476.

CAPVT XIII. *Continens orationes, quibus  
bona temporalia à Deo expetimus.*

**P**ro pace impetranda. ibidem.

**P**ro vita nobis det Deus necess. 480.

Pro sanitate corporis 482. Pro bona fama. 483.

In sumptione antidoti. 484.

**P**ro diminutione sanguinis. 485.

Tempore diuturna siccitatis. ibidem.

Pro frugibus terræ. 487.

CAPVT XV. *Precationes pia, quibus fratribus  
nostris & proximis fausta omnia, feliciaque  
preceamur.* 488.

**P**ro Ecclesia Catholica ibidem.

**P**ro Alia pro Ecclesia breuior. 491.

**P**ro Ecclesia, cum ab Hæreticis bello & falsis doctri-  
nis exagitur 492.

**P**ro omni Ecclesiæ statu. 497.

**P**ro summo Pontifice Romano. 499.

**P**ro Episcopo & Pastore. 500.

**P**ro Cæsare Romano. 501.

**P**ro Rege Catholico. 502.

**P**ro omni Magistratu tam Ecclesiastico quàm civili. 503.

**P**ro subditis omnibus Christianis. 504.

**P**ro parentibus & consanguineis. 505.

**P**ro fidelibus coniugibus. 506.

**P**ro muliere prægnante. ibidem.

**P**ro Christiana iuuentute, vt rectè instituatur. 507.

**P**ro amico. 508. Pro benefactoribus. 510.

**P**ro fratribus in calamitate positis. 511.

**P**ro Captiuis. ibidem. Pro Viduis & Orphanis. 512.

**P**ro inimicis, & ijs qui nobis bona volunt. 513.

**P**ro iter agentibus. 514.

**P**ro peccatoribus. ibidem.

**P**ro Infidelibus, Schismaticis, & Hæreticis. 515.

# I N D E X.

Pro Ethnico ad fidē veniente, vel Hæretico ad Ecclesiam reuerrente. 517.

Pro vno & pluribus infirmis. 518.

## CAPVT XVI. *Continens orationes particularium Personarum.* 517.

**O**ratio Pastoris. 517.

Oratio Confessarij. 522.

Oratio in Magistratu constituti & Iudicis. 528.

Oratio cuiuscunque subditi. 525.

Oratio Consiliarij vel Senatoris. 526.

Oratio Coniugis. 526.

Oratio Patrisfamilias. 529.

Oratio Pueri seu Filij. 530.

Oratio Præceptoris. 531.

Oratio Professoris alicuius Facultatis. 532.

Oratio litteris operam dantis. 533.

Oratio Adolescentis seu Iuuenis. 534.

Oratio Militis in bello iusto. 536.

Oratio Famuli. 539.

Oratio Ægroti. 540. Oratio Morituri. 542.

## CAPVT XVII. *Orationes & Intercessionis pro Defunctis.* 543.

**A**dmonitio. 543.

Orationes aliquot generales pro omnibus defunctis. 544.

Pro vno defuncto. 543.

Pro recens defuncto, vel inter sepeliendum eodum dicenda. 550.

Pro parentibus defunctis. 551.


Pro ijs, qui dum viuerent in nostra fuere congregatione vel fraternitate. 551.

Pro animabus ijs, quæ singulares non habent intercessores. 552.

# F I N I S.







Biblioteka  
Ojców Kamedulów  
w Bieniszewie



Biblioteka Jagiellońska



stdr0004220



